

শেষনাগ

শক্তিপদ রাজগুরু

প্রভা প্রকাশনী

পরিবেশক : প্রোগ্রেসিভ বুক কোরান
৩৩, বঙ্গবাজার রোড, কলিকাতা-১

প্রকাশক :

শ্রীঅসীমকুমার মণ্ডল

প্রভা প্রকাশনী

মাঠপাড়া, নোনাচন্দনপুকুর

বারাকপুর, উঃ ২৪ পরগণা

দ্বিতীয় সংস্করণ : আষাঢ়, ১৩৭০

প্রচ্ছদ : স্ববল সরকার

মুদ্রণ :

অজিত দাস-ঘোষ

বাসন্তী প্রেস

৩৭, বিজ্ঞান স্ট্রীট,

কলিকাতা-৭০০ ০০৬

উৎসৰ্গ

সুসাহিত্যিক

শ্ৰীগজেন্দ্ৰকুমাৰ মিত্ৰ

শ্ৰদ্ধাল্পদেষু

এই লেখকের :

ভূষণ

অপ্সরায়ী

মায়ী দিগন্ত

গলাহুদি

মেঘে ঢাকা তারা

কুমারী মন

মনিবেগম

শালপিয়ালের বন

অগ্নিস্বাক্ষর

অবাক পৃথিবী

পথ বয়ে যায়

কালজ গাঁয়ের কাহিনী

মনের মাহুত

বনমাধবী

আপন ঘরে

মা

কিছু জানা কিছু অজানা

সাজানো বাগান

মধুমালা

কিমিয়ে পড়া স্টেশন জেগে উঠছে ঘুমের জড়তা কাটিয়ে ; নিস্তক প্রান্তরে
—শালবনসীমায় খাড়া পাহাড়ের বৃক শব্দটা ধ্বনি-প্রতিধ্বনি তোলে—
টং টং টং, টন্ ন্ ন...

জনহীন লালডাকার শেষে বিস্তৃত দিগন্তজোড়া সাদা আঁচল পেতে রেখেছে
দামোদর। স্টেশন পার হয়েই লালডাকার পাশে একফালি সবুজের ছোয়া
মাখানো মাঠ—ছ'চারটে আমগাছের প্রহরার পরই ধু ধু নদীর সীমানা। শেষ
দেখা যায় না,—লি লি করছে বালি। বর্ষাকালে জল আর জল, ওপারের আবছা
সবুজ সীমানা কালো বৃষ্টিধারায় ঢেকে যায়।

ছ'চারজন প্যাসেঞ্জার আলপথে ছুটতে ছুটতে আসছে ট্রেনের ঘন্টা গুনে।
স্টেশনে কয়েকজন যাত্রী আসা-যাওয়া করে এই সময়েই, মাহুবেব কথাবার্তাও
শোনা যায়। তারপরই আবার সেই অন্তহীন স্তব্ধতার রাজত্ব নামে এখানে ;
রোদের তাপে প্রকম্প লাল কাঁকুরে উদ্ভবী রঙের আঁকার সীমানাশেষেই মামড়ার
শালবনের শুরু। গভীর গহীন সাক্ষীন বন। শাহীসডক চলে গেছে এর বৃক
চিরে। বহু অঞ্চল আছে যেখানের অরণ্য আজও 'কুমারী' রয়ে গেছে, মাহুবেব
স্পর্শ লাগেনি।

কালীপুর স্টেশন ছ'খানা আপ আর ছ'খানা ডাউন গাড়ীর প্যাসেঞ্জার
নিরে দিন কাটায়। বাকী এক্সপ্রেস মেল ট্রেনগুলো এর বৃক কাঁপিয়ে ছুটে
যায়। পরিত্যক্তের মত পথের ধারে পড়ে থাকে কালীপুর স্টেশন টুকু ওদের
গতিবেগে ছিটকে ওঠা লাল ধুলোর মধ্যে। কালীপুর ওদের কাছে নেহাৎ
ফালতু।

—আই রামভজু।

প্যাসেঞ্জার-পোর্টার-কাম-বেয়ারা রামভজু বিশাল ভূঁড়ির উপর নীল
কোটটা টেনেটুনে চাপিয়ে ডেসপ্যাচব্যাগ নিয়ে গার্ডের কামরার দিকে
এগিয়ে যাচ্ছিল। রবীনবাবু চশমা আর টুপি সামলাতে সামলাতে হুঁশিয়ারী
হাঁক পাড়েন।

—খবরদার, লাইনের ধার থেকে সরে এসো সব।

জিন বারোর গাড়ী 'ইন' করছে কালীপুর স্টেশনে ; অবশ্য ঘড়ির কাঁটা
তখন চারের কোঠায় পৌঁছে গেছে।

সামান্য সময়ের অন্তর ঘুম ভেঙ্গে জেগে উঠেছিল জায়গাটা, আবার ঘুমের গভীরে ডুবে আসছে। দু'চারজন প্যাসেঞ্জার—কেউ স্টেশনের বাইরে কালীপুর গাঁয়ের ঘুলোঢাকা রাস্তায় হারিয়ে গেছে, কেউ বা আলপথ ধরে দামোদরের দিকে এগিয়ে গেলো। সূর্য পাটে যাবার আগেই হস্তর ওই তিনমাইল লম্বা বালিয়াড়ি পার হতে না পারলে সমূহ বিপদ—জনমানবহীন এই স্টেশন প্লাটফর্মমেই পড়ে থাকতে হবে। জান মাল যে-কোন মুহূর্তেই শেষ হয়ে যেতে পারে ; ওদিকে নদীর মধ্যে সন্ধ্যার আধার নামলেও সেই বিপদ। জোর পায়ে হাঁটছে তারা।

যত তাড়াতাড়ি এই ভাকাতে মানস্বরের এলাকা পার হতে পারে যেন ততই মক্কেল।

মাধুরী একাই বের হয়েছে। চৈত্রের প্রারম্ভ। বনে বনে বসন্তের ছোঁয়া লেগেছে। শালবনে এসেছে কচি আকাশী রং সবুজের ফিকে আভাস—মজ্জা গাছের চারপাশে সৌরভমন্দির হয়ে উঠেছে। ঘন সবুজের মাঝে পলাশ গাছের সারিতে যেন আগুন লেগেছে—গনগনে আগুন। চারদিকে তারই ছোঁয়াচ। বৈকালের পড়ন্ত বেলায় মাধুরী আনমনে চলেছে : হঠাৎ কি দেখে থমকে দাঁড়াল।

কালীপুর স্টেশনে নামতে এমন বিশেষ কাউকে সে দেখেনি, বিশেষ করে এমনি অসময়ে। বেশ ভদ্র কেতাদুরস্ত চেহারা। এক হাতে একটা বড় চামড়ার হুটকেশ—অন্তহাতে একটা হোল্ডঅল। কুলি-টুলি পাওয়া যায় না ; ভদ্রলোক দুহাতে কখনও বা একটাকে কাঁকালে অগ্নটাকে হাতবদলি করে নিয়ে যাবার চেষ্টা করছে। মাঝে মাঝে সরু আলের মাখায় নামিয়ে দম নিচ্ছে। ওদিকে দামোদরের হস্তর বালিয়াড়ি আর গ্রাম বলতে একমাত্র ওই ভুবনপুর। কুখ্যাত গাঁ, এই পড়ন্ত বেলায় ওই অকলে নেহাৎ পরিচিত লোক ছাড়া কেউ যেতে সাহস করে না—নির্জন ছায়ানামা বাগানেই ঘটে অনেক খুনখারাপি দিনে দুপুরে—সন্ধ্যার পর তো যমপুরী ও এলাকা। গেলেই ব্যাস ! ভদ্রলোক বোধহয় এখানে নোজুন।

—শুভ্রন। মাধুরী বাধা দেবার চেষ্টা করল।

দাঁড়ান ভদ্রলোক ওর ভাক শুনে ; মাধুরীকে এগিয়ে আসতে দেখে একটু অবাক হয়ে চেয়ে থাকে।

মাধুরীও দেখেছে গুরুক। সস্ত গৌকের রেখা দেখা দিয়েছে, বলিষ্ঠ ঊঠাম চেহারা, পরিষ্কার ঘাম দেখা দিয়েছে বিন্দুবিন্দু।

—কোখায় যাবেন ?

—ওই যে, ভুবনপুরে। কিন্তু স্টেশনে একটা হুলিও নেই। দেখুন না এগুলো এইটুকু পথ আনতেই হাতে কোন্সো পড়ে গেছে।

কি যেন একটু ভেবে মাধুরী বলে উঠল—দাঁড়ান, দেখছি যদি পাওয়া যায়।

ভুজুর ছেলেটা একটা আখছেঁড়া প্যান্ট পরে আতুড় গায়ে ছাগল চরাচ্ছিল মাঠে, দিদিমণির ডাক শুনে এগিয়ে এল।

—একটু বিছানাটা বয়ে দিয়ে আয় ভুবনপুরে।

—উরে বাব্বাঃ, উ যে ডাকাতের গাঁ গো, যদি দু'আখখান করে ফেলায় ?

হাসছে ভদ্রলোক—না, না। সে ভয় নেই তুই চল।

মাধুরীও ভাবগতিক দেখে হেসে ফেলল—তোর ছেঁড়া প্যান্টটা কেড়ে নেবার জ্ঞান কেউ বসে নেই। আর তোকে এ মূল্যে সবাই চেনে। যা। বাবু বকশিশ দেবেন।

বকশিশের কথা শুনে ভয় কেটে গেল তার—দাঁড়ান আজ্ঞে, ছাগলটাকে ঘরে পুরে দিয়ে আসি, নাহলে দেবে শালার শিয়ালে এখনি স্ত্রাব করে, পাঁচ আনার কেন্দন গাইতে গিয়ে পাঁচটাকার খোল ভাঙ্গবেক আজ্ঞে।

এদিকে খুব হিসেবী। কাজ সেরে ফিরে এসেই রওনা হয়ে গেল চড়াই-এর নীচে গাঁয়ের দিকে। মাধুরী একা দাঁড়িয়ে রইল।

ভুবনপুরের আচাইদের নাম চাকলাদের লোকের কাছে অত্যন্ত পরিচিত। আড়ালে লোকে ওদের সম্বন্ধে নানানতর মন্তব্য প্রকাশ করে; অথচ সামনে তারাই প্রথমে নমস্কার করে, দৈতো হাসি হেসে কুশল সংবাদ নেয়—ভালো আছেন তো বড়বাবু ? প্রাতঃপেন্নাম হই।

ভুবন আচাই আজ বুড়ো হয়েছেন। বেশীর ভাগ সময় মন্দিরেই কাটান না হয় বাল্যের একমাত্র সহচর বিষ্ণু সীতারাকে নিয়ে গিয়ে গ্রামপ্রান্তে নির্জন দামোদরের উচু পাড়ের ধারে বসে থাকেন। বালিতে হাঁটবার সামর্থ্য নেই। স্তব্ধ দৃষ্টি মেলে দামোদরের প্রশস্ত বৃক্কের দিকে তাকিয়ে কি যেন ভাবেন। সাদা বাগির জুপের মাঝে মাঝে ক্ষীণ কাঁচধার জলরেখা; দূরে দূরে দুটি-তিনটে ধারায় বয়ে চলেছে। মাঝে মাঝে চরভূমি; মানা-বিরা বাসে ভরে উঠেছে। বৃদ্ধ বয়সে মনে হয় তার জীবনের মতোই ও উষর বন্ধুর। কোথাও কোথাও মরাখাতে বয়ে চলেছে অতীতের স্বভির ফস্তুধারা; অতি ক্ষীণ লেই পরিক্রমা—সেই বার্থ প্রচেষ্টাও যে-কোন মুহূর্তেই শুষ্ক হয়ে যেতে পারে।

সন্ধ্যা নেমে আসছে নির্জন বনভূমি ছাপিয়ে গেকরা প্রান্তরে প্রান্তরে—
প্রশস্ত নদীর বৃকে। ওপারের আকাশ-সীমায় বিহারীনাথ পাহাড়ের নীল
ছায়াবোধ মিলিয়ে গেছে। বালিচরে ডাকছে রাতের পাখী। কিরছেন
ভুবন আচাই গ্রামের দিকে।

মুখ-আধারিতে বাগানের মধ্যে কাদের পায়ের সন্তর্পণী শব্দ শুনে
চমকে উঠলেন।

—কে যায় ?

হঠাৎ থেমে গেল তাদের পায়ের শব্দ। এগিয়ে এল আধার ফুঁড়ে
অভয় ভোমের দীর্ঘ কালো চেহারা।

—তুই ! তীক্ষ্ণ দৃষ্টিতে তাকালেন বৃদ্ধ। অভয়ের কপালে খানিকটা লাল
দগদগে মেটে সিঁহরের দাগ। একরাশ ঝাঁকড়া বাবরী চুল, ঘাড়ের কাছে ছোট
গিট বঁধা। এই বেশের অর্থ তিনি ভালোই বোঝেন।

—কোথায় চলেছিল ?

মাথা নীচু করে দাঁড়াল অভয়—আজ্ঞে বড়বাবুর হুকুম।

অর্থাৎ ভুবনবাবুর কথাও যেন সেখানে টিকবে না। অভয় চলে গেল।
আধার-ঢাকা বাগানের গাছগাছালির ফাঁকে দেখা গেল হু'একটা তারার দীপ্তি।
ঝুড়ো বলে ওঠেন,

—দেখবি বিষ্টু, সব ছারখার করে দেবে ওই কন্দর্প। আমার সাজানো
বাগান ছারখার করে দেবে।

কথা কইল না বিষ্টু, আধারের মাঝে দাঁড়িয়ে থাকাটা নিরাপদ নয় ;
সাপ-থোপ থাকতে পারে,—বন থেকে চিতাবাঘও নদীতে জল খেতে নামে এই
মুখ-আধারী বেলায়।

—চলুন আজ্ঞে।

বুড়োকর্তাকে তাগাদা দিল সে।

যেন ছুটো বিভিন্ন দেশ, বিশেষ সম্পর্ক নেই ! মধ্যে ওই দুস্তর নদী
চিরদিনের জ্ঞাত পৃথক করে দিয়েছে ছুটো জেলাকে। এপারে বর্ধমান—
ওপারে বাঁকুড়ার প্রান্তসীমা। এদিকে বিস্তৃত শালবন-ঘেরা এলাকা—
ওদিকে অজয়তীর পর্বন্ত বিস্তৃত ; মধ্যে ইছাই ঘোষের গড় এলাকা, আজ
সেখানে দুর্ভেদ্য জঙ্গল। তাতাড় লাগানো বন-মাঝে মাঝে একটু-আধটু
ফাঁকা ভাঙ্গা—বাকী সবই বন-ঢাকা উষর পার্বত্য যুক্তিকা।

...সমস্তটাই কন্দর্প আচাই-এর তাঁবে। রাতের আধারে ওর দলবল
বেগ হয় মারাত্মক অস্ত্রশস্ত্র নিয়ে, নিরীহ রাহী কিংবা শান্তিপূর্ণ গৃহস্থের

ঘরে হানা দেয়, জখম-খুনখারাপি করতেও তাদের বাধে না। রাউতের অন্ধকারেই তারা আবার ফিরে আসে রণপায়ে চেপে। হাতে, ^{ওদের} সড়কিতে, গামছায় বেঁধে আনা টাকা গহনাতেও লেগে থাকে সেই হিংস্র রক্তের ছাপ। ওদের নাম শুনে শিউরে ওঠে পুলিশ। এযাবৎ ধরা কেউ পড়েনি। পুলিশও তাদের জানে চেনে—কন্দর্প আচাই-এর বাইরের বাড়ীতে হোমরা-চোমরা অনেকেই রীতিমত আসা-যাওয়া করেন। সেই কন্দর্প আচাই-এর আশ্রিত তাঁরা।

দীর্ঘ দেহ—চওড়া বুক—মুখের মধ্যে একটা ঝুঁকু কাঠি। টকটকে ফর্সা রং, চওড়া কপালে রক্তচন্দনের ত্রিপণ্ড। পরনে লাল চেলী, সারা শরীরে কঠিন বিভীৎসতা ফুটে ওঠে।

প্রতি অমাবস্তায় চক্র বসে।

দামোদরের তীরে মহাশ্মশান থেকে তান্ত্রিক উচাটনানন্দ আসে শিবকে শক্তি অর্জনের পথে এগিয়ে দিতে। গোড়ীয়, পোষ্টেয় এবং মাধ্বী—তিন রকমের পানীয়ের একরকম হলেই চলবে। গোড়ীয় অর্থাৎ গুড় থেকে তৈরী মদ, পোষ্টেয় অর্থাৎ চালের পিঠে থেকে এবং মধু থেকে, তার মধ্যে প্রথম দুটোরই চল বেশী। শক্তি সাধনার প্রথম এবং প্রধান অঙ্গ।

গুরুদেবের একমাথা জটা, সারা গায়ে ছাই যেখে তদগত হয়ে উপদেশ দেয়— শক্তি অর্জন করতে হবে বাবা। সাধনার দ্বারা অর্জন করতে হবে পৃথিবীকে— মাটিকে—ভগবতীকে।

ঐশ্বর্য সমগ্রস্থ বীর্ঘ্যস্থ যশসঃ শ্রিয়ঃ

জ্ঞান বৈরাগ্যমোক্ষব যন্নাং ভগ ইতীরিতঃ।

বাংলার মুক্তিকার এই ঐশ্বর্য ধন ভোগ করার স্বপ্ন শক্তিসাধকরা দেখেছেন, সংক্রমিত করেছেন ওই দৌর্দণ্ডপ্রতাপ জমিদার লুণ্ঠনকারীদের মধ্যে নিজেদের প্রতিষ্ঠা কারেয় রাখতে।

গুরুদেব একটা পাত্রে মদ প্রথম তুলে দেয়।

—মাধ্বীদং।

হাতের আঙুলগুলো বিশিষ্ট মুদ্রার ভঙ্গীতে সেই পানীয় গ্রহণ করে, গলায় ঢেলে দেয় কন্দর্প। শিরায় শিরায় তাজা পানীয় দুর্মদ শক্তি সঞ্চার করছে। অস্ত্রান্ত্র আহুর্ষাক্ষক আছেই। জোর করে কালীপুর বনের ধারে বাগানবাড়ীতে ধরে-আনা কোন বউঝি, না হয় ঐশ্বরী আসে পঞ্চ ‘স’কারের সাধন সঙ্গিনী হতে।

সারান্নাজি চলে সেই নারকীয় বিভীৎসতা। মূদের ^{অভাব} নেই—তার

আশ্রিত অনেকেই চোরাত্তিটিতে মদ মছার মদ তোলে—কিছুটা কন্দর্পের ভোগে লাগে, বাকীটা চালান হয়ে যায় কলিয়ারীর দিকে।

বাসন্তী কিছু কিছু দেখেছে রাজ্রির পর রাজ্রি এই অনাচার। হোম পূজার সঙ্গে এটি ভোগাচারকে বীরাচারের অংশ বলে ওরা মেনে নিয়েছে—ধর্মের অঙ্গ হিসাবে গ্রহণ করেছে অমাহুষিক অধর্মকে।

ভুবন আচাই কানে শোনে ন ওসব কথা। ছেলেকে সাবধান করা দরকার। তিনিও এক জীবনে বহুকিছু রোজগার করেছেন—কিন্তু বহুকর্থে; জীবনে কোনদিন অত্যাচার করেননি। তাঁরই একমাত্র সন্তানের এই অনাচারকে প্রশ্রয় দিতে পারেন না।

কন্দর্প আচারু অসময়ে বাবাকে আসতে দেখে একটু বিস্মিত হল; বিরক্তির আভাস ফুটে উঠল মুখে-চোখে। বৈঠকখানায় ছুঁচারজন মোসাহেবও এসে জুটেছে, বেশ জমে উঠেছে। হঠাৎ এ সময়ে বাবাকে আসতে দেখে বাইরে উঠে এল কন্দর্প।

—একটু কথা ছিল। ভুবনবাবু ছেলেকে ডাকলেন।

অর্থাৎ ওদের কানে যাক কথাটা এ তিনি চান না। নিজের ঘরেই ভেকে আনলেন তাকে।

—আজও অভয়কে ওপারে যেতে দেখলাম।

—নিজের কাজে গেছে ওরা। শ্রেফ জবাব দেয় কন্দর্প।

বুড়ো ওর দিকে একদৃষ্টে তাকিয়ে বললেন—লোকের মুখে শুনি প্রায়ই নাকি ওয়াগন লুট হচ্ছে আমাদের এলাকায়।

—মালিয়াড়ার মুখ্যোদের যোগসাজসেই হচ্ছে এসব। জবার দিল কন্দর্প।

বুড়ো কি যেন একটা কঠিন কিছু বলতে গিয়ে থেমে গেলেন। একটু সামলে নিয়ে বললেন—যেইই করুক, এ সব ভালো নয় কন্দর্প। এত বাড়ি ভালো নয়—উখানের পর পতন হবেই।

—আর কিছু বলবেন আমাকে? ওসব কথা এড়িয়ে যেতে চায় কন্দর্প।

ভুবনবাবুর বলবার অনেক কথাই ছিল। কিন্তু কাকে বলবেন? কন্দর্প এড়িয়ে যাবে সব কথা—নাহয় প্রতিবাদ করবে। হতাশ হয়েছেন তিনি। কীপকর্থে বললেন,—সংপথে চলো কন্দর্প। জীবনে সঙ্গীতাবে চলবেই বা কিছু অর্জন করেছি।

মালিয়াড়ার মুখ্যোদয়ের সঙ্গে কোঁজদারী চলছে তিনটে। চর দখল নিয়ে ঝুলছে একটা ক্যালসানি কেন; বাবা বোধহয় তারই ইঙ্গিত করছেন।

কন্দর্প বলে,—তাই বলে বিষয়-সম্পত্তি রাখবার জন্ত কোঁজদারী, মামলা-মকদ্দমা চলবে না ?

এ কথার জবাব দিলেন না ভুবনবাবু। কন্দর্প যেন একরকম পাত্তাই দিল না তাঁকে। চলে গেল সটান নিজের ঘরে। আজ বৃদ্ধ হুবিরকে সংসার থেকে বাতিল করে দেবার চেষ্টায় সে আগাগোড়া মিথ্যাই বলে গেল তাঁর সামনে। স্তব্ধ হয়ে দাঁড়িয়ে রইলেন ভুবনবাবু।

এমন সময় কার পায়ের শব্দ এল। মুখ তুলে চাইলেন বৃদ্ধ—কে ?

অস্পষ্ট আলোয় দূরের মানুষ ভালো ঠাণ্ডর হয় না। এগিয়ে এল মানব।

—দাহুভাই ?

—হ্যাঁ ! মানব প্রণাম করে দাঁড়াল।

—ভালো ছিলি তো ? কলেজের ছুটি হয়ে গেল ?

—হ্যাঁ, বৈকালের গাড়ীতে এলাম।

ভুবনবাবু তরুণের মুখের দিকে চেয়ে চেয়ে কি যেন দেখতে লাগলেন। বাবার মত কঠোর কাঠিন্য কোথাও এর মুখে নেই, ছুচোখের দৃষ্টিতে আছে প্রতিভার ছাপ। সরল কমনীয়তা সারা মুখেচোখে ফুটে উঠেছে। কন্দর্প আর তার ছেলে ! আসমান জমিন তফাৎ।

বাবার সঙ্গে কি কথা হচ্ছিল দাহু ? আবার কোঁজদারী বাধাবে নাকি ?

—কেন ? হাসলেন বৃদ্ধ।

ওসব লাঠালাঠি আমার ভালো লাগে না বাপু। বাবা কি বলে জানো ? মাটি বাপেরও নয়—দাপের। দরকার নেই ও মাটির।

বৃদ্ধ স্নান আলোয় মানবের মুখের দিক থেকে চোখ না ফিরিয়ে বললেন,
—ভয় পেলে নাকি দাহুভাই ?

—ভয় কেন ? তবে অত্যাচারকে আমি ঘৃণা করি দাহু।

বাসন্তী আজ দীর্ঘ তিরিশ বছর আগে ভুবনপুরের আচাইবাড়ীর বধু হয়ে এসেছিল। কন্দর্প তখন সবেমাত্র কৈশোর ছাড়িয়ে যৌবনে পা দিয়েছে। আজ সেই বাসন্তী প্রোটেক্সের কাছাকাছি গিয়ে পৌঁছেছে, সারা দেহ ঘিরে একটা শান্ত মধুর স্ত্রী ফুটে উঠেছে।

সন্ধ্যারতির পর শব্দরমশায় মন্দির থেকে ফিরে নিজের স্বরেই চোঁকেন—
বিকু সাঁভরা কোন কোন দিন রামায়ণ পড়ে—নাহয় ভাগবত শোনায়;
নইলে একাই অপের মালা হাতে বলে থাকেন তিনি। রাতের খাবার

সামান্য দুধ সন্দেশ আর ঘরের ঘিরে ভাজা খানকয়েক লুচি নিয়ে গিয়ে
নিজেই খাইয়ে আসে বাসন্তী। এ কাজটা আর কাউকে দিয়ে নিশ্চিত
হতে পারে না সে। বোমা নিজে না এসে ভুবনবাবুরও যেন খাওয়া হয়
না। রোজকার মত আজও ঘরে ঢুকে বাসন্তী একটু বিস্মিত হয়।

—এখনও দাছুকে বকাচ্চিস মানব ?

হাত বুলিয়ে বামুন মেয়ে মেজেতেই জায়গা করে দিয়ে, থালা-বাটিগুলো
নামিয়ে রাখলো। ভুবনবাবু তাড়াতাড়ি বললেন,—না, মা, বকাবে কেন ?
বেশ কথাবার্তা বলছিলাম ওর সঙ্গে। তোমার কিন্তু সমূহ বিপদ বোমা।

—কেন বাবা ? বাসন্তীর কণ্ঠে উৎকণ্ঠা ফুটে উঠল।

—ও বলে কি জানো বোমা, মালি-মকদ্দমা, ফৌজদারী এসব নাকি
ওর ভালো লাগে না। সম্পত্তি টিকবে কি করে বলে ?

জবাব দিল মানব—নিজেই যদি পারি তবে রোজকার করে নোব
মা ; এসব অত্যাচার করা অগ্রায়।

ছেলের দিকে চেয়ে রইল বাসন্তী, ওর কথাগুলো ঠিক যেন যেন বুঝতে
পারে না।—কে জানে বাবা, কলেজে কি এইসব আজকাল শেখানো হয় ?

হাসছেন ভুবনবাবু। বাসন্তীর মনে সত্যিই ভয়। স্বামীর সামনে
এসব আলোচনা করবার সাহস তার নেই।

রাত্রি নেমে আসে নির্জন প্রান্তরে ; শালবনের অতলে বয়ে চলেছে
ঘন তমসার শ্রোত ; অন্ধকার বনতলে জ্বলছে স্থাপদ লালসায় ছুটো চোখ—
সারা গায়ে তার জোনাকী পোকাকার ভিড়। শূন্য আকাশের বুকে মিটি
মিটি জ্বলা পোকাগুলো ছেকে ধরেছে তিংস্র দানবকে। বনে আলোড়ন পড়ে
গেছে। নিষ্ঠুর আক্রমণে লুটিয়ে পড়ল একটা শশাড। শেষ আর্তনাদ
পল্লবমর্মরে নিঃশেষ হয়ে গেল।

অভয় ডোমের দল ফিরছে নদীর ওপার থেকে। বালিতে কুয়াশার
খল্ল জমাট আন্তরণ, বাতাসে বাতাসে ক্ষীণ অস্বচ্ছ যবনিকা।

—দাঁড়া।

পাতটান্ধি দিয়ে নদীর পাড়ে শক্ত মাটি খুঁড়তে লাগল তারা।

—বেশী করে খোঁড়, নইলে শিয়াল-শকুনিতে তুলে ফেলাবেক।

হাত তিনেক গর্ত করে তার ভিতর রক্তাক্ত কি একটা বস্তু পুঁতে মাটি
চাপা দিতে লাগল।

—সদার ! কে যেন ফিস্ ফিস্ করে উঠল। শিউরে উঠল সর্দার ;
আকাশে বাতাসে যেন কোন্ অপরীক্ষিত আনাগোনা।

সর্দার তখন নীলে হাড়ীর মাথাটা পুঁতে চলছে।

কুম্ভশেই আজ যাত্রা করেছিল তারা; বাধা পড়েছিল পথে। নেহাৎ ভূবন আচাই ভেঙেছিল, অল্প কেউ হলে শেষ করে দিয়ে যেতো তাকে। গ্রামের লোক চারদিকে ঘিরে ফেলেছিল তাদের। ঘেরাও বন্দী ভাকাতদল বামাল নিয়ে পালাবার যোগাড় করে ফেলে। নীলে হাড়ী গোল বাধাল। গুলির চোটে ছিটকে পড়তেই পাশেই ছিল অভয়—হাতের হেসোর এক কোপে ধড় থেকে মুণ্ডটা কেটে চট জড়িয়ে নিয়ে পালিয়ে এসেছে। মুণ্ডহীন ধড় কেউ সনাক্ত করতে পারবে না। চোখের সামনে ভেসে ওঠে নীলে হাড়ীর শেষ অস্থান—মারিস না, মারিস না অভা।

কিন্তু এ ছাড়া পথ ছিল না, দলের সকলকে বাঁচাতে হবে। জ্যান্ত লোকটাকে হুথু করে দিয়ে এসেছে। নিজেরই জাত-জ্ঞেয়াকে শেষ করে এসেছে।

সড সড করে কি যেন একটা মানাবনের দিকে পালাল।...চমকে ওঠে তারা।

—বনশূয়ের! পরমা ভোম বলে ওঠে।

নদীর জলে হাত-পা ধুয়ে রাতের আধারেই ফিরে এল তারা। কন্দর্প আচাইকে খবরটা দেওয়া দরকার, কে জানে যদি কোন হান্ধামা হয়।

অভা ভোমই এগিয়ে গেল।

বাসন্তী স্বামীকে নেমে যেতে দেখেই বারান্দায় এসে দাঁড়িয়েছে; হঠাৎ ভর্তি রাতে কি যেন বিপদ নেমে এসেছে তাদের বাড়ীতে। ধমকে উঠল কন্দর্প—তোমরা শোওগে যাও।

মানবও উঠে এসেছে। নীচের দেউড়িতে কি একটা অম্পষ্ট কোলাহল। ছায়ামূর্তিগুলো ঢুকছে।

স্বামীর এই কঠিন ধমকানির অর্থ বুঝতে পারে বাসন্তী। এমনতর ঘটনা আজ নতুন নয়। মানবের সামনে সে যেন আজ কি নুঁকোতে চায়—যা, বাবা। শোণে। এখন অনেক রাত আছে।

কন্দর্প নেমে গেল বাইরের মহলে। ওরা ফিরেছে। কেমন একটা রহস্যবৃত্ত সব কিছু। রাত্রির জীব রাতেই ওদের আনাগোনা। জেগে আছেন ভূবনবাবু। বৃদ্ধ বয়সে এমনই ঘুম পাতলা হয়ে গেছে, তার উপর কি এক মানসিক অশান্তি গুরুভারের মত চেপে বসেছে তাঁর সারা মনে, শান্তির স্পর্শ থেকে বঞ্চিত করেছে তাঁকে।

জানিলা দিয়ে চোখ মেলে রয়েছে—বিজৃত দামোদরের বাগি-জাফা

বুকে রাত্রির ক্ষীণ জ্যোৎস্না যন্ত্রের স্তব্ধতা দিয়ে ঢেকে রেখেছে। নীচে থেকে ওদের উদ্বেজিত কণ্ঠের কথাবার্তা ভেসে আসে, কন্দর্প ধমকাচ্ছে কাকে, —হারামজাদা কোথাকার। মরবি কোনদিন।

—ক্যামা করেন বাবু, ক্যামা করেন। অভয়ের ভীতব্রত কণ্ঠস্বর শোনা যায়।

রাত তখনও শেষ হয়নি। ভোরের পাখীর ডাকে মুখর হয়ে উঠেছে বনভূমি—নদীর চর। বালিয়াড়িতে হালকা সন্তর্পণী পায়ের দাগ ফেলে ফেলে বনের গভীরে অন্বেষিত হয়ে গেল চিতাবাঘ তার পরিক্রমা সেরে।

ভোরের নিস্তক আকাশ ফাটিয়ে চিৎকার করে উঠল নীলে হাড়ীর ভবকা ঘোয়ান বোঁটা,

—ওগো! কুন খানে গেলা গো!

ওদের ঘরে এসব আখচার ঘটে। নীলের মা বুক বেঁধে সাধনা দেয়—চূপ দে বাছা—এখুনি এক কাল্লা সাত তেঁতো করে দিবেক।

জানাজানি হলেই বিপদ; পাড়ার আরও পাঁচজনকে শুনিয়ে বলে উঠল বুড়ী—বাপটো বিজায় পড়ে রইছে, তাই মনের খেদে কাঁদাকাটা করছেক।

গলা নামিয়ে শাসায়—চূপ দে লো। ও ভাতারখাগী। বড়ো সতী হইছিল আজ!

নীলের বোঁটা ঘ্যান ঘ্যান করে নাকে কাঁদে। নীলের ভাগ্যে কি ঘটেছে তা ভেঙ্গে তাকে কেউ না বললেও সে জানে তার অহমান সত্য। অপঘাতেই মারা পড়েছে সে।

পরমা ভোম সাধনা দেবার চেষ্টা করল—জানলা খুড়ী, আচাই মশাই নগদ দুশো টাকা দিবেক বলেছে। যেও কিন্তুক আজ সাঁঝ বেলাতেই।

হাজার হোক মায়ের প্রাণ, হোক না ডাকাতের মা। বুড়ী খ্যাক করে ওঠে,—রাখ তুর টাকা, লাখ টাকার ছেলে গেলো—দুশো টাকায় আমার কি দুখ, ঘুচবেক?

পরমা চূপ করে চেয়ে রইল বোঁটার দিকে। সারা মনে ওর অতৃপ্ত কামনার জ্বালা। নীলের উপর এতদিন একটা হিংসা তার ছিল—আজ পেটের কায়দা পরিষ্কার বুঝতে পারে।

—ঘরকে যা তু। বুড়ী যেন পরমার মনের ইচ্ছা টের পেয়েছে। পরমা আমতা-আমতা করে উঠলো অগত্যা। যাবার মুখে দাঁড়িয়ে কি যেন জেবে বলল,

—বলছিলাম খুড়ী—নীলে-দা শেষ সময়ে বলে গেছে—

বুড়ী ধমক দিল—যাবি মুখপোড়া !

আংকে উঠল পরমা—এই যেছি গো । ইজী শ্যোরখাদা করছ !

বুড়ী গজ গজ করতে লাগল আপন মনে ।

—দাঁড়াও । দাঁড়াল পরমা । এগিয়ে এল টগরবো ।

—কি বলেছিল তুমাকে ?

—বলেছিল তুই মাঝে মাঝে খোঁজ-খবর লিবি, উদিকে তো দামোদরের দহে ভাসিয়ে গেলাম ।

আরও কি যেন বলতে যাচ্ছিল পরমা, হঠাৎ বুড়ীকে এদিকে আসতে দেখে সরে গেল আড়ালে । টগর চুপ করে দাঁড়িয়ে রইল ।

বুড়ী চিংকার করতে লাগল,

—ভাতারের মাথা তো খেয়েছিস, বলি নোয়া সিঁথির সিন্দূরও কি বাড়াতে হবেক নাই ! ছেরোঝালই এয়োতি হয়ে থাকবি নাকি লা ? বলি ও সন্ধানানী, কথা কানে গেল ?

কথা কইল না টগর । চুপ করে দাঁড়িয়ে রইল সেইখানেই ।

ঘটনাটা খানিকটা অহুমান করেছিল মানব । রাতের আঁধারে ওদের রহস্যজনক আনাগোনা, নীলে হাড়ীর সম্বন্ধে কি সব কথাবার্তাও শুনেছিল, সেই ভোরেই ওর বোঁ-এর মড়াকান্নাও শুনেছে মানব । বাবা সকালেই বের হয়ে গেছে ঘোড়ায় চেপে—হুগুরেও ফেরেনি । সারা বাড়িতে যেন একটা থমথমে ভাব । ঠিক বুঝতে পারে না - হেঁয়ালির মত ঠেকে ।

—কি ব্যাপার বলতো দাছ ?

বৃদ্ধ ভুবন আচাই কথা বললেন না, একবার স্থিরদৃষ্টিতে নাতির মুখে কি যেন সন্ধান করলেন । একটু চুপ করে থেকে বললেন,—কি জানি ভাই, এসবের কিছু বুঝি না ।

—আমারও কেমন ভালো লাগছে না দাছ ।

মানবের মন একদিনেই যেন বিধিয়ে উঠেছে । মা নীরবে ছেলের দিকে চেয়ে থাকে । বাসন্তীর মুখেচোখে থমথমে ভাব—একটা চাপা উৎকর্ষা ফুটে উঠেছে । স্বামীকে কোনমতেই নিরস্ত করতে পারেনি সে এই নিষ্ঠুর নেশার প্রলোভন থেকে ।

—একটু বেড়িয়ে আয় গে মানব । সারাদিন বাড়ীতেই রয়েছিস কিনা ।

কেউ মানবের মনে এই জিজ্ঞাসার সঠিক উত্তর দিতে চাইল না, হয়তো ইচ্ছে করেই এড়িয়ে গেল ওরা সবাই । একাই সে বের হয়ে এল পথে । বৈকালের

আলো নেমেছে গাছগাছালির কঁক দিয়ে ধুলো-কঁকর-ঢাকা পথে; পথ ঠিক নয়—উচু বন প্রান্তর, গড়ানি জল-ঘাবার রাস্তা শুকনো হয়ে পথেই পরিণত হয়েছে। অল্প দূরে ডাকছে দু'একটা পাখী।

চড়াই-এর মাথাতেই স্টেশন সিগন্যালগুলো পড়ন্ত রোদে বনের বাইরে প্রহরীর মত দাঁড়িয়ে আছে। পশ্চিম কোলে পলাশের রং মাটির গৈরিকের সঙ্গে মিশে একাকার হয়ে গেছে।

হঠাৎ মনে পড়ে গতদিন বৈকালের কথা। একজনের কোঁতুহলী ডাগর চোখের সামনে দাঁড়িয়ে ঘেমে নেয়ে উঠেছিল মানব। সেও ছিল এমনি পড়ন্ত স্বর্ণগোধূলি বেলা।

স্টেশনের কাছে গিয়ে হঠাৎ সেই ছেলেটার দেখা পেয়ে গেল মানব। কি যেন ভাবছে মানব। কি মনে করবে ছেলেটা—নাঃ। কোঁতুহল চেপেই কালীপুর হাটতলার ছোট দোকানগুলোর দিকে এগোতে লাগল সে। স্টেশন ঘুরে আবার বাড়ী ফিরবে। কিন্তু কি ভেবে ডাকলো ছেলেটাকে।

কালই একটা আধুলি বকশিশ দিয়েছিল ওকে ভুবনপুরের আচাইদের বাড়ীর বাবু। তার ডাকে হস্তদস্ত হয়ে এসে দাঁড়াল ছেলেটা।

মানব প্রশ্ন করল একটু ইতস্তত করে, ওই দিদিমণি কোথায় থাকে রে ?

—ওমা জানেন না বুঝি। কেন, ওইতো ওই লাল বাড়ীটায়; মোজা চলে যান। মাস্টরবাবুর বাড়ী।

কেন যেন খতমত থেয়ে যায় মানব। এর চেয়ে রাতদুপুরে মামড়ার জঙ্গলে একা সৈঁধোনো সহজ।

—তুই গিয়ে বলগে কালকের বাবু একবার ডাকছেন।

ছেলেটা হাত পাতে—একটা বিড়ি তান তবে। আর ছাগলটা রইল, উটা যেন পাশের ক্ষ্যাতে মুখ না দেয় কিন্তুক।

—আচ্ছা তুই যা।

তাকে পাঠিয়ে দাঁড়িয়ে থাকে মানব মাঠের ধারে।

ছাগলও যেন বাগ পেয়েছে। বার কতক এদিক ওদিক করেই নোজা গিয়ে পাশের জমির লকলকে কুমড়োর ডাঁটা চিবুতে লাগল।

—হেই।

টিল মারতে থাকে মানব। ছাগল তবুও নড়ে না। অগত্যা নিজেই লে ছুটলো ছাগলের পিছনে,—হেট—হাট!

উচু-নীচু আলপথ।। কোঁচা গুটিয়েই ওঠা-নামা করতে থাকে মাঠময়। ছাগল একে-বেকে দৌড়াচ্ছে। দূরে কুমড়া ক্ষেতের মালিকও শালাজে-ক

ছাগলে গাছ খেলে ভালো হবেক নাই কিন্তুক। বনেদ ভেড়ে ছুব ছাগলের।

গলদঘর্ম হয়ে উঠেছে মানব এই চাকরিতে। হঠাৎ পিছনে কার হাসির শব্দ শুনে ফিরে চাইল। ক্রান্তিতে তখনও হাঁফফাঁস করছে সে।

—ওমা! ছাগল চরাচ্ছেন বুঝি?

—মানে! এই। কি জবাব দেবে খুঁজে পায় না।

ইতিমধ্যে ছাগলটা ছেলেটাকে দেখে আবার স্বড় স্বড় করে এসে ঘাস খেতে শুরু করেছে।

—এলাম কালীপুরে, ভাবলাম দেখা করে যাই। তাছাড়া কাল একখানা রুমাল ফেলে গেছি, তাই খুঁজছিলাম।

কথাটা বলেই মাথা নামাল মানব। মাধুরী হেসে উঠল,—শেষকালে আমাকেই চোর ঠাওরালেন নাকি? লোকজন ডেকে দিলাম কিনা—

—না-না। বরং কাল লোক না পেতে খুব বিপদে পড়তাম।

রূপোলী আভায় ভয়ে উঠেছে নির্জন প্রান্তর। বিকেলের ট্রেন চলে গেল। ছ'একজন যাত্রীও হারিয়ে গেছে কালীপুরের অবাধ দিগন্ত-কোলে। আবার সেই স্তব্ধতা নেমে আসে, বাতাসে ভ্রমরের গুঞ্জন ভুলেছে প্রকল্প টেলিগ্রাফের তারগুলো।

মাধুরী আমন্ত্রণ জানায়,—বাড়ীর দিকে চলুন। গরীবের ঘরে এক কাপ চা-ই না হয় খেয়ে যাবেন।

—না, থাক, অগ্নিদিন হবে। আজ দেয়ি হয়ে গেছে।

মানব ডাক্তার উঠে গ্রামের দিকে এগিয়ে চলল। এতক্ষণ যেন সব ভুলে গিয়েছিল সে, অগ্নি কোন মধুময় জগতের স্বাদে বিভোর হয়ে উঠেছিল। আবার ভুবনপুরের সেই স্তব্ধ বাড়ী—নীলে হাড়ীর মায়ের গ্যাঙ্গানী কান্না—বাবার গম্ভীর মুখ তার মনের সব কমনীয়তাকে নিঃশেষ করে দিতে উদ্ভূত হয়।

—নমস্কার ছোটবাবু। ইন্সটিশানের দিকে গিইছিলেন বুঝি? মুকুন্দ সাঁপুই সিটাকে বাঁকানো শিরদাঁড়া হুইয়ে নমস্কার করে। পিছনে দাড়িয়ে অভা ডোম। চলতি কথায় ওকে কালাপাহাড় বলে ডাকে সবাই। ডাক্তার পাশ দিয়ে বনের দিকে চলেছিল তারা এই সন্ধ্যার মুখোমুখি।

—হ্যাঁ। ছোট জবাব দিয়ে এগিয়ে যাবার চেষ্টা করে মানব।

—গরীবের দোকানে একবার পায়ের ধুয়ো দেবেন। মুকুন্দ হাসছে।

কৃতকূতে ছোট ছোট চোখের দৃষ্টিতে কি যেন শয়তানি ফুটে উঠেছে। অতাকে ওর ভুলনার শিথ মনে হয়।

—আজ্ঞা। পাশ কাট্টিয়ে চলে আসে মানব।

ওরা ছুজনে হুইয়ে পড়া বন-খেজুরের ঝোপের পাশ দিয়ে হুঁড়ি রাঙা ধরে বনে ঢুকলো। অসময়ে দুর্ভেজ জঙ্গলে অভা ভোমের গভীরান থাকতে পারে কিন্তু মুকুন্দ সাঁপুই কোন স্ববাদে ওর সঙ্গে চলেছে ঠিক বুঝতে পারল না মানব। সবই যেন কেমন রহস্যময় বলে মনে হচ্ছে। একটু পরেই বনের আড়ালে মিলিয়ে গেল ওরা। স্তর নির্জনতা জমাট হয়ে নেমে আসে, গৈরিক প্রান্তরের বৃকে রাত্রির আধার নেমে আসে সবকিছু গ্রাস করতে।

খুদে—নুনে—বরাবর

তিন নিয়ে দামোদর।

শুধু তিন কেন বহু তিনের সমষ্টি নিয়ে গড়ে উঠেছে এই দামোদর নদ। ছোটনাগপুর, হাজারীবাগ, মানভূমের সমস্ত জলধারা এর বিশাল বিস্তীর্ণ বৃক দিয়ে নেমে আসে বর্ষার প্রারম্ভ হতেই। জলের সঙ্গে ঠেলে নেমে আসছে উর্বর বালি আর মাটি। জমির মৃত্তিকাতৃক কয়ে কয়ে রক্তরাঙ্গা মৃত্তিকার শেষ জীবনীশক্তি শুধে এর জল আরম্ভিত হয়ে ওঠে। বালিতে নদীর খাত বৃজে গেছে, তাই এর বিস্তার ক্রমশঃ বেড়ে চলেছে। কোথাও বা দু'মাইল তিনমাইল অবধি চওড়া। মাঝে মাঝে সেই পলি জমে চর গড়ে উঠেছে। উর্বর সরস দোবরা মাটি। সোনা ফসলের ভারে হুইয়ে পড়ে গাছগুলো, আর জমে বিরা, কাশ ঘাস, মানা বন। লকলকে উর্বরা মাটিতে পাঁচহাত ছহাত অবধি উঁচু হয়ে ওঠে। শিকড়গুলো মাটির বৃকে যেন জাল বোনা করে ঘিরে রেখেছে।

দুপাশে তার নদীর বারোমাসে খাত, হাঁটু-তোর কাঁচধার জল বয়ে যায়, কোথাও বা দহ পড়েছে। কালো জল স্রোতের আবর্তে ঘুরপাক খায়। দু'একটা কাচা-মাছ একবার মাথা তুলেই আবার ডুব দেয় দহের জলে।

ভূবনপুরের জঙ্গলের নীচেই দামোদরের বৃকে বিস্তীর্ণ চরের ইজারা নিয়েছে নিতাই গোয়াল। মানগাঁয়ের বিখ্যাত লোক—এ এলাকার মধ্যে দুধ, দই, ঘি, মাখনের বড় কারবারী। কয়েক শো গরু-মোষ নিয়ে তার ব্যবসা। রোজ ভোরের ট্রেনে পঁচিশ ত্রিশজন বাঁকী বাঁকে করে দুধ, দই, ঘি, মাখন নিয়ে আসে। বর্ধমান, আসানসোল, কলকাতায় মাল চালান যায়।

ভোরের আলো ফোটবার আগেই নিতাই চরে ঘুরতে বের হয়; মানা বনের মাঝে বেশ খানিকটা জায়গা সাফ-সুতরো করে ঘর বানিয়েছে। নদীর জল ছাড়াও নিজেই কয়েকটা কুরো তৈরি করেছে। খড় কাটছে কয়েকজন লোক, একজন লোক বালতিতে করে খোঁপ তিজিয়েছে; অন্তর্যন জীবনা দিয়ে

চলেছে গরুগুলোকে। চরানের অভাব নেই। চরের সবুজ বিরা ঘাস বাবলা গাছের গুটি তো আছেই। মোষগুলো নদীর ধারানি পার হয়ে শালবনে গিয়ে ঢোকে। কচিপাতা খেয়ে নধর হয়ে উঠেছে তারা।

—ভাসানী। ও ভাসানী।

মাখন তোলা হচ্ছে বড় বড় হাঁড়িতে মাঠা ফেলে তাতে মাখন টেনে। ভাসানী বড় গামলার ভিন্ন ভিন্ন হাঁড়ি থেকে মাঠা এনে ঢালছে। গালিয়ে গাওয়া ঘি হবে। বাবার ডাকে ফিরে চাইল।

—ডাকছে বাবা ?

—ঝিঙে পাতা কতকগুলো নিয়ে আসবে।

নিতাই ঘোষ গরুর রোগের চিকিৎসাও জানে। এত গরু-বাছুরের মধ্যে থেকে থেকে জাতবিছাটা ভোলেনি। পাতাগুলো নিংড়ে রস করে আনল ভাসানী।

—দে! একটা বাছুরের চোখে ছানি জমেছে। রসটা ঢেলে দিল তার চোখে।

নির্জন নদীচর হাঙ্গা রবে ভরে উঠেছে। বাছুরগুলো ডাকছে, সারা জায়গাটাতে একটা প্রাণ-চাঞ্চল্য। ভাসানীও এই জীবনের সঙ্গে যেন নিজেকে জড়িয়ে নিয়েছে।

—কি বাচ্চা হল ?

ব্রজ বাছুরটাকে ধরে গরুর সামনে দাঁড় করাবার চেষ্টা করে। টলছে মত্তজাত বাছুরটা। মা ওর গায়ে জিব বোলাচ্ছে। ভাসানীকে দেখে চোখ তুলে চাইল ব্রজ।

—দেখ কেনে কাছে এসে।

কাছে আসতেই ওর লাল শাড়ীটা দেখে—শিং নেড়ে ফৌস করে উঠল গরুটা। আংকে উঠল ভাসানী—ওমা, মারবি নাকি লা ?

হাসল ব্রজ—তুকে বলি রান্না শাড়ী পরিস না বাথানে। দিকে কুন দিন মেরে খাষ করে।

ভাসানীও ছাড়াবার পাজী নয়, কাছে এসে গরুটার গলায় হাত বোলাতে বোলাতে বললে,—এত গিদের কিসের লা তুর ? হু হুটো বিয়োলি, দুটোই ত এঁড়ে বাছুর। তাও যদি বকনা হোত ?

হঠাৎ ব্রজের দিকে চেয়ে কি যেন দেখতে লাগল ভাসানী। ব্রজ কথা কইল না। নীরবে নদীর দিকে হাত ধুতে চলে গেল। কথা কইল না ভাসানী।

আনমনে ঘরের দিকে এগিয়ে চলল সে। সকালের লাল আভা লাগানো রোদ হলদে হয়ে উঠেছে। বালিচরে—দূরদিগন্তে পাহাড়-বনসীমায় লেগেছে তার মাতাল ছোয়াচ। ব্রজের ওই হাসির অর্থ ঠিক বুঝতে পারে না ভাসানী।

সারাদিন সে কাজের ভিড়ে হারিয়ে কলে নিজেকে। মাহুষ ছুঁদও চুপ করে থাকতে পারে, কিন্তু কয়েকশো গোকবাল্লুর দুধেল মোষ ও-নিয়ম মানতে রাজী নয়। তারা খেয়াগ-খুশিমত হাঁকডাক করবেই। মালিকের মেয়ে ভাসানী, তার কাজকর্ম বিশেষ করবার নেই। নিতাই তবু বলে,

—বাপবিটর ভাতটা রাঁধিস আর উদের সঙ্গে সাথে ঘুরবি নইলে উরা কি ভাববেক।

অবাধ ঘোরাফেরার স্বাধীনতা বাবাই তাকে দিয়েছে।

ব্রজকে আপনজনের মতই মাহুষ করেছে নিতাই। কেমন ভালো লেগে গেছে তাকে। গোয়ালাদের মধ্যে লিখতে পড়তে হিসাব নিকাশ করতে পারে সেই-ই, তাছাড়া গরু-বাল্লুর সম্বন্ধে জ্ঞানও আছে।

—এমন ছেলে আর হয় না আমাদের বেজোর মতন। মুখে রাটি নাই।

গোয়ালাদের ওই চরভূমিতেই গড়ে উঠেছে ছোট বসতি। ব্রজ তাদের মধ্যে পরিচিত—প্রিয়, অনেকের আবার চক্ষুশূল।

—আজ যে পনের সের দুধের হিসেব গোলমাল? ব্রজের নজর সবদিকে।

পাতু গোয়াল মহাজনদের কাছে গিয়েছিল স্টেশনে, সেখানেই কিছু করেছে। পাতু আমতা আমতা করে। ঠাস করে ব্রজ বসিয়ে দেয় ওর গালে এক চড়—শালা, পেয়েচো কি? নিতাই ঘোষের দুধের বদনাম।

—যাক যাক, যেতে দাও। কে যেন চাপা দেবার চেষ্টা করে ব্যাপারটা। নিতাই ঘোষ সমস্ত বিষয়ই দেখাশোনার ভার ব্রজের উপর ছেড়ে দিয়েছে।

পাতু গজরায়—চল্কে পড়ে গেইচে যিগো।

—এতদিন পড়েনি!

কৈফিয়ৎ ব্রজের মতঃপূত নয়।

আড়ালে গজগজ করে পাতু—শালা বাপের সম্পত্তি পেয়েছে, ওই বেজা শালা।

পাতুর সমর্থকও ছ'একজন জোটে, কিন্তু প্রকাশে কিছু বলতে সাহস কারো নেই। ব্রজ দৈহিক ক্ষমতাটাও জানে তারা। অম্বাচীর লড়াই-এ সেই ক্ষমতার পরখও হয়ে গেছে।

সে দিনগুলো ভাসানীও ভোলেনি। উবর মরু-প্রান্তরের মত শুকতা-ঢাকা তপ্ত চরভূমিতে ঐয়ের ভীততার পরই নামে প্রথম বর্ষার পড়ন। তাহাটে আবাকশব্দে

দেখা দেয় ছিটেফোটা মেঘ—দু'এক পসলা বৃষ্টি নামে অমৃতধারায়। স্বিচ্ছ গৈরিক মাটির বুক থেকে আসে মিঠে লোভনীয় সৌরভ। গ্রীষ্মের নিষ্ফলা বক্ষ্যা ধরণী ঋতুমতী হয়ে উঠেছে।

—নাই মাস নাই তিথি।

আষাঢ়ের সাতদিনে অশ্ববাচী।

আগামী বর্ষায় ফসলের সঞ্চয়ের আভাস আনে।

—চুচুম চুচুম ট্যাং। নদীর বিস্তীর্ণ চরের বৃকে ঢোল কাঁসির শব্দ উঠেছে বৈকালের পড়ন্ত রোদের বেলায়। দুদিন ধরে চলে ওদের উৎসব যুক্তিকা ও নদী বন্দনা। উদ্দাম নদীর বৃকে বাস করে—কখন হড়পা বান আসবে জানা নেই। নিশ্চিত ধ্বংসের হাত থেকে নিষ্কৃতি পাবার জ্ঞানই তারা দামোদরকে পূজো দেয়। অন্তর থেকে হাঁক পাড়ে—বাবা দামোদর কি জয়! হেই বাবা!

ঢোলের শব্দ বালিচর, শালবনসীমা পার হয়ে দূরদূরান্ত অবধি ধ্বনি-প্রতিধ্বনি তোলে।

মানবও নিমজ্জিত হয়ে গেছে এই পরিবেশে। চারিদিকে দামোদরের বালির সীমানা আর জল। সবে পশ্চিমের বনে ঢল নেমেছে। নদীর কালো শাড়ীর রঙে সবে যৌবনের ঘোর লেগে উঠেছে। একটা শিশু ছাতিমের নীচে মানাঘাসের ছাউনি করে ঠাই হয়েছে।

—আস্থন, আস্থন!

মানবকে অভ্যর্থনা জানাল নিতাই, নিতে নিয়ে এসে বশাল ওকে একটা মোড়ায়, দই-এর শরবত নিয়ে আসে ভাসানী। একটু বিস্মিত দৃষ্টিতে চেয়ে থাকে ওর দিকে মানব। নিটোল বর্ষার ভরা দামোদরের মতই উদ্দাম ওর রূপ। এই অর্ধবৃত্ত, আদিম পরিবেশে ভাসানীর মত মেয়েকে দেখবে আশা করেনি।

—লিন গো। এগিয়ে দিল গেলাসটা।

বলে ওঠে নিতাই—বড্ড খরানি, ছোটবাবুকে হাওয়া কর দিকিন এটু।

বাধা দেয় মানব। ওর হাত থেকে পাখাটা নিয়ে বলে,—আমাকে দাও।

মানবের দিকে চেয়ে আছে ভাসানী—মনে হয় কত কালের আপন ওই ছেলেটি; মুখের আদল তার চেনা—মনে হয় একছাঁচে ঢেলে কেউ গড়েছে।

আসরে কুস্তি শুরু হয়েছে। গোবরা চরের মধ্যে একজন নামকরা লড়ুয়ে পালোয়ান—ব্রজ নিজেই তার সঙ্গে আজ কুস্তি লড়ছে। স্বন্দর স্বঠাম সুগঠিত স্বাস্থ্য। দুজনই সমান। ব্রজই সাবধানী—ক্ষিপ্ত। নিপুণভাবে প্যাঁচ কষতেই ছিটকে পড়লো দূরে গোবরা। ঢোল বেজে ওঠে—চিৎকার করে জনতা সম্বন্ধে।

মানব হঠাৎ ভাসানীর দিকে চেয়ে একটু অবাক হয়। এতক্ষণ তীব্র উৎকর্ষা নিয়ে চেয়ে ছিল যুখ্যমান ছুজনের দিকে, ফলাফল নির্ধারিত হয়ে গেছে, জিতেছে ব্রজই। খুশির আভাষ ভরে ওঠে ওর মুখ-চোখ।

হঠাৎ মানবের দিকে চোখ পড়তেই লজ্জায় রাঙ্গা হয়ে মাথা নামাল ভাসানী, ওর মনের গোপন তনু দুর্বলতা যেন অগ্ন জ্বনের কাছে ধরা পড়ে গেছে। সরে গেল সেখান থেকে ভাসানী। ব্রজের দিকে হাঁ করে চেয়ে ছিল ভাসানী। ছি! নিজেরই লজ্জা করে।

সেই স্মৃতি আজও ভোলেনি ভাসানী। সেই ব্রজ যেন অগ্ন মানুষ। সবসময় তাকে ধরা যায় না। ভাসানী সেই কঠিন পৌরুষময় মানুষটিকেই অজান্তে ভালবেসে ফেলেছে।

—একটু মাছ দিই? ভাসানী বলে ওঠে।

ব্রজ সকলের সঙ্গে অগ্ন খাষ না, নিতাই-এর জেদেই এইখানে তার খাওয়ার ব্যবস্থা হয়েছে। ভাসানীই বলেছিল,

—আবার বাইরের লোককে কেন ভেকে আনছ বাবা?

এটা তার মনের কণা কিনা ঠিক বুঝতে পারেনি ভাসানী। বাইরে থেকে প্রতিবাদ দেখিয়েছিল মাত্র। ওর কথায় হাসে নিতাই—না, মা। ও কোথায় আর থাকবে? দ্বিবি চাষ্টি দুবেলা।

—আমার বাপু এসব ঝামেলা ভালো লাগে না। ভাসানী সায় দেয়নি সহজে।

তবু মনের মাঝে এইটুকুই তার তৃপ্তির আভাস আনে। ব্রজের খাওয়ার সময় হাজির না হয়ে পারে না। ব্রজ প্রতিবাদ করে ওঠে।

—আবার তুমি বসে থাকবা কেন?

হাসে ভাসানী—মরণ। বসে খাওয়ার বার জন্তে আমার কি মাথা ধরেছে? উঠুনে মাখন চাপিয়েছি—যাব কুনখানে? গতিকে আটক পড়েছি।

অবশ্য রোজই প্রায় এই সময়েই উঠুনে ঘি গলাতে বসে ভাসানী। ব্রজ থেয়ে উঠতেই বলে ওঠে ভাসানী,

—ঘি-এর কড়াইটা এটু দেখো কেনে, আমি ছ'গাল খেয়ে লিই। ছ'দণ্ড কি খাবার সময় আছে?

ব্রজই রয়ে গেল কড়াই-এর কাছে।

নির্জন ঘর। হ হ বাতাস দমকা আসে যায়। দাঁওয়াতে বসে ভাসানী বাসন মাঝছে, তার হাতের ওঠা-নামার ফাঁকে ফাঁকে নিটোল অনাবৃত বাহমূল দেখা যায়। চমকে ওঠে ব্রজ। ভাসানী ওর দিকে চেয়ে মাথা নামাল, ওর

সুন্দর মুখের হাসির স্নান আভা। ব্রজই দিকে চেয়ে থাকে সে।

গিনিগলা রোদে স্তব্ধ চরভূমি কাঁপছে কি হুঃসহ জ্বালায়। ব্রজ চূপ করে বের হয়ে এল ঘর থেকে। হেঁকে ওঠে ভাসানী—কড়াইটা নামিয়ে যাও, বাহারের লোক তুমি যাহোক।

বড় কড়াইটা নামিয়ে দিয়ে বের হয়ে এল ব্রজ। কথা কইল না। উঠে পড়ছে ভাসানী বাসনেব গোছ নিয়ে, ব্রজের দিকে চেয়ে থাকে—নির্বাক নিশ্পন্দ কি যেন আকৃতিভরা চাউনিতে।

ভাসানী মাঝে মাঝে যেন কেমন গোলমাল করে দেশ ব্রজের সমস্ত চিন্তাধারা। ঝড় উঠেছে বালুচরে নদীর বুকে। বিকালের গুমোট আবহাওয়া থমথম করছে।

দুপাশের উঁচু খাড়া চূনাপাথরের স্তরকে ফাটিয়ে রেললাইন চলেছে, পাহাড়ের মাথায় ঘন জঙ্গল। রাতের অন্ধকার থমথম করছে। উঁচু বনভূমি থেকে পাথর কেটে কেটে সিঁড়ি মত নেমে গেছে। কালীপু ব স্টেশন ছাড়িয়ে গভীর বন-ভূমির ভিতর দিয়ে রাতের আধাবে চলেছে মালগাড়ীটা। কয়েকটি মিনিট!

আগে থেকেই হিসেব খবর নেওয়া থাকে, কোন্ গাড়ীতে কি আছে। বাজে পরিশ্রম কবতে বাজী নয় ওবা। মালগাড়ীর দরজাগুলো সাবলের ঘায়ে খুলে যায়—বানবেব মত ক্ষিপ্ত নিপুণ বেগে ওরা ঠেলে ফেলেছে গাঁট গাঁট কাপড়, লোহা, চায়ের পেটি, সাবান, চিনি ইত্যাদি। চালানি মাল লাইনের দুধারে ছিটকে পড়ে ট্রেনের গতিবেগে। গার্ড সাহেব নিজের কামরায় হারিকেন জ্বলে তুলছে, নাহয় দেখেও দেখে না এসব। কিছু বলাও বিপদ। সড়কির ঘায়ে শেষ করে দুর্ভেদ্য মামডার জঙ্গলে গায়েব করে দেবে। ইতিপূর্বে এ অভিজ্ঞতা দু'চারজন গার্ড-ড্রাইভারের হয়েছে। চূপচাপ করে গেছে রেল কোম্পানী। ডিভিশনাল আপিসে অদৃশ্য হাতে মোটা ঘুষ গেছে। বখরাও দিয়ে আসছে অদৃশ্য দেবতাদিকে, তাই গার্ডরাও চেপে গেছে।

কয়েকটি মিনিট। কয়েকখানা মালগাড়ী থেকে ছিটকে পড়া জিনিসপত্রও দেখতে দেখতে উধাও হয়ে যায়। বনের সীমানা ছাড়িয়ে ট্রেন সমভূমিতে বের হবার আগেই তারাও মিলিয়ে যায়। আবার স্তব্ধতা নেমে আসে বনভূমিতে।

শাল মহায়া বটগাছের ঘন গ্রহরা ভেদ করে একটু ওরা এগিয়ে চলে।

—অ্যাই ভালো, নিৰ্ভাট কাজ।

অভা ভোম সেই রাঙের কাঁধে পড়তে পারে না। নীলো হাড়ীর কাতর আর্তনাদ আজও কানে ভাসে। বই হুঁতী করছে সে, বহু রক্তশাও খসিয়েছে। গলায় বাঁশ

চেপে ভলে পিষে মেয়েছে সাপগাঁয়ের মণি কামারকে, তেতলার ছাদ থেকে বীরপুরে একটা বোকে ছিটকে ফেলে মেরেছিল—কিন্তু তারা তার মনে কোন ছাপ ফেলতে পারেনি। নীলের রক্তাক্ত মূণ্টাকে চটের বস্তায় পুরে এনেছিল অভা ছয় মাইল পথ। মনে হয়েছে ফিস ফিস করে কি যেন বলেছে সে। আজও গা ছম ছম করে অভয়ের।

পরমা বলে ওঠে—মালগুলো কিছু সরিয়ে নি খুড়ো, সব কেন কন্দর্প আচাই-এর গন্ধে হয়!

কথা বলে না অভা, অর্থাৎ মৌন সম্মতিলক্ষণ। পরমা এদিক দিয়ে খুব হুঁশিয়ার। লুটের মাল সামাল দিতে—বিধি-ব্যবস্থা করতে তার জুড়ি নেই। কিসের শব্দ।

ট্রেন আসছে, এক্সপ্রেস ট্রেন এক ঝলক জোরাগো আলো ফেলে।

কে জানে যদি পুলিশ-টুলিস থাকে, নাহয় দেখেও ফেলতে পারে কেউ। চিৎকার করে ওঠে,

—ঝোপের আড়ালে শুয়ে পড়।

সন্ধ্যানী আলো ফেলে কে যেন দেখছে চারিদিক। চাকাগুলো আতঁনাদ করে ওঠে একপ্রান্ত থেকে অত্ৰপ্রান্ত পর্যন্ত; গর্জের মধ্যে বিকট শব্দ করছে ইঞ্জিনটা—হঠাৎ থেমে গিয়ে যেন ক্ষেপে উঠেছে।

ঝোপের মধ্যে পড়ে আছে ওরা এদিক-ওদিক ছিটিয়ে; কে জানে রেল পুলিশ হয়তো টের পেয়েই আসছে এই গাড়ীতে। অভা ডোম কাঁপছে—ধরা পড়তে রাজী নয় সে।

ট্রেনটা হুইসল দিয়ে আবার চলতে থাকে ধীরে ধীরে। যেন ঘাম দিয়ে জর ছাড়লো। পরমা বলে ওঠে,

—বুড়ো ইন্সটিশান মাস্টার ঘুমিয়ে গিইছিল খুড়ো, সিঙ্গেল দেয়নি।

—হবেও বা! ভাবছে অভা ডোম।

বুড়ো হলে মানুষ বোধ হয় সবদিক দিয়েই দুর্বল-অসহায় হয়ে ওঠে। একটা পাথর থেকে লাক দিয়ে চারহাত দূরে নালার ওপারে পড়লো সহজেই। সে তো আজও ভর ঘোয়ান, বুড়ো হয়নি। বুড়ো হয়েছে একথাটা মানতে রাজী নয়।

সারা এলাকা জুড়ে একটা বিভীষিকার কালো ছায়া নেমেছে। টাকাকড়ি-অর্থসম্পদ থাকলেই বিপদ। রাতের অন্ধকারে জেলকালিমাখা দানবের দল আঁধার ফাঁটিয়ে নেমে লুটপাট করে নিয়ে আসার উৎসাহ হয়ে যাবে। কেউ বাধা

দিতে পারে না ।

রূপা যাদের নেই তাদের ঘরে রূপবতী বোঁ-ঝি থাকলে সম্ভবপণে আগলে রাখে তাকে । হোঁ হোঁ করে ঘুরে বেড়াচ্ছে চর-অহুচর । টুক করে গিরে সংবাদ দেবে । ভুলিয়ে ফুলিয়ে নিয়ে যাবার জন্তু পাড়ায় ঘরে ঢাকালোভী কন্দি আছে । নতুন শাড়ী, এটা-সেটার লোভ দেখিয়ে বাগিয়ে বের করে নিয়ে যাবে ।

—আনী হই থাকবি টে । যা কেন্নে ।

কালীপুরের বনের ধায়ে কাছারী বাগানে যে একবার গেছে সে আর ঘরে করেনি । হয় বর্মান-বাকুড়ো—নাহয় কলকাতার বাজারে গেছে দেহকির করতে ; যারা ভা পাননি—তাদের গতি হয়েছে মামড়ার গভীর জঙ্গল হুঁদ । কেউ আর হৃদিস পায়নি ।

এই নাটকের নায়ক কে তা অনেকই জানে কিন্তু বলবার উপায় নেই । প্রমাণ সাক্ষ্যও নেই, তাছাড়া প্রাণের মায়া বলে বস্তু আছে তো ।

উচাটনানন্দ দেখেছে তার প্রভাব ।

—লতাসাধনাব পথে এগিয়ে চল বাবা । ষড়শক্তির আধার পাবে তুমি ।
পূর্ণাভিষেক পাবার যোগ্য হবে ।

আবছা লাল আলোয় ধিকিধিকি জ্বলছে আঙ্গারজ্বলা ধূপ । বিজাতীয় পরিবেশ—নেশাগ্রস্ত মন এক ভিন্ন-জগতের কল্পনায় মত্ত । শক্তি অর্জন করেছে সে । এটা বিভূতিকে সন্মোদনে রাখতে হবে ।

রাজোহবস্থাং সমানীয তদ্ যোনৌ ষেষ্টদেবতাম

পূজয়িত্ব মহারাজৌ ত্রিদিনং পূজয়েন্নতম ।

কারণবারিতে চোখছুটো লাল । সামনে অপরিচিতা কম্পমানা কোন নারী ;
লাল চেলি পরে আসনে সমাসীন ।

—বড়বাবু ! ফিস্ ফিস্ করে ওরা ডাকছে ।

—কেন ?

—কাজ হাসিল । অভা সংবাদ দেয় ।

হাসছে কন্দর্প । অষ্টসিদ্ধির অধিকারী সে—তন্ত্রসাধনা ব্যর্থ হয়নি । বাঁজালে মদে গলা জ্বলছে । জলুক । পুড়ে ছাই হোক সবকিছু । মেয়েটা কাঁদছে—
হুঁপিয়ে ফুপিয়ে কাঁদছে ।

সেদিন ভোয় বেলায় ভুবনপুরের অনেকের ঘুম ভেঙে যায় । চাপাকণ্ঠে রাতের আধারে ছুটোছুটি করে অনেকেই । কন্দর্প আচাই নিজে বের হয়ে এসেছে পথে । ভুবনবাবু ছাদে পায়চারী করেন—তীরও কানে আসে ওদের দৌড়াদৌড়ির

শব্দ । মানব নামতে যাবে, বাধা দিল,—দাছ, যেও না ।

—কেন ? মানব দাঁতকেই প্রেম করে ।

—এসব নাই বা দেখলে ? ভুবনবাবু আজ যেন সমস্তই প্রকাশ করে হালকা হতে চান ।

মানব খানিকটা আভাস পায়, চুপ করে গেল সে ।

ঝড়ের আগে কাক-চিল টের পায় ; শূন্তে তারা পাক দিতে থাকে । মুহুন্দ সাঁপুইও তৈরী ছিল । কয়েকখানা গাড়ী বোঝাই মালপত্র লোকজনের প্রহরায় জঙ্গলে গিয়ে ঢুকলো ।

ঝড় থেমে এসেছে । মুহুন্দ সাঁপুই হাত কচলাচ্ছে—আগে সংবাদ দিলেই হতো বড়বাবু, ইতো ছোট কাজ । আপনার বাপ-ঠাকুরদার আশীর্বাদে এর চেয়ে জ্বর কাজ গুটিয়ে এসেছি । কন্দর্প আটাই কথা বলে না, ফুরসি টানছে নিবিষ্ট-মনে । কে যেন দৌড়ে এসে খবর দেয় ।

—আইছেন আজ্ঞে ।

অর্থাৎ দারোগাকে নিয়ে নিজে এস-পি এসেছে । একবার তদন্ত সেরে যেতে ।

—ওরে চেয়ার-টেবিলগুলো ঝেড়ে-মুছে দে ।

অভ্যর্থনার সব আয়োজনই করে রেখেছে কন্দর্প, খানার দারোগা আগে থেকেই ‘সারগ্রাইজ’ ভিজিটের সংবাদ দিয়েছ ।

...অবাক হয়ে যান সুপার সাহেব । বিশাল ঠাকুরবাড়ী, নাটমণ্ডপ, দোলমঞ্চ ; দেবতা ব্রাহ্মণে অচলা ভক্তি এদের । কন্দর্পবাবুর কপালে সিঁদুর-ফোঁটা ত্রিপণ্ডু—গলায় একছড়া রুদ্রাক্ষের মালা । পরম ভক্ত সম্ভজন । মানবকে ডেকে এনে পরিচয় করে দেয় ।

আমার বড় ছেলে, এবার বি. এস-সি. দিয়েছে ।

বাঃ ! সুপার সাহেব বেশ খুশিই হয়েছেন ।

একথা সেকথার পর কন্দর্পবাবু নিজেই কথাটা পাড়লেন ।

—দেখুন, একদিকে বিরাট নদী, অত্রদিকে গহন বনের মাঝে বাস করে আছি প্রাণ হাতে নিয়ে । চারদিকে যে অরাজকতা চলেছে ।

সুপার সাহেবও বলে ওঠেন—সত্যিই । আপনারাও ডিফেন্সপার্টি ইত্যাদি করুন ।

বলে চলেছে কন্দর্পবাবু—ওরা শুনেছি অস্ত্রশস্ত্র নিয়ে আসে । সব স্ত্রীর ওই রাণীগণ আসানসোল দিককার কয়লাখাদের ‘হটাবাহার’ মজুর । দুকানকাটা গুপ্তা ওরা, নইলে রাতারাতি মালগাড়ী লুট হয় ? কবে আত্মদিকে শেব করেন এইবার সেই ভয়েই আছি ।

—কালীগুরে একটা আউটপোস্ট হবার কথা হচ্ছে ।

—বেশ বেশ । হলে তবু ভরসা পাই আমরা ।

কন্দর্পবাবু গলে পড়েন স্রায়ের কথায় । দারোগাবাবু চূপচাপ রয়েছেন ; এসবক্ষেত্রে মুখ বুজে থাকাই নিরাপদ । এতদিন কাগজে-কলমেও তাই রয়েছেন ।

পুলিস স্থপারের গাড়ীতে জোর করে তুলে দিয়েছে কন্দর্প কয়েকটা বড় বড় মাছ, এক হাঁড়ি গাওয়া ঘি, কিছু গোবিন্দভোগ আতপ ইত্যাদি ।

—এসব আবার কেন ?

হাতজোড় করে বসে ওঠে কন্দর্পবাবু—গরীবের বাড়ীতে অন্নগ্রহণ তো করলেন না...দয়া করে । ওগুলো সঙ্গেই থাক ।

কালীগুরের ডাক্তার বৃকে লালধুলো উডিয়ে গাড়ীখানা উধাও হয়ে গেল । হাঁফ ছেড়ে বাঁচলেন কন্দর্পবাবু, আর সারা গ্রাম । অভা ডোম, পরমা আরও দাগী ছ'চারজন আগে থেকেই সটকে পড়েছিল বনে । তারাও কেঁদে গাছের টুং থেকে পুলিস সাহেবকে বিদায় হতে দেখে বন ছেড়ে গাঁয়ে ফিরল । নিস্তক গ্রামখানায় আবার স্বাভাবিক জীবনযাত্রার গতি ফিরে আসে । এতক্ষণ চূপ করে থেকে দমকা বাতাসের মত আছড়ে ওঠে নীলে হাড়ীর মা—ওরে আমার নীলমণি বে !

কন্দর্পবাবু উপবে উঠেই বাসন্তীর সামনে পড়েন । স্বামীর দিকে চেয়ে শিউরে ওঠে বাসন্তী, কপালে রক্তচন্দনের ছাপ—গায়ে গবদের চাদর । গলায় সোনারাঁধানো রুদ্রাক্ষমালা,—অদ্ভুত বিচিত্র বেশ । স্বামী আজ নিজেকে বাঁচাবার জন্য হীনভাবে ওই ভডং-এর বেশ নিয়েছে, ওই ছদ্মবেশের আড়ালে লুকিয়ে রয়েছে রক্তলোভী শয়তান ।

—কি দেখছো ? এক চালেই বাজি মাং ।

—লজ্জা কবে না তোমার ? বাসন্তী কি বলতে গিয়ে থেমে গেল ।

—লজ্জা ? হাসছে কন্দর্প—লজ্জা নারীর ভূষণ । ওটা তোমাদের ঘোমটার নীচেই চাপা থাক ।

কথা বললো না বাসন্তী, চূপ করে বসে থাকে । কন্দর্পবাবুর রাগ ক্রমশঃ যেন ফেটে পড়ে—মালিয়াড়ার মুখ্যোদের তেজ আমি ভাঙ্গবো ।

—তারা তোমার কি করতে গেল ? বাসন্তীও রেনে উঠেছে বাপের বাড়ীর নিন্দায় । কন্দর্পবাবু জবাব দেয়,

—তারাই পুলিস লেলাতে গুরু করেছে । হুঁদপুর মোজা দখল পায়নি এই তাদের গায়ের আঁলা ।

কথা বললো না বাসন্তী, স্বামীর দিকে চাইতে তার মন যেন অজানো

26 *

বস্তাবন্দী মালপত্র, কাপড়, লোহার নাটবন্ট, সিক ইত্যাদি কিনে নিয়ে যায়। চাষীপ্রধান অঞ্চল—লাঙলের ফাল, গাড়ীর হাল ইত্যাদিও চলে ভালো। মুকুন্দের এখন রমরম পসার। ওপাশে মালিয়াড়ার সুখদেব মুখ্যের ডাক্তারখানা। কন্দর্পবাবুর স্বত্তরবাড়ীর সম্পর্কে আত্মীয়। সন্ত এম. বি. পাস করে এসে বসেছে। কালীপুরের অর্ধেক তাদের বাকী অর্ধেক আচাইদের। তাই নিয়েই এখনও গোলমাল চলেছে।

কালীপুর বাজারেও কথাটা গোপনে গোপনে সুখদেবের ওখানে আলোচনা হয়। কয়েকজন ব্যবসায়ী—বিশেষ করে মুকুন্দ, রাতারাতি বড়লোক হয়ে কি করে? ওদিকে রাতবিরেতে বনের মধ্যে এখনও মালগাড়ী লুট হচ্ছে—পুলিস তারও কিনারা করতে পাবেনি। তদন্ত চলেছে।

সুখদেব ডাক্তার বলে ওঠে—ওসব কথা পুলিস ভাবুককে দত্তমশাই।

দত্তমশাই কাম্পিতলের কারবার করেন—দোকান বাড়লো না, বরং ব্যবসা গুটিয়ে আসছে। ওদিকে মুকুন্দের কারবার দেখে হিংসাই করে।

—তাই বলে ওকথা বলতে পাবে না ডাক্তার? যে ডাক্তারদের হামলা শুরু হয়েছে কোন্ রাত্রে কালীপুর বাজারই লুট করে না বসে তারা! লোকের মনে সুপ্ত আতঙ্ক জেগে উঠেছে।

সন্ধ্যা নামতে দেরি নেই। কালীপুর বাজারে নেমে আসছে স্তব্ধতার মাঝে আতঙ্কের ছায়া। রাস্তা অবধি চালা নামিয়ে একটা চায়ের দোকানদার কাঁচা কয়লাব আঁচে চা করছে—দু-চারজন খদ্দব বসে আছে। কালীপুর বাজারে ওই একটু অভিজ্ঞাতের ছোঁয়া। ছোটবাবুকে আসতে দেখে অভ্যর্থনা জানায় পুটু।

—আসুন ছোটবাবু, একটু চা সেবা করবেন না!

ঘুরে ঘুরে ক্লান্ত হয়েছে মানব, চায়ের তেষ্ঠাও পেয়েছে।

—দাও তাই।

পুটু ব্যস্ত-সমস্ত হয়ে চায়ের জল চাপালো। কাপ-ডিশ গরম জলে ধুতে থাকে সে।

ওদিকে বসে দু-একজন খদ্দব পরস্পর কি আলোচনা করছিল। কান পাততেই বেশ বুঝতে পারে মানব—ওই লুটতরাজের কথাই। রাতের অন্ধকারে নদীর বালিতে কবে ধানের গাড়ী লুট হয়ে গেছে। বাধা দিতে গিয়ে হাত ভেঙেছে একজনের ডাকাতের লাঠির ঘায়ে। কে বলে চলেছে।

হবেক নাই! বড় গাছে খুঁটি বাঁধা বেটাদের! টিকিটি ধরতে পারবা নাই।

কে যেন উৎসাহী বক্তাকে ইশারা করে—খাম, খাম বাপু।

মানব অহুমান করতে পারে কাকে দেখে এই সাবধানী মনোভাব ওদের।

সবাই হঠাৎ চুপ করে যায় মানবকে দেখে। তাকে তারা বিশ্বাস করতে পারে না—ভাবে মানবও সেই ভাকাত দলের আপনজন। নিজে কে এত অপমানিত কোথাও বোধ করেনি মানব।

পুটু জবাব দেয়—সব দেশেই অমন কাণ্ড হয়ে থাকে, তোরা অসাবধানে ঘাবি কেন? কথায় বলে সত্যের বিনাশ নাই।

মানব চায়ে চুমুক দিচ্ছে অগ্নমনে। অহুভব করে সারা অঞ্চলের লোকের মনে নীরব ঝড় বয়ে চলেছে। ঘুগা পুঞ্জীভূত হয়ে উঠেছে।

কোন রকমে চা-টা গিলে বের হয়ে এস।

পড়ন্ত বেলায় স্টেশন কোয়ার্টারের পাশে এসে দাঁড়াল সে। একটা হাঁসারা থেকে কুলি কামিনরা জল তুলছে। পাশেই একটা ফুলভরা করবীগাছ। দু-একজন প্যাসেঞ্জার বৈকালের ট্রেন ধরতে আসছে। দিনের মধ্যে শেষ বারের মত চঞ্চল হয়ে উঠেছে জায়গাটা।

প্রায়ই আসে এই সময় মানব। কদিনের মধ্যেই মাধুরীকে যেন আরও নিবিড় করে চিনেছে। সমস্ত ক্ষণটুকু এই স্বপ্ন নিয়েই কাটে। সর্বদাই খেতে আসতে কানে আসে ইঙ্গিত ভরা কথা। কন্দর্প আচাই-এর পরোক্ষ গুণগান। এখানে মানব নিজের পরিচয়ই দাঁড়িয়েছে—তাই হয়তো এত ভালো লাগে এই ঠাই। নিজে কে মুক্ত করে তুলে ধরতে পারে।

বাড়ীতে পা দিয়েই অবাক হয়ে যায় মানব। অগ্নদিন এই সময় মাধুরীর স্নান সারা হয়ে যায়—কাপড়-চোপড় বদলে সে বেড়াতে যাবার জ্ঞান তৈরী হয়।

কালীপুরের মত জায়গায় তরুণ-তরুণীর একত্র সমাবেশ—বেড়াতে যাওয়া একটু আলোচনার বিষয়। কিন্তু ওরা দুইজনেই তা কানে তোলেনি। মাধুরী পড়াশোনা করে শহরে—মনের সেটুকু স্বাভাবিকতা আছে। এখানের সমাজে ও মেলামেশা করে না—অবশ্য সমাজজীবনের অস্তিত্ব কালীপুরে কিছু নেই। সেদিক থেকে বাধা হয়নি তাদের মেলামেশার।

—তৈরী হন নি?

মাধুরী একাই বসে আছে দাঁওয়ায়, ওকে আসতে দেখে মুখ তুলে চাইল।

—আপনি! আহ্নন। নিস্পৃহ কণ্ঠে অভ্যর্থনা জানায়।

—কি ব্যাপার বলুন তো? সারা বাড়ীতে একটা নিস্ত্রাণ স্তব্ধতা। মুখবুজ রয়েছে সবকিছু। মানবের মুখের দিকে চেয়ে মাধুরী বলে ওঠে,

—আমরা এখান থেকে চলে যাচ্ছি।

—চলে যাচ্ছেন? চমকে ওঠে মানব। তারই কঠিন শাস্তির বিধান কেউ যেন পড়ে চলেছে তার সামনে। মাধুরী ওর দিকে চেয়ে আছে।

—হ্যা, ওয়াগন লুটের ব্যাপারে বাবাকেও রেলবিভাগ সন্দেহ করেছে। তাই রিভার্ট করে সন্নিবেশ দিচ্ছে এখান থেকে।

—ওয়াগন লুটের ব্যাপারে ঠেকেও সন্দেহ করছে? আশ্চর্য!

—সত্য হোক মিথ্যা হোক তাঁর স্টেশনের ওপারের বনেই ঘটছে ব্যাপারটা। বাইরের কাউকে ধরতে না পারলে, ভিতরেই কাউকে শাস্তি দিতে হবে।

—তাই, নির্দোষের সাজা হবে? মানবের কণ্ঠে রুদ্ধ প্রতিবাদ।

—এছাড়া পথ কি? মাধুরী শান্ত কণ্ঠে জবাব দেয়।

কি যেন ভাবছে মানব। আজ মনে হয় দাদুর কথাই সত্য মায়ের নিষ্ফল প্রতিবাদ বারবার ব্যর্থ হয়েছে। রাত্রি দুপুরে অভা ডোম আর তার দলবলের নৈশ অভিযানের কথা স্মরণে আসে। মুকুন্দ সাঁপুই-এর বিড়ালের মত সন্তর্পণী দৃষ্টি, শয়তানী চালচলন, তাদের রাত্রিবেলায় জঙ্গলে যাতায়াতের কথা মনে পড়ে। ওদের এসব নীরব প্রকৃতি কিসের তা মর্মে মর্মে অনুভব করেছে মানব। শুধু রেল কোম্পানীর সর্বনাশ করেনি—নীলে হাড়ীর বোঁএর কান্না, আরও কতশতের অশ্রু-জল নিতাই ঝরছে—মাধুরীও সেই অত্যাচার থেকে নিষ্কৃতি পায়নি। মাধুরী বলে চলেছে।

—বাবার মাইনে কমে গেলে এইবার আমাকেও চাকরি খুঁজতে হবে। নয়তো কোন দোজবরের ঘরে গিয়ে সতীনকাঁটায় ভুগতে হবে সেই হাড়ি-কড়াই সম্বল করে।

মাধুরীর মানবের কাছে কোন লজ্জার জড়তা নেই। কোন গোপন মনের পরিচিতিতে আপনতর হয়ে উঠেছে সে আজ।

—পড়া ছেড়ে দেবেন?

—উপায় কি? মাধুরী আগামী নিষ্ঠুর ভবিষ্যতের জগৎ তৈরী হয়ে উঠেছে।

এরপর কোন কথাই জমলো না।

রাতের অন্ধকার নেমে আসছে প্রান্তরে; স্তব্ধতার বহু নেমেছে বনে বনে। পলাশের রং মিলিয়ে গেছে দিগন্তে—কালীপুর বাজারে দু-একটা টিমটিমে বাতি জ্বলছে। স্টেশনের পাট চুকে গেছে, লোকজন নেই, দু-একটা নেড়ি কুকুর লাজে মাখায় এক হয়ে শুয়ে আছে। কালীপুরের জীবনমাল্য থেকে খসে গেল একটি দিন—দূর আকাশ থেকে ঝরে পড়লো একটি কক্ষচ্যুত নীহারিকা—বুকে তার তীব্রতর জ্বালাময় হাহাকার।

মানব ফিরছে বাড়ীর দিকে নিঃসঙ্গ, একাকী। রাতের আধারে সব ডুবে গেছে। পাশ দিয়ে বের হয়ে গেল একটা শিয়াল—আধারে নীল চোখ ধক-ধক করে জ্বলছে খাপড় লালসায়। আর মানবের মনে প্রতিবাদে জ্বালা।

ঝড় থেমেছে। মাঝে মাঝে আকাশ কালো করে ঝড় আসে—নদীতে ওঠে তুফান, সেই সময়েই হাল ধরে থাকতে পারলে আবার তীর মেলে—আবার পায় মৃত্তিকার সন্ধান।

কন্দর্প আচাই নিশ্চিন্ত হয়ে বসেছে আজ পাশার ছকে। পাশে গড়গড়া নামানো, মুকুন্দ সাঁপুইও হাজিরা দিয়েছে, আরও দু-একজন আছে। বেশ জমে উঠেছে আড্ডা। হঠাৎ মানবকে এসময়ে ঢুকতে দেখে একটু বিরক্ত হয়ে মুখ তুলে চাইল কন্দর্প। একটু শক্ত স্বরেই মানব জানায়।

—একটা কথা ছিল।

—তোমার আবার কি কথা আছে?

মুকুন্দ সাঁপুই আজ বৈকালে দেখেছে ওকে কালীপুর বাজারে ঘুরতে—তারপর কোথায় গেছে তাও জানে। মুকুন্দ সাঁপুই ওসব খবর রাখে। কন্দর্প চুপ করে মানবের দিকে চেয়ে থাকে।

হঠাৎ সেই বলে ওঠে—মাস্টারবাবুর কথা বলছিলেন ছোটবাবু? ও বুড়ো এক নম্বরের ঘুষখোর—ওর নানান কীর্তি।

—আপনি চুপ করুন। মানবের কণ্ঠস্বরে চমকে ওঠে মুকুন্দ?

মানব এগিয়ে এসে বাবাকেই শোনায়,—বেচারি রিভার্ট হয়ে গেছে বিনা দোষে। কে কোথায় ওয়াগন লুট করবে আর শাস্তি হবে তার!

হাসে কন্দর্প আচাই—ওর যোগসাজস না থাকলে এসব হয় কি করে? গার্ড, স্টেশনমাস্টার, ড্রাইভার—সবাই এসব জানে।

—অথচ বলবার উপায় নেই। বললেই—যারা ওয়াগন লুট করে তারা কোন্‌দিন তার বাড়ীই লুট করে জালিয়ে দেবে।

—তা হতেও পারে। নিস্পৃহকণ্ঠে জবাব দেয় কন্দর্প ছেলের কথায়।

—অথচ সারা দেশের লোক জানে কারা এসব করে। আমিও জেনেছি; মানব বলে ওঠে। নিজের চোখে দেখেছে সে কালীপুরের সাধারণ লোকও তাকে অবিশ্বাস করে, ঘৃণা করে।

কন্দর্পবাবু চমকে ওঠে। বাপ ও ছেলের মাঝখানে একটা পুঞ্জীভূত ঝড় সঞ্চিত হয়ে উঠেছে—যে কোন মুহুর্তে ফেটে পড়তে পারে। কন্দর্পবাবু কি যেন বলতে গিয়ে থেমে গেলো। মুখের কুঞ্জনরেখা মিলিয়ে যায়—সহজ স্বাভাবিক হয়ে ওঠে সারামুখ। হাসছে, হাসছে সে মিটিমিটি।

—বেশতো, খবরটা পুলিশকেই দাও। আমাদের গ্রামের ওপাশেই এসব ঘটছে, আমাদেরও দায়িত্ব একটা আছে।

কন্দর্প হঠাৎ কর্তব্যপরায়ণ হয়ে ওঠে।

মানব রাগে অপমানে নিফল ব্যর্থতায় গুমরে ওঠে। বাপের উপর সমস্ত
শ্রদ্ধা তার লোপ পেয়ে গেছে। কি যে বলবে ঠাণ্ড করতে পারে না সে।

তালগোল পাকিয়ে যায় সব। নীরব বের হয়ে এল ঘর থেকে। কানে
আসে মুকুন্দর হাসির শব্দ। থিক্ থিক্ করে বনশিয়ালের মত হাসছে।
বলে ওঠে গলার স্বর নামিয়ে।

—বুঝলেন তো ব্যাপারটা বডবাবু, এসব বয়সের দোষ আর কি!
বুড়ো মাস্টারের মেয়েকে দেখেছেন? সেই যে শহরের কলেজে পড়তে যায়
নটা বারোর ট্রেনে?

—মানে? কন্দর্পবাবুর চোখে বিশ্বয়ের চিহ্ন ফুটে ওঠে।

—মানে ছোটবাবুর সঙ্গে একটু চেনাজানা আছে কিনা—তাই সংবাদটায়
একটু চটে উঠেছেন আর কি! হাজার হোক বয়সটা যে খারাপ গো।

মুকুন্দর কথায় কন্দর্পবাবুর মনের মেঘ খানিকটা কেটে যায়, —ও তাই বল!
নইলে হঠাৎ এসব কথাই বা বলবে কেন? ঠিক ধরেছো তুমি।

হাসছে মুকুন্দ—তা আপনাদের কাছাকাছি আর এটুকু বিত্তবুদ্ধির কি
অভাব হবে? তা হুজুর—ছেলেপুলের মন কিনা, একটু বেশী জড়িয়ে গেছে।
বড়লোকের ছেলের এসব স্বভাব থাকে—ধর তত্তা মার প্যারেক। তাই নিম্নে
মায়াদয়া কষ্ট এইসবগুলো—আজ্ঞে ছেলেমানুষ।

মানব দালানে দাঁড়িয়ে কথাগুলো শুনে অবধি রি রি করতে থাকে নিফল
রাগে। ভিতরে চলে যাচ্ছিল সে। হঠাৎ মায়ের ডাকে ফিরে দাঁড়ালো।

—ইয়ারে কি বলছিলি তোর বাবাকে?

খবরটা ইতিমধ্যে বাড়ীতেও এসে পৌঁছেছে। একটু বিন্মিত হয়ে জবাব
দেয় মানব—এমন কিছুই না।

উপরে চলে গেল নিজের ঘরে। এ নিম্নে আর কথা বাড়াতে চায়না সে।
তার দুর্বলতাকে ইঙ্গিত করেই বাবা হয়তো কড়া কিছু জবাব দেবেন। আপাততঃ
মনের রাগ মনেই চেপে রইল মানব।

বার বার চেষ্টা করেও ভুলতে পারে না মানব—মাধুরীর কথাগুলো : সব
আশা আমার নিঃশেষ হয়ে গেলো।

একা কী মাধুরীর মনেরই সেই হাহাকার। মানবের সারা মনও গুমরে
ওঠে অসহ বেদনায়। তার মনের প্রথম মুকুলও বরে গেল নিফল ক্রন্দনে।
মাধুরী সেই সংবাদ কোনদিনই পাবে না। বাসিচরের বুকে রাত্রির বাতাস
শত নুপুর নিকণে বেজে চলেছে—দেবানন্দার নৃত্যচঞ্চল সেই গতিবেগ।
আধারের আসরে দেহাতীত আত্মার ব্যর্থ মিনতি।

—কি ভাবছিস বল দিকি ?

মা কখন ঘরে ঢুকে তার কাছে এগিয়ে এসেছে টের পায়নি মানব।
ওর হাতের ছোঁয়ায় চমক ভাঙে।

—এমনিই বসে আছি মা।

মাকে এই কৈফিয়ৎ দিয়ে এডান যায় না। স্বামীকে সেও চিনেছে।
কোন স্বাধীন মনোভাবের লোক তাকে বরদাস্ত করতে পারবে না; ভুবন
আচাই পারেননি—বাসন্তী প্রকাশ্যে বিদ্রোহ করেনি কিন্তু মনে মনে সে
অসছে। মানব প্রসন্ন করে,—এতদিন কি করে এই অত্যাচার সয়েছো মা ?

কথার জবাব দিল না বাসন্তী, ছেলের মাথায় হাত বোলাতে থাকে। অসহায়
সে, স্বামীর বিরুদ্ধে বিদ্রোহ কববার সাহস তার নেই।

—কি করবো বল ? কতবার সাবধান করেছি—এপথ ছাড়ো। কিন্তু না
শুনলে কি করি ?

মা ছেলে দুজনেই যেন এক ঝড়েই মুষড়ে পড়েছে। মানব বলে ওঠে,—আমি
যদি কোনদিন রোজগার করি, সেদিন প্রথম কাজ হবে তোমাকে এখান থেকে
নিরে যাওয়া।

বাসন্তী এ কথার কোন জবাব দিল না।

মাধুরীর মনের কোণে মধুর একটু ছোঁয়া লাগছে—সেকথা নিজেও
অস্বীকার করে না আজ। বিস্তীর্ণ এই দিগন্তসীমার অনীমে হারিয়ে যাওয়া
মন একটু নির্ভর খুঁজেছিল মানবকে কেন্দ্র করে। কালীপুরে এসে
অবধি এমন কাউকে আগে সে দেখেনি। ওই প্রথম এবং প্রধান পুরুষ হয়ে
উঠেছিল তার কাছে। কিন্তু সেই স্বপ্নবিলাস তার দূর হয়ে গেছে কঠোর
বাস্তবের মুখোমুখি দাঁড়িয়ে। বৃদ্ধবয়সে বাবার উপর এই মিথ্যা অপবাদে
সেও মুষড়ে পড়েছে।

—পঁচিশ বছর চাকরি করেছি মা, রেল কোম্পানীর আমল থেকে। এত বড়
অপবাদ কেউ দেয়নি।

বৃদ্ধ রোহিণীবাবু মেয়েকে যেন কৈফিয়ৎ দিচ্ছে।

এই ক’দিনেই বাবাকে আরও বৃড়ো দেখাচ্ছে, হতাশায় ভেঙ্গে পড়েছেন বাবা।
সবদিক থেকে অপমানিত বঞ্চিত হয়েছেন দীর্ঘ পঁচিশ বছর চাকরির হাড়ভাঙা
পরিশ্রমের পর।

প্রতিদিনের মত আজও মানব লাইন পার হয়ে এগিয়ে আসছে। পড়ন্ত
রোদে সমান্তরাল লাইনগুলো দূর দিগন্ত অবধি গিয়ে যেন ধোঁয়ার অশ্রু

আবরণে হারিয়ে গেছে। কুয়োভার কাছে এসে থমকে দাঁড়াল। কুয়ো হতে উদ্ভূত জল পেয়ে গাছগুলো উষ্ম মাটিতেও ফুলে পাতায় সজ্জ হয়ে আছে। এগিয়ে গিয়ে কড়া নাড়তে থাকে মানব। এখনি মাধুরী বের হয়ে আসবে—সত্ত্বযুগ্মজড়িত ছুচোখে চেয়ে থাকবে তার দিকে—কাঁথের কাছে ভেঙ্গে পড়েছে একরাশ কালো চুল।

—কে ?

দরজাটা খুলে গেছে। কিন্তু একি ! অপরিচিত কর্কশ একটি মুখ। ফাটা কাঁসরের মত খন্থনে আওয়াজ তুলে প্রশ্ন করে—কাকে চাই ?

অবাক হয়ে যায় মানব। সমস্ত চিন্তাধারা তার গুলিয়ে আসে। মাধুরীর বাবার নামটাও ঠিক জানেনি। হেডমাস্টার-ডাক্তার-স্টেশান মাস্টার-পোস্ট-মাস্টার—এসবের নামটার কোন বিশেষ প্রয়োজন নেই, পদবী দিয়েই চলে।

—মাস্টারবাবুকে খুঁজছি।

তৎক্ষণাৎ জবাব আসে—তিনি তো ডিউটিতে।

—মানে মাধুরী। মানব কি যেন বলতে গিয়ে থেমে গেল।

ভাঁজপড়া কুৎসিত মুখথানায় একটা বিকৃত হাসির চিহ্ন খেলে যায়—ও ! আগেকার মাস্টারবাবুর মেয়েকে খুঁজছো—তা তেনারা তো চলে গেছেন।

—চলে গেছে ? মানব যেন বিশ্বাস করতে পারে না কথাটা।

বুড়ী বলে চলেছে—হ্যাঁ। যেতে কি আর চায়, বিশেষে ওই মেয়েটা। তা গেল অনেক ছরাদের পর। একথানা মেয়ে যা হোক বাব্বা ! হ্যাস্।

পায়ে পায়ে সরে এল মানব সেখান থেকে। দরজার ফাঁক দিয়ে আরও কয়েকজোড়া কোঁতুহলী চোখ চেয়ে রয়েছে তার দিকে। কি যেন নিজেদের মধ্যে বলাবলিও করেছে তারা।

প্রান্তরে সন্ধ্যা নেমেছে। নিঃশব্দ কান্নাতরা সন্ধ্যা। পিছনে কালীপুরের স্টেশনে একটা বাতি টিমটিম করে জ্বলছে। দামোদরের কুলে কুলে মিষ্টি স্বরেলা শব্দ তুলে জলধারা এগিয়ে চলেছে। টগরবোঁ কলসী নিয়ে এসে দাঁড়াল।

অমনি দুকূল ছাপানো রূপ নিয়ে শূন্য বুকেই রয়ে গেল সে কাঁথের কলসীর মত। নীলে হাড়ীকে সে ঠিক মেনে নিতে পারেনি। চোর ডাকাত ঠাঙ্গাড়ে স্বামীর সঙ্গে ঘর করাও মুশ্কিল। ওদের জেলে এক পা, অল্প পা ঘরে। ঘরবাসী হতে ওদের মানা। গেছে—তার জন্তু দুঃখ নেই। দুঃখ হয় নিজের জন্তুই।

আড়ালে কাঁদে, শোকের কান্না এ নয়। নিজের ব্যর্থতার গুমরে ওঠে সান্না মন। আরক্ত সন্ধ্যার আধারে ডুব দিয়ে বনসীমা থেকে বেগ্ন হয়ে

আসছে নদীর জলধারা ; কোন রূপবতী কণা যেন গহন বনের আড়ালে প্রসাধন
লেরে নাগয়েব কাছে এগিয়ে চলেছে লাস্তময়ীবপে ।

জল ভরে এগিয়ে আসছে নির্জন ডাঙ্গা পার হয়ে ।

মানব ফিরছে উদ্ভ্রান্তের মত । মাধুরী নেই, চলে গেছে । বোধ হয়
আর কোনদিনই দেখা হবে না । অকস্মাৎ এই আঘাত বিচলিত করে
দিয়েছে তাকে । অভিমান করেই হয়তো তাকে সংবাদটুকুও দিয়ে যায়নি ।
তার বাবার এই সর্বনাশের কারণ কে তা হয়তো জেনে গেছে সে, তাই
ঘৃণাভরেই প্রত্যাখ্যান করে গেছে, নিঃশেষ করে গেছে তার সঙ্গে সমস্ত প্রীতির
সম্পর্ক—সে আজ পরিত্যক্ত ।

বেদনার রঙে রঞ্জিত হয়ে উঠেছে শালপিয়ালের বন, রাঙ্গামাটিও নির্জনে
কাঁদে দিনকে শেষ বিদায় দিতে । জীবনের মাল্য হতে খসে গেল একটি
স্মৃতিরঙ্গীন দিন । ভুবনপূব-কালীপুরের অসীম বিস্তৃতির শূণ্যতা আজ নীরব
বেদনায় তার অন্তর ভরিয়ে দিয়েছে ।

—উঃ !

মানব আনমনে পথ চলছিল, পাথুরে উঁচু-নীচু ডাঙ্গায় ছুরির ফলার মত দাঁত
বের করে আছে পাথর ; তাতেই টক্কর খেয়ে পাথের আঙ্গুলটা রক্তারক্তি হয়ে
গেছে ; বালি লেগে অসহ্য যন্ত্রণা করছে । হাঁটতে পারে না ।

—বড্ড লেগেছে ছুটবারু ?

চড়াই-এর নীচেই আমবাগানে কাকে জল নিয়ে আসতে দেখেছিল, কাদের
বোঁ হবে বোধ হয় । হঠাৎ তাকেই এগিয়ে আসতে দেখে একটু অপ্রস্তুত হয়
মানব । সামলাবার চেষ্টা করে,—না, না, এমন কিছু নয় ।

—মাগো, আঙ্গুলটা যে ছেতরে গেছে, রক্তগঙ্গা বইছে ।

কোন কথা বলবার আগেই সে কঠিন মাটিতে বসে ওর আঙ্গুলে হাত ঘষে,
কলসী থেকে থানিকটা জল দিয়ে ঘাটা ধুয়ে দিয়ে বলে ওঠে টগরবোঁ,

—পোড়া ডাঙ্গাতে ঘাসও হয় না যে একটু চিবিয়ে ঘা-মুখে দোব, তা
কুমাল-টুমাল আছে গো ?

মানব পকেট থেকে কুমালটা বের করে দিল । কাদের বোঁ ঠিক চিনতে
পারে না, কপালে—সিঁথিতে সিঁদুরও নেই । সন্ধ্যার মুখোমুখি নির্জন
বাগানে এত সহজভাবে তাকে এইটুকু সাহায্য করতে এগিয়ে, আসতে দেখে
বিস্মিত হয়েছে মানব ।

—থাক, থাক । এতেই হবে ।

মেয়েটি উঠে দাঁড়িয়েছে । বলে ওঠে—একটু হাঁপ করে পথ চলতে হয়,

যে কঁকর ডাঙ্গা—বেসামাল হলেই বিপদ ।

আর দাঁড়াল না সে, জলভরা কলসীটা তুলে নিয়ে চলে গেল ; ওর ছন্দবদ্ধ গতির দিকে চেয়ে থাকে মানব । স্থায়ী বলিষ্ঠ গডন—মাজা মাজা রং ; ওর পায়ের ছন্দে মাটির কলসীতে জল স্রব তুলেছে—যেন বর্ষার আনন্দ-উছল নদী, চলকে উঠছে নিজের আনন্দেই । পশ্চিম আকাশে সূর্যের বিদায়পথে তারার সলজ্জ চাউনি ফুটে উঠেছে ।

একটি মুহূর্ত ! মানব যেন স্বপ্ন দেখছে নির্জন প্রান্তরে হঠাৎ মনে পড়ে মাধুরীর কথা । ...তার হাসিমাখা মুখখানা জেগে ওঠে ব্যাকুল বেদনার রঙে রঙীন হয়ে ।

নীলে হাড়ীর মায়ের এককালে কালীপুত্র-ভুবনপুরের মধ্যে নামডাক ছিল, এখানের ডোম-হাড়ী-বাগ্পী কুলে এ রীতির চালচলন আছে । এটা তাদের কুলকর্মেরই অন্তর্গত । জাতব্যবসা ছাড়া পুরুষরা মদ চোলাই করে গোপনে গোপনে । বাবুদের মহালে চোরা ভাটি বসে কত, মদের অগ্ন্যান্ত আত্মবিক্রম হিসাবে ডোম-বাগ্পী বোঁ-ঝিরা এগিয়ে যায় ।

এ তাদের কুলকর্ম । স্তবরাং নীলে হাড়ির নী আজ টগরকে দূর থেকে দেখে খুশিই হয়েছে । তবু মতিগতি ফিরেছে মেয়েটার, যা হোক এপথে তবু দু পয়সা জুটবে, খেতে পরতে পাবে তারা ।

হঠাৎ পরমাকে আসতে দেখে বুড়ী খেঁকিয়ে ওঠে—ভর সাঁঝবেলায় তুই আবার কি করতে এলি ? তুর জালায় কি ঘরে বাইরেও টিকতে পারব না রে ?

হাসে পরমা । টগরবোঁ-এর খোঁজ করতে থাকে এদিক ওদিক । বুড়ীর চোখ এড়ায় না । মনে মনে হাসে বুড়ী ।

আজ গরুপাল থেকে বাছুর নিয়ে ফেরবার পথে বাগানের মধ্যে স্বচক্ষে যে ঘটনা দেখে এসেছে তার কিছুটা যদি সত্য হয় তবে তার খাবার-পরবার ভাবনা আর থাকবে না । মনটা খুশিতে ভরে ওঠে ; এতদিনে টগরবোঁ-এর স্ববুদ্ধি হয়েছে যা হোক ; ভালো ছেলেকে ধরেছে । ধরবার মত রূপ যৌবন সবই আছে টগরের ; পাঁচখানা গায়ে আঁকুড়ে হাড়ীর ঘরে ওই রূপ দেখা যায় না, বোঁ-গরবে বুড়ীর বুক ভরে ওঠে । আহা আগুনজ্বালা রূপ ! সোমস্ত যৌবন !

—যাদিকি বাপু ।

বুড়ী পরমাকে ভাড়াতে চায় । পরমা দাওয়াতে কয়েকটা এঁচোড় নামিয়ে দিয়ে বলে—রইল গো খুড়ি ।

—এঁচোড় ! বুড়ীর মন ভরে না । ও তো খরচ বাড়াবার কল ।

তেল-হুন-মসলা কতকি চাই। এর চেয়ে সের কতক চাল হলেও বা পদে ছিল।

পরমার রোজগার ক'দিন কমে গেছে। লোকজন চতুর হয়ে উঠেছে। একা-দোকা পথ হাঁটেনা অসময়ে। তাছাড়া পুলিশেরও তাড়া খেয়ে সাবধান হতে হয়েছে চাপে পড়ে।

—তাই হুব খুঁড়, দেখকেন্নে।

পরমা বের হয়ে এল উঠোন থেকে, কে জানে টগর কোথায়! মনটা কি এক অসহ জ্বালায় জ্বলে উঠেছে।

একটু পরেই ফিরেছে টগর।

দাওয়াতে জলের কলসীটা নামিয়ে ঘরের ভিতর এগিয়ে গেল টগর, ভিজে কাপড় গায়ে সঁটে বসেছে—পায়ে পায়ে বাধা দেয়।

আবছা অন্ধকারে বুড়ী এগিয়ে আসে সাঁ করে। কিস্কিন্দে গলায় বলে,

--দেখি কত টাকা পেলি।

চমকে ওঠে টগর—টাকা! টাকা কোথায় পাবো!

দাঁতপড়া লালচে মাড়ি বের করে বলে ওঠে বুড়ী,

—আহা! ঝাঝা পেয়েছিস আমাকে, না? বাগানে কোন লাগরের বৃকে মাথা রেখে এত পিরীত করছিলি? ম্যাগ না মোহাগ খেছিলি তু?

টগরের চোখের সামনে হুনিয়া যেন ঘুরপাক খাচ্ছে, বুড়ীর দিকে চেয়ে থাকে, হুঁচোখে তার পুঞ্জীভূত ঘৃণা। বুড়ী জিব দিয়ে গরল ছিটিয়ে চলেছে।

—একা-একাই খাবি সব? তুই যাস ডালে ডালে তো আমি যাই পাতায় পাতায়। কদিন চলছে এই লাটক—হ্যাঁলা?

মাথায় রক্ত চড়ে ওঠে টগরের। বৈকালের ঘটনাটা সবই দেখেছে বুড়ী, কিন্তু তার মনে ওসব কোন চিন্তা ছিল না, নেইও। সমস্ত ব্যাপারটাই বুড়ী তার পাপমন আর নজর দিয়েছে। এই নিয়ে এইবার শোক উথলে উঠবে, চিংকার করে বোঁএর কেলেকারী ব্যাখানা করতে বসবে কে জানে বুড়ী ছোটবাবুকে চিনতে পেরেছে কিনা? লজ্জায় মাথা হুইয়ে আসে তার। মনের সমস্ত উষ্ণতা ফুটে উঠে ওর কণ্ঠে।

—সব মিথো কথা। এই নিয়ে যদি কোনদিন কোন কথা তুলেছো, লদীর জলে ডুবে আত্মবাতী হবো। বুঝলে?

বুড়ী ওর দিকে চেয়ে থাকে; কি যেন ভাবছে সে। বোঁকে খাঁটানো নিরাপদ নয়। বুড়ো বয়সের ভয়না, আজ না হোক—পরেও হবে কিছু।

আপাততঃ আর কচকচি বাড়াতে চায় না সে। তবে হয়তো প্রথম জালপাতা, সোরগোল করলে জাল কেটে শিকার পালাবে।

ভেবেচিন্তেই চূপ করে গেল সে। রাগে দুঃখে টগরের দু'চোখে জল নেমে আসে। এতবড় অভিযোগ এত হীনভাবে করতে পারবে ওই বুড়ী এত সহজে তা স্বপ্নেও ভাবেনি।

মালিয়াডার মুখ্যযোদের পরিচয় এ অঞ্চলে যথেষ্ট আছে। ভুবনপুরের আচাইদের পালটি ঘর। ভুবন আচাই স্থানীয় সম্বন্ধিশালী ঘরের সঙ্গে প্রীতির সম্পর্ক গড়ে তুলতেই উপযাচক হয়ে ছেলের বিয়ে দিয়েছিলেন ওই ঘরে; কিন্তু বাসন্তীই বৌ হয়ে এসেছে মাত্র; কন্দর্প আচাই চিরকালই ওদের প্রতিবন্দী হিসাবে দেখে। প্রীতির সম্পর্ক সে রাখেনি।

কালীপুরের নীচের চড়াই-এর সমতলে মালিয়াড়া গ্রাম, নদীর ধারেই। মুখ্যযোদের বাড়ীর সকলেই প্রায় উচ্চশিক্ষিত; ডাক্তার, উকিল, বিভিন্ন বিভাগে পদস্থ কর্মচারী তাঁরা, দু'একজন অধ্যাপকও আছেন ওবাড়ীতে। এটা যে বাসন্তীরও একটা গুরুতর অপরাধ। তাই কন্দর্পবাবু বাসন্তীকে বলে,

—চাকুরের গুণী তোমাদের। সিংহ হাজার হলেও পশু। দশ টাকার চাকর আর পাঁচশো টাকার চাকরে তফাৎ কি? আমার বংশে কেউ চাকরি করুক চাইনা আমি। যা আছে তাই দেখেত্তনে থাক—সুখে থাকবে।

বাসন্তী একথারও কোন উত্তর দেয়নি।

তার বড়ভাইও মস্ত ইঞ্জিনিয়ার, বসন্তবাবু বোনের কথা সবই জানেন। কিন্তু ভগ্নীপতির রুঢ় স্বভাবের ভয়েই প্রকাশে কিছু বলতে সাহস করেন নি। আজও বলেননি। কন্দর্পকে কেমন যেন এড়িয়েই চলেন।

মাঝে মাঝে দেশে আসেন তাঁরা, কয়েকজন দেশের বাড়ীতে প্রচুর জমি-জায়গা ট্রাকটর দিয়ে চাষ-আবাদ করাচ্ছেন। সবদিক থেকেই পরিবারটি গ্রামের উন্নতি করেছে এবং নিবারণ মুখ্য্যে এদিক থেকে করিতকর্মা। বারএর ভালো উকিল এবং এদিকেও সুনাম আছে।

মানবকে বেশী পড়াতে কন্দর্প আচাই রাজী হয়নি। বাসন্তী আর ভুবনবাবুই জেদ করেন। এই একটি ক্ষেত্রেই বাসন্তী কঠিন হয়ে উঠেছিল। —আমার একটি মাত্র ছেলে, তোমার পড়াবার ক্ষমতা না থাকে, দাদাকে বলি। ওর পথে বাধা হয়ো না।

মালিয়াডার মুখ্যযোদের সাহায্য নেবে কন্দর্প আচাই! লজ্জায় যেন মাথা হেঁট হয়ে আসে।

—বাসন্তী! কন্দর্পবাবু জলে উঠেছে। বাসন্তীও এর জন্ত তৈরী। কন্দর্প বলে ওঠে—তোমার দাদাদের কেনবার মত সামর্থ্য আমার আছে। দরকার হয় আমার ছেলেকে আমিই পড়াবো। টাকার জন্ত আটকাবে না।

ছেলেবেলায় প্রথম মামার বাড়ী এসে অবাক হয়ে গিয়েছিল মানব। মামারা সকলেই কৃতী। কেউ ইঞ্জিনিয়ার, কেউ বিলেত ফেরত ডাক্তার, কেউ অধ্যাপক। এ এক অল্প পরিবেশ। কলকাতার বৃক্ক মন্ত বাড়ী গাড়ী সবকিছু। এনাহি ব্যাপার। স্টিচ টিপলে আলো জ্বলে। ঝকঝকে ঘর—টেবিল-চেয়ারে সাজান। আলমারি ভর্তি কত বই। অবাক হয়ে গ্রাম্য ছেলেটি হুঁচোখ মেলে চেয়ে থাকে। তাদের বাড়ীর কাছারি-ঘরের মত লাল খেরো বাঁধানো জাবেদা-রোকডের স্তূপ নেই, তক্তপোশে চাদর পেতে ফরাস ফরাস ফরাসিও রাখা নেই। গুদাম-ঘরে লাঠি-সড়কি, ঝকঝকে দা-রামদা, মশালও খুঁজে পায় না। অভা-পরমার মত কালো কুচকুচে ঝাড়া চুলের লোকও কেউ নেই। সেজ বাতির আলোয় ঘর আবছা হয়ে ওঠে না সন্ধ্যাবেলাতেই। জানালা খুললে দিগন্ত জোড়া নদী—চালু শালবন—লালভাঙ্গা—কিছুই নেই। মাকে মনে পড়ে—কান্না আসে। কে যেন তাকে লেই ছায়াঘেরা স্তব্ধ জগৎ থেকে দূর করে দিয়েছে এই ইটকাঠের গড়া নির্দয় রাজ্যে। অচেনা সব মাছ আর চারিদিকে শুধু বাড়ী আর বাড়ী।

মামাতো ভাইবোনেরা তাকে দেখে দূর থেকে। ওদের পোসাক-আবাকও ধোপতুরন্ত—কিটকাট। খেয়ে দেয়ে যে যার স্থলে কলেজে চলে যায়। সেদিন সিঁড়ির কোণে শুকে বসে থাকতে দেখে প্রমথ বলে ওঠে,

—তুই কাঁদছিল নাকি রে?

• কান্না! এতক্ষণ সামলে ছিল, হঠাৎ চোখ দিয়ে জল বের হয়ে আসে। কয়েকজন ছেলে হাততালি দিতে থাকে—দুয়ো। কাঁদলি কেন!

—ওমা, মানব কাঁদছে। এবড় ছেলে!

নতুন স্থলে গিয়েছিল, সেখানের পরিবেশ দেখে হারিয়ে ফেলেছে নিজেকে।

—সর দেখি... কাঁদছো কেন তুমি?

মানব হুঁহাতে চোখ ঢেকে ছিল। কার ডাক শুনে চোখ খুললো—জলভরা ডাগর দুটো চোখ। দেখছে তাকে। হুঁচোখে একটা কাতর চাহনি, ছোট ছেলেটি যেন হারিয়ে গেছে।

—চল তুমি আমার ঘরে।

• হাত ধরে নিয়ে গেল তাকে মেয়েটি উপরের ঘরে।

—বস। উহ, মেঝেতে কেন? বিছানায় বস।

সম্ভর্পণে বসল মানব। চারিদিকে চাইতে থাকে। এ ঘরখানা একটু আলোদাভাবেই সাজান। টেবিল-চেয়ারে ঠাসা নয়। বাতাসে ফুলের মিষ্টি গন্ধেব সঙ্গে ধূপের সৌরভ মিশেছে। কয়েকখানা ছবি টাঙ্গান—চেনা মুখ। বিবেকানন্দ—রবীন্দ্রনাথ—দেশবন্ধু আরও কাদের ছবি। মানব মেয়েটির দিকে চেয়ে থাকে; দুধে আলতায় গোলা রং—গায়ের শিরাগুলো নীল হয়ে ফুটে বেরুচ্ছে। তেমনি স্বাস্থ্য। একখানা গরদের শাড়ীতে চমৎকার মানিয়েছে তাকে। কালো চুল একরাশি পিঠের উপর খোলা গলায় চিকচিক করছে হারটা।

এগিয়ে এসে ও মানবের কাছে বসে।

—এতবড় ছেলে কঁাদে! মায়ের জন্ত মন কেমন করছে?

জবাব দিল না মানব। মাথা নামাল।

প্রথম সেই স্মৃতিটুকু আজও ভোলেনি মানব। ও বাড়ীর অপরিচিত পরিবেশেব মাঝে টুহুবোদি একটি আপনকরা সবুজ দ্বীপের সন্ধান। ও না থাকলে মানব থাকতে পারতো কিনা জানে না। আয়ুল পরিবর্তন এনেছিল টুহুবোদি তার জীবনযাত্রায়—চিন্তাধারায়।

রাস্তায় গাড়ী রেখে ওকে নিয়ে বেড়াতে যায় ইডেন গার্ডেনে—কোনদিন বা জু গঙ্গার ধার দিসে। কলেজ থেকে ফিরলে জলখাবার ব্যবস্থা করে—টুহুবোদি। বাড়ীঘর মধ্যে টুহুবোদিই একরকম সর্বসর্বা। প্রমথ, অনিমেঘ, মায়া আরও অনেকেই যেন একটু হিংসা করে।

—তোমার কপাল ভাল মানব। টুহুমাসির কাছে হাত পাতলেই হল। দে না কিছু পাইয়ে—ভাল একটা মার্কাস এসেছে।

কেউ বলে—টুহুপিসীর বডিগার্ড।

হাসে মানব। তাই নোতুন পৰিবেশও সহ্য হয়ে এসেছে। এখানের জীবনে যেন খাপ খাইয়ে নিয়েছে মানব।

—এমনভাবে কলেজে যাও?

টুহুবোদির কথায় একটু অবাক হয় মানব—কেন? বেশ তো।

—ভালছেলে হলে কি কোনদিকে নজর দিতে হবে না—পড়া ছাড়া? চুলগুলো কাকের বাসা করেছে। এই জামা পরে? সেকলে ছাঁট—তেমনি রং ছিটের। কাপড় পরে কোনদিন পায়ে আটকে ট্রাম থেকে পড়বে।

টুহুবোদির ফরমাশে আসে তার জন্ত নতুন জামা প্যাণ্ট জুতো।

—এসব কেন বোদি। টাকা আমার রয়েছে—বললেই পারতে।

—থাক। তোমার বাবার মেলা টাকা তা জানি। বাবা চিনেছেন টাকা

আর টাকা—ছেলেও তাই।

সন্ধ্যাবেলায় পড়ার ঘরে হৈ চৈ চলছে। মাস্টারমশায়, ওঘরে দিদিমণি চলে গেছে পড়িয়ে। ছেলেমেয়েরা ভূত নামিয়েছে। মানব পড়তে যাবে—প্রমথ বই বন্ধ করে দেয়।

—আথ ক্যারিকেচার করছি।

হাসি হুল্লোড কলরব চলছে। উপর থেকে দিদিমা চিৎকার করেন, বডমাসী হাঁক পাড়ে—ওরে ও প্রমথ, আই অনিমেথ—মায়া—হচ্ছে কি?

কে কার কথা শোনে, সে বন পিচে গান গাইছে অনিমেথ, মায়া গিলখিল করে হাসছে প্রমথের ক্যারিকেচারে। হঠাৎ দরজার কাছে টুহুবৌদিকে দাঁড়িয়ে থাকতে দেখে সব এক মিনিটেই থেমে গেল।

—কি হচ্ছিল তোমাদের? এই মায়া—

কারোও মুখে রা' নেই। টুহুবৌদি কঠিন স্বরে বলে চলেছে।

—তোমার সামনে সপ্তাহে পরীক্ষা মানব, এই তুমি পড়ছো?

মানব মাথা নীচু করে।

ব্যক্তিগত একটা হয়তো কোথায় টুহুবৌদির ওই অপরূপ লাভণোর সঙ্গে অঙ্গান্বীভাবে জড়িয়ে আছে। বাড়ীতে সবাই ওইটুকুর জন্মই বোধ হয় ওকে মেনে নিয়েছে। বয়স কিইবা এমন। মানবের থেকে কিছু বড়, কিন্তু পূর্ণ বিকাশ ঘটেছে ওর মনের; লেখাপড়া জানা সুন্দরী মেয়ে, কিন্তু বড়মাসী বলে,—অতি বড় সুন্দরী না পায় বর, অতি বড় ঘরস্তী না পায় ঘর।

সুহৃদা বিলেত যাবার আগে বিয়ে করে, বিলেতে ডাক্তারি পাস করে আসবার সময় এক মেমসাহেবকেও এনেছে। মস্ত ডাক্তার—কিন্তু তারপর থেকে স্বামীর সঙ্গে কোন সম্পর্কই রাখেনি টুহুবৌদি।

কি যেন দুজ্জের রহস্যবৃত্ত ওই নারী; ওর বলসে দেওয়া রূপ বুদ্ধির মাঝে কেমন ব্যর্থতার করুণ ছায়া ওকে ঘিরে আছে।

—সুহৃদা ভুল করেছে বৌদি। তুমি শুধরে নিতে পারতে।

মানবের কথা শুনে ফিরে চাইল বৌদি। নীরব তীব্র সে চাহনি। মানব থেমে গেল। একটি নিমিষের চাহনিতে মানবকে যেন ঝুলিয়ে দিল টুহুবৌদি—সে ভুল করেনি। এটা তার ব্যক্তিগত আদর্শ এবং এ নিয়ে কথা না বলাই ভালো।

পাস করেছে মানব—অনার্স নিয়ে। টুহুবৌদি কাছে টেনে নেয়।

—আরও বড় হবে মানব। ইঞ্জিনিয়ার হবে তুমি। মস্ত ইঞ্জিনিয়ার।

হাতে ভুলে দেয় দামী শেফার্ড স্টেটস্‌ম্যান কলম—নাও।

—বাবা যদি রাজী না হন আর পড়াতে ?

—হবেন। এখানে ভর্তির ব্যবস্থাও করেছি। তোমার মাকে মামাবাবু চিঠি দিয়েছেন। সব ব্যবস্থাও হয়ে গেছে, তুমি ইঞ্জিনিয়ারিং পড়বে।

টুহুবোদির দাদা শিবপুর কলেজের অধ্যাপক। টুহু নিজেই নিয়ে যায় তাকে দাদার কাছে এবং তার দাদাও মানবকে দেখে খুশি হয়েছেন।

গাড়ীতে ফিরছে দুজনে। গঙ্গার বুকে শেষ সূর্যের লাল আভা পড়েছে তাবই স্পর্শ টুহুবোদির গালে মুখে। ঠকটকে হয়ে, উঃ বঃ ওব ‘দেখ তেমন আছে। মানব কথাটা বলবার চেষ্টা করেছিল ও. আগে থেকেই, আর বলে।

—সেদিন বাগ করেছিলে আমার কথায়, হুতুদার সম্বন্ধে যা বলেছিলাম ?

মুখ তুলে চাইল টুহুবোদি, কালো চোখে কি গভীর চাহনি। সিঁদেব শাডীখানায় মুহূ শব্দ ওঠে. বাতাসে উডছে চুলগুলো।

—না। তোমার দিকে থেকে হয়তো ঠিকই বলেছো। আমার আদর্শের সঙ্গে মেলেনি বলেই কি রাগ করতে হবে? বহু পথ—বহু মত—বহু লোক। তাই বলে সংঘাত হতে হবে এমন কোন মানে নেই।

—তাই কি আমাকে ভাস্করাবি পড়তে দিলে না ?

টুহুবোদি বলে ওঠে।

—ভাস্কর মানুষের প্রাণ বাঁচায়, ইঞ্জিনিয়ার জাতির সম্পদ গড়ে তোলে। একটা মানুষের প্রাণের চেয়ে সারা জাতির স্বার্থের দাম অনেক বেশী।

বোদি চুপ করে বসে আছে। গাড়ীখানা শহরের কোলাহলে মুখর পথ ধরে দখিনের দিকে চলেছে। টুহুবোদি কি ভাবছে গভীরভাবে। মাঝে মাঝে ওই হাসিখুশি মেবেটি—কোথায় চিন্তার গহনে স্বদূরে হারিয়ে যায়। মুখে চোখে কোন দূব আকাশের ছায়া। ওকে চেনা যায় না।

—বোদি !

—ও। ই্যা কি বলছো ?

—মাঝে মাঝে এত কি ভাবো বল দিকি ? কি যেন দুঃখ—

হাসে টুহুবোদি, সারা মুখের মালিন্যকে সেই মধুর হাসি দিয়ে রাস্তিয়ে তুলে বলে ওঠে—বড্ড বাজে কথা বলতে শুরু করেছো মানব। বেশ বুঝেছি তুমি ডুবে ডুবে জল খেতে শিখেছো। আমার চোখকে ফাঁকি দিতে পারবে না বুঝলে ?

—যাও। মানব লজ্জায় পড়ে যায়।

হাসছে টুহুবোদি—দু’গালে টোল পড়েছে।

মালিয়াড়ার ছ'-আনির তরফের নিবারণ মুখ্যো বর্ধমান বারের একজন নামকরা উকিল—বাসন্তীর বড় ভাই। ভগ্নীপতির সঙ্গে তার লোক-লৌকিকতা সবকিছু কোর্টের বারান্দাতেই। আপায়ণ করে নিবারণ,

—শুশ্রূষাবাড়ীর দিকে হাঁটবে না কোনোকালে কন্দর্প ?

বয়সে ছোটই, কন্দর্প বলে ওঠে—দেখাশোনা, খোঁজখবর তো পাচ্ছিই এখানে। উজিয়ে আবার বাড়ী যাবার দরকার কি ?

হুজনে কোর্টের বটতলার ছায়াঘন পরিবেশে একটা দোকানে বসে চা খাচ্ছে। দুটি নীরব বিরুদ্ধ মত কিন্তু উপবে মিষ্টি প্রলেপটা ঠিক বজায় রেখে চলেছে।

—তা হলে কালীপুর মৌজা অমনিই থাকবে ? কন্দর্প কথাটা পাড়ে।

—থাকুক। নিষ্পৃহ কণ্ঠে জবাব দেন নিবারণবাবু।

—তাহলে জবাব দখল কবতেই বলছো অর্থাৎ কৌজদারী ? কন্দর্প সম্বন্ধীকে হুঁশিয়ার করে দিতে চায়।

নিবারণবাবুও ভাববে তবু মচকাবেন না—দেখনা চেষ্টা করে, তিন নম্বর তো হচ্ছে শুশ্রূষাবাড়ীর সঙ্গে, পারো তবে গণ্ডা পুরিয়ে দাও।

চটে উঠেছে কন্দর্প—তোমরা অতি ইতর হে।

—নাও, এখনতো খেয়ে নাও। চা ঠাণ্ডা হয়ে যাচ্ছে।

ঝগড়াটা আপাততঃ মূলতুবী রইল। কন্দর্পের মনের আগুন মনেই জ্বলতে থাকে ধিকি-ধিকি, এর জবাব সে দেবেই। মুখ্যোদের বিবদাত ভেঙ্গে দেবে সে। নিবারণবাবু রসগোল্লা খেতে খেতে বলেন।

—রসগোল্লাটা ভালো করেছে, ওরে বদন আরও কয়েকটা করে দিয়ে যা। নাও হে কন্দর্প ?

এ সময় হুজনের সৌদার্য দেখবার মত, পর মুমূর্ত্তেই এজলাসে গিয়ে হুজনের মধ্যে তুমুল কাণ্ড বেধে যাবে।

এ যেন নিত্য নৈমিত্তিক ঘটনার দাড়িয়েছে।

বর্ষার ঢল নেমেছে দামোদরে। প্রথম বর্ষার ঘোর কেটে গেছে, তান্ত্রান্ত শুকনো প্রান্তর শালবন বৃষ্টির জলের আর্দ্র হয়ে উঠেছে—এইবার শুরু হয়েছে ঢল নামা। এক পশলা জোর বৃষ্টির পর নামছে গৈরিক বৃত্তিকা ধোয়া জলের প্লাবন—মাটির জীবনীশক্তিকে ধুয়ে মুছে ঠেলে আনছে নদীতে। ছোট ছোট খাদ খন্দ ছাপিয়ে লস্করে জলের স্রোত নেমেছে—স্রোতের বেগে ভেসে আসে মরা খরগোশ—শিয়াল বাচ্চা—নাহয় একে বৈকে সীতার কাটিবার বুধা চেষ্টা করতে করতে

একটা কেলো সাপ ভেসে যায়। খানিকটা গিয়ে মরে ভেসে উঠবে। এ শ্রোতের সঙ্গে যুক্ত হতে পারবে না।

দামোদর মেতে উঠেছে। দুই জেলার মধ্যে যেটুকুও ইঁটা পথে যোগাযোগ ছিল তাও প্রায় মুছে গেছে। ভুবনপুর এখন নিস্তব্ধ, সভ্যতার শেষ সীমায় হুইয়ে পড়া প্রাণীকাকার বাগানের কোলে ভিজ্জে সঁাতসঁতে একটি ক্ষুদ্র স্থপ্তিময় জনপদ। তার পরই উঁচু বাঁধের নীচে দিগন্তপ্রসারী জলরেখা; শ্রোতের আবর্তে ফেঁপে ফুলে উঠেছে সংহার মূর্তিতে।

কুটো পড়লে ছুঁটা হয়ে যায়। মাঝে মাঝে প্রবল আলোড়ন জাগিয়ে ধেয়ে আসে ঘূর্ণায়মান জলবাশ—খলখল করে কোন রুদ্ধভৈরব হাসছে। পাহাড়ের শিখর থেকে ধ্বংসবেশী শ্মশানভৈরব বের হয়ে এসেছে লোকালয়ে, মুখে তার অটুহাসি—মাঝে মাঝে বন্ বন্ বাজে গালবাচ্চ, হাতের চিমটে ত্রিশূলের বনৎকার ধ্বনিত হগ থেকে থেকে। রুদ্ধ দামোদর।

নিতাই ঘোষের চবে সম্ভ্রাস জেগেছে!

মরদমোহান সকলেই দিনরাত সজাগ হয়ে রবেছে। হিজলগাছের গুঁড়িতে দু'খানা নোকা বাঁধা, দরকাল হলে চর ছেড়ে ওতেই উঠবে, গরু-মোষগুলোকে জলে নামিয়ে দেবে—তারা সঁাতারে পারমুখো হবেই। বর্ষার জলে চরের বৃকে জমেছে সবুজ লকলকে ইঁটুভোর ঘাস। গুঁয়ের তীব্র তাতে শুকিয়ে উঠেছিল গরু-মোষ, বর্ষার জলে আবার নধর চিকন হয়েছে। এ সময় দেশ গাঁয়ে খড়ের অভাব—সেই অভাব এখানে নেই।

ব্রজ চরের চারিপাশে ঘুরে বেড়ায় সাবধানী দৃষ্টি মেলে। চারিপাশে তার খরশ্রোতা দামোদর শত জিব মেলে এগিয়ে এসেছে, ধারাল জিব দিয়ে চাটেছে নরম মাটিকে, মাঝে মাঝে জিবের সাপুটায় খানিকটা মাটি ধসে পড়ছে তার গহ্বরে।

—ঝপ—ঝপাং।

কোথায় চর ভাঙছে।

—নদী যেন ঢুকে না পড়ে বেজ! নিতাই ঘোষও তালপাতার ছাতা মাথায় দিয়ে নিজেই তদারক করতে বের হয়েছে।

ব্রজ জবাব দেয়—না, সেদিকে নজর রেখেছি।

—ই্যা, একবার একফালি সরু জল ঢুকতে পারলেই চরকে ফাটিয়ে চৌফাল করে দেবে একরাতেই। সেবার অঙালের কাছে মানাবন গায়েব করে দিয়েছিল।

...আকাশের দিকে চেয়ে দেখে; ঘুসর পাংগু আকাশসীমা। উবুড় হয়ে

পড়েছে—চরের উপরই। অব্বোরে ঝরছে ওর বুক থেকে বৃষ্টিধারা।

সোঁ সোঁ ছাড়ছে হাওয়া—কলকল খলখল শব্দমুখর বাতাস। নদীর গর্জনে সব ঢেকে গেছে। মাহুঘের কণ্ঠস্বর এখানে অবাস্তিত, নদীর রাজত্ব, তারই মন্ত প্রতাপ সবচেয়ে বেশী। সবাই যেন এই আতঙ্কময় পরিবেশে কেমন স্তব্ধ হয়েছে।

—খা! খা তোরা।

চালায় বাঁধা সারি সারি গাফ-বাছুর-মোষও যেন টের পেয়েছে কি এক আগামী যর, খেল-ছানি-মাখা পাবনা আর গেতে টানেই তাদের। কালো বাঁধা মেলে আকাশের দিকে চেয়ে আছে বাতাসে কিসের যেন ঘ্রাণ নিচ্ছে—হাওয়া!..

বাছুরটাকে আরও কাছে ডেকে নিয়ে শতপানে চেয়ে থাকে, ডাগর চোখের চাহনিতে পরিস্ফুট হয়ে উঠেছে না-বলা আতঙ্ক।

নিতাই বলে ওঠে—লক্ষণ ভালো দেখছিনা ব্রজ।

গোবরা বলে ওঠে তুনি নিশ্চিন্দি ঘরে ঘুমোও গা দিকিন। ইশালো নদীতো লয় পাথরবাটিটি। ইকে ভরিয়ে থাকবা নাকি।

—নারে! ভাবতা। দামোদর সাক্ষাৎ মহাদেব—বুঝলি। হাত তুলে নমস্কার করে বুড়ো।

এ অঞ্চলের দেবতাই। নিদারুণ বিস্ময়কর গ্রীষ্মেও যোগায় ক্ষীরধারা, পানীয়। দুইতীরে ওর সোনা ফসলের সমারোহ—সবুজের স্বপ্নলাগা দেশ। বর্ষায় ওর বুক থেকে ধারানি এগিয়ে যায়, ক্ষেতে ক্ষেতে ধানের চাষা বৃকে যোগায় অমৃত সঞ্চয়।

বর্ষমান-বাঁকুড়ার সীমান্তের গ্রামে গ্রামে বহু গৃহস্থের নিত্যপূজার আসন পয়েছে ওই নদী—শালগ্রাম শিলার বিষ্ণুমূর্তিরূপে। দুই হাত তুলে নিতাই প্রণাম করে।

—অপরাধ নিও না বাবা দামোদর চন্দ।

এ বৃষ্টির শেষ নেই। ভাসানী দাওয়ায় বসে আছে, উঠানে পা দেবার উপায় নেই। পিছল হলদে পলিমাটি—বালি তার অনেক নীচে। পলিমাটি কাদায় ভরে উঠেছে। দাওয়ার খুঁটি বেয়ে উঠেছে লাল চাঁই পিঁপড়ে। চরের কোন গর্তে বাসা বেঁধেছিল তারা—বানের জল পেয়ে বের হয়ে এসেছে মাহুঘের আশ্রয়ে!

—সব ভুবে যাবে নাকি? ভিজতে ভিজতে আসছে ব্রজ।

এগিয়ে যায় ভাসানী—ইন্ ভিজ়ে যে ভাব হয়ে গেছে। ছেড়ে ফেলো—হাসে ব্রজ—নূনের পুতুল লই বুঝল। একটু বর্ষায় জল লাগলে গলে যাবো না। বর্ষাভের শরীর—জল সওয়া আছে।

—খাক। হুঁচোখে হাসির আভা কোটে ভাসানীর।

—একটু চা করছি, বাবা বেরুল কোথায় ?

—সবাই এখন একপায়ে খাড়া, বুঝলে। দামোদর ক্ষেপেছে। এই বানটা পার করতে না পারলে নিশ্চিস্তি নাই। বালি পড়ে পড়ে নদীর খাত বুজে উঠেছে, তিন হাত জল হলেই বিপদ। উপছে ওঠে।

...ভাসানী ওব দিকে চেয়ে থাকে, আতঙ্ক ফুটে ওঠে তার চোখে।

—জেনে-জেনেও বাবা এইখানেই থাকবে ?

—কোন ভয় নাই। আশ্বাস দেয় ব্রজ।

তবু ভাসানীর মন মানে ন'—যদি রাত দুপুরে বান ছাপিয়ে ওঠে ?

কথাটা ওর মন থেকে ঝেড়ে ঝেড়ে চায় ব্রজ—বাঁধে বাঁধে লোক আছে।
সেরকম গতিক দেখলে তার ব্যবস্থাও করা যাবে।

—মানে ?

—সব কথা মেঘেদিকে বলতে নাই।

...এটা আশ্বর্যস্ফূর্ত গোপন তত্ত্ব। নদীর হুঁকূল ছাপানো জলরাশি আগে থেকেই অল্পপথে বের করে দিতে পাবলে বন্ধ্যা ভয় থাকবে না ভাটির নীচে—উপরে গিয়ে কোন সাঁধ কেটে দেওয়াব ব্যবস্থাও করে রেখেছে তারা।

ভাসানী কথা বলে না, ব্রজের মুখ-চোখের দিকে চেয়ে থাকে। কি যেন কঠোরতা ফুটে উঠেছে ওই বৃষ্টিভেজা স্বন্দর মুখখানাতে।

—চা হয়ে গেছে।

...একটা গেলাসে করে খানিকটা গরম দুধে চাপাতা ফেলে একটু গুড় মিশিয়ে একটা পানীয় তৈরি করে দেয়। ভিজ়ে কনকনে ঠাণ্ডায় লাগে মন্দ নয়।

লাল পিপড়েগুলো বাঁশের খুঁটি বেয়ে চলেছে।

ভাসানী বলে ওঠে—ভাঙরি এখনও থাকবেক হুঁ'একদিন লাগছে।

ব্রজ কথা বলে না, কি ভাবছে। বৃষ্টিভরা দিগন্তে নদীর এই বিপর্যয়ের মাঝে তার মনেও ঝড় উঠেছে। ভাসানী চেয়ে রয়েছে তার দিকে। হাতখানা এসে পড়েচে তার হাতে, গালে পড়ে ওর উষ্ণ নিঃশ্বাস। বাইরের দুর্ধোগ তার মনের সব আগল যেন ভেঙ্গে দিয়েছে—ব্রজ !

ভাসানীর হুঁচোখে কি নেশা !

ব্রজ যেন ভয় পেয়ে গেছে ! হাতের গেলাসটা নামিয়ে রেখে সেই বর্ষাক মাঝেই নেমে গেল উঠানে—চলে যেতে যায়, পালাতে চায় সে ভাসানীর সামনে থেকে।

আকাশ বাতাসে সৌ সৌ ঝড়ের মাতন লেগেছে। ঝেঁপে ফুলে উঠেছে

নদী। তেমনি আকুল মাতন লেগেছে ভাসানীর মনের গহনে। এমনি ব্রজ ওর সেই আবেগভরা চাউনিকে কেমন এড়িয়ে চলতে চায়।

সামলে নিল নিজেকে ভাসানী। ছিঃ! কি এক নিদারুণ দুর্বলতা মাঝে মাঝে তাকে পেয়ে বসে! ব্রজকে চাইবার কোন অধিকার তার নেই। ভাসানী তার চেয়ে অনেক উচুতে। সে এক স্থিতিকণ্টক জালা।

টিপটিপ বৃষ্টি পড়ছে—ভুবনপুরের নৌচেই কাঠালতলার ঘাটে একটা কাঁচা তালপাতার ছাউনির মধ্যে বসে আছে কয়েকজন যাত্রী—ছোট ছেলে-মেয়েও রয়েছে বৌঝিদের সঙ্গে। ভুবনপুরের আকাশ ঢাকা কালো মেঘে, নির্জন প্রান্তবে বৃষ্টির ধারাপাত চলেছে।

নৌকা ছইএ বসে অভা ডোম তানাক টানছে, শ্রোতে খুঁটিতে বাঁধা নৌকাটা নাচছে টলছে। তামাক-পোড়া ধোঁয়ার গন্ধে ভরে উঠেছে বাতাস; পরমা, বগন, পাতু উবু হয়ে বসে হাতের তেলোয় কলকে রেখে তাই টানছে ফুক ফুক করে। মাঝে মাঝে চকচকে জলের দিকে চেয়ে থাকে সন্ধানী দৃষ্টিতে।

ফেনার স্তূপ ভেসে চলেছে শ্রোতের টানে, দু'একটা নাক একটা ভাসমান বিকৃত মৃতদেহের উপরে চোট লাগাবার চেষ্টা করে বসছে—আবার চকর দিচ্ছে ওটার পাশে। শ্রোতের বেগে ঠিক ভারসাম্য থাকছে না।

--খেয়া হবেক নাই? কোন যাত্রী ভীত কণ্ঠে প্রশ্ন করে।

উত্তাল তরঙ্গসমূহ নদী; হড়পা বান নেমেছে। ওর নীচে বালিচর শ্রোতের টানে এদিক ওদিক হয়ে গেছে। যেখানে ছিল বুকজল সেখানে হয়তো দশবিশ হাত খাদ হয়ে ঘূর্ণিপাক শুরু হয়েছে—সেই পাকে নৌকা পড়লেই সর্বনাশ। বেসামাল করে তলিয়ে দেবে; যেখানে খাদ ছিল সেখানে জমে উঠেছে চোরা বালিয়াড়ি; শ্রোতের প্রবল টানে নৌকা গিয়ে ধাক্কা মারবে সজোরে—এমন অবস্থায় তলা ফেঁসে যাবার সমূহ ভয়।

...প্রথম বানের পর পাকা মাঝি অনেক সাবধানে নৌকা ছাড়ে। ভরা তুকানে নৌকা ছাড়তে ভয় পায়।

--খেয়া হবেক নাই বাপু আজ। অভা জবাব দেয়।

—হবে না? উৎকণ্ঠিত কণ্ঠে প্রশ্ন করে সবাই—তিনদিন নদীর ধারে সবছাড়া হয়ে বসে থাকবো?

—কি করি বলেন; সবই বাবা দামোদরের ইচ্ছে।

শ্রোতের টানে বাঁধা নৌকাটা ছলছে। ওপারের তীরভূমির সমস্ত সবুজ অশ্রুধারার অশ্রুধারার স্রাবরণে ঢেকে গেছে।

বর্ধমান আর বাঁকুড়ায় এপ্রান্ত সভ্যজগতের সঙ্গে সব সম্পর্ক বিচ্ছিন্ন করে রেখেছে নিজেদিকে । ওপবে জমাট অন্ধকার—ভিন দেশ ।

—ইস্টিশানেই ফিরে চল গো ।

যাত্রীবা আবার নদীর তীর থেকে আশ্রয়ের সন্ধানে স্টেশনের দিকে হাঁটা দেয়, বৈকালের আধাব নেমে আসছে মেঘভরা আকাশে আকাশে । শালবনসীমা স্তব্ধ হয়ে গেছে । এ কোন এক কপকথার গহিন বনরাজ্য, মানুষ এর বিস্তৃত অসীমে একান্ত একাকী - অসহায় । নদীব ধারা থেকে যাত্রীরা পালিয়ে এসে কালীপুর স্টেশনের ছাউনিতে আশ্রয় নিয়েছে—বৃষ্টিঝবা বাত, দলবৈধে জেগে থাকবে তারা । ছেলেগুলোও কান্না ভুলেছে নিবিড় আতঙ্কে ।

রাত শেষ হয়ে আসছে । নিবাপদে কাজ সারা হবে কল্পনাই করেনি । বাজে মাল তারা নেয়নি—কুণ্ড স্বর্ণকারের বাড়ীতে হানা দিয়ে বের করে এনেছে বঙ্ককী সোনারূপার গহনা । যাত্রা শুভ হয়েছে তাদের ।

টিপটিপ বৃষ্টির মাঝে অগিষে এসে নদীব জলে নামালো, ঠাণ্ডা হিম জলশ্রোত—দু'কোশ উজ্জিয়ে গিষে নেমেছে—ভাসতে ভাসতে তবেই তাদের এলাকার এসে পৌঁছবে ।

—ঘেঁউ - ঘেঁউ উ !

—আশেপাশেই যেন কোথাও কুকুর ডেকে ওঠে ।

—কাকা ! চাপাস্বরে হেঁকে ওঠে পাতু ।

—শালারা পিছু লিয়েছে পালা ।

আবছা অন্ধকারে কাদের পাযের শব্দ শোনা যায় । কুকুরটা ডেকে ওঠে হঠাৎ নদীর জলের কাছাকাছি এসে । শুনতে পায় --

—ধর ব্যাটা দিকে । ওরা তাড়া করে আসে ।

বিহ্বলবেগে পরমার লাঠি আসমানে চাপা গর্জন তুলে কার মাথায় আঘাত করে উঠল । তীক্ষ্ণ একটা আর্তনাদ করে কে যেন একজন মাটিতে লুটিয়ে পড়তেই দু'চারজন আরও ছুটে আসে ।

জলের তোড়ে লাফ দিয়ে পড়ে তারা ! তীরবেগে ভেসে চলেছে শ্রোতের টানে—তীরে দাঁড়িয়ে ওরা টর্চ ফেলে খোজবার চেষ্টা করছে—গৈরিক জল থল থল করে হাসছে অট্টহাসিতে, ভৈরবের অহুচরদল দামোদরের বিশাল গহ্বরে আশ্রয় নিয়েছে ।

পরমা নির্ভয়ে বলে ওঠে—শালারা বড় বেড়েছিল । আয় ইবার !

বৃষ্টি নেমেছে আবার । জলের বৃক্কে হাজারো ধারায় বাজছে কোন আকাশ-জোড়া দিগন্তনার নুপুরনিবন্ধ ।

—ছপ—ছপ! অবলীলাক্রমে ভেসে চলেছে তারা স্রোতের বেগে, মাঝে মাঝে একটু তীরমুখো ঠেলা মারে।

অন্ধকারে মারমুখী দামোদর পাড়ি দিয়ে ফিরছে তারা।

টগর সেই বৈকালের ক্ষণিক স্মৃতিটুকু মন থেকে ঝেড়ে ফেলতে পারেনি। কি যেন স্বপ্নের মত তাকে পেয়ে বসেছে! নির্জন বাগানে দাঁড়িয়ে রয়েছে তারা একটি মুহূর্ত! ছোটবাবুর ডাগর চোখের চাহনিতে কি এক অব্যক্ত বেদনা ঝরে পড়ে।

কোন কথাই তার মনে জাগেনি। হঠাৎ এত নিবিড় সান্নিধ্যে এসে তার লম্বা চিন্তাধারা শুরু হয়ে গিয়েছিল। বাড়ীতে ফিরে বুড়ীর কথায় চেতনা ফেরে তার। শিউরে উঠেছিল ঘুণায়। ওই ফুলের মত স্বন্দর ছোটবাবুকে এত নীচে নামাবার মত হীনতা তার কোনদিনই যেন না হয়।

বুড়ির রাতে। একা একা কাটে রাত—জ্বগে থাকা রাত। শূন্যমনে কি নিবিড় ক্ষুধা তিল তিলে গুমরে উঠছে। ঘুম আসে না। মনে পড়ে—টুকরো ঘটনাগুলো।

সেদিন ছপুর বেলায় এ পাড়ায় মানবকে দেখে অবাক হয়ে যায় টগর। হাতে ছিপ, বাঁধে মাছ ধরতে চলেছে। ওকে দেখেই প্রশ্ন করে।

—বাড়ীতে মদের মেগুতা আছে? মাছের টোপ করতে হবে।

—মেগুতা!

ফিক্ করে হেসে ফেলে টগর। ওর দিকে চেয়ে থাকে জিজ্ঞাসু দৃষ্টিতে। ছপুরের রোদ থরথর কাঁপছে শালবনে, বোদে পোড়া তেঁতুল গাছের মিশকালো পাতায়। পত্রাবরণের অন্তরালে কোথায় ঘুঘু ডাকছে, উদাস মধ্যাহ্নে। প্রকম্প আলোছায়ায় ওর দিকে চেয়ে আছে অন্তকোন লাশ্মরী নারী।

—মদ খাবার লোক ত নাই ছোটবাবু, মেগুতা পাব কুথায়?

—ও!

এগিয়ে গেল মানব।

এ যেন কি এক স্বপ্নের ঘোর, টগর নিজেকে ভুলে যেতে বসেছে। হঠাৎ চেতনা ফিরে আসে। ছিঃ ছিঃ! কি এক ভূত যেন তার ঘাড়ের ভর করেছিল।

.. বামন হয়ে চাঁদে হাত দেবার আশা। তবু কত বিনীত রাতে তার মনে আসে ওই স্মৃতি—সেই ডাগর নিষ্পাপ চোখের চাহনি।

বুড়ির রাতের আধারে ঘুম নেই, কি সব আকাশ পাতাল ভাবছে সে।

—টগর! টগর!

ঝড়ে হাওয়ার কে ডাকছে। খড়মড় করে বিহানায় উঠে বসে। হ্যা, বুড়ির

ঝিমঝিম শব্দ ছাপিয়ে কানে আসে ওই ডাক। বৃড়ী কাঁথা মুড়ি দিয়ে মড়ার মত অসাড় হয়ে পড়ে আছে।

পা টিপে বের হয়ে এল টগর আগডটা টেনে। বুক কাঁপছে গুরু গুরু। সারা মনে কি একবার দুর্বীর কামনা অদম্য বেগে মাথা চাড়া দিয়ে উঠেছে।

হঠাৎ নিবিড় নিষ্পেষণে কে যেন পিষে ফেলতে চায় তাকে।...বলিষ্ঠ কঠিন বান্ধন, সারা গায়ে ওর মদের টক টক গন্ধ, নিঃশ্বাসবায়ুও বিধিয়ে ওঠে কামনার বিষাক্ত নিঃশ্বাসে।

—কে ?

সব স্বপ্ন চুরমার হয়ে গেছে ? এ যেন অগ্নিকোন একটা দানব।

—এ্যাঁই ! চুপ কর। গর্জন করে ওঠে পরমা।

প্রাণপণে নিজেকে ছাড়াবার চেষ্টা করে টগর। পরমা যেন ক্ষেপে উঠেছে, প্রকৃতির ঘন দুর্বোলের মাতন ভরে উঠেছে ওর বুক।

—এই দেখ !

বিদ্রুতের ক্ষীণ আভাষ পরমা আঁচল থেকে বের করে সোনার গহনা কয়েক-খানা।

—তোর জন্তে সাগর ছেঁচে এনেছি।

—পরমা ! বিস্মিত হয়ে উঠেছে টগরবোঁ। এত সোনার গহনা সে কখনও দেখেনি।

—কোথেকে আনলি ? ভাকতি করেছিস ?

—দামোদদেব ওপার থেকে।

—এই ভরাবানে পাড়ি দিলি ওই মাতাল ললী ? তুই কি দৈত্য না দানো ?

কথা বলে না পরমা, বিজলী জ্বালা রাতের দ্বিগুণতর আঁধাকে বুকের কাছে টেনে নেয় টগরকে।

ওর মত পৌরুষের আগুনে টগর পতঙ্গের মত এগিয়ে যায়—নিজেকে আজ বাধা দেবার সামর্থ্যটুকুও নেই।

ছোটবাবু ! মেঘেঢাকা আকাশের তারার মত কেমন ঘষা ঘষা অস্বচ্ছ আবরণে সব চিন্তা ঢাকা পড়ে গেছে তার মনে।

...কন্দর্পবাবুর কানে আসে সব কথাগুলোই। বসন্তবাবুই পরামর্শ দিয়েছেন বাসন্তীকে ; দাদার ভরসাতে বোনও সাহস পেয়ে এতদূর এগিয়েছে মানবও মত দিয়েছে। নীরবে সমর্থন করেন ভুবনবাবু। খুশী হন তিনি।

—সেই ভাল দাড়াই, নিজের পায়ে দাঁড়াতে হবে। লেখাপড়া শেখো—

বংশের মুখ উজ্জ্বল করে।

মানব সব ব্যবস্থা করে মা-বাবা-দাদাকে কথাটা জানাতে এসেছে। বাবা চুপ করে চেয়ে থাকে ওর দিকে। সব শুনেছে কন্দর্পবাবু, নিজের ছেলেও আজ কোথায় তাকে অগ্রাহ্য করে চলেছে।

মানব শিবপুর ইঞ্জিনিয়ারিং কলেজে ভর্তি হচ্ছে, মামাও এ বিষয়ে সাহায্য করছেন। কন্দর্পবাবুর মনের জ্বালা সেইখানেই।

—পড়াশোনা করে চাকরি করবে—কেমন?

—সবাই তো করে? জবাব দেয় মানব।

—তাদের কথা ছেড়ে দাও। মাথা নীচু করে গোলামী করতে বাধ্য হয় তারা। তোমার সে অবস্থা নয়।

—চুপ করে বসে থাকতে পারবো না আমি। এভাবে এখানে পড়ে থাকি সম্ভব নয়। মানব বাবাকে পরিস্কার জবাব দেয়।

টুহুবোদির কথা মনে পড়ে। মানবের কণ্ঠ প্রতিবাদের স্বর। বাবার মতকে কোনদিনই মেনে নিতে পারেনি, আজ যেন প্রকাশে বিদ্রোহ করতে চায় মানব। বাবার মতকে সে ঘৃণা করে। চোখের উপর ভাসে কালীপুরের সাধারণ লোকের ধারণা—সেই কথাবার্তাগুলো। ঘৃণা করে তারা সকলেই। কন্দর্প আচাই-এর নাম ওদের মনে বিভীষিকা এনেছে। মাধুরীর কথাগুলো আজও ভোলেনি মানব, তার বৃদ্ধ অসহায় বাবার অপবাদের কথা! নীলে হাড়ীর বুড়ী মা আজও পথে পথে ঘুরে বেড়ায়—আকাশের দিকে শীর্ণ ছুটো হাত ভুলে হাঁক পাড়ে।

—হেই ধরম! তুমি ইয়ার বিচার করে।

এমনি আরও কতশত লোক তাকে শাপশাপান্ত করে তার লেখাজোখা নেই।

তাহলে মনস্থির করেহ ফেলেছো।

—হ্যাঁ! ছোট্ট একটু জবাবে মানবের দৃঢ়তা ফুটে ওঠে।

কন্দর্প আচাই হার মানছে। তার সব দর্প অহঙ্কারে উঁচু মাথা মুইয়ে আসছে ওই মানবের সামনে। শবুরের ঘরে বাসন্তী নীরবে কি কাজ করছিল কাজ শেষ করে বের হয়ে বারান্দার কোণে ওদের দেখে এগিয়ে আসে, মানবের কথাগুলো শুনেছে সে, স্বামীর কথায় জবাব দেয়।

—অত্যাঁ তো কিছু করেনি ও।

—খামো তুমি। আমাদেরই ঘরে বসে আমাদের অপমান করবার জন্য তুমি তাইদের পরামর্শ নিয়ে কাজ করে। কন্দর্প আচাই একটা গণ্ডমুখ আর যত পণ্ডিত জোমার দাদা তাই বাপের বংশ!

কন্দর্প আচাই-এর সারা শরীর রাগে জ্বলছে। বাসন্তী কোন কথা কইল না। মানব মুখের মত জ্বাব দিয়েছে, সেই ঝালটা ঝাড়তে এসেছে তার উপর। মনে মনে খুশীই হয় বাসন্তী।

গোলমাল শুনে ভুবনবাবুও বের হয়ে আসেন ঘর থেকে, এই নিষে কথাস্তব হবে তা তিনি জানতেন। বলে ওঠের বুদ্ধ।

—এ নিয়ে তুমি কথা বাড়িয়ে না কন্দর্প। বংশের একটা ছেলে সে অন্ততঃ মাল্লুষ হোক। তাকে বাধা দিও না।

...বাবার কথায় একটু বিস্মিত হয় কন্দর্প। তার সামনে আজ বেশ পরিষ্কার হয়ে ওঠে ঘটনাটা। তারই বাড়ীর ভিতর তারই বিরুদ্ধে একটি ষড়যন্ত্র গড়ে উঠেছে। স্ত্রী, ছেলে এমনকি তার বাবা পর্যন্ত সেই বিরুদ্ধ মতের, তাতে ইন্ধন যুগিয়েছে মালিয়াডার মুখ্যে বংশ।

বাসন্তীই আজ এই ষড়যন্ত্রের মূলকেন্দ্র।

কথা বললো না কন্দর্প। সারা মনে তার অসহ্য জ্বালা। মুখ-চোখ ধমধমে, বাদলার মেঘ নেমেছে আকাশে আকাশে, কালো বর্ষণমুখর মেঘের ধারা নেমেছে মাটির বুকে।

বৈঠকখানায় পা দিয়েই একটু বিস্মিত হয় পাঁচু, অভা, পরমা আরও কারা এসেছে।

এ সময় ওদের এখানে দলবেঁধে আনা একটা বিচিত্র ব্যাপার। কন্দর্পবাবুকে দেখে বলে ওঠে পাঁচু গোমস্তা।

—একবার চলুন বাবু, নদী টই টপ্পু হয়ে উঠেছে। চর থেকে কারা যেন এগিয়ে আসছে। কে জানে যদি বাঁধ কাটে ?

দপ্প করে জলে ওঠে কন্দর্পবাবু—বাঁধ কাটবে ? কেন ?

যুগপৎ চারিদিক থেকে আক্রমণ আসছে। সোজা হয়ে বসে কন্দর্প।

পাঁচু গোমস্তা বলে ওঠে—আজ্ঞে চর বাঁচাবার জন্তে।

গর্জে ওঠে কন্দর্প।

—বাস করবে মুখ্যেদের এলাকায়, বাঁধ কেটে ডুবিয়ে দিতে আসবে আমাদের ? মুখ্যেদের কাছে যাক তারা।

সারা মতে আগুন জ্বলছে। খাঁচায় বদ্ধ বাঘের মত পায়চারী করছে কন্দর্প আচাই। হুকুম দেয়, কঠিন কণ্ঠে।

—কাঁধে কোদাল নিয়ে বাঁধে উঠবে আর সডকির ঘায়ে একোড় একোড় করে দিবি, একটা লাশও যেন না পড়ে থাকে। হজম করে দিতে হবে—বুঝলি।

অভা ভোম ঘাড নাডে—ইঁা হজুর ।

এসব কাজ সে অনেক করেছে ; আজ বস্তার হাত থেকে নিজেদের শেব সম্বল ওই বাস্তভিটেটুকু বাঁচাবার জন্তে এ সামান্য কাজটুকু করতে পারবে না ?

পরমা সায় দেয়—এ তো সোজা কথা বড়বাবু ।

ওরা বের হয়ে গেল । পিছনে পিছনে ওদের ভিড়ে মিশে মুকুন্দ সাঁপুইও পালাবার ব্যবস্থা করেছে । কে জানে ফৌজদারী মামলা বাধলে কি হবে, সাক্ষীটাক্ষী দেবার হজুতে সে যেতে নারাজ । তাছাড়া রাত পোহালেই কালীপুর বাজারে মুখুয়াদের সঙ্গে দেখা হবে, নিবারণ মুখুয়োর কাছ থেকে কালীপুরে কিছু জায়গা-জমি নেবার যোগাড়ও করেছে সে । তার মত কারবারী লোককে সব জায়গাতেই মাথা গলাতে হয় । দাঙ্গা ফৌজদারীতে তার না থাকাই ভালো ।

—দাঁড়াও মুকুন্দ । কন্দর্প আচাই বাধা দেয় তাকে ।

ধরা পড়ে গেছে সে । কাচুমাচু করে বলে ওঠে ।

—বাজারে কিছু মাল গন্ত করতে হবে বড়বাবু ।

—এই বানে চারিদিকে যাতায়াত বন্ধ, কোথায় মাল গন্ত হবে ?

—আজ্ঞে !...

মুকুন্দের মনের ভাব কন্দর্পবাবুর দৃষ্টি এড়ায় না । সাপের চেয়ে হিংস্র শিয়ালের চেয়েও ফিচকেলী বুদ্ধি ওর । এতদিন মুকুন্দ বড়বাবুর গায়ে ঐটুলির মত লেপটে ছিল তার নিজের স্বার্থসিদ্ধির প্রয়োজনে, যেদিন মুকুন্দের কারবার জমেনি । আজ যেন সরে যেতে চায় নিজের কাজ গুছিয়ে নিয়ে ।

—আমার কিছু টাকার দরকার ।

বড়বাবু হুকুম করছেন তাকে । মুকুন্দ হাতজোড় করে বলে ওঠে,

—আজ্ঞে বাড়ী বাগান করে জমান তহবিল প্রায় ফুরিয়ে ফেলেছি বড়বাবু, আপনার হুকুম তামিল করতে তাই আজ যেন ভরসা পাচ্ছি না । দু'পাঁচশো যদি লাগে বলবেন ।

—হাজার খানেক আমার চাই—কালই ।

মামলার খরচ যোগাড় করে কাজে নামতে চায় কন্দর্পবাবু ।

—তাইতো । একটু মশ্‌কিলে ফেললেন যে ?

—আমানের কথা তুমি ভাবো গে মুকুন্দ । কাল ছপ্পুর নাগাদ টাকা, আমার চাই ।

মুকুন্দ যেন মনে মনে শিউরে ওঠে । টাকা না দিলেও রেহাই নেই ।

—আচ্ছা। কি যেন ভাবতে থাকে সে।

মুখ্যে বংশ!—কন্দর্পবাবুর চারিদিকে ওরা যেন বেড়াঝাল ঘিরে রয়েছে। মাথা তোলবার উপায় নেই। কিন্তু চূপ করে সব সঙ্ক করবে না কন্দর্প আচাই—

পায়ে পায়ে নদীর বাঁধের দিকে এগিয়ে যায় কন্দর্প। দূরে বানে ভুবুভুবু মানাচব দেখা যায়। মুখ্যেদের খাসমহলের চর—যাক খাপা নদীর স্রোতের মুখে কুটিকুটি হয়ে।

ক্ষীণ কলরব জলের বৃকে ভেসে আসছে। কি যেন বিপর্যয় ঘনিয়ে এসেছে ওদের শান্তিপূর্ণ জীবনে।

নিতাই ঘোষ তাব জীবনে এতবড় বান দেখেনি। উথল পাখাল নদী কেঁপে ফলে উঠেছে। জল ক্রমশঃই বাড়ছে, তেমনি শৌ শৌ ডাক।

উৎকর্ষ হয়ে সে বসে থাকে, থব থব করে যেন চরের মাটি প্রবল স্রোতের মুখে কাঁপছে, যে-কোন মুহুর্তে ধারাল জিব দিয়ে ক্ষুধিত সর্বনাশা নদী ওই চরের বৃকে মাটির খোলাটুকু ফাটিয়ে দেবে—ধ্বসে পড়বে তারা অধৈ স্রোতের বৃকে।

—এ ভালো লক্ষণ নয় বেজো। গরুবাছুর পার করবার চেষ্টা দেখো।

—এই বানে পার করবো গরুপাল? চমকে ওঠে ব্রজ।

—উপায় নাই, দু-চারটে বরবাদ হবে, তবু কিছু বাঁচবে। নইলে সব যে বেঘোরে মারা পড়বে।

ভাসানী ভয়ে শুকিয়ে গেছে। কানে বাজছে অহরহঃ ওই নদীর ক্রুদ্ধ গর্জন।

—সব না খেয়ে তুই খামবি না—রাক্ষস কোথাকার!

কাঁদছে সে ভয়ে, নিতাই ঘোষ মেথেকে কাছে টেনে নেয়।

—কি হবে বাবা?

—কি আর হবে? বিপদ কেটে যাবে মা। আমরা তো নৌকোয় যাবো, ভয় কি?

—কে যেন চীৎকার করে ওঠে,

—ঘোষ মশায় গো! আর রক্ষে নাই। দেখেন গে বাথানে কি হইচে।

চকিতের মধ্যে সাড়া পড়ে যায় চরে। ভয় ঘোয়ানেরা কাঁপড় সামলে বের হয়ে যায় বুষ্টির মধ্যেই।

চরে জল উঠে পড়েছে। তিরতিরে গেকরা জল বয়ে চলেছে কীণধারায়

বাধানের মাঠের বিধকরমচা গাছের তলা দিয়ে ।

—দেখতে দেখতে নদীর মুখ হয়ে যাবেক উটো ।

কারা ঝপাঝপ মাটি দিয়ে বাঁধ দেবার চেষ্টা করছে ।

—থাম তোর। এগিয়ে যায় নিতাই ।

—চর ছেড়ে পালাতে হবেক, এ চর আর টিকবে না । নিতাই বলে ওঠে ।

—টিকবেক নাই ? ভীতচকিত কণ্ঠস্বর ফুটে ওঠে ।

—না । গরুবাছুর সামাল করে পাউড়ি দে । দেরি করসি না । এখনও পায়ের তলে মাটি পাবি, এর পর তাও থাকবে নাই ।

গরুগুলো আগামী বিপদের কথা বুঝতে পেরেছে । বাচ্চাগুলো মায়ের কোল ঘেঁষে এসে দাঁড়িয়েছে । মা গা চাটছে ওদের—মাঝে মাঝে কালো ডাগর চোখ তুলে আকাশের দিকে চেয়ে থাকে, বাতাসে বাতাসে কি এক সর্বনাশা বিপদের সঙ্কেত ।

—হায়া ! ব্যাকুল আর্তনাদ করছে তারা ।

সকলেই গরুবাছুর জমা করে এনেছে নদীর উত্তর গায়ে । এইদিকে নদী অপেক্ষাকৃত কম চওড়া, নীচের মাথায় একটা বাঁক নিয়েছে, এইখান থেকে ভাঁটিতে নামলে হয়তো এই বাঁকের মাথায় উঠতে পারে ।

সাঁড়াশির আকারে জলধারা চেপে ধরেছে তাদের, ওই বাঁকের মাথা ছাড়িয়ে গেলেই আবার একাকার বড় নদী । সেখানে পড়লে আর নিষ্কৃতি নেই । স্রোতের টানে কোথায় হারিয়ে যাবে ।

হঠাৎ কার হাতের চাপে থমকে দাঁড়াল ব্রজ ।

—যেও না তুমি !

ভাসানী ব্রজের হাতটা চেপে ধরেছে, হুঁচোখে ওর কাতর মিনতি, আজ বিপদের দিনে ভাসানী নিজেকে চেপে রাখতে পারেনি ।

—কিন্তু ওরা কি ভাববে ?

—ভাবুক । জেনেগুনে এই নিশ্চিন্ত বিপদের মুখে যেতে দোব না তোমায় ।

ভাসানী এগিয়ে আসে ব্রজের দিকে, ওকে জড়িয়ে ধরে রাখতে চায় । এতদিন যে পার্থক্য-সম্মত রেখেছিল, আজ বহুর উদ্দাম গতিবেগে সব বাধা-সংঘম দূর হয়ে গেছে ।

ব্রজ বলে ওঠে—কোন ভয় নাই । এ নদী বহুবার পার হয়েছি ।

তবু যেন ওর মন অভয় মানতে চায় না । অঝোরে কাঁদছে ভাসানী ব্রজের বুকে মাথা রেখে । আজ যাকে এতদিন পাবার স্বপ্ন দেখে এসেছে—তাকে হারাতে চায় না । সব যেতে, বসেছে তার ।

কলরবে ভরে উঠেছে বৃষ্টির আকাশ। গরু-মোষগুলো আর্তনাদ করছে।
ওদের চীৎকারে ভরে উঠেছে বানভাঙ্গা চর।

ভাঙ্গানী তখনও কাঁদছে, ব্রজকে ধরে রাখতে পারেনি।

—চল মা।

নৌকায় উঠছে নিতাই ঘোষ, চরভূমি ছেড়ে চললো তারা।

হুঁচোথ জলে ভিজে আসে, তাব এত দিনের সাজানো বাগান সর্বনাশা নদীর
গর্ভে নিঃশেষ হয়ে গেল। রাক্ষুসে নদী।

দামোদবাব শূণ্যবুকে আলোড়ন পড়ে গেছে। কষেকশো গরু-মোষকে লাঠিপেটা
করে হিম স্রোতে নামাবার চেষ্টা করছে তারা। গৈরিক ঘূর্ণিভরা উদ্দাম স্রোত
খল খল করে বয়ে চলেছে। গরুগুলো পিঠ বাঁকিয়ে মার খাচ্ছে তবু নামতে সাহস
পাচ্ছে না। পশুপ্রকৃতিও বিপদের সামনে সতর্ক হয়ে উঠেছে।

সাদাবুক কালো-কালো চলিষু বিন্দুতে ভরে উঠেছে নদীর বুক। তীরবেগে
বয়ে চলেছে তারা মাথাটুকু জাগিয়ে। নিপুণ সাঁতারর মত গোয়ালারা মোষের
ল্যাজ ধরে চীৎকার করে তাদের নিয়ন্ত্রিত করছে। পালকে পাল ভেসে চলেছে
বাঁকের দিকে।

—হুঁশিয়ার।

একটা প্রকাণ্ড ঘূর্ণি নাচতে নাচতে এগিয়ে আসছে এইদিকে, ভাসমান গরু-
মোষের পালের মধ্যে ঢুকে গুকে চুরমার করে দিতে চায়।

—হাওয়া—আ—আ!

ডুবছে আর উঠছে। একটা গরু ছিটকে গিয়ে পড়েছে ওর কেন্দ্রে; পৌ পৌ
পাক দিয়ে তাকে তীরবেগে নীচের দিকে টেনে নেয়।

—বেজা! গোবরা চীৎকার করে ওঠে।

—যাসনে ওদিকে। হুঁশিয়ারি করে গুকে।

বহুদূরে গরুটা উঠেছে, নাকে-মুখে ঢুকেছে বালি। নিঃশ্বাস বন্ধ হয়ে আসছে
বেনো জলের তোড়ে। একটা গরুকে ভাসিয়ে নিয়ে গেল মধ্যের দিকে। ওর
অদৃষ্টে কি আছে তা অস্বপ্ন করতে পারে তারা।

—পারমুখো হাঁকা! ব্রজ চীৎকার করে ওঠে!

শৌ শৌ জলস্রোতের গর্জনে ওর চীৎকার ক্ষীণতর হয়ে আসে।

জল—আর স্রোত। মুখোমুখি ঢেউ উঠছে উদ্দাম বাতাসে, অসতর্ক হবেই
বালিমাটি মাথা বিলী জল নাকে মুখে ঢুকছে। মোষগুলো যুঝে চলেছে—গরুগুলো
যেন নেতিয়ে আসছে, ওই স্রোতে উদ্দাম নদীর সঙ্গে যুঝতে আর পারছেন না।

একটার পর একটা গরুকে লেজ টিপে সতর্ক করবার চেষ্টা করে

ওরা। হাতে-পায়ে খিল ধরে আসছে। গলা দিয়ে অরুণ যেন বের হয় না।

ব্রজ ইঁপাচ্ছে—চোখের সামনে ভেসে ওঠে ভাসানীর কান্নাভরা ছোটো চোখ—
নিবিড় আলিঙ্গনের স্পর্শ।

দূরে বাঁকের মাথায় ছায়াচ্ছন্ন সবুজ গাছগুলো যেন এগিয়ে আসছে।

—হেই! হোই—

কলরব করে তাড়াবার চেষ্টা করছে ওরা গরুগুলোকে। জীবনপণ সংগ্রাম
চলেছে দুর্বীর নদীর স্রোতের সঙ্গে।

যুদ্ধের প্রস্তুতি চলেছে ভুবনপুরের বাঁধে। অভা হুঙ্কার ছাড়ে—বাঘের ঘরে
ষোণের বাসা! হুনিয়ার লুটেপুটে খাই আমরা, ওদের সাহস হয়—আমাদের
গায়ের বাঁধ কাটতে?

হঠাৎ পরমা জলের বুকে চলিষু বিন্দুগুলো দেখিয়ে বলে ওঠে—উ শালোরা
ষেছে কুখায় রে? রণভিহার বাঁধে ঠেক থেয়ে মরবেক নাকি!

পালাচ্ছে ওরা ঘর ছেড়ে, গরুমোষের পাল নিয়ে পাড়ি দিয়ে ডাকায়
উঠছে ওরা। দুখানা নৌকায় করে লোকজন মেয়েছেলেরা এগিয়ে
আসছে ভুবনপুরের ঘাটেরদিকে। স্রোতের বেগে কাত হয়ে আবার সোজা
ঠেলে উঠছে ভারবোঝাই নৌকা ছোটো। কন্দর্প আচাই নিজেও এগিয়ে এসেছে।

আভা ওদের দেবার জন্ত তৈরী। গর্জন করে ওঠে;

—বাবু!

—লাঠি নামা অভা, বাঁধ কাটতে আসেনি ওরা। চর ডুবে গেছে—ওরা
পালিয়ে আসছে।

নিতাই ঘোষ শুরু হয়ে বসে আছে নৌকায় কাঁদছে ভাসানী।

কি যেন ভাবছে কন্দর্প আচাই। চর ডুবে আবার নদীর সামিল হয়ে
গেছে—নিতাই ঘোষ উৎখাত ফৌত প্রজ্ঞা। কিন্তু ও চর আবার জাগবে
পাশাপাশি কোনখানেই। হঠাৎ চোখের সামনে ভেসে ওঠে মুখুযোদের
কথা, নিবারণ মুখুয়ার দখল ওখানে আর থাকবে না—এবার কন্দর্প
জবাব দেবে ওদের একটা কাজের। নোতুন চরে প্রজ্ঞাপত্তন করবে
কন্দর্প আচাই।

হঠাৎ কলরব করে ওঠে নৌকার সোয়াররা, বারমেসে ধারানির কাছে এসে
নৌকা ডুবো চরে আঘাত করেছে সজোরে—কাত হয়ে গেছে নৌকাটা; আউনাদ
ওঠে—বাঁচাও!

অতর্কিত প্রচণ্ড ঝাকায় নৌকার তলা কেঁসে গেছে—একটা তক্তার জোড়

ফেটে গিয়ে জল উঠছে কিনকি দিয়ে। নেমে দাঁড়াবার মত জায়গা নেই, হাঁটু জল কিস্তি চোরাবালির চর, দাঁড়াবামাত্রই সঁধিয়ে যাবে সর্বনাশা নদীর অতলে।

কন্দর্পবাবু গর্জন করে ওঠে—আই ব্যাটারা, দাঁড়িয়ে দেখছিস কি? মাহুশগুলো ডুবে মরবে?

ঝপাঝপ ওরা লাফ দিয়ে পড়ল স্রোতে দুর্মদ ভাঙাত দল।

অভা—পরমা—আরও কয়েকজন তৈরীই ছিল, লাঠি ফেলে দাঁড়-বৈঠা নিয়ে গিয়ে নৌকা নামালো। সন্ সন্ এগিয়ে চলেছে দুটো নৌকা—লোকজন।

ওদের করুণ আর্তনাদে ভরে উঠেছে নিস্তব্ধ নদীতীর। ভুবনপুরের বাঁধে গ্রামের লোক জেগে গেছে। অভার নৌকা ওদের কাছাকাছি পৌঁচেছে। জীর্ণ নৌকাটা ঘুবপাক খাচ্ছে—স্রোতের বেগে আধডুবো নৌকাটা ক্রমশঃ এগিয়ে আসছে চর ছেড়ে অঁথি জলের দিকে।

—ভয় নাই।

অভা বজ্রকণ্ঠে সাহস দেয় ওদের। নদীর বুক কাঁপিয়ে যেন দাপট দেখাচ্ছে সে।

সব ছত্রভঙ্গ হয়ে গেছে। রাক্ষসী নদীর গহ্বরে নিতাই ঘোষের চর ডুবে গেছে—কয়েকটা ভালো গাইগরু ভেসে গেছে স্রোতের টানে—আর উঠতে পারেনি। বাকী পাল নিয়ে ব্রজ আর গোবরা মাইল পাচেক নীচে আমলাঘোড়ার খাটে উঠেছে।... যারা ভেসে গেছে তারা আর বেঁচে নেই—রণভিহার বাঁধে ধাক্কা লেগে শেষ হয়ে গেছে, উদ্দাম স্রোতে হারিয়ে গেছে তাদের সবচিহ্ন।

...ভুবনবাবুর বার বাডীতে আশ্রয় পেয়েছে তারা। ভাসানীর সমস্ত হাসি আনন্দ নিঃশেষ হয়ে গেছে। নৌকা ডুবে গিয়েও সবাইকে তারা ফিরে পেয়েছে—হারিয়ে গেছে নিতাই ঘোষ নিজেই। কখন সবার অলক্ষ্যে ছিটকে পড়েছিল নদীতে কেউ জানে না।

ওরা তার মৃতদেহটা দুদিনপয় ডুবন্ত চরের বুকে হিজল গাছের ডালের নিবিড় বাঁধন থেকে বের করে আনে। নিতাই ঘোষ যেন মরবার আগেই আবার ফিরে গিয়েছিল সেই বহু বৎসরের স্মৃতি বিজড়িত ওই চরভূমিতে।

ভাসানী কাঁদছে। পরবাসে পরঘরে আজ সব হারাল সে। বাবা নদীর অকূলে ভাসিয়ে গেল তাকে।

বাসন্তী ওই মেয়েটিকে কেন জানে না আপন করে নিয়েছে। নিজের মেয়ে নেই—বানে ভেসে এসেছে ওই মেয়ে। বাসন্তী সাশ্বনা দেয়—যে গেছে তার জন্ত

কৈদে কি করবি বল ?

—আমার যে সব গেল মা । রাক্ষস নদী আমার সব ছিনিয়ে নিলে গো ।

—নদীই তাকে সব দিয়েছিল, ধনসম্পদ—আশ্রয়, শাস্তি ।

—আবার সব ফিরে পাবি মা !

ভাসানী জলভরা চোখে চেয়ে থাকে ওর দিকে । যা গেছে সব আর ফিরে আসবে না—বাবাকে কোনদিনই ভুলতে পারবে না সে । স্মৃতিকণ্টক জ্বালা সে ভুলতে চায় না ।

...কন্দর্পবাবু ব্রজ গোবরা আরও কয়েকজনকে নিয়ে পড়েছে । চর জেগে উঠলেই তার দখলে আনবার সব ব্যবস্থাই করেছে, নতুন প্রজাবিলি হবে ।

গোবরার মনে মনে পুঞ্জীভূত ঝড় উঠেছে । এতদিন স্বযোগ পায়নি, নিতাই ঘোষকে সরানো শক্ত কথা । আজ ভাসানীর সামনে থেকে ব্রজকে সরানো দরকার । তাহলেই গোবরাই হবে সর্বসর্বা—চাই কি ভাসানীর মনের নাগালও পাবে !

তারই অঞ্চল প্রতাপ ছিল—কিন্তু কোথাথেকে এসে জুটেছে ওই ব্রজ । আড়ালে কন্দর্পবাবুকে বলে বসে গোবরা কথাটা ।

—আজ্ঞে, আমাকেই বন্দোবস্ত ছান কেনে ? আপনার ছিচরণে পড়ে থাকি ।

...কন্দর্পবাবুকে ও বোধ হয় ঠিক চেনেনি । লোক চরিয়ে চলেছে কন্দর্প গোবরা গরু চরায় । বুদ্ধিটা একটু মোটা ।

কন্দর্পবাবু, প্রশ্ন করে,—নিতাই ঘোষের মেয়ে ? সে কি ভেসে যাবে ?

—তা বলছেন কেনে ? মানে উকে যদি—

বাকী কথাটা বলতে পারে না গোবরা, ইশারা-ইঙ্গিতে প্রকাশ করে অর্থাৎ ভাসানীকে যদি বিয়ে করে বসে তাহলেই গোলমাল মিটে যায় ।

একটু অবাক হয় কন্দর্পবাবু, ভাসানী ওই যমদূতের মত বিশাল চেহারার লোকটাকে মনে নিতে পারবে এ বিশ্বাস তার হয় না । মনে মনে ওর স্বপ্ন দেখে হাসি আসে । আপাততঃ প্রসঙ্গটা চাপা দিতে চায় কন্দর্প । বলে ওঠে,

—আচ্ছা, দেখি, চব দখল হোক । তারপর কথা ।

ব্রজ কিন্তু সোজা জবাব দেয় কন্দর্পবাবুর প্রশ্নাবে,—আজ্ঞে, যার চর বন্দোবস্ত ছিল, তার মেয়েকেই দিন । ওতে ওরই হুকুমবার থেকে বেশী ।

কন্দর্পবাবু ওর দিকে চেয়ে থাকে সপ্রশংস দৃষ্টিতে,

—মেয়েছেলে ! বিষয়-সম্পত্তির তদারক করা কি সম্ভব হবে ?

—তা পাববেক ও ।

ব্রজ ওসব ঝামেলার মধ্যে যেতে চায় না। কন্দর্পবাবু ব্রজের দিকে চেয়ে থাকে। ছোকরা বেইমান নয়।

নিতাই ঘোবের জেগেওঠা চর কন্দর্প নিজে দখল নিয়ে, ভাসানীকে ইজারা দিয়েছে। আনন্দে উৎফুল্ল হয়েছে কন্দর্প। মুখ্যোরা এগোতে সাহস করেনি।

বিনা রক্তপাতে পাঁচশো বিঘে সোনা ফসলের চর মুখ্যোরা ছেড়ে দেবে এটা বিশ্বাস হয়নি প্রথম। যেদিক থেকে যেমন করে হোক এর জবাব তারা দেবেই। মানবকে ওদের গোষ্ঠীতে টেনে নিয়ে ওরা যে আঘাত যে অপমান করবার চেষ্টা করেছে, কন্দর্পবাবু যেন তারই জবাব দিয়ে চলেছে একে একে। চর এখন তার।

এইবার কালীপুর মৌজা থেকে মুখ্যোদের হঠাবার আয়োজন করে কন্দর্প। গোটা কালীপুরের জমিদারি তার চাই-ই।

কোটো সেদিন শালা ভগ্নীপতিতে দেখা যায়।

—কই ভায়া! চলে গেলে না যে? তোমাদের খাতির করবার জন্ত শ কয়েক লাঠিয়াল রেখেছিলাম।

বেশ জোরের সঙ্গেই কথাটা বলে কন্দর্পবাবু। নিবারণ মুখ্যো হাসছেন,

—জানলে যেতাম নিশ্চয়ই। অনেকদিন দেখাশোনা হয়নি। কিন্তু ভেবে দেখলামও বান্ধুচর চরে আর দরকার নেই। তুমি হাবুডু খাও আর গোয়ালার খাজনা বাবদ হুধ-ছানা খেয়ে একটু চাক্ষা হও, লড়তে অনেক হবে কিনা।

বেশ চিমটি কেটেই নিবারণবাবু ভগ্নীপতিকে শোনালেন কথাগুলো। রাগে জ্বলছে সারা দেহ। জবাব দিল না কন্দর্প।

নিবারণবাবুর কোটে কেস উঠেছে—এজলাসে চলে গেলেন ঘাড়ে উপর শ্রামলাটা চাপিয়ে। সেদিন বেশ জমলো না আড্ডাটা।

সেই যে সরে গেছে মুকুন্দ—আর ভুবনপুরে আসেনি। হাজার টাকা দেওয়া তো দূরের কথা, এদিক মাড়ায়নি সে। এড়িয়ে গেছে কন্দর্পবাবুকে। আজ তাকে আর দরকার নেই!

হঠাৎ মুকুন্দকে সেদিন কোটে বটতলার দোকানে বসে কার সঙ্গে কথা বলতে দেখে এগিয়ে যায় কন্দর্পবাবু। মুকুন্দের বগলে লাল থেরো বাঁধানো খাতা। সঙ্গেই লোকটা তার দোকানের কর্মচারী হবে বোধ হয়।

সামনাসামনি পড়ে যেতেই মুকুন্দ হক্চকিয়ে যায়, সরে যাবার পথও বন্ধ; কন্দর্পবাবু তীক্ষ্ণ দৃষ্টিতে তার দিকে চেয়ে আছে। শশব্যস্তে এগিয়ে যায় মুকুন্দ। পায়ের ধুলো নেওয়া এতকালের অভ্যাস—আজ পায়ের হাট দিতে কেমন ইতস্ততঃ

করে—বিশেষ করে এত লোকজন, তার কর্মচারী—থাতা সরকারের সামনে। তাই
তুকনো মুখেই প্রশ্ন করে।

—কেমন আছেন বড়বাবু? ওরে বড়বাবুকে সন্দেশ এনে দে।

কন্দর্প জবাব দেয়—থাক, থাক; বাসায় থাওয়া-দাওয়া সেরেই বের হয়েছি।

মুকুন্দ হাত কচলাতে থাকে ওর দৃষ্টির সামনে। বুক কাঁপছে তুরু তুরু।

—সেদিন যাবে বলেছিলে, একমাস হয়ে গেল। কি ব্যাপার তোমার?

বেশ কঠিন কঠে কৈফিয়ৎ চায় কন্দর্পবাবু। মুকুন্দ ওর দিকে একবার চেয়ে
দৃষ্টি নামাল। চোখের দিকে চাওয়া যায় না। রুদ্ধমুখ আগ্নেয়াগারির ছিদ্রপথে
যেন আলা বের হচ্ছে।

—কথা বলছো না যে?

—একটু কাজে আটকে পড়েছিলাম বড়বাবু, হু'একদিনের মধ্যেই গিয়ে দেখা
করবো।

আচ্ছা! এ কথার যেন খেলাপ না হয়।

কন্দর্পবাবু চলে গেলো ওপাশে, মুকুন্দ যেন হাঁফ ছেড়ে বাঁচে।

—দে বাবা একটা ডাব কেটে দে। বড্ড অশ্বলের সঞ্চার হয়েছে।

ভয়ে গলা শুকিয়ে কাঠ হয়ে গেছে তার। নিবারণ মুখ্যের মুছরী হুকো হাতেই
এদিকে এগিয়ে আসছে। ও সন্ধান করছে মুকুন্দের, সামনে ওকে দেখে বলে ওঠে।

—এই যে সাঁপুই মশায়, বাবু একবার ডাকলেন। এখুনিই।

নিবারণবাবু দূর থেকে কন্দর্পকে ওর সঙ্গে কথা বলতে দেখেছেন।

মুকুন্দকে তাঁদের হাতে রাখা প্রয়োজন। দরকার হয় আশ্রয়ও দিতে হবে।

ডাবের জল খেয়ে একটু শান্ত হয় মুকুন্দ।

—একটান দাঁও দিকি; টেনে টুনে যাবো।

ওর হাত থেকে হুকোটা নিয়ে একটু আরাম করে টানতে থাকে মুকুন্দ। বৃকে
আবার বল ভরসা ফিরে আসে। নিবারণ মুখ্যে আর কন্দর্পবাবু দুইদিকেই
হুকছে তার পাল্লা; দেখা যাক কোন্‌দিকে পাষণ আছে। কারবারী মাছুষ।
স্বযোগ স্ববিধা বৃকে চলতে হবে গা বাঁচিয়ে; মুকুন্দ সাবধানে পা ফেলে চলছে।

—চল বাবা। দেখি তোমার বাবুর আবার কি হুকুম। কোর্ট কাছারিতো
নয়, পয়সা খেঁচবার কল। পা ফেলতে এখানে কড়ি লাগে।

নিবারণ মুখ্যে মনে মনে ভাবছেন। কালীপুর বাজার থেকে নদীর কোল
অবধি পাঁচহাজার বিঘে ডাঙ্গা—বর্ষার জলেও একগাছি ঘাস জন্মে না, কিন্তু তবুও
ওই জমির দখল তাঁর ছাড়া চলবে না, দরকার হয় কন্দর্পের সঙ্গে ফৌজদারীই
করবেন। কিন্তু কোনও কৌশলে কাজ হাসিল হলে ওসব গোলমালে যাবেন না।

মুকুন্দ সাঁপুই ওরা কন্দর্পের অনেক দুর্বলতার সংবাদ জানে। শুকে তাই ডেকে পাঠিয়েছেন নিবারণবাবু। দেখা যাক কি হয়।

—এসো এসো ; নিবারণবাবু আপ্যায়ন করে মুকুন্দকে।

মুকুন্দ ঘরে ঢুকে গড় হয়ে প্রণাম করে তাঁকে।

চাঁদেব আলো ক্রমশঃ কলায় কলায় বেড়ে পূর্ণিমার ভরা যৌবনে পৌঁছে... ওই তার শেষ সীমানা, আবার ক্রমশঃ কমতে থাকে তিলে তিলে অমাবস্তার নিঃশেষ পরিণতির দিকে টগরবৌ-এর মনেও তেমনি কোন দুর্বীর কামনা তিলে তিলে সর্বগ্রাসী পূর্ণতার দিকে চলেছে। সেই বৃষ্টিঝরা রাতে—ঝড়ো হাওয়ার সঙ্গে মনে কামনার ক্রিমিকীট জন্মেছিল—পরমা ভোম তার সন্ধান জানে না। পরমাকে নিঃশেষ গ্রাস করেই থামেনি সে ; মনের মাঝে বার বার ভেসে ওঠে একটা মুখ—কাতর চাহনি ফুটে উঠেছে তাতে। অপরাহ্নে অন্তরাগরজিত বাগানে মোমাছিৰ কানাকানি ; শত পাওয়ার মাঝে সেই নিদাক্ষণ অতৃপ্তি তাকে ঠেলে নিয়ে চলেছে।

বুড়ীর হুংখ ঘুচেছে। পরমা এখন প্রায় নীলে হাড়ীর ঠাই নিয়েছে।

দুবেলা খাওয়া পরার হুংখ ঘুচেছে বুড়ীর। তাই ওর হয়েই কথাটা পাড়ে।

—পরমাকে সাঙ্গা কর কেনে টগর।

বুড়ী পরমাকে বেঁধে রাখতে চায়। তরমোয়ান খাটিয়ে মরদ। রোজগারের ভাবনা থাকবে না, কিন্তু টগর তার চেয়েও বেশী হিসেবী। পরমাকেই জীবনের পরমার্থ করতে চায় না।

—দেখি ভেবেচিন্তে।

পরমা বুড়ীর কাছ ঘেঁসে বসেছিল, সে বলে ওঠে অধৈর্য হয়ে,

—ভেবে কি দেখবি ইয়ার, বল ?

কথা বলল না টগর, চুপ করে থাকে। আবছা আলোয় ওর একরাশ চুল কাঁধের উপর পড়েছে—কানে সোনার ফুল, চিক চিক করছে। সুন্দর ঢলঢলে মুখখানার দিকে চেয়ে থাকে। পরমাই জবাব দেয়।

—বেশ বাপু, ভেবেই ছাথ তুই। ইয়াতে জোর জাবুরির কিছু নাই।

টগর স্বপ্ন দেখছে সবুজ বনসীমার বুকে ছোট্ট টালিবাঁধানো বাংলোর, নদীর জলের কাছ বরাবর। লালভাঙ্গার শেষে বাংলাটা।

টগর বলে ওঠে—ঘরখানা বানাতে হবেক।

পরমা সায় দেয়—লিচ্চয়। কাঠ বাশ যোগাড় করে রাখি—মাঘ ধান উঠলেই খড় এনে ছাওরাবো।

টগর নীচু খুপড়ির মধ্যে থাকতে চায় না, সে অশ্রু স্বপ্ন দেখছে। রূপ যৌবন থাকতে থাকতেই হাতিয়ে নিতে চায় কিছু। পরমা ওর মনের গহনের সংবাদ জানে না, তাহলে শিউরে উঠতো, টগবগ করে ফুটতো নিষ্ফল আক্রোশে বুনো-রক্তে। হেসে ওঠে টগর ওর ছুরাশায়।

—হাসছিযে যে ? পরমা ওর দিকে চেয়ে রয়েছে।

—এমনই। হাসতেও মানা ? টগরের ছুচোখে কি এক মায়া।

পরমা ওর টোলপড়া নিটোল গালের দিকে চেয়ে থাকে ; এত কাছে রয়েছে তবু ওকে মনে হয় ধরতে ছুঁতেও পারেনি সে।

—একটু নেশা দে।

টগর মাটির হাঁড়ি থেকে ধেনো খানিকটা ঢেলে দেয়। বেইশ হয়ে যাক পরমা, সন্ধার আবছা অন্ধকারে সব ঢেকে আসছে। বেইশ বেটোর হয়ে পড়ে থাক পরমা।

—নে।

তাজা ঝাঁঝালো পানীয়টা এগিয়ে দেয় তার দিকে।

—লেগো।

বুড়ীর দিকেও খানিকটা মদ এগিয়ে দেয় টগর, অমনি পরমার আনা ছুটো ঝালবড়া, দাঁত নেই—মাড়ি দিয়ে চাবলাতে থাকে বুড়ী।

টুকচেন দে বোঁ, বেশী দিস নাই কিন্তুক।

মনে মনে হাসে টগর ; কলাইকরা বড় গেলাসটা ভর্তি করে তুলে দেয় তার হাতে ; চোঁ চোঁ করে গিলছে বুড়ী।

টগরের এসব চলে না—বিশ্রী কেমন গন্ধ লাগে ; অশ্রু কিছু হলে চলতো।

মামড়ার জঙ্গলমহল ইজারা নিয়েছে কুপাল সিং। শাহীমড়ক থেকে কালীপুরের খোয়াঢাকা রাস্তা পর্যন্ত বিশাল বন কাটাই হচ্ছে। মোটা মোটা পনেরো-বিশ সনের শাল গাছগুলো চালান যাচ্ছে কলিয়ারীতে—প্রপু বা খুঁটির কাজে লাগবে।

সেই সঙ্গে ডাক্তার থেকে বনের ভিতর পর্যন্ত একটা ফায়ার ক্লের স্তর বের করে সাদা মাটি তুলে চালান দেবার ব্যবস্থা করেছে কলকাতায়। খানতিনেক ট্রাক এনেছে—লোকজন ড্রাইভার কলকজ্ঞাও আমদানী হয়েছে—বনের বাইরে টিলার উপরে গড়ে তুলেছে ছোট্ট একটি বাংলো।

চারদিকের পাহাড়ী বুনো মাটি তুলে ফেলে নদীর পলিভরাট করে রকমারী গাছ লাগিয়েছে—ঘনপাথরের কালো স্তর ডিনামাইট দিয়ে ফাটিয়ে কুয়ো খুঁড়েছে।

জায়গাটার ভোল পালটে ফেলেছে কুপাল সিং ।

কয়েক মাসের মধ্যেই কুপালসিং কালীপুর বাজারে পরিচিত হয়ে উঠেছে । কাঁচা পয়সার অভাব নেই—কুলি মজুর লাগাচ্ছে এস্তার, পাথরের স্তরের নীচেই সাদামাটি—তুলতে পারলেই পয়সা ।

রাতের আঁধারে ঢেকে গেছে বনভূমি, মাঝে মাঝে শিয়ালের ডাক ভেসে আসে । অন্ধকারে চলেছে একটি ছায়ামূর্তি । গ্রাম থেকে বের হয়ে বনের ধার দিয়ে এগিয়ে চলেছে ওর বাংলোর দিকে ক্ষিপ্ত গতিতে ! ভয়লেশ নেই—স্বাপদ পশুদের চারণভূমিতে চলেছে স্বৈরিনী ।

কুপাল সিং সন্ধানী লোক । কালীপুর বাজার ফিরতি পথে একদিন টগরকে দেখেছিল রেল ফটকের সামনে । এক নজরেই পরস্পরকে চিনতে দেরি হয়না তাদের ।

টগর চেয়ে থাকে ওর দিকে—দীর্ঘ সুন্দর চেহারা । দাঁড়িগোফ ঢাকা মুখখানা' রোদের আভায় রাঙ্গা হয়ে উঠেছে ।

—ভুবনপুর যাবে ? আস না ।

দ্বিজের ট্রাকে তুলে ডাক্তার কাছে নামিয়ে দিয়ে যাবার সময় বলে ওঠে ।

বেড়াতে যাবে না তুমি ? ওই যে আমার ডেরা আছে ।

টগর কি যেন ভাবছে । রোদ-পোড়া ডাক্তার দাঁড়িয়ে চেয়ে থাকে শালবনের সবুজঢাকা বাংলোর দিকে । রুকতার মাঝে একটু শান্তির নির্ভর আকর্ষণ ।

তারপর থেকেই ক্রমশঃ ওপথে পা পাড়িয়েছে টগর ।

কুপাল সিং নিশাচর জীব । বাংলোর নীচে পায়চারী করছে । প্রায়ই এমনি সময় আসে টগর । অন্ধকার ফুঁড়ে আজও এগিয়ে আসে সে । কুপাল সিং হাসছে । অস্পষ্ট তারার আলোয় দুটো চোখে ধক ধক জ্বলছে স্বাপদ লালসা—বনের অতল থেকে নেকড়ে বাঘ এমনি সন্ধানী লোলুপ দৃষ্টিতে চেয়ে থাকে শিকারের দিকে ।

—আঃ, ছাপ খেয়ে ফেলাবা নাকি সিংজী ?

টগর হাসছে ; লুটিয়ে পড়েছে ওর শাড়ীর আঁচল, আতুড় গায়ে আবছা অন্ধকারে দাঁড়িয়ে আছে সে—কুপাল সিং মুগ্ধ দৃষ্টিতে ওর দেহের দিকে চেয়ে আছে ।

কালীপুর বনের মধ্যে আবার মালগাড়ী লুঠ হয়েছে । বহু জিনিসপত্র চুরি গেছে । দুখানা গুয়ান ভেঙ্গে গাঁট গাঁট কাপড়—ওষুধপত্র—সাবান—আরও কত কি লুঠ হয়েছে তার হিসেব নেই । লুঠারার দল কোন চিহ্নমাত্র রেখে যায়নি । রাতের আঁধারেই বনের মধ্যে লুকিয়ে ফেলেছে সব কিছু ।

কালীপুর বাজারে ওই নিয়ে তুমুল ঝড় ওঠে। মুকুন্দ সাঁপুই পত্তাতে থাকে; হাজার হাজার টাকার মাল এভাবে তারই গুদামে এসেছে জলের দামে। আজ সেই লাভের একটা কড়িও তার হাতে আসবে না। কন্দর্পবাবু আবার কোন সন্ধান বের করে সেই নোতুন পথে মাল পাচার করছে।

পুলিস এসে তন্ন তন্ন করে খুঁজছে কালীপুরের বনের আশেপাশে। দুর্ভেদ্য জঙ্গলে ভয়ে চুকতে সাহস করেনি। মোটা টাকা পুরস্কার ঘোষণা করেছে কাগজে কাগজে। এই নিয়ে সম্পাদকীয় লেখা হয়েছে। পুলিস বিভাগের গাফিলতির কথাও উল্লেখ করেছে তারা।

নিবারণ মুখ্যে বাতাসে কিসের যেন সন্ধান পান। এসব কোথেকে হয় তা জানান—কিন্তু অতি চতুর, সাবধানী সে। তবুও তাকে জালে জড়াতে পারলে সবদিক দিয়ে জয় হবে তাঁরই। কন্দর্পকে এই জালেই জড়াবেন নিবারণ বাবু।

সন্ধ্যার পরই মুকুন্দকে ডেকে এনেছেন গুকদেবের বাড়ীর ভিতরের ঘরে। চর দখলের কথা ভোলেননি নিবারণ মুখ্যে। একথা সেকথার পর আসল বক্তব্যটা বলতেই চমকে ওঠে মুকুন্দ সাঁপুই। নিজের মনের কোণেও একটা হিংসা চাপা ছিল—হাজার হাজার টাকার মালপত্র লুট হল, তার হাতে একটুও এসে পড়লো না। কিন্তু এ নিয়ে ঘটানো কোন দিক থেকেই নিরাপদ নয়। কন্দর্প আচাই বাঘের চেয়ে নিষ্ঠুর, সাপের চেয়েও ক্রুর।

—কি ভাবছ মুকুন্দ ?

—আজ্ঞে, বিষম বিপদের কাজ হবে ওটা।

—পুলিসের কাছে গোপনে নাম ক'টা বলে দেবে মাত্র। পুরস্কার তো পাবেই তাছাড়া সরকারী খেতাবও পেয়ে যেতে পারো।

বুক কাঁপছে মুকুন্দের—পুরস্কারের টাকায় তার লোভ নেই, রায়সাহেব পদবীটা হলে মন্দ লাগতো না। কিন্তু পরিণাম ভাবতে গেলে চমকে ওঠে মুকুন্দ!

নিবারণবাবু ওর মনের কথা বুঝতে পেরেছেন। সাহস দেবার জগুই বলে ওঠেন,—কোন ভয় নেই মুকুন্দ। তোমার গায়ে হাত দেবার সাধ্য তাদের হবে না।

উর্বশী যুগযুগের চেনা আপনজন—সর্বজয়ী। গতি সর্বত্র। কালীপুরের বাবু—মহাজনদের গদিতে তার অবাধ গতি। রাতের অন্ধকারে মহাজনদের পিছনের দরজা দিয়ে যাতায়াত করে। সেই রক্ষণী মূর্তি রাতের আঁধারে আলেয়ার মত জ্বলে ওঠে আবার দপ্ করে নিতে যায়।

খবরটা সেই-ই আনে। কন্দর্পবাবু ওকে বহুবার বহুভাবে দেখেছে—মাঝে

মাঝে কিছু সাহায্য করেছে নীলে হাড়ীর বোকে। টগর যে এতদূর এগোতে পারে তা ভাবতে পারে না কন্দর্পবাবু। উপরের দিকে স্থির দৃষ্টিতে চেয়ে আছে কন্দর্প—অবাধ উন্মুক্ত যৌবন-নদী খল খল করছে মাদক লাশে। হাঁপাচ্ছে সে এতখানি পথ রাতের আঁধারে দৌড়ে এসে।

—সত্যি বলছিল ?

—হ্যাঁ গো। ক’দিন থেকে নিবারণ মুখ্যো কালীপুরেই আসা-যাওয়া করছে। মুকুন্দ সাঁপুই এর সঙ্গে খুব ফুসফাস চলেছে। প্রথমে ভরসা পায়নি মুকুন্দ, আজ রেতেই বলছিল আমাকে।

মুকুন্দও নিবারণের দলে ভিড়ছে। ও শয়তান সব পারে।

—কি বলছিল মুকুন্দ ? কন্দর্প স্থির কণ্ঠে প্রশ্ন করে।

টগর জবাব দেয় এগিয়ে এসে।

—জুব এইবার আচাইদের বনেদ তেডে। পুলিশে যাবেক নাকি তারা। সদরে। ইখানের থানায় লয় গো।

কন্দর্পবাবু দপ্ করে জলে ওঠে, দুটো চোখ ধক্ ধক্ করছে স্থাপদ হিংসায়। মুকুন্দ সব পারে—ও অনেক খবরই জানে এদের। বনের ভিতরে হুঁদুগুলাও তার জানা। বহু মালপত্র এখনও আছে সেখানে—সরাতে পারেনি। সর্বনাশ করে দিতে পারে মুকুন্দ। নিবারণ ভাল চাল চলেছে এইবার।

টগর ওর টকটকে মুখের দিকে চেয়ে আছে। কন্দর্পবাবু বলে ওঠে।

—যা তুই। অভা-পরমাকে ডেকে দিয়ে যা এখুনিই।

রাতের আঁধারেই সব কাজ সারতে হবে। একমুহূর্ত দেরী করা চলবে না। নিবারণ মুখ্যোকে দেখিয়ে দিতে হবে—কালীপুরে বসে তার বিরুদ্ধে এই ষড়যন্ত্র করা চলবে না।

—বড়বাবু!

অঙ্ককার ফুঁড়ে যমদূতের মত অভা এসে দাঁড়িয়েছে। পিছনে তার কয়েকজন বাছাই করা ঘোয়ান। আবছা অঙ্ককারে ভূতের মত দাঁড়িয়েছে তারা হুকুমের অপেক্ষায়। কন্দর্প আচাই আজ সব কিছুর জ্ঞাত তৈরী। অভা পরমাকে হুকুম দেয় মুকুন্দ সাঁপুইকে যেখান থেকে পারিস তুলে নিয়ে আসবি এই রাতেই জঙ্গল হুঁদে।

বের হয়ে গেল ওরা ছায়ামূর্তির মত।

কন্দর্পবাবু চরম পছা নেবার জ্ঞানই তৈরী হয়েছে। পাঁচ গোমস্তা কৃপাল লিথকেও ডেকে এনেছে।

কৃপাল সিঁ করিভকর্মা লোক। রতনে রতন চেনে। কন্দর্পবাবুর সঙ্গে

ইতিমধ্যেই তার দোস্তী হয়ে গেছে। অত্যন্ত বিনয়ী—মাথা নীচু করেই আছে; শব্দ। সেই-ই পথ বাতলে দিয়েছে। ওসব লুটের মালপত্র এখানের বাজারে ছাড়া নিরাপদ নয়। তার তিনখানা ট্রাক আছে তাতেই করে রাতারাতি আসানসোল—বরাকর নাহয় সোজা কলকাতার বাজারে তারই জাত বেরাদারদের আড়ায় পৌঁছে দেবে—কাকপক্ষীতে টের পাবে না।

রূপাল সিংও লরী পাঠিয়ে দিয়েছে কাঁচা সড়কে, রাতারাতি সব মাল পাচার করে দেবে।

—ইতো বহুৎ সিধা কাম আছে বডবাবু! আপনার মেহেরবাগীতে সব সাফ করে দোব পান্‌ মিনিটকো অন্দর।

রাতের অন্ধকারে ডুবে গেছে শালবন, নদীর দিগন্তপ্রসারী বুকে অথও স্তব্ধতা নেমেছে। থমথমে আঁধারে ওরা হাত-পা-মুখ বাঁধা মূর্তিটাকে নিয়ে এসে নামাল হুঁদের ভিতর। পাথরের স্তর ফাটিয়ে তৈরী করা হুড়ঙ্গ। একটা কেঁদকাঠের মশাল জ্বলছে, পাথরের গায়ে গায়ে লাল হিংস্র আলোর আভা দূর হুড়ঙ্গের মধ্যে অতল অন্ধকারে হারিয়ে গেছে।

ঠিক ঠাণ্ড করতে পারে না মুকুন্দ, মনে হয় সে যেন কি এক দুঃস্বপ্ন দেখছে। কালো কালো ছায়ামূর্তিগুলো কাঁপছে তার চোখের সামনে, হাত পা মুখ বাঁধা। হাঁটু দুটো ক্ষতবিক্ষত হয়ে গেছে। ঠোঁটের দুপাশে রক্ত ঝরছে। ধস্তাধস্তি করে মুকুন্দকে বেঁধে এনেছে তারা।

হঠাৎ সামনেই কন্দর্পবাবুকে দেখে শিউরে ওঠে মুকুন্দ। হুঁদের ভিতর গমগম করে ওঠে ওর গম্ভীর কণ্ঠস্বর।

টাকা দেওয়া তো দূরের কথা—একবার দেখাও করতে আসোনি, উল্টে পুলিশের কাছে সব খবর দিতে যাচ্ছিলে?

আর্তনাদ করে ওঠে মুকুন্দ—মাইরি বলছি ওসব বাজে কথা।

--নিবারণ মুখুয্যেকে কি বলেছিলে? কন্দর্পবাবু গর্জন করে ওঠে।

—কিছুই বলিনি। মা গন্ধেশ্বরীর দিব্যি।

মুকুন্দ আর্তনাদ করে কাঁদছে। আজ তার চোখের সামনে ঘনিয়ে এসেছে নিষ্ঠুর মৃত্যুর পদধ্বনি।

--বলতে! শয়তান কোথাকার!

—দোহাই আপনার। এগিয়ে এসে পাখুরে মাটির উপর আছড়ে পড়ে কন্দর্পবাবুর পায়ে। সরে দাঁড়াল কন্দর্প আচাই।

—আর।তোমার কিরো যাবার উপায় নেই মুকুন্দ। নিবারণ মুখুয্যেও এখানে

এলে সেও আর ফিরে যেতো না।

সরে গেল কন্দর্প। অন্ধকার গুহার ভিতরে গুমরে কঁদছে মুকুন্দ—ছোট ছেলের মত ঘ্যানঘ্যানানি কান্না।

অভা-পরমা-রতন আরও কয়েকজন অপেক্ষা করছে। এ কাজ আগেও করতে হয়েছে তাদের। অভীতের সেই চিহ্ন আজও লুকানো রয়েছে গুহার নীচে অতলস্পর্শী খাদের অন্ধকারে। দিনের আলো কোনদিনই ঢোকেনি সেখানে।

মামড়ার জঙ্গল—সাপ আর বাঘের জন্তু বিখ্যাত। শাহীসড়কের উপর দিনের আলোতেই অনেকে দেখেছে তাদের। চিতা বাঘ তাই বিশালকায়। নাগেশ্বরী চিতা এই বনেই দেখা যায়। আর আছে সাপ। ইছাই ঘোষের গড় এলাকা। বনের ভিতরে এককালে দুর্ভেদ্য নগর—বৃক্ষ—কেলা গড়ে তুলেছিলে তারা। উচু লাল পাথরের চিপিগুলো ঘন বনে আবৃত হয়ে পড়ে আছে। কুয়ো খোঁড়া হয়েছিল অনেক। সেসব কূপ আজ বুজে গেছে ঘন জঙ্গলে। হুঁদের ভিতরেই সেই সব অঞ্চল।

কুয়ের নীচে একটা ক্ষীণ আর্তনাদ ওঠে। ক্রমশঃ নীরব হয়ে আসে সব।

স্তব্ধ হয়ে গেছেন নিবারণবাবু। রাতের বেলাতেই সব মতলব করে রেখেছিলেন। সকালে ওকে সদরে ম্যাজিস্ট্রেটের কাছে নিয়ে গিয়ে জবাববন্দী লেখাবেন। এখানের থানার ওর এজাহাবে কোনই কাজ হবে না। কন্দর্পের পরাজিত বন্দী মূর্তিটা চোখের উপর ভেসে ওঠে। টাকে হাত বোলাতে থাকেন অসীম তৃপ্তিতে। সারা অঞ্চলে শান্তির নির্ভর ছায়া নেমে আসবে।

কিন্তু কন্দর্প তাঁর চেয়ে বেশী চালাক; রাতের অন্ধকারেই সে সব কাজ সেরে ফেলেছে—নিশ্চিহ্ন করে দিয়েছে নিবারণবাবুর মূল সাক্ষীকে।

বাড়ীতে একথানা চিঠি পাওয়া গেছে মুকুন্দের নিজের হাতে লেখা, সিন্দুকের চাবি—জিনিসপত্র নড়চড় হয়নি। “সংসার থেকে কিছুদিন বিশ্রাম নেবার জন্য তীর্থযাত্রা করছে সে।” কালীপুরের গদি দখল করেছে মুকুন্দের ভাইপো মিতন, মনে মনে চায় না সে কোনদিনই মুকুন্দ আবার ফিরে আসুক। স্বতরাং ব্যাপারটা সত্যি বলে সেও রটনা করছে—কাকা বৃন্দাবন গেছে।

মুকুন্দের নিজের হাতে লেখা চিঠি পুলিশের কাছে রয়েছে। অনেকেই কথাটা বিশ্বাস করেছে। মিতনও নিজে এজাহার দিয়েছে—তাকেও বলে গেছে, তীর্থে যাবার কথা। স্বতরাং এ নিয়ে নিবারণ মুখুয্যের চিস্তিত হবার কিছু নেই।

পুলিসও বলে—আত্মীয়স্বজনকে চিঠি দিয়ে গেছেন, স্বতরাং এর কি করবো বলুন।

মুকুন্দ সাঁপুই নীরবে সরে গেল—অন্তর্ধান হয়ে গেল রহস্যজনক ভাবে ।

কে জানে মুকুন্দ আজ বেঁচে আছে কি নেই । নিবারণ মুখ্যে কথাটি ভাবতেও শিটেবে ওঠেন । কন্দর্প সব পারে । কালীপুর বাজার এবং ওঅঞ্চলের মধ্যে ও একটি আতঙ্কের নাম । ভয়ে শ্রদ্ধায় অনেকের রসনা সংযত হয়ে আসে । জঙ্গলঘেরা কালীপুর—কন্দর্প আচাই সেখানের মুকুটহীন সম্রাট ।

এর পরও নিবারণের সঙ্গে দেখা হয়েছে সেই কোটের বারান্দায় । দুজনে যথারীতি একসঙ্গে বসে চা খাবারও খেয়েছে । নিবারণবাবু কিন্তু কেমন যেন সংযত হয়ে উঠেছেন ওর সঙ্গে কথাবার্তাষ । নিবারণবাবু খবর দেন ।

—মানব ভালই পড়াশোনা করছে । সামনের বছরই পাস করবে । দাদা বলছিলেন ওকে বিলাত পাঠাবার জন্তে ।

এই যেন কন্দর্পের অন্তরে একটা চরম দুর্বলতা । নিজের সমস্ত বিষয়-আশয় প্রতিপত্তি সম্বন্ধে এইখানে কন্দর্প নিদারুণ অসহায়, মনে মনে ওর একটা পুঞ্জীভূত দুর্বলতা । তার নিজের সম্ভানও তাকে অগ্রাহ্য করেছে, অবহেলা করেছে নিদারুণ ভাবে । ওই কথাটা শুনালেই কন্দর্পের সমস্ত তেজ যেন মিহিয়ে যায় ।

চুপ করে গেল কন্দর্প । নিবারণবাবু ওর অসহায় মুখের দিকে চেয়ে থাকেন । কন্দর্প ই বলে ওঠে ।

—যা ভাল বোঝে করুক বসন্ত !

—তোমার তিন নম্বর মামলা ?

—কালীপুর জঙ্গল নিয়ে ?

কন্দর্প আচাই যেন আবার জীবন্ত হয়ে ওঠে । আবাস মুখে ফিরে আসে স্বাভাবিক বলিষ্ঠতা । বেশ জোর গলাতেই জবাব দেয় !

—আইন আদালত করে কিছু করতে পারবে না নিবারণ ; মাটি বাপেরও নয়, দাপের । পারো তবে এসো—উৎখাত করো আমাকে ।

শালা ভগ্নীপতির লাঠিবাজি কোটের সামনে খাবারের টেবিলে প্রায়ই জমে । বহুলোকই জানে—ওদের এই বাহ্যিক লৌকিকতা আর বহু বৎসরের লড়াইএর ব্যাপার লোকের কাছে গল্পকথা হয়ে উঠেছে । কন্দর্প মনে মনে গজরাতে থাকে ; একদিকে মুখ্যেগুণী তাকে হার মানিয়েছে, কিন্তু আর সব দিক দিয়ে মুখ্যেবংশকে সে হটিয়ে রাখবে । কালীপুর মোজার প্রায় সবই তার দখলে এসেছে—বনের মধ্যেও ঢোকবার সাহস ওদের নেই । বেশ দাপের সঙ্গেই বলে ।

—চাকরি, আর ওকালতি করে জমিদারি চালান যায় যা ভায়া ; এ

কাঠ। আপনা থেকেই বনে জন্মায়। পিটুজি কাঠ আর শালগাছ জাতই
আপাদা। জোড় কলম বাঁধে না।

মুকুন্দের কথা আর ওঠেনি। ওয়াগন লুটপাট এখনও ঘটে চলেছে। রূপাল সিংহের
লরীর সংখ্যা বাড়ছে ক্রমে ক্রমে।

আরও পাঁচজনের পথই নিয়েছে রূপাল সিং। ওই এলাকায় পাশেই কলিয়ারী
মহল; ওপাশেই বার্পপু বুলটি কারখানা। ব্যবসার ঠাই, বাতাসে এখানে
ঝরা পাতার সঙ্গে নোট ওড়ে। রূপাল সিং একখানা লরী কিনে বন ব্যবসা
শুরু করেছিল; কন্দর্পবাবুর সঙ্গে জমি ইজারা নিয়ে ‘চায়নাক্রে’ও তুলতো—
তারপর সবচেয়ে চালু কারবারের সন্ধান পেয়ে গেছে। রাতারাতি লরীগুলো
পাড়ি জন্মায় ত্রিপুরা থেকে। একবার শাহীসড়কে উঠতে পারলে আর কে ধরে।

রূপাল সিং তোকা আছে; কাঁচা পয়সা—মজার চোরা চোলাই মদ—আর
টগরবোঁ; কোনদিকেই বিন্দুমাত্র অভাব তার নেই। শাঁসে জলে ফুলে উঠছে
সে। মন্থণ গতিতে ভাগোর চাকা ঘুরে চলেছে—সেও ধাপে ধাপে উঠছে
সৌভাগ্যের শিখরে। কিন্তু কোথায় যেন যন্ত্র বিকল হয়ে গেল অকস্মাৎ অতি
তুচ্ছ একটা ঘটনাকে কেন্দ্র করে।

পরমা ক্রমশঃ অধৈর্য হয়ে উঠেছে। টগরের হাবভাব চালচলন ক্রমশঃ বদলে
যাচ্ছে।

—ই শাড়ী কুথা পেলি রে?

টগর মনে মনে হাসে ওর খবরদারিতে; জবাব দেয়।

—রাজারা মানিক পায় কুথায়? বাজারে কিনেছি।

পরমা ঠিক কথাটা মানতে পারে না। ওর দিকে চেয়ে থাকে। বিয়ে
সাক্ষা করবার কথা উঠলেই বলে টগর।

—তুকে সাক্ষা করতে হবেক?

বুড়ী প্রথম প্রথম পরমার দিকই টানতো,

—তাবাপু আছিস যখন—ওটা কর। লোকের চোখে ঠেকে যি।

সেই বুড়ী ক্রমশঃ টের পেয়েছে বোঁএর রোজগারের পছন্দ; পরমার দেওয়া
সামান্য কিছু ধান—টাকাটা-সিকেটা তার তুলনায় অতি নগণ্য। সাক্ষা করলেই
সবই হাতছাড়া হয়ে যাবে; টগরকেও বাঁধবার সামর্থ্য পরমার নেই। বুড়ীই
বলে ফেলে পরমাকে একদিন সাক্ষা কথাটা।

—উসব থাক বাপু। আসিস-যাস সেই-ই ভালো। আলগা হাঁ থাক কেনে—
বাঁধন-ছাঁদনে দরকার কি তুর?

পরমায় মনে হতাশা ঘনিষে উঠেছে, সেই সঙ্গে মনে জেগে ওঠে জ্বালা।
এতদিন তাকে ঠকিয়ে এসেছে দুজনে !

পরমা রাগ হতাশা চেপে কথাটা টগরকেই জিজ্ঞাসা করে।

—তুরগু কি সেই কথা টগর ?

টগর চোখ মটকিয়ে বলে—তুর মুরোদ তো বোঝা গেছে, মদ খেয়েই শ্রাব
করেছিল সব।

ইঙ্গিতটা বোঝে পরমা—দপ্ করে জলে ওঠে সারা মন ! টগর তাকে এতদিন
ল্যাঞ্জে খেলিয়ে এসেছে।

বহু হিংস্র মন জেগে ওঠে তিলে তিলে। টগরের দিকে চেয়ে থাকে—টগর
জানে না পরমার হৃ'হাতের চাপে অমন কত মেয়ে শেষ নিঃশ্বাস ফেলেছে। কিন্তু
টগরের এই সাহসের মূল কারণ দেখতে হবে, ওর সব গৌরব চুরমার কবে দেবে
পরমা। মনের অদৃষ্ট রাগটা চেপে থাকে।

টগর বলে ওঠে—কাজে যা কেনে ? সারাদিন উবু হয়ে বসে মাগীর দিকে
চাইতে লজ্জা করেনা র্যা।

বুড়ী কোড়ন কাটে—অপরূপ ! কখনও দেখেনি কিনা।

পরমা চূপ করে বের হয়ে এল। তার প্রচণ্ড পৌরুষ দুর্মদ রূপ যেন হারিয়ে
গেছে কোথায়, সামান্য একটা মেয়ের হাতে পুতুলের মত হয়ে উঠেছে।

সারা মনে তার ঝড় উঠেছে—তার সব সাধ স্বপ্ন চুরমার হয়ে গেছে, হু হু
ঝড় বইছে দামোদরের শূন্য রৌদ্রতপ্ত বালুচরে।

বৈশাখের খাঁ খাঁ রোদে নদী পার হবার জন্ত জনমানবও এগোয়নি। দু'পারের
ছায়াতে অপেক্ষা করছে। লু বইছে শুকনো নদীর বৃকে—আগুনতাতা বালি—পা
দিলেই ফোঁস্কা পড়ে যাবে। যাতায়াত বন্ধ। হাজারো বিসর্পিল রেথায় নৃত্য
করছে দূরন্ত রোদ ওর বৃকে—মরীচিকার ইসারা আনে।

কৃপাল সিং সেদিন নিবারণবাবুকে তার বাংলায় আসতে দেখে একটু অবাক হয়।
কালীপুরের ছ'আনার মালিক, কিছু জম্বলও তাঁর রাখে কৃপাল সিং। শশব্যস্তে
এগিয়ে আসে।

—শামুন উকিল সাহেব।

নিবারণবাবু ওর বাগান দেখে প্রশংসা না করে দু'পারেন না—বাঃ এঘে ডাক্তার
উপরে ইন্ডুভন বানিয়েছো সিংজী।

কৃপাল সিং দাড়িতে হাত বোলাচ্ছে—প্রশংসায় ভরে উঠেছে তার বুক।

—একটু মালাই হোক বাবুজী।

ঘরের গাইএর দুধ দিয়ে পাঞ্জাবী চা তৈরী হয়ে আসে। নিবারণবাবু একথা
সেকথার পর বলে ফেলেন আসল উদ্দেশ্যটা।

—কন্দর্পবাবুকে খাজনা দিও না সিংজী।

—কিঁউ? মনে মনে কি যেন ভাবছে সিংজী।

দু'পক্ষই যুধ্যমান তা শুনেছিল সে, তাকে কেন্দ্র করে যুদ্ধটা ঘনিয়ে উঠবে এবং
সে এই ফাঁকে স্বযোগটুকু নেবে কিনা ভাবছে।

—ভয় পেয়ে গেলে নাকি? কোটে কেস করলে আমি তোমার হয়ে
লড়বো।

সিংজী বাতাসে কিসের ভ্রাণ পায়, তীক্ষ্ণ বুদ্ধি না থাকলে বিনা পুঁজিতে
যাবসায় নেমে আজ চারখানা ট্রাকসমেত এই আলু কাববার গড়ে তুলতে পারতো
না।

নিবারণবাবু বলে চলেছেন।

—জমিদারি আমাদের, কাগজ কলমে সবই ঠিক আছে। দখলটুকু মাত্র
ওর। তুমি খাজনা দিও না ওকে।

—সাঁচ বাত?

হ্যাঁ, উটে তোমার কাছে আমারই খাজনার দাবী করে নালিশ করতে পারি।

নিবারণবাবু যেন একটু অর্থব্যয়ের ভয় দেখান ওকে; ওরা এমনি লুঠপাট
করতে পারে—খুনখারাবিও, কিন্তু কোর্ট পুলিশ করতে ওরা চাইবে না।

—একটু সমঝে দেখি উকিল সাব। পরে দেখা করবো।

—রাত্রি গভীর হয়ে উঠেছে। শেষ মেইলট্রেন চলে গেছে মাটি কাঁপিয়ে
পশ্চিমের দিকে। চারিদিকে নিস্তব্ধ। নিবারণবাবু চলে যাবার পরে থেকেই কি
ভাবছে সিংজী—আর হাসছে আপন মনে ঠা ঠা করে।

হঠাৎ টগরকে আসতে দেখে হাসির মাত্রা আরও বেড়ে যায় তার।

—মলো, হাসিতে যি কুটিবাটি হ'লা গো। টগর বলে ওঠে।

—হ্যাঁ। শের সিংহে লড়াই হবে—শিয়াল শিকার লিয়ে ভাগবে।

—মানে? টগর ঠিক বুঝতে পারে না ব্যাপারটা, কিছু অহুমান করে মাত্র।
ওর সাবধানী মন মুহুর্তের মধ্যে কিসের সন্ধান পায়। এগিয়ে গিয়ে ওর গায়ে
হেলান দিয়ে বসলো। আবেগে ওর গাঙ্গেই একটা চুমু খেয়ে ওকে কাছে টেনে
নেয়;

—কিগো? ঐরিল্লীর দুচোখের তারায় কিসের আলো!

—নিবারণবাবু এসেছিলো, বলছে, তুমি খাজনা মং দেও কন্দর্পকে। হামিভি
দেগা নেই কিসিকো। ব্যল—মুকুৎ খায়েরগা।

টগর গুকে বুকের কাছে টেনে নিয়েছে। সিংজী হাসছে—আবেশে বুকে আসে গুর দুচোখ। বিড় বিড় করে কুপাল সিং বলে চলেছে নিবারণাবুর সব কথাগুলো।

...রাত বেড়ে চলে। টগরবোঁ উঠে দাঁড়াল। অভিসার-শেষে ফিরছে মানিনী! ক্লান্তিতে ছেয়ে আসে গুর দেহ—পা টলছে ঈষৎ। সিংজীর দেওয়া একটা বোতল পেট-আঁচলে বেঁধে নিয়েছে।

...হঠাৎ কুপাল সিং কেমন চমকে ওঠে। ছায়ামূর্তিটা অতর্কিতে এগিয়ে এসে লাফ দিয়ে পড়ে তার উপরেই। হাতের তীক্ষ্ণধার ছুরিটা আসমানে তুলেছে। সবশক্তি দিয়ে ধাক্কা মেরে তাকে ছিটকে ফেলবার চেষ্টা করে কুপাল সিং।

পরমা ক্ষেপে উঠেছে। সারা শরীরের রক্ত মাথায় উঠেছে। এতদিন পর আজ বুঝতে পেরেছে টগরকে ভুলিয়েছে ওই দাঁড়িওলা জানোয়ারটা। ছিনিয়ে নিতে চায় টগরকে তার বুক থেকে।

কিন্তু বিদেশী জানেনা ডোমের রক্তে আগুন আছে—সব পুড়িয়ে ছাই করে দেবে! আজ তৈরী হয়েই এসেছে পরমা।

সিংজী ব্যাপারটা বুঝতে পেরেছে। ধস্তাধস্তিতে ছিটকে পড়েছে ছুরিখানা। কঠিনালী টিপে ধরেছে পরমা সাঁড়াশির মত শক্ত হাত দিয়ে। ইপিয়ে উঠেছে কুপাল সিং; পরমার খুনে হাতগুলো লোহার চেয়ে বেশী দৃঢ়। কুপাল সিং বালিশের নীচে থেকে বের করেছে অস্ত্রটা। আজ অত্যন্ত দরকারে লাগে।

...আধারে গর্জন করে ওঠে রিভলবারটা। স্তব্ধ হয়ে গেছে পরমা; হাতের বাঁধন আলগা হয়ে যায়। একটি মুহূর্ত। আত্নানাদ করে ওঠে পরমা। থর থর করে বার কয়েক কেঁপে উঠে শব্দে আছড়ে পড়ে গেল পরমা। পিঠের গভীরে ক্ষত থেকে ঝরছে তাজা রক্ত। কুপাল সিং ছাড়া পেয়েই উঠে দাঁড়াল। চোরা রিভলবার বিনা লাইসেন্সে রেখেছে, আজ তাতেই রক্ষা পেয়েছে। কি করা যায় ভাবছে সিংজী। পরমার দেহটা পাষাণের মত নিখর হয়ে পড়ে আছে মেঝেতে।

শকুনের মাংস কাকে খেয়েছে এই নিয়ে বেশ একটু রসাল আলোচনাও চলে। পরমাকে কারা খুন করেছে। ওরা খোঁজাখুঁজির পর বনের ভিতর শকুন উড়তে দেখে সেইদিকে এগিয়ে গিয়ে ঘন গাছপাতার ভিতর মৃতদেহটা পায় ক’দিন পর। বিকৃত হয়ে গেছে। নেকড়ে শিয়ালে সারারাত ছেঁড়াছেড়ি করে মতটা পারে নিয়ে গেছে—বাকীটা পড়ে আছে। মাথায় উপর চকর দিচ্ছে শকুনের দল। যে কোন মুহূর্তেই বাকী মাংসটুকু চুকরে শেষ করে দেবে। পরমা ডোম এ অঞ্চলের মধ্যে একটা আতঙ্কের ছায়া এনেছিল—সেই

অম্বর পরমার মৃত্যু এমনি নাটকীয় ভাবেই ঘটেছে স্বাভাবিক গতিতে ।

কালীপুরের অনেকেই বলে ব্যাটা কোথায় ডাকাতি করতে গিয়ে জখম হয়ে এসেছিল—তাতেই মরেছে ।

সাপের রোজা সাপেই মারে—ভূতের রোজা ভূতে । মরার পরও রেহাই নেই ।

ওরা স্তব্ধ হয়ে দাঁড়িয়ে আছে মৃতদেহটার কাছে । অভা বলে উঠে

—নিয়ে চল, ডাহ করতে হবেক নাই ?

কৃপাল সিং সকালবেলাতেই চলেছে কন্দর্পবাবুর বাড়ীতে, সঙ্গে এনেছে দুটো ভাল বিলেতী বোতল । রাগে অপमानে জ্বলছে কন্দর্প । সিংজী তাতে ফোডন দেয় ।

—জকর কোন দুশমনের কাজ আছে বাবুজী । নিবারণবাবুদের লোকজনকে দেখেছে হামি ইখানে ।

—কি ! কন্দর্পবাবু গলার কাছে ঢেলেছে সত্তা আনা মদ । এ উৎকৃষ্ট মদ, প্রতিটি বিন্দু যেন মেতে উঠছে শিরায় শিরায় । সমস্ত রাগ-উদ্ভাপ দ্বিগুণ হয়ে উঠছে । মুখচোখে অস্বাভাবিক একটা লালিমা ফুটে ওঠে ;

—হ । গম্ভীর ভাবে কি ভাবছে কন্দর্প ।

আরও কি যেন বলতে গিয়ে থেমে গেল । বিদেশীর কাছে এত সহজে মনের কথা ফাঁস করতে যাওয়া নিরাপদ নয় । বুকের ভিতর দাঁউ দাঁউ আগুন জ্বলছে, মুখ্যোদের এই কাজ । মুকুন্দের বদলে পরমাকে খুন করেছে তারা । এইখানেই এই চিতা নিভবে না । এর লেলিহান শিখা জালিয়ে পুড়িয়ে ছাই করে দেবে অনেক কিছু । একপাত্র পানীয় তুলে গলার কাছে ঢেলে দেয় কন্দর্পবাবু ।

কৃপাল সিং দাঁড়িগোঁফ ঢাকা কুতকুতে চোখ দিয়ে দেখছে—আক্রোশটা জমে আছে ঠেকে ওর অগ্রত । সেই ঠাইটাকে চেনে কৃপাল সিং ।

দুপক্ষের এই আগুন তাকে জ্বিঁইয়ে রাখতে হবে—নিজের কাজ গোছাবার জন্য ।

মানবের মন থেকে অতীতের সব স্মৃতি যেন মুছে গেছে । ভুবনপুরের দিনগুলো সে ভুলতে চায় । কোন মাধুর্য কোন স্ত্রী তাতে নেই । উষর প্রান্তর শালবনসীমা আর নদীর দিগন্তপ্রসারী চরে কেঁদে বেড়ায় অসীম রুদ্ধ শূন্যতা । সার্থকতার কোন স্বপ্নই তাতে মাথানো নেই । নিরাতরণ ধরিত্রী । একটু সবুজ স্বপ্নের ইসারা নিয়ে এসেছিল মাধুরী, সেও আজ কোথায় হারিয়ে গেছে । মাধুরীকেই মনে পড়ে

একমাত্র। একটু বেদনার রঙে রঙীন স্বিট্ অহুভূতি।

মানব কলকাতার সমাজে মিশেছে, আমার বন্ধুবান্ধব গোষ্ঠীতেও সে পরিচিত।
মেকানিক্যাল ইঞ্জিনিয়ার মিঃ ব্যানার্জির বাড়ীতে প্রায়ই যায়, তিনিই বলেন।

— গ্লাসগো গিয়ে একটা ফরেন ডিগ্রী নিয়ে এসো। দাম বেড়ে যাবে।

কথাটা ঠিক যেন বিশ্বাস করতে চায় না মানব। তিনি বলে চলেছেন,

— সরকার বহু প্রজেক্ট শুরু করবে; এই সময় ইঞ্জিনিয়ারের দাম অনেক।

মানব চুপ করে চায়ে চুমুক দিচ্ছে। দীপা বলে ওঠে,

—তাই ভাল, নইলে শুধু ‘বি. সি. বি. ই’ কেমন জাডাবোঁচা ডিগ্রী।

দীপা মানবের দিকে চেয়ে রয়েছে। বাবা মেয়ে যেন একছাঁচে গড়া। ওদের চিন্তাধারাও তেমনি একথাতেই বয়ে চলেছে। মিসেস ব্যানার্জি ওদের সঙ্গে ভাল রেখে চলতে পারেন না।

মাধুরী আব তার অসহায় বৃদ্ধ বাবাকেও মনে পড়ে। এমনি মহৎ বৃহৎ জীবনের স্বপ্ন তারা ভুলেও দেখেনি। তবু কোথায় যেন আত্মিক একটা নিবিড় যোগাযোগ ছিল। এদেব মুখেচোখে ব্যবহারে সেই মাটির স্পর্শমাথা সজীব সান্নিধ্য নেই।

—বাবা মত দেবেন না? দীপাই বলে ওঠে।

বাবা!...মানব ভাবছে। বাবাকে ঠিক ভয় না ভক্তি করে আজও তা জানেনা মানব। মনে হয় আর বেশীদূর না এগিয়ে এখন থেকেই চাকরি খুঁজে নেওয়া ভালো। বাবার উপর চাপ দিতে মন চায় না সে।

—না ঠিক অমত নয়। দেখি!

—দেখবার সময় নেই বুলেন। দীপা তাকে যেতে অহুরোধ করে বার বার—
—অবশ্য আপনার টুহুবোঁদির মত নেওয়া দরকার।

দীপা সুন্দরী—তুঘী। আসমানী রং ঢাকাই বুটদার শাড়ী, মাথায় একরাশ কোঁকডান চুলে শ্যাম্পু আভিজাত্যের ছাপ।

মানব যেন এদের ঠিক চিনতে পাবে না—ওর কথার একটা বিজ্রপের স্বর ফুটে ওঠে।

ওর দিলে চেয়ে থাকে মানব। রূপ—টুহুবোঁদির রূপ ওর চেয়ে অনেক বেশী, আলাধারানো রূপ সে নয়—শান্ত মাধুর্যভরা। বলে ওঠে,

—তাকে জানানো দরকার। কোনদিনই বোঁদি বাধা দেবে না। জানেন—বোঁদিই আমাকে এগিয়ে দিয়েছে এতদূর। সেই-ই তো শিবপুরে জোর করে ভর্তি করায়।

—তাই নাকি? দীপা কৌতুহল ভরে ওর দিকে চেয়ে রয়েছে। মানব

বলে ওঠে,

—এমন ব্যক্তিত্ব প্রতিভা সহজে দেখা যায় না।

—একদিন না হয় দেখে আসবো।

মানবও ভেবেছে গুঁথাগুলো পাশ করেছে ভাল ভাবেই। কি করবে এর পর তাই ভাবনা। একই চূপ করে বসে আছে বাড়ীতে, মনটা ভালো নেই। এ বাড়িতেও টুহুবোদির সম্বন্ধে ছোট্ট একটা কথা শোনে। মামার বাড়ীর পরিবেশও যেন বদলাচ্ছে।

বোদির সঙ্গে একটা বিষয়ে পরামর্শ করা দরকার।

হঠাৎ ওকে ঘরে ঢুকতে দেখে বোদি হাতের বইখানা নামিয়ে চেয়ে থাকে। মানবের মনের চিন্তার ছায়া—মুখে তারই চিহ্ন পরিস্ফুট। টুহুবোদি ওকে দেখে বলে ওঠে।

—কি হল সাহেবের ?

চেয়ারখানা টেনে নিয়ে বললো মানব—কিছু না !

টুহুবোদি ওর দিকে চেয়ে আছে। চোখের উপর ভেসে ওঠে অতীতের দিনগুলো, একটি কিশোর এসেছিল কয়েক বৎসর আগে। শালগাছের মত ঝুঁসোজা সজীব শ্রামল। কান্নাভরা ডাগর চোখদুটো আজও মনে পড়ে টুহুর। ফেলে আসা অতীতের জন্তু কান্না।

সেই অতীতকে ভুলিয়েছে টুহুবোদি—ভবিষ্যতের আলোর সন্ধান দিয়ে। কয়েকটা বছর দেখতে দেখতে চলে গেছে। মানব আজ কৃত্তী যুবক। বলে ওঠে মানব।

—ওরা বলে বিলেত গিয়ে ডিগ্রী নিয়ে আসতে।

হাতের বইখানা নামিয়ে রেখে এগিয়ে আসে টুহুবোদি। বিলেত! কথটা কানে গরম সীসের মত বেঁধে। স্বামীর কথা মনে পড়ে—বছ বৎসর অতীতে সেও অমনি আলো আঁধারি সন্ধ্যার অন্ধকারে কথাটা শুনিয়েছিল। তারপর ? কি যেন এক অসহ্য যন্ত্রণার মত মনে হয় সেই কথাটা।

তিন বছর পর ফিরে এল সনৎ—কিন্তু তার কাছে আর ফেরেনি। আজ মানবও ওই কথা বলে। একটু চমকে ওঠে টুহুবোদি। উদগত দীর্ঘশ্বাস চেপে সহজ কণ্ঠে বলে ওঠে টুহুবোদি।

—কারা ?

—দীপার বাবা—দীপা—মামাবাবু।

—দীপা! টুহুর মুখে এক ছোপ কালি যেন চকিতের জন্তু ফুটে ওঠে।
ভৎসল হাসি আলোয় ঝলসে তোলে সব কালো আঁধার।

—কই দেখালে না একদিন তাকে ?

—থাক আর দেখে কাজ নেই। ওরা অদেখাই থাকুক তোমার।

—কেন ভ্যাংচি দোব নাকি যে দেখাতে চাও না ! খুব সুন্দরী বুঝি ?

মানব ক্ষুব্ধ হয়ে ওঠে—রসিকতা রাখ। সত্যি কি করা যায় বলে বোদি। ব্যবসা করতে বলছো—তাতে যে অনেক টাকার দরকার।

উঠলো টুঙ্গবোদি—সে কথা পরে ভাবা যাবে। চল—রান্নার ব্যবস্থা দেখে আসি। যাও পোশাকগুলো বদলাও। যাবাও বলছিলেন প্রথম গ্রামে গিয়ে মা বাবা দানুকে প্রণাম করে এসো দু-একদিনের মধ্যে। তারপর ভাবা যাবে পরের কথা।

মানব কালীপুর স্টেশনে নামল কয়েক বৎসর পর। চারিদিক চেয়ে যেন ঠিক ঠাণ্ডা করতে পারে না। কালীপুৰ ক্রমশঃ বদলাচ্ছে। স্টেশনের পাশেই সাইডিং লাইন খুলেছে একটা, মালগাড়ীতে রূপাল সিংহের কাঠবালি বোঝাই হয়। দু-একটা দোকানও বেড়েছে, ব্যাটারি-সেট রেডিও আমদানী হয়েছে চা-থাবাবের দোকানে।

সদর থেকে শাহীসডক ধরে দু'একটা যাত্রীবাহী বাস উজিয়ে আসে কালীপুর স্টেশন পর্যন্ত। এদিকে এখনও সেই দুস্তর গৈরিক প্রান্তর—বনসীমা। রেললাইন চলে গেছে হৃদিকের পাথর প্রাকার ভেদ করে।

স্টেশনের বাইরে এসে দাঁড়াল—সেটা কোয়ার্টার তেমনই আছে। কয়েক হাত রেলের সীমানা 'কব্‌ল স্টোন' দিয়ে বাঁধানো। সেই হাঁদারা হতে জল পেয়ে এখনও করবী ফুলের গাছটা ফুলে ফুলে ভরে ওঠে। পাশের কোয়ার্টারে কলরব যায়—কে জানে ওই ফুল আজও কেউ হয়তো আনমনে খোঁপায় পরে। মাধুরীর কোন চিহ্ন এখানে নেই।

—পাক্ষী এনেছি ছোটবাবু!

গড় করে দাঁড়াল অভা। বয়স হয়েছে তবু বাঁধন তেমনি মজবুত রয়ে গেছে।

—ভালো আছে ?

অভার মুখে শ্রান হাসির অভা—আজ্ঞে হ্যাঁ।

—পাক্ষী থাক ; মালপত্র তুলে নাও ! হেঁটেই যাবো আমি।

—হেঁটে যাবেন ! অবাক হয় অভা।

ওদিকে শুকদেব ভক্তার নামছিল ট্রেনে, এগিয়ে এসে জড়িয়ে ধরে মানবকে।

—পাশ করেছিস সুনলাম। এইবার কি করবি ?

শুকদেবের কথার জবাব দেয় মানব—দেখি কি হয়।

অভা এই ঘনিষ্ঠতা পছন্দ করে না। তাগাদা দেয় ..

—বেলা বেড়ে গেল ছোটবাবু। রোদে কষ্ট হবে।

সুন্দেব বলে ওঠে—বাবুকে এইবার রোদে জলেই কাটাতে হবে অভা।
ব্যবসাই কতক আর চাকরিই কতক, একটু রোদ সহ্যে শিখুক। কি বল ?
হাসে মানব।

আবার সেই নিস্তরঙ্গ বাগানের প্রহরাঘেরা গ্রামে ঢুকলো। ওদিকে
দূরপ্রসারী নদীও নির্জন স্তব্ধতা পাখীর ডাকে ভরে ওঠে। পাখীডাকা অভ্যরোদে
আজ নোতুন প্রাণসত্তার পরিচয় পায় মানব। তান্ত্রাত ভাঙ্গায় কিসের সন্ধান
করছে মানব আনমনে।

কিছুদিন থেকে বাসন্তী দেখে শুনে শিউরে উঠেছে। কন্দর্প আচাই
তান্ত্রিক উচ্চাটনানন্দকে দীক্ষাগুরু পদে বরণ করেছে। শীর্ণ পাকানো
বীভৎস চেহারা, চোখেমুখে একটা নিষ্ঠুর পাশবিকতাব ছাপ। গলায়
রকমারী যন্ত্র মাদুলী, বাহুতে গাছের শিকড়, রক্তাক্ত, রক্তীন কাঁচের
টুকরো; দিনরাত কারণবাবি সিঞ্জে চোখদুটো লাল। বন্দর্পকে মহাশক্তি-
শালী অগ্নিমাছি ঘড়ঐশ্বর্ঘ্যের অধিকারী হবে যাবে সে। যোগসাধনায়
পূর্ণাভিষেক হয়ে গেছে ইতিমধ্যে। একদিকে শক্তিহীন হয়ে পড়েছে
অগ্নাদিকে উন্মাদের মত এগিয়ে চলেছে বিকৃত মনোব পরিভূষির সন্ধান
কন্দর্প আচাই।

রাত্রে বন্ধঘরের সামনে ওদের কথাবার্তা শুনে শিউরে উঠেছে বাসন্তী,

—লতা সাধনার প্রয়োজন। চাই ভোদ্বিনী কামিণী! সাধনার প্রধান
অধিকরণ। তার যোগাড হয়ে গেছে। টগরবো চুপিসারে আসে—রাতের
আধারাই আবার চলে যায়। কানে আসে কাদের ফিসফাস শব্দ মন্ত্রধ্বনি

পুস্পিনী মকরন্দেন ততো হোমং সমাচরেং।

ওঁ নমস্তে ভগমাল্যৈ ভগরূপধরে শুভে ॥

ভগরূপে মহাভাগে ভোগমোক্ষকদায়িণী।

ভগবত্যাঃ প্রসাদেন মন সিদ্ধির্ভবতি ॥

...কন্দর্পের মনে মনে কি যেন দুর্ভাগ্য শক্তির সঞ্চার হয়। বাস্তব জগতে সে
ক্রমশঃই অগ্রভব করছে পরাজিত হতে চলেছে সে—শক্তিহীন হয়ে পড়েছে।
ততই দুর্ভাগ্য হয়ে উঠছে কোন গোপন রহস্য থেকে শক্তি আহরণ করবার জন্ত।
শক্তিসাধনার বিকৃতিতেই নিজেকে শক্তিমান করে তোলাবার জন্ত মেতে
উঠেছে সে।

ওই পৈশাচিক কীর্তিকালাপে শিউরে উঠেছে বাসন্তী; থমথমে বাড়ীটাকে ঘিরে

রাতের আঁধারে অশরীরী ছুতপ্রেরের দল যেন হানা দেয়।

বাসন্তী নিজে লেখাপড়া কিছু জানে; সেদিন গুরুদেবের উপদেশ শুনে শিউরে উঠেছিল; জোড়করে বসে আছে কন্দর্প; গুরুদেব তন্ত্রশাস্ত্র পাঠ করছে—

দ্বাদশাদিক্যাং কণ্ঠাং চণ্ডালস্ত মহাস্মনঃ

সেবয়েৎ সাধকো নিত্যং বিজ্ঞানেষু বিশেষতঃ

ভুক্তরৈনিয়মৈস্তীত্রৈঃ সেব্যমানো ন সিদ্ধতি।

সর্বকামোপভোগৈশ্চ সেবয়ংস্চাস্ত সিদ্ধতি।

এর অর্থ বোঝে বাসন্তী। কন্দর্প বাহ্যিক জগৎ থেকে পরাজিত যত হবে ততই ওই জখন্ম পণে মেতে উঠবে এই শাক্তসাধনার বার্থ প্রচেষ্টায়।

কিন্তু বাসন্তী বলবার ভরসা পায় না। রাতের আঁধারে ওরা সব বদলে— যায়—দিশী বিদেশী মদের ঝাঁকে বিকৃত হয়ে ওঠে ওরা।

বাসন্তী মনে কি এক নিদারুণ ব্যথা চেপে রয়েছে। এ ব্যথা প্রকাশ করা যায় না—কোন নিরাকরণ করবার উপায়ও জানা নেই। এমনি দিনে মানব বাড়ী এসেছে। মাও খুশী হয়।

—তোমার শরীর অনেক খারাপ হয়ে গেছে মা।

মানব ছোট ছেলের মত মাকে জড়িয়ে ধরেছে, বাসন্তী হাসে—না রে না। বেশ তো আছি।

—ছাই। চুলে পাক ধরেছে। মুখ-চোখ বসে গেছে।

—বয়স হয়নি? নাতিপুতি হবার সময় হয়েছে, চুল পাকবে না? মা আর ছেলের মাঝে কোন ব্যবধানই নেই। বাসন্তী নিশ্চিত মনে কথা বলতে পারে—দাদা কি বললেন?

—মামা বলেন বিলেত ঘুরে আয়।

—বিলেত! সে তো অনেক দূর বাবা। তাছাড়া—

বাসন্তী জানে—তার বড় ভাইপো সনৎ বিলেত গিয়ে সাহেব হয়ে ফিরে এসেছিল মেম সাহেবকে বিয়ে করে। তার একটি মাত্র সন্তান, সে যদি হারিয়ে যায়—তার সন্তানের কিছু থাকবে না। স্বামীকে নিয়ে কোনদিনই তৃপ্তি পায়নি—শেষ জীবনের একমাত্র আশা—ভরসা ওই মানব—তাকে হারাতে চায় না।

হাসে মানব—সাহুদার মত সবাই নয় মা। আরও তো অনেকে এসেছে। জীবনে প্রতিষ্ঠা খ্যাতিও অর্জন করেছে।

—কে জানে বাবা। দেখ উনি কি বলেন।

বাসন্তী স্বামীর উপর কোন কথা বলতে পারে না—মতামত দেওয়া তে
দূরের কথা ।

ভুবনবাবু খুশিতে ফেটে পড়েন । জীর্ণ স্ববির বৃদ্ধ, চোখে ছানি পড়েছে, ভাল
করে মাফুস ঠাণ্ডা হয় না ।

—এলি দাছুভাই ।

প্রণাম করে দাঁড়াল মানব—ইঞ্জিনিয়ারিং পাস করেছে দাছু !

মাথায় হাত বুলিয়ে আশীর্বাদ করেন তিনি ; সারা অন্তরের অসহায় আকুতি
হু' বিন্দু অশ্রু হয়ে ঝরে পড়ে ।

—বংশের মুখ উজ্জল কর ভাই । আচাই বংশের নামে লোক শিউরে ওঠে ;
তুই তার গৌরব হয়ে ওঠ ।

বুড়োর অন্তরের হাহাকার মনে মনেই জ্বলে উঠেছে হু হু করে । বাজ-
পোড়া তালগাছ—বুক জ্বলে ছাই হয়ে গেছে, বাইরের খোলসটা টিকে
আছে মাত্র ।

—বাবার সঙ্গে দেখা হয়েছে ?

—হ্যাঁ । কি কাজে ব্যস্ত দেখলাম । বিশেষ কথাবার্তা হ'ল না ।

—তা হবে কেন ? দিনরাতই ওই নিয়েই ব্যস্ত ও । কিন্তু রক্তের নেশা,
মাটির নেশা একদিন চুরমার হয়ে ভেঙ্গে পড়বে ভাই—ও মুখ তা বোঝেনি । এ
সব খেলাপাতির ঘরকন্না আর ক'দিন ? সব চুরমার হয়ে যাবে । পাপে
ভরে উঠেছে ।

সমস্ত অত্যাচার অনাচারকে শক্তিসাধনার নাম দিয়ে চালাতে চায় --
মানুষ সমাজ ধর্ম সব কিছুকে কলঙ্কিত করেছে ওরা । ছি ছি ; এই আমার
ছেলে ! নারায়ণ—নারায়ণ ! বুড়ো উত্তেজনায় কাঁপছে । ধরে বসাল
ওকে মানব ।

চুপ করুন দাছু ।

—চুপ করবো না, ক'দিনই বা আছি । তুই শুনে রাখ মানব—এই সাধের
প্রাসাদ চুরমার হয়ে যাবে, হিরণ্যকশিপুও ধ্বংস হয়েছিল । বড্ড বেড়েছে কন্দর্প !
ভুড়ি কুড়িয়েই স্বপ্ন দেখছে মাণিক পেয়েছি । দিন বদলায়, যুগ বদলায়—ও সেই
নোতুন যুগের তালে তালে চলতে পারবে না । ওরা ভেঙ্গে পড়বে তবু
হুইবে না ।

হয়তো বৃদ্ধের কথাই সত্যি । কন্দর্পবাবুও মনে মনে শিউরে উঠেছে । পুলিশের
প্রতাপ বেড়ে উঠেছে । চারিদিকে সঙ্ঘাতী দৃষ্টি । ওদিকে কপাল সিংও বেগাড়া
গাইতে শুরু করেছে । দরকার হয় ওয়াগন লুটের কাজ ওরা নিজেরাই করবে—

পারছে না শুধু শত্রু পিছনে রেখে কাঁজ করা নিরাপদ নয় এই ভয়েই। তাই যোগসূত্র টিকিয়ে রেখেছে কোনমতে। হাততোলা বিশ পঁচিশটাকা লুটের মালের নজরানা দেয়।

খাজনা দিতে গড়িমসি করছে কৃপাল সিং। কন্দর্পবাবুকে বশ করতে চায় বিলেতী মদ দিয়ে, কিন্তু সেদিকে হুশিয়ার কন্দর্পবাবু। মদ খায় কিন্তু হিসাব ভুল হয় না।

—তু'কিস্তী বাকী পড়লো কৃপাল সিং।

কন্দর্পবাবুর কথায় পাগড়ী সমেত মাথা হুইয়ে বলে ওঠে।

—বাজার বড় মাঙ্গা চলেছে বড়োবাবু, জরুর দেবে হামি।

চটাতে সাহস নেই—ফন্দী ফিকিরে যতদিন ঠেকিয়ে রাখতে পারে তারই চেষ্টা করছে। নইলে সামান্য টাকা কৃপাল সিং কেলে দিতে পারে।

কন্দর্পবাবুর মনে বদ্ধমূল হয়ে ওঠে ধারণাটা। নিবারণ মুখ্যে ওকে হাত করেছে, গোপনে ও যাতায়াত করে সেখানে এবং পরমার খুনের ব্যাপারেও নিশ্চয় কিছু জানে কৃপাল সিং। শিয়ালের মত ধূর্ত ওই লোকটা। ঘুণাভরে ওর দিকে চেয়ে থাকে কন্দর্পবাবু। কৃপাল সিং এক গেলাস পানীয় ঢেলে তুলে দিতে আসে তার হাতে।

—না, আর খাবনা থাক। কন্দর্প বাধা দিল তাকে। আজকাল কন্দর্পের মনে একটা আত্মবিশ্বাস যেন ফিরে আসছে; সাধনা থেকে কিছু বিভূতি অর্জন করেছে বলে মনে করে; চোখ দুটো লালচে হয়ে উঠেছে—কপালে একটা সিন্দুরের দগদগে ফোঁটা।

কন্দর্পবাবু বেশ বুঝতে পারছে আজ নিবারণবাবু একা শত্রু নয়, বিদেশী ওই কৃপাল সিংও তার শত্রু। নিবারণবাবু এবং তাকে একত্রে ফাঁকি দেবার জন্য বুদ্ধিতে বালিশাণ দিচ্ছে ওই ধূর্ত লোকটা। কন্দর্পবাবুর চোখকে ফাঁকি দিতে পারেনি কৃপাল সিং। মদের নেশায় চুর করে দিয়েও পারেনি।

চুরে আবার নোতুন বাস গড়েছে ভাসানী। গড়ে তুলেছে আবার গরু বাখান ব্রজ দিনরাত পরিশ্রম করে—ভাসানীও। গোবরাও রয়েছে—কিন্তু আজও সেই মাইনে করা লোকই। এত চেষ্টা করেও চর ইজারা পায়নি, ভাসানীকেও না। ব্রজ তাকে ঘিরে রয়েছে। তিলে তিলে সঞ্চিত বিস্কোভে একদিন গোবরা ফেটে পড়ে।

প্রলুব্ধ করেছে তাকে নোতুন সবুজ মানাচর, গরু বাখান, ছোট একটি ঘরের স্বপ্ন আর ভাসানীর ঘোবনপুষ্ট দেহ। বাধা হয়ে দাঁড়িয়েছে তার পথে ওই ব্রজ।

আবছা অঙ্ককারে সেদিন চরম আঘাত করবার জন্ত তৈরী হয়েছে গোবরা ।
এক আকাশে দুই সূর্য থাকতে পারে না ।

চরের মানাবনে অঙ্ককারে দুটো দৈত্য যেন যেতে উঠেছে । ব্রজ ভাবতে
পারেনি গোবরা তাকে এমনি করে আঘাত হানতে এগিয়ে আসবে । সেও
বাধা দেয় ।

—কি করেছে ? ভাসানী ব্রজের দিকে চেয়ে থাকে । সারাগায়ে ক্ষতচিহ্ন,
কাঁধের কাছে বেশ খানিকটা কালশিরার দাগ—নাকমুখ কেটে গেছে । গোবরার
নোংরামি বেড়ে উঠেছিল । নিতাই ঘোষ মারা যাবার পর ভাসানীর নামেই চর
ইজারা নিয়ে ব্রজ কাজকর্ম দেখাশোনা করছে । গোবরা মোটেই সহ্য করবে না ।
সেই মালিক হতে চায় ।

—গরম জল দিয়ে ধুয়ে ফেলাও । ভাসানী একটা গামছা নিয়ে আসে ।
নিজেই ধুইয়ে দিতে থাকে তার ক্ষতগুলো । ব্রজ চুপ করে বসে আছে ।
ব্যাপারটা যে এতদূর গড়াবে তা কল্পনাই করতে পারেনি । গোবরা অতর্কিতে
আক্রমণ করে তাকে হটিয়ে দিতে চেয়েছিল চর থেকে ; ভাসানী আর তার চর
দুই-এর মালিকানা পেতে চায় গোবরা ।

—রূপারটা কি হল বল দিকি ? ওকে তাড়িয়ে দিলে ?

ব্রজের সঙ্গে ওদের লাঠালাঠির সময়ে ভাসানী গিয়ে পড়েছিল, নইলে খুন-
খারাপিই হয়ে যেত ! ভাসানী গোবরাকেই তাড়ালো ।

—হ্যাঁ ! ভাসানীর কণ্ঠস্বরে দৃঢ়তা ফুটে ওঠে । তার কর্তব্য সম্বন্ধে সে
সম্পূর্ণ সচেতন । ব্রজের মতামতের অপেক্ষা রাখে না ।

লোকে কি বলবে ? ব্রজ ভাবনায় পড়েছে । এ লড়াই-এর কথা ছড়িয়ে
পড়বে সর্বত্র । তার অগ্র মানে করে নিতেও দেরী হবে না ।

—যার যা খুশি বলুক । একটু অসাবধান হলেই কি সর্বনাশ হয়ে যেতো বল
দিকি ? ওকে তাই তাড়ালাম—শয়তান ওটা । তুমিও গুণ্ডা কম নও বাপু ।
ভাসানীর কণ্ঠস্বরে নিদারুণ উৎকর্ষ ।

ব্রজ কথা বলে না, ভাসানীর দিকে কৃতজ্ঞতা ভরা চাহনিতে চেয়ে থাকে ।
আজ ভাসানী ওকে নোতুন দৃষ্টিতে দেখে । ব্রজের পৌরুষ তার চিরন্তন
নারীত্বকে মুগ্ধ করেছে ।

ওর হাতের নরম স্পর্শ—সমস্ত জালা ভুলিয়ে কি এক স্নিগ্ধতার প্রলেপ আনে ।
আবছা আলোয় আজ ভাসানী কি এক রহস্যময়ী রূপবতী নারীতে পরিণত
হয়েছে । ওর রূপের জগতই ঐশ্বর্য্য এই আঙন জালা ।

—ভাসানী! ব্রজ ওর হাতটা তুলে নেয়।

কাঁপছে তার সারা দেহ অসহ্য উত্তেজনায়—ব্রজের মনের নিবিড় সান্নিধ্যে এসেছে ভাসানী। যে বাধা এতদিন পাহাড়প্রমাণ হয়ে দাঁড়িয়েছিল দুজনের মাঝখানে—গোবরা তা নিমেষেই ধুলিসাৎ করে দিয়ে গেছে। আজ মনে হয় দুজনে দুজনের দিকেই এগিয়ে এসেছে।

.. কাছে টেনে নিতে চায় ওকে; ফ্যাকাসে বিবর্ণ হয়ে উঠেছে ভাসানীর স্বর্গের মুখ। আর্তনাদ করে ওঠে অশ্রুট কণ্ঠে।

—না—না—না! ব্রজ। ভাসানীর মনের ঝড় ফুটে ওঠে চোখের চাহনিতে।

হাতটা ছাড়িয়ে নিয়ে দূরে সরে গেল ভাসানী। ব্রজ অবাক হয়ে ওর দিকে চেয়ে থাকে। কাঁদছে ভাসানী—অসহায় কান্নায় ফুলে ফুলে ওঠে তার দেহ। কান্নাভেজা কণ্ঠে আর্তনাদ করছে সে—তা হয় না ব্রজ। তা হয় না—হতে পারে না। এ আমার অভিশাপ। তুই জানিস না।

ব্রজ ওর কান্নাভেজা মুখখানার দিকে চেয়ে থাকে। নিদারুণ বার্থতায় কাঁদছে ভাসানী। এ যেন অগ্নি কোন মেয়ে। ব্রজ ওকে ঠিক চেনে না। যখনই কাছে যেতে চেয়েছে সারামন—ভাসানী কি এক বিধিনিষেধের গভীর আড়ালে নিজেকে বন্দী করে ফেলে। ছটফট করে নিজের কিস্তি তবু সেই বাঁধন কোনদিনই ভাঙেনি। সত্য হয়তো কোন অভিশাপ জড়িয়ে রয়েছে। ব্রজ কোনদিন জানতে চায়নি। কাঁদে ভাসানী অসহায় কান্নায়।

নিবারণ মুখ্যো সেদিন কাছারিতে কন্দর্পকে দেখে চেয়ে থাকেন। ওর দেহমনে একটা পরিবর্তন আসছে—মাথার চুলগুলো সাদা হয়ে উঠছে। চোখের কোলে জমেছে কালির দাগ; একটা ক্লান্তি-অনাচারের ছাপ ফুটে উঠেছে তার মুখে। মুকুন্দ আর পরমা ডোম দুই পক্ষের দুজন পড়েছে। বিবাদটা আরও ঘনিয়ে উঠেছে তাকে কেন্দ্র করে। কন্দর্পের চোখে মুখে কেমন দৃঢ়তা।

—কালীপুর মোজা বিক্রী করে দোব ভাবছি। নিবারণবাবু কথাটা বলেন ওকে। একটু আশ্চর্য হয় কন্দর্প,

—দখল কোথায় যে বিক্রী করবে?

—যে কিনবে সেই-ই দখল নেবে।

নিবারণবাবু যেন শাসাচ্ছেন তাকে। জোরদৃষ্ট করে ফৌজদারী করবার

কথা বলছেন কন্দর্প আচাইকে ।

—পারো তবে তুমিও ছেড়ে দাও ওর ছ'আনি । এইবেলা বুঝলে ।

ভগ্নীপতিকে পরামর্শ দিচ্ছেন নিবারণ—ঝড় উঠেছে । সর্বনাশা ঝড় । দেড়শো বছরের পুরোনো চিরস্থায়ী বন্দোবস্ত প্রথার বিলুপ্তি ঘটবে ; মৌরসী মোকরারী স্থিতিবান রায়তী কোর্কাস্থ সব বিবাক ফৌত হয়ে যাবে । প্রজা আর সরকার । মধ্যে জমিদারের কোন দালালি থাকবে না । চাষী প্রজা সোজা-সুজি খাজনা জমা দেবে সরকারকে ।

কথাটা শুনেছিল কন্দর্প কিন্তু বিশ্বাস করতে পারেনি । গুজব বলেই ধরেছিল । নিবারণের মুখের দিকে চেয়ে থাকে ।

—সত্যি !

—আইন পাস হয়নি তবে পাস হয়ে যাবে । তার আগেই ওলটপালট বন্দোবস্ত—হস্তান্তর যা পারো করেকন্মে হু'পয়সা ঘরে তোল ! শেষতক পঁচাত্তর বিঘে জমিতে ঠেকবে—লাখেরাজ ব্রহ্মোত্তরও থাকবে না ।

—মাত্র পঁচাত্তর বিঘে ! অবাক হয়ে যায় কন্দর্প ।

সারা দেহ যেন ঘুরপাক খাচ্ছে চোখের সামনে, ঘনিয়ে আসে নিশ্চিত মৃত্যু—চারিদিকে আয় বন্ধ হয়ে যাবে । সমস্ত জমিদারি চলে যাবে—পাশের গ্রামের লোক আর মাথা হুইবে না—কালীপুর বাজারের দোকানদাররা ইসারা করে দেখাবে তাকে—সাজা রাজা ।

এতদিনের সমস্ত অত্যাচার দাপট তারা সহ্য করতে বাধ্য হয়েছে ; এইবার যেন হৃদহৃদ উন্মূল করে দেবে তারা । কি এক ভাগ্যাহত বিড়খিত কল্পণাকুড়ানো জীবনযাত্রা । শিউরে ওঠে সে ।

—চা খাও কন্দর্প !

নিবারণকেও ভাল করে দেখতে পাচ্ছে না কন্দর্প । সব যেন আবছা হয়ে উঠেছে । চা—চা-এ বুকের এই জ্বালা কমবে না । এতবড় আঘাতটা সত্য হয়ে উঠবে নিষ্ঠুরভাবে—ভাবতেই পারেনি সে ।

যা পারছে দূর দূরান্তরের জমি-জায়গা বন্দোবস্ত করে দিচ্ছে কন্দর্প আচাই । টাকার দরকার—নগদ টাকা বেশ কিছু চাই । বহু অপচয় করেছে—তখন ছিল নদীর স্রোত—এসেছে গেছে । এখন আর আসা বন্ধ হয়ে যাবে—তার আগেই শুছিয়ে নিতে চায় ।

প্রদীপের নিভু নিভু অবস্থা । কল্ল করে শেষবারের মত জলে ওঠে সে । কন্দর্পের সারা মনে তেমনি দুর্বীর জ্বালা । ভুবনপুরের আচাই বংশের শেষ

জমিদার সে—তার সঙ্গে সঙ্গেই দেউড়িঘেরা বাড়ী—পাইক পেয়াদার দল—দশ-বিশখানা গ্রামে নামডাক মুছে যাবে। মানব আগে থেকেই তার জন্ত তৈরী হয়েছে। কিন্তু! কন্দপবাবুর জীবনের শেষ এখনও অনেক বাকী; ভূবন আচাই-এর কথা ফলছে।

—সব উড়ে যাবে, ছাই হয়ে উড়ে যাবে।

মাঝে মাঝে সেই কথাই ভাবছে কন্দপ'। এ ভাবনার কুল তল নেই।

—কি হয়েছে?

বাসন্তী স্বামীর মুখের দিকে চেয়ে জিজ্ঞাসা করে বেদনাহত কণ্ঠে।

—কিছু না। এড়িয়ে যায় কন্দপ'।

বাসন্তী চেয়ে থাকে স্বামীর দিকে। ওই চিন্তাক্লিষ্ট মুখে ফুটে উঠেছে কি এক অপরিণীত জ্বালা। সব যাবে—কন্দপ' আচাই-এর বৃকের রক্ত দিয়ে গড়ে তোলা এই সম্পত্তির কিছুমাত্র অবশেষ থাকবে না।

যাক। বিশ্বস্তির আবরণে সব ডুবে যাক। কন্দপ'বাবু শেষবারের মত জীবনকে উপভোগ করে নিতে চায়—শেষবারের মত স্মরণ করিয়ে দিতে চায় ওদের সবাইকে—এখনও কালীপুর্বের জমিদার সেই-ই।

গোবরা এসে জুটেছে কন্দপের আশ্রয়। কন্দপ'বাবু গুর বলিষ্ঠ দেহের দিকে চেয়ে থাকে, চোখ দেখলেই মানুষ চেনে কন্দপ'। দয়ামায়ার লেশ নেই—কঠিন কর্কশ চাহনি। হিংস্র বুনো স্বভাব ফুটে ওঠে। এসব কাজে দয়ামায়া থাকলে চলে না।

—পারবি কাজ করতে?

অভাও গুর দিকে চেয়ে আছে—শিকারী বিড়ালের গৌক দেখলে চেনে সে? গোবরা ভালো লাঠিয়াল। গোবরা বলে ওঠে।

—আজ্ঞে কেনে পারবো না! ইতো আমাদের জাত ব্যবসা।

কন্দপের হৃদয় লোকের দরকার। নীলে—পরমা ভোম একে একে গেছে। তার বাহুবল এখন এরাই।

—থাক, ওস্তাদ যা বলবে শুনবি।

—নিশ্চয়।

বহাল হয়ে গেল গোবরা। কিছুতেই ভুলতে পারে না ভাসানীর সেই হাড়জালা করা কথাগুলো।

রাতের অন্ধকারে কোথা থেকে যেসে আমদানী হয়—অভা সাবধান করে।

—যা দেখবি-শুনবি কাক পক্ষীকেও বলশি না। টুটি থাকবে না।

গোবরা লায় দেয়—দেখে লিও তুমি।

গোবরা যেন কিসের সন্ধান পেয়েছে। চোখের উপর ভাসমানী মুখখানা ফুটে ওঠে—তার দৰ্প অহংকার চুরমার করে দেবে। নাকমুখের ক্ষতগুলো মিলিয়ে গেছে কিন্তু ব্রজের মারের দাগ এখনও যায়নি, মনের মধ্যে জ্বালা ধরায়। কুকুরের মত তাড়িয়ে দিয়েছে তাকে ওই তেজী মেয়েটা।

টগর—টগর বাবুর কাছে পুরাণো হয়ে গেছে। তাছাড়া টগরের যোবনে ভাটার স্তিমিত গতি, ধসে যাচ্ছে একে একে বনেদী বাড়ীর ইট খসার মত।

কন্দপ বাবু তাজা পানীয় ঢেলে চলেছে।

বৈকালের পর থেকে আর কারো সঙ্গে বিশেষ দেখা-সাক্ষাৎ করে না। মদের কোয়ারা ছোটো। সমস্ত জ্বালা—চিন্তা যেন ওই পানীয়ের মধ্যে নিঃশেষে ডুবিয়ে ক্ষান্ত হতে চায়। কর্মক্লান্ত—বার্থ সে।—অমাহুযিক পিশাচের জীবন তার শেষ লক্ষ্য হয়ে উঠেছে। তন্ময়ের শেষ পর্যায়ে নেমেছে। নারী-মাংসও জ্বোটাবার সামর্থ্য কমে আসছে ক্রমশঃ। কেমন যেন ঝড় বইছে শিরায় শিরায়। গোবরা এই মাতনের অর্থ জানে।

—বাবু! ফিস্ ফিস্ করে কথাটা নিবেদন করে গোবরা তাক্ মাকিক।

—উ। লাল করমচার মত চোখ মেলে চাইবার চেষ্টা করে কন্দপ।

গোবরা এগিয়ে আসে—এই উপযুক্ত সময়।

—হুকুম কবেন তবে চেষ্টা করি, একটা ভালো জিনিস আছে।

—ব্যাটা আমার ধন্যপুত্র যুধিষ্ঠির, অপেক্ষায় আছেন। দেখি তোর এলেমখানা।

—আপনার হুকুমে দিনকে রাত করতে পারি। গড হয়ে বের হয়ে এল গোবরা; মুখে চোখে তৃপ্তির আভা—প্রতিশোধের তীব্র বিষজ্বালা ওর মনে। আজ ভাসমানী কথার সমুচিত জবাব দেবে—তার উদ্দেশ্যে সার্থক হতে চলেছে। অঙ্ককারেই ক'জনকে নিয়ে নদীতে নামল গোবরা।

রাতের আঁবার রহস্যময় হয়ে উঠেছে। শৌ শৌ বইছে বুনো হাওয়া—মানাবন কাঁপছে থর থর। কি এক বিভীষিকা দেখার রাত। আধারের বুক থেকে জেগে উঠেছে বালুচরে পৌতা কত নিশ্চল মৃতের দল। নীলে হাড়ীর মুণ্ডটা যেন সজীব হয়ে উঠেছে—হাসছে হা হা করে কি এক পৈশাচিক উল্লাস।

এই পথে কত রাতে কত বুকফাটা আর্তনাদ উঠেছে—আবার মুছে গেছে রাতের অঙ্ককারে। আজও ওঠে—অসহায় বুকফাটা কান্নার কীণ ধ্বনি।

—চুপ কর।

গর্জ ওঠে আবছা অঙ্ককারে গোবরা। মুখবাঁধা দেহটাকে নিয়ে রাতের আধারে নদী পাড়ি দিয়ে কূলে এসে পৌঁছল তারা। জানহীন দেহটা

দাপাচ্ছে থেকে থেকে । কাজ হাসিল করে কিরছে গোবরা ।

—আই ! গর্জন করে ওঠে মদমত্ত কণ্ঠে কোন দানবাস্ত্র । ভাসানী যেন স্বপ্ন দেখছে । আবছা আলোয় ঘরটা রান্ধা হয়ে উঠেতে । কাঁপছে ভাসানী এক কোণে দাঁড়িয়ে । কন্দপবাবুর কন্থস্বরে জড়তা ।

—এগিয়ে আয় এগিয়ে আয় ইদিকে—লজ্জাবতী লতা এসেছেন ।

রুদ্ধকণ্ঠে আর্তনাদ করে ওঠে ভাসানী—ওর হাতের কঠিন বান্ধন ছাড়াবার চেষ্টা করে ; প্রবল আকর্ষণে টানছে তাকে কন্দপবাবু ; আছড়ে পড়ল ভাসানী ওর পায়ে উপর ।

—আমি ভাসানী, বিমলার মেয়ে ।

আরও কি যেন সে বলতে যাচ্ছিল, কন্দপবাবু চমকে ওঠে ।

—বিমলা ! সামনে যেন সাপ দেখেছে কন্দপ—বিমলার মেয়ে তুই ?

—হ্যা ! কালীপুরের বিবলা—

কাঁপছে, কাঁদছে ভাসানী । যে পরিচয় এতদিন গোপন করেছিল সকলের কাছে, ওর স্বাপদ লালসা থেকে আত্মরক্ষার জন্ত আজ সেই পরিচয়ই দিয়ে বসলো, বাঁচবার অন্য কোন উপায় না দেখে ।

রাতের আঁধার ফাটিয়ে বজ্রনাদে একখানা ট্রেন ছুটে গেল ।

কন্দপবাবু যেন স্বপ্ন দেখছে । অতীতের শ্রাম উপবন ঘেরা যৌবনের প্রথম বসন্ত বেলা ; পাখীডাকা রাত্রি । বিমলাকে ভালবেসেছিল কিন্তু ব্যর্থ সে প্রেম । জমিদারের বংশের সন্তান—সামান্য একজন ব্রাহ্মণের মেয়েকে বিয়ে করতে পারে না ; করেনি । বিমলা সন্তানবতী অবস্থায় গৃহ ত্যাগ করে শেষ নিঃশ্বাস ফেলেছিল ওই চরভূমিতে । নিতাই ঘোষ ওই কুড়িয়ে পাওয়া এইটুকু মেয়েকে মানুষ্য করে নিজের মেয়ে বলেই পরিচয় দিয়ে এসেছে । ব্রাহ্মণের বংশে—ব্রাহ্মণের রক্তে জন্ম । ভাসানীর জীবনে এটা একটা স্মৃতিকণ্টক ! নিজেকে তাই সব ভোগ থেকে সে সরিয়ে রেখেছিল । ব্রজকে ফিরিয়েছে কতবার ।

আজ কন্দপের চোখের সামনে সেই বিমলা যেন মূর্তি ধরে এসেছে এই স্তব্ধ রাত্রির গভীরে সেদিনের প্রণয়ের কৈফিয়ৎ চাইতে ! কোণে দাঁড়িয়ে ওর দিকে চেয়ে দেখছে ভাসানী—একটা জানোয়ারের সামনে এসে পড়েছে ।

মদের নেশা ছুটে গেছে কন্দপবাবুর । কি এক স্তম্ভ্য নারকীয় পরিস্থিতির সামনে দাঁড়িয়ে রয়েছে কোন যমদূত । নিজেরই সন্তান—আজ তাকে তুলে নিয়ে এসেছে পিশাচের দল তাকেই উপচোকন দ্বিতে ভোগের বস্তু হিসাবে । এতবড় পশু হয়ে উঠেছে কন্দপ আটাই ।

লজ্জায় অপমানে গর্জন করে ওঠে কন্দর্প—গোবরা !

দরজার বাইরেই ছিল। ভাল বক্শিশ মিলবে। উল্লসিত মনে ঢুকলো গোবরা ; উদ্দেশ্য সফল হয়েছে। বক্শিশের লোভে হাজির হল—হজুর !

ওপাশের চাবুকখানা তুলে নিয়ে এগিয়ে আসে কন্দর্পবাবু।

—শয়তান ! গর্জন করে ওঠে কন্দর্প। শহুর মাছের চাবুকটা তীক্ষ্ণভাবে আছড়ে পড়েছে গোবরার পিঠের উপর, কেটে বসেছে চামড়ায়—বিন্দু বিন্দুরক্ত জমে ওঠে ক্ষতমুখে। আর্তনাদ করছে গোবরা।

নিরন্তর রাতের অন্ধকারে কার কান্নার সঙ্গে ওর নিষ্ঠুর আর্তনাদ মিশে গেছে একাকার হয়ে। পাষণপুত্রীর নিদ্রা টুটে যায়—ধড়মড় করে উঠে বসেছে বাসন্তী, জানলাব সার্সিগুলো ছুঁদাম কবে আছড়ে পড়ে দমক! হাওয়ায় ! নীচে থেকে ওর আর্তনাদ—ভাসানীর কান্না শোনা যায়।

গুমরে গুমরে উঠছে সেই অশরীরী আর্তনাদ। সারা বাড়ীতে কে যেন কাঁদছে। স্তব্ধ হয়ে বসে থাকে বাসন্তী। শরীরের সমস্ত রোমকূপ ভয়ে সোজা হয়ে উঠেছে।

উঠে দাঁড়াল গোবরা। ওর দিকে ক্রুর দৃষ্টিতে চেয়ে আছে কন্দর্পবাবু ; উত্তেজনায় রাগে ইঁদাচ্ছে। ওপাশে ভাসানী হুহাতে মুখ ঢেকে কাঁদছে। হুহু কবে কন্দর্প গোবরাকে,

—দূর হয়ে যাবি তুই, আজই—এখনই। কাল যদি ভুবনপুরের এলাকার দেখতে পাই তোকে, জ্যান্ত পুতে ফেলবো। যা—

লাথির চোটে ছিটকে পড়ে বাইরে। পিঠ ফেটে গেছে। রক্তের দাগ কাপড়-চোপড়ে।

মানবের ঘুম ভেঙ্গে যায় একটা তীক্ষ্ণ আর্তনাদে। কে অসহ্য বেদনাধ আর্তনাদ করছে। ধড়মড় করে বিছানায় উঠে বসলো—অন্ধকারে কান্নাটা গুমরে উঠেছে। বের হয়ে সিঁড়ি দিয়ে নেমে যেতে থাকে। অসহ্য হয়ে উঠেছে তার কাছে। বাসন্তী বের হয়ে আসে।

—মানব যাস্ননি, যাস্ননি।

মানব এগিয়ে গেল নীচের দিকে—বাসন্তীও ছেলেকে বাধা দেবার অস্ত পিছু পিছু চলেছে।

একতলার কোণের ঘরের দরজাটা খোলা—অন্ধকার দালানে এসে পড়েছে এক বলক আলো—হঠাৎ একটা কালো ছায়ামূর্তি ছিটকে পড়লো ঘর থেকে বারান্দায়, উঠেই মিলিয়ে গেল অন্ধকারে।

—মানব।

বাসন্তী মানবকে ধরে ফেলেছে। প্রাণপণে বাধা দেয়—স্বামীর এই নারকীয় বীভৎসতা ছেলের কাছে প্রকাশ পাক এটা চায় না বাসন্তী।

—ফিরে আয়।

—না। একটা বোঝাপড়া হোক।

ঘরের ভিতর থেকে কান্নাটা শোনা যায়, অশ্রুত আর্তনাদ করছে অসহায় কোন নারী।

হঠাৎ ঘরের মধ্যে মানবকে ঢুকতে দেখে চমকে ওঠে কন্দর্পবাবু হাতে সেই চাবুকটা তখনও রয়েছে—লাথি মেবে ছিটকে বাইরে ফেলেছে গোবরাকে—সেই সময়েই ঝড়ের মত বেগে ঢুকেছে মানব।

পিছু পিছু বাসন্তীও। ভাসানী হাতবাঁধা অবস্থাতেই ছুটে এসে বাসন্তীর পায়ের কাছে পড়ে - কান্নার ফুলে ফুলে ওঠে তার দেহ। পাথরের মেঝেতে মাথা ঠুকছে ঠক ঠক করে।

স্তব্ধ হয়ে গেছে কন্দর্পবাবু। স্তব্ধ হয়ে গেছে ঘর—ওর মাথা ঠোঁকার শব্দ কান্নার সঙ্গে মিশে ঘরের পাথরে গুমরে ওঠে।

—মানব! বের হয়ে যাও ঘর থেকে।

—না। ওকে ছেড়ে দিতে হবে।

—সেটা আমি বুঝবো। যাও তোমরা।

বাসন্তী স্বামীর দিকে চেয়ে মাথা নামাল—ধীরে ধীরে বের হয়ে এল ঘর থেকে।

—মানব চলে আয়! ডাকল বাসন্তী। স্বামীর সর্বনাশা রাগকে সে হাড়ে হাড়ে চিনেছে।

—তুমি প্রশ্রয় দিতে পারো—আমি দোবনা মা।

—প্রজ্ঞা! আমার পরিচয়—টাকা, তোমার দরকার—তোমার প্রজ্ঞা দেবার কথাই ওঠে না।

—না। প্রতিবাদ করে ওঠে মানব দৃঢ় গম্ভীর শব্দে।

—তোমার টাকা, তোমার পরিচয় সব কিছু অস্বীকার করেই আমি এ বাড়ী থেকে যাচ্ছি। আজ তার সব প্রজ্ঞা-ভক্তি-কর্তব্যবোধ নিশ্চিহ্ন হয়ে গেছে। ওই অত্যাচারী দানব তার বাবা—তার অর্থে তার ভবিষ্যৎ গড়ে উঠবে একথা ভাবতে গেলেও ঘুণায় মন ভরে ওঠে।

স্তব্ধ হয়ে দাঁড়িয়ে থাকে কন্দর্পবাবু; বাসন্তী কাঁদছে—তাদের সামনে দিয়ে মানব চলে গেল আজ।

—মানব! বাসন্তী আর্তনাদ করে ওঠে।

—বাধা দিও না ওকে । ও যাক ।

কন্দর্পবাবুর চোখের উপর কি যেন নাটকের শেষ অঙ্ক অভিনীত হচ্ছে । ভাসানী স্তব্ধ আতঙ্কবিষ্ফারিত দৃষ্টিতে চেয়ে আছে ওদের দিকে । মানবের তেজদগ্ধ মূর্তিটা অন্ধকারে মিলিয়ে গেল ।

বাসন্তী কাঁদছে—দূরে শোনা যায় তার কান্নার শব্দ, ক্রমশঃ আরও দূরে মিলিয়ে গেল সেটা ; নিজের কাঁরাগারে ফিরে গেছে ব্যর্থ মাতৃহৃদয়ের বেদনা নিয়ে বাসন্তী ।

কন্দর্পবাবু চেয়ে আছে ভাসানীর স্তব্ধ-ভীত বিবর্ণ মূর্তির দিকে । একটা ঝড় বয়ে গেছে । বিকৃতস্বরে কন্দর্পবাবু গর্জন করে ওঠে—

—তুমি ছবির মত দাঁড়িয়ে আছ কেন ? যাও লোকের কাছে বলে বেড়াও গে—ভুবনপুরের কন্দর্প আচাই-এর কীর্তি ।

ব্যঙ্গ ফুটে ওঠে কন্দর্পের মুখে । কথা কইল না ভাসানী । মুখ তুলে চাইল । এতদিন যাকে মনে মনে শ্রদ্ধা করেছিল, পরম শ্রদ্ধার আসনে বসিয়েছিল, আজ তাকেই এত নীচে নামতে দেখে হুঃখই হয় ।

জবাব দেয় ভাসানী ।

—না, লজ্জায় মুখ দেখাতে পারবো না । ছিঃ ছিঃ, এত নীচে মানুষ নেমে যায় তা জানতাম না ! মা বলতো—আপনি মানুষ নন, শয়তান । নইলে আজ আমাকেও—

—চূপ করো ! ওর কথা থামিয়ে দেয় কন্দর্পবাবু । মনের ভিতর কেমন লম্ব গোলমাল হয়ে আসে ; ওরা সকলেই ঘৃণা করে তাকে । কুমিকীটের মত পরিত্যাজ্য করে রেখেছে, অস্পৃশ্যের মত আতঙ্কে তাকে দূরে সরিয়ে দিয়েছে । ভুবনবাবু, স্ত্রী বাসন্তী, মানব, সকলেই তাকে পরিহার করেছে—অবহেলা কার গেছে । ওই জারজ সন্তান ভাসানীও তার জন্ত হুঃখ বোধ করে, লজ্জা পায়, ঘৃণা করে ! ওর জন্ত এত ব্যর্থতা পুঞ্জীভূত সারা মনে ।

হাসছে কন্দর্প আচাই—উদ্দাম হা হা হাসি । বুকের সমস্ত জ্বালা জুড়োবার জন্তই মদের বোতলটা ঢেলে দেয় গলার কাছে । বুকের জ্বালা আর মদের জ্বালা মিশে একটা অসাড় চেতনাহীন অবস্থা আসে সারা মনে ।

—যাও । দূর হয়ে যাও সামনে থেকে । কোনদিন একথা আর প্রকাশ করোনা—যদি বাঁচতে চাও ।

ভাসানী কথা বললো না—ঘৃণা ফুটে ওঠে তার হৃদোত্তরে ।

—এ আমার খুব গোঁরবের পরিচয় নয় । সব শ্রদ্ধা-ভক্তি আমার হারিয়ে গেল—মিছে স্বপ্ন দেখেছিলাম অনেক কিছু ।

...চমকে ওঠে কন্দর্প ; সারা শরীরে হিমপ্রবাহ বয়ে যায় ! মানব—মানবও ঠিক এই কথাই বলতে চেয়েছিল ।

কন্দর্প আচাই—স্বামী-সন্তান-পিতা, মানুষের এই তিন স্বাভাবিক অধিকারেরও যোগ্য নয় ।

কি যেন বলতে যায় কন্দর্প—ভাসানী তার আগেই বের হয়ে গেছে ঘর থেকে । কম্পিত পদক্ষেপে ঘরময় দরজা খুঁজে বেড়ায় কন্দর্প—মৃত্যুপ লম্পট সর্বধ্বংসী কন্দর্প আচাই ।

আবছা ফিকে কুয়াসার আবরণে ঢেকে গেছে চারিদিক । অন্ধকার আকাশে কোথাও এতটুকু তারার সন্ধান নেই । ভুল করে উষর প্রান্তরে কোথাও ডাকছে পাখী—একটা হুড়ার হিংস্র নীল চাহনি মেলে দূর থেকে তাকে দেখছে । এগিয়ে চলেছে মানব স্টেশনের দিকে ।

সারা মনে ঝড় বইছে—এক রাত্রির মধ্যেই জীবনের দর্শন তার নিষ্ঠুর আঘাতে বদলে গেছে । দাহর বুকভাঙ্গা দীর্ঘশ্বাসে—মায়ের অঝোর কান্নাভরা বেদনায় যে সত্য প্রকাশিত হয়নি, নিজের চোখে দেখা সেই নিষ্ঠুর ঘটনা তার দৃষ্টি বদলে দিয়েছে । মুছে গেছে সব দুর্বলতা—কর্তব্য । কত কান্না—রক্তমেশা ওই বংশ পরিচয় আজ বোঝার মত চেপে বসেছে তার বৃকে—দমবন্ধ হয়ে আসে ।

...স্টেশনে উঠে দেখে ফেলে আশা দিগন্ত আগুনের শিখায় ভরে উঠেছে । পুডছে মানাচর ; পুডক—ওই বেড়া আগুন এসে লাগুক ভুবনপুরের গাঁয়ে । সব সংস্কার পাপ—কালিমা পুড়ে ছাই হোক অগ্নিস্পর্শে ।

...মানবের মনে ওই আগুনের ছোঁয়া—তার সব দুর্বলতা-মোহ পুড়ে যাক । আজ নিজের পায়ে নিজে দাঁড়াতে হবে তাকে—পিছনের সব পরিচয় অমনি দিগন্তজোড়া আগুনে পুড়ে গেছে, নিঃশেষ হয়ে গেছে ।

দোতলার জানলা থেকে দেখা যায় লাল লকলকে আগুনের শিখা ; চরের দুর্ভেজা শুকনো মানাবনে আগুন লেগেছে । রাতের বাতাসে দূর থেকে ভেসে আসে কাদের কণ্ঠস্বর—আর্তনাদ । বাসন্তী দাঁড়িয়ে দেখছে জানালা থেকে । ধ্বংসমুখী নদী বস্তার গ্রাসে সব খেয়েও নিষ্কৃতি দেয়নি, আবার শুরু করেছে তার তাণ্ডব লীলা ।

ব্রজ ধড়মড় করে উঠে দেখে ঘরের বাইরে আশেপাশে আগুন জ্বলছে । আর্তনাদ করে গোয়ালে বদ্ধ অবস্থায় গরুগুলো—দাপাদাপি করছে । রাতের অন্ধকারে কে আগুন লাগিয়ে দিয়ে গেছে ।

—জল ! জল ! কারা চোঁচাচ্ছে ।

...কৃষ্ণবাসে বের হয়ে আসে ব্রজ—অনেকেই কুয়ো থেকে জল টেনে তুলছে ; কিন্তু প্রলয়রূপী আগুনের সামনে পড়তে,—পড়তেই সামান্য জল বাষ্পাকারে মুছে যাচ্ছে ।

নদীতে জল নেই—একটু যা আছে তাও মাইলখানেক দূরে । বালি ভেঙ্গে ভেঙ্গে সেখান থেকে জল এনে এই বেড়া আগুনের সঙ্গে যুদ্ধ করা যায় না । বালি—ঝুড়ি ঝুড়ি বালি ছুডছে আগুনে । লক্ লক্ করে ওঠে শিখা ।

—ভাসানী ! ব্রজ ওই কোলাহলের মধ্যে ভাসানীকে খুঁজতে থাকে । কিন্তু তাকে পাওয়া যায় না । হ হ করে জ্বলছে আগুন ।

দিগন্তপ্রসারী বিরাট মানা ঘাস রোদে শুকিয়ে বারুদের তূপের মত হয়ে আছে, বেড়া আগুন ঘিরে ফেলেছে তাদের ক্রমশঃ, পালাবাব পথও থাকবে না ।

গকগুনো পাগলের মত দৌড়ঝাঁপ করছে—হঠাৎ কার আত্ননাদে ভরে ওঠে চারিদিক—একটা গক শিং দিয়ে কাকে পেড়ে কেলোছে । আহত লোকটা হাত দিয়ে ক্ষতমুখ চেপে ধরে আত্ননাদ করে পালাবার পথ খুঁজছে, কিন্তু পথ নেই, বেড়া আগুনে ঘিরে ফেলেছে চারিদিক ! চোখেমুখে ওর নিশ্চিত মৃত্যুর লালাত ভীষণ ছায়া ।

—পালা, যেদিকে পারিস পালিয়ে যা চর থেকে ।

বাঁধের উপর উঠে গোবরা শেষবারের মত চেপে থাকে মানাবনের দিকে । দাঁড় দাঁড় আগুন জ্বলে উঠেছে । হা হা করে হাসছে গোবরা—নে পড়ে মর শালারা । বাঁইপোড়া হয়ে মর ।

এক দেশলাইকাঠির এত বড় প্রতাপ তা নিজেই সে কল্পনা করতে পারেনি । নাকমুখ পিঠ দিয়ে তখনও বরছে চাবুকের ঘায়ে বরে পড়া রক্ত—হা হা করে হাসছে নিষ্ঠুর রাতের লাল আভামাখা অন্ধকারে ।

ভাসানী কন্দর্প আচাইএর ওখান থেকে ছাড়া পেয়ে ফিরে আসছিল, বাঁধের নীচে এসেই থমকে দাঁড়াল । তার সমস্ত সমস্যার সমাধান হয়ে গেছে । মানাচিরে আগুন লেগেছে—পুড়ে ছাই হয়ে গেল তার অতীত—বর্তমানের সমস্ত নিষ্ফল সঙ্কল্প । দামোদরের নিষ্ঠুর বন্ধ্যা যা পারেনি এই আগুন তাই পেরেছে । নিঃশেষে মুক্তির ইসারা এনেছে তার মনে । ভাসানীর পরিচয়—বংশগৌরবের মোহ কেটে গেছে । নিতাই ঘোষের মেয়ে—এই পরিচয়ই তার বড় ; শয়তানের জারজ সন্তানের গৌরব তার মন ঘৃণায় ভরে তোলে ।

সমাজ ও ধর্মের সমস্ত আশ্রয় তার হারিয়ে গেছে । মনে মনে পরম নির্ভর আশ্রয় ভেবে এসেছিল যাকে সেই কন্দর্প আচাই-এর ধ্বংসমূর্তি দেখে হতশ হয়েছিল সে । লজ্জায় কালোমুখ আর দেখাতে পারবে না এমাটিতে । নিদারুণ

আঘাত বেদনা তাকে সব শোকদুঃখ সহ্য করবার মত পাখর করে তুলেছে।

—তুই!

ব্রজ এগিয়ে আসে। দূর আঁধারের বৃকে আকাশছোয়া লাল আগুনের আভাস ব্রজের দিকে চেয়ে থাকে ভাসানী, মুখে দেহে কাপড়-চোপড়ে ছাই। ঘেমে নেয়ে উঠেছে ব্রজ।

—সব চলে গেল ভাসানী। ব্রজের কণ্ঠে যেন আত্ননাদ ফুটে ওঠে। অন্তরের দিক থেকে ভাসানীর যা গেছে তায় তুলনায় চরের সম্পত্তি সামান্য। সে সব হারিয়ে ভাসানী আজ স্থির হয়ে আছে।

--যাক্। ছোট জবাব দেয় ভাসানী।

--কোথায় যাবো? ব্রজের কণ্ঠে জিজ্ঞাসা।

—যেদিকে হুঁচোখ যায়। এমাটিতে আর নয়। এখানে বিষ ঢুকেছে। পাপের বিষ, এখান থেকে আমাকে নিয়ে চল ব্রজ। আজ নিজেকে নিঃশেষে সে সমর্পণ করে ব্রজের হাতে।

অবাক হয়ে চেয়ে থাকে ব্রজ ভাসানীর দিকে। সে পাওয়ার স্বপ্ন দেখেছে ব্রজ এতদিন প্রতিটি পল অল্পপলে, সেই পাওয়া আজ স্বেচ্ছায় তুলে দিতে আসে ভাসানী। ভাসানী বোধহয় পাগল হয়ে গেছে। নিবিড় নিষ্পেষণে জড়িয়ে ধরে ব্রজকে—হু হু কারাঘ্য ফেটে পড়ে তার মনের সঞ্চিত অপমান—ব্যর্থতার আঘাতের বেদনা।

—ভাসানী! ..ব্রজ তাকে সাধুনা দেবার চেষ্টা করে।

অশ্রুভজা কণ্ঠে ভাসানী বলে ওঠে—আমার আজ ঘরে বাইরের সব হারিয়ে গেছে ব্রজ।

ভাসানীর আজ ব্রজকে মেনে নিতে কোন বাধাই নেই। মনের কোণে মিথ্যে আশার স্বপ্ন দেখেছিল সে—ব্রাহ্মণের রক্তে জন্ম তার। কিন্তু সেই সমাজ—সেই কাপুরুষ জন্মদাতা তাকে অধিকার দেওয়া তো দূরের কথা, চরম অপমান করেছে তার। সেই সমাজের উপর—মানুষের উপর সব শ্রদ্ধা হারিয়ে আজ ভাসানী বানে ভাসা জীবের মত সামনেই ওই ব্রজকেই আশ্রয় করতে চায়। বাচতে চায় সে নিজের দাবীতে।

.. চরের আগুন তখনও জ্বলছে; আগুনের প্রচণ্ড তাপে ক্ষেপে উঠেছে বাতাস। ঝড় বইছে, উড়ছে বালি।

জ্ঞান হতে জ্ঞানতর দেখায় আগুনটা দূর চড়াই-এর উপর থেকে। দিগন্তের একপ্রান্ত হতে অন্যপ্রান্ত পর্যন্ত আগুনের স্রোত নেমেছে—আদিম পৃথিবীর অন্তর থেকে জ্বালা উঠছে। হু হু তীব্র জ্বালা। ভাসানীর সব মিথ্যা সঙ্কল্প

পড়ে ছাই হয়ে গেছে। আজ ব্রজকে ফিরে পেয়েছে, বহু মিথ্যার বদলে একটি সত্যকে নিবিড় ভাবে অনুভব করেছে।

কন্দর্পের চেতনা ফিরে আসে ভোরের দিকে। ঘরের মেজেতেই বেহাশ হয়ে পড়ে ছিলো সে সারারাত; মাথাটা ঝিমঝিম করছে। গতরাত্তরের ঘটনাটা স্বপ্নের মত আবছা মনে পড়ে। কি যেন নিদারুণ বৃষ্টিকাজালার মত জালিয়ে দেয় সারামন।

বিমলা! বিমলাকে মনে পড়ে। পায়ে ধরে কৈঁদে গেছে অতীতের সে— তোমার এতবড় বাডীর এক কোণে একটু ঠাই দাও, ঝিয়ের মত থাকবো, শুধু যে আসছে তাকে বাঁচতে দিও।

বিমলার সব কান্না আজও যেন গুমরে ফেরে শূন্য মনের অতলে। বিমলাকে দূর করে দিয়েছিল, নিজের জীবনের প্রথম বসন্ত দিন কৈঁদে ফিরে গেছে। আজও মনের অতলে সেই হাহাকার নোতুন করে জেগে ওঠে।

বিমলার কান্নার দাম সে দেয়নি। তারই মেয়েকে ধরে এনেছিল চরম অপমান করবার জন্ত! কিন্তু !!

—বাবু! বড়বাবু!

ডাকছে অভা—চরের সব কারা আগুনে পুড়িয়ে ছাই করে দিয়েছে বাবু।

চরের বুকে আগুন! ভাসানী! নিতাই ঘোষের খাজনাকরা এলাকা, তারই জমিদারী! সেখানে কে আগুন দেবে?

চমকে ওঠে কন্দর্প! ভাসানীর জন্ত আজ দুঃখ হয়। তার কাছে ক্ষমা চাইবে—আবার প্রতিষ্ঠিত করবে তাকে জীবনে। দরকার হয় সব পরিচয়ই দেবে। বেদনাহত মন একটু স্নেহ প্রীতির কান্নাল আজ।

—চল। ইয়ারে ছোটবাবু কোথায়?

—রাতের ট্রেনে কলকাতায় ফিরে গেছে।

—ও! কথা বললো না কন্দর্প। চারিদিকে কেবল ভুল আর বঞ্চনা। একত্রে সব কিছু আঘাত এগিয়ে আসছে তার দিকে।

শূন্যপ্রায় চর অসীম নিঃস্বতায় থা থা করছে। যতদূর চোখ যায় কেবল কালো ছাই; মানাঘাসের শিকড়গুলো জেগে আছে মাত্র; দূরের দিকে তখনও ঝিকি ঝিকি জ্বলছে আগুন। কতকগুলো শকুন শিয়াল এসে নেমেছে। আশেপাশের গ্রাম থেকে এসেছে কুকুরগুলো; ধারাল নখদাঁত দিয়ে ছেঁড়া-ছিঁড়ি করছে বিকৃত দেহগুলো। থানা থেকে দারোগা এসেছেন কল্লেকজন

লোক নিয়ে। ছ'একটা মৃতদেহও পাওয়া যায়; চেনা যায় না তাদের। মেয়ে মাহবুবের দেহও তুলেছে কয়েকটা ছাইগাদা থেকে। পুড়ে বিকৃত-কালো হয়ে গেছে।

—আপনার কাউকে সন্দেহ হয় ?

দারোগার প্রশ্নে কন্দর্পবাবু মুখ তুলে চাইল শূন্যদৃষ্টিতে। কি যেন বলতে গিয়ে থেমে গেলো সে।

- কি করে বলি ?

বাসন্তী স্বামীর দিকে এগিয়ে এল। কালো ছাইলাগা কাপড়-চোপড়—কন্দর্পের মাথার চুলে জমেছে বাতাসে উড়ে আসা গুঁড়ি গুঁড়ি ছাই।

—আশান থেকে ফিরলে নাকি ? প্রশ্ন করল বাসন্তী।

কথা কহিল না কন্দর্প, কে জানে কার শেষ চিতাভস্ম তার সর্বাঙ্গে লেগে রয়েছে। শিউরে ওঠে সে।

কে যেন আধারের বুক থেকে তীক্ষ্ণ দৃষ্টিতে চেয়ে আছে আজও। চোখ মেল-বার সাহস নেই তার।

—জানালাটা বন্ধ করে দাও। আর্তনাদ করে ওঠে কন্দর্প।

চরের অসীম নিঃস্বতা দেখা যায় জানালা থেকে—নদীর রূপোলী বালিয়াড়িতে। আশান ভৈরবদল নেমেছে। হু হু আসছে অগ্নিগর্ত বাতাস। বুক জলে যাচ্ছে। ওদিকে চাইতে ভয় পায় কন্দর্প।

জানালাটা বন্ধ করে দিল বাসন্তী।

স্বামীর দিকে চেয়ে আজ বাসন্তীর মনে হয় দেহমনে আঘাতের পর আঘাত খেয়ে বিপর্যস্ত হয়ে উঠেছে সে। ক্লান্ত পরিশ্রান্ত চোখেমুখে তার হতাশার নিবিড় ছায়া।

—একগ্লাস জল দেবে বড় তেষ্ঠা পেয়েছে।

.. কন্দর্পবাবু যেন হার মানছেন ধীরে ধীরে।

এর পর আর কলকাতাতেও থাকতে পারে না মানব।

টুহুবোদি ওকে বাড়ী থেকে ফিরতে দেখে অবাক হল। মনে হয়, সারা দেহ-মনে একটা নিদারুণ ঝড় বয়ে গেছে।

—চলে এলে ঠাকুরপো ?

—হ্যাঁ।...

টুহুবোদি সন্ধানী চোখে কি যেন দেখছে—কি হয়েছে বলো ত ?

—কিছু না।

—মানব ! টুহুবৌদির ওই চাউনির সামনে মানব এতটুকু হয়ে যায়। স্বচ্ছ অন্তর্দৃষ্টি, ওই রূপ আর তীব্র সে চাউনি। বেদনাহত কণ্ঠে বলে ওঠে মানব।

—তোমাকে বলা যায় না বৌদি। অতি নোংরা সে ব্যাপার। বাবার সঙ্গে সব সম্পর্ক ছেদ করেই এলাম। মা প্রতিবাদ করতে পারেননি। কিন্তু আমার সহ্য হ'ল না।

চূপ করে গেল টুহুবৌদি। কিছু কিছু সেও শুনেছে এ সম্বন্ধে। মানবের মত বিদ্রোহী সন্তান এর প্রতিবাদ করবে সেটা স্বাভাবিকই।

হতাশা ভরা কণ্ঠে বলে মানব।

—আজ আমার কিছুই নেই বৌদি। আমার ভবিষ্যতের পথও বন্ধ করে এসেছি।

...টুহুবৌদি ওর পিঠে হাতথানা রাখল—শান্ত-নিবিড় স্পর্শ। মানব ওর দিকে চেয়ে থাকে—জীবনে এমনি কোন স্নেহস্পর্শ সে পায়নি।

টুহুবৌদি বলে ওঠে।

—তুমি পড়বে মানব। বিলেতই যাবে।

—টাকা? নিজের বলতে মাত্র কয়েক হাজার।

—সে ব্যবস্থা হয়ে যাবে।

আশ্বাস দেয় টুহুবৌদি। মানবকে দেখে কি যেন সমবেদনায় মন ভরে ওঠে। মানব বলে ওঠে।

—সেই ভাল বৌদি। দেশছাড়াই যখন হলো এ মায়াই বা কেন আর!

সে আজ কয়েক বছর আগেকার কথা। টুহুবৌদিকে ভোলেনি মানব। দূর বিদেশ থেকে চিঠি আসে। টুহুবৌদি আজ যেন মাঝে মাঝে দেখতে পায় কলেজ থেকে ফিরছে একটি তরুণ—গোথেনুখে তার প্রতিভার দীপ্তি। মনের কোন অন্তরে আপনজন বলে মেনে নিয়েছিল।

...কিন্তু সেই আবছা স্মৃতি কেমন জট পাকিয়ে যায়। স্বামীকেও মনে পড়ে একটু একটু। বোম্বাই-এর বিখ্যাত ডাক্তার। টাকাকড়ি মাঝে মাঝে পাঠায়—মাঝে মাঝে দু'একছত্র চিঠি—সামান্য কুশল সংবাদ নেয় মাত্র। ওদিকে টুহুবৌদিরও কোন কোঁতুহল নেই। অগ্ন্যাগ্ন জ্বায়েও বলে মাঝে মাঝে।

—ধন্নি মেয়ে যাহোক। হাজার হোক স্বামী, একবার চোখেও দেখবে না?

—না। টুহু জবাব দেয়।

—কারো দয়া কুড়িয়ে বাঁচতে চাইনা আমি। টুহু সেই নিদাক্ষণ অপমানটা ভোলেনি। হৃদয়হীন সেই অবহেলা।

...এতদিন বাড়ীতে এ কথা নিয়ে কেউ বলতো না! দিদিমা মারা যাবার পর জায়েরা এক আধটু আলোচনা শুরু করেছে। টুহুবৌদিও পথ ঠিক করে—দেশের বাড়ীতে থাকবে গিয়ে। কারো গলগ্রহ হয়ে থাকবে না সে।

জায়েরা যেন একটু নিশ্চিন্ত হয়।

মানবকে এ সংবাদটা লেখে না—হয়তো কিছু ভাববে সে।

নিজের পথ নিজেই বেছে নেবে টুহু—প্রতিবাদ যখন করেছে করবেই।

টুহুবৌদির সহজ স্বাভাবিক মেলামেশাটাও আজ ওরা বিকৃতচোখে দেখে। এতদিন শান্তভী সব আঘাত থেকে টুহুকে আগলে রেখে ছিল, এবার ওরা যেন তার দোষ ধরতেই ব্যস্ত।

বড়জা আড়ালে মন্তব্য করে—খুকুর মাস্টারকে কাল কি বলছিল না টুহু ও মেজ? বেশ আলাপও জমিয়েছে ওর সঙ্গে, দেখেছিস?

মেজবৌ পাথরের মেজ্জেতে বিপুল দেহখানা গড়াগড়ি দিতে দিতে বলে—কি আর বলবো দিদি, কয়েক বছর আগেই দেখনি মানবকে নিয়ে কি আদিখ্যেতা। সোনার চাঁদ ছেলে, তাকে নিয়ে নাচানাচি। যাক, বাছা বিলেতে গিয়ে যেন বেঁচেছে।

—ওই ওর স্বভাব। নইলে বামুনের ঘরে এমন সতীন থাকে বৈকি—যাবে না। এক গৌ।

টুহু জানে—এমনিতর আলোচনা তাকে নিয়ে হয়। দিনরাত বই পত্র নিয়েই আছে সে, ওদের সঙ্গে বড় একটা মেশেও না। মাঝে মাঝে মানবের কথা মনে পড়ে। মানব তবু বড় হোক—তার মুখ থাকবে।

কয়েকটা বছর দেখতে দেখতে কেটে গেল। জমিদারির মধ্যস্বত্ব জ্বোত চলে যাচ্ছে। চার বছরের বকেয়া খাজনা জমিদারের বাকী। সরকার নিয়েছে হালসন থেকে। কালীপুর মৌজাও বেহাত হয়ে গেল চীনা মাটির জমিটুকু ছাড়া। রূপাল সিং বাকী চারসনের খাজনা মিটায়নি—আজও গড়িমসি করছে।

আগে হলে কন্দর্প বাবু কবে আদায় করে নিত—কোথায় মনের অভলে একটা আঘাত তাকে মুষড়ে দিয়েছে।

একটি রাজি কথা আজও ভোলেনি কন্দর্প। মানব মুখোমুখি দাঁড়িয়ে তার কাজের জবাব চাইছে। আজ মনে হয় বাঘের বাচ্চা বাঘই। তার উপর টেকা দিয়েছে।

কিন্তু মানব আর ফিরে আসেনি। সে আজ কয়েক হাজার মাইল দূর বিদেশে। বাসন্তীকে চিঠি দেয়। টাকা পয়সা পাঠাতেও নিষেধ করেছে।

—টাকা সে নেবে না বুঝলে। কন্দর্প জবাব দেয়।

—না গো না। মানব তেমন ছেলেই নয়। সব ঠিক হয়ে যাবে, ফিরে আসুক তো। ফিরতে আর দেরী নেই। ভালভাবে পাস করেছে। ছেলের গর্বে মায়ের বুক ভরে ওঠে।

কন্দর্প কি ভাবছে! এত সহজে ফাঁক বুঝবে না। এ পার্থক্য অনেকখানি। কাজ কমে আসছে। জমিদারির চিন্তা থেকে রেহাই দিয়েছে সরকার—রাতবিরেতে সেই দুর্দাম জীবন, ওয়াগন লুটের কাজকর্মও চলে না। পুলিশ গুলি চালাতে শুরু করেছে।

হাত গুটিয়ে বসে আছে কন্দর্প আচাই। রঙের মাতন কমে গেছে। তত্ত্বসাধনা! আজ মনে হয় কোথায় যেন মস্ত একটা ভুল রয়ে গেছে। মাত্র কয়েকটি অক্ষর মন্ত্র আর চিত্রবিচিত্র বর্ণের ছক—দতকগুলো প্রক্রিয়াভেই সমস্ত ষড়ঐশ্বর্য মেলে—সেগুলো কিছুতেই গুচ্ছ হচ্ছে না।

নইলে সে আজ বিপর্যস্ত হতে চলেছে কেন!

উদ্দাম নেশা আর সব-ভোলানো মত্ততার মাঝে শক্তিসাধনার স্বপ্ন দেখে কন্দর্প। নিবিড় নিষ্ঠার সঙ্গে অদেখা সেই খুঁতগুলো ধরে সাধনায় ডুবতে চায়—অনিমা লঘিমা ইত্যাদি ষড়ঐশ্বর্য পেতেই হবে তাকে।

মানব ফিরে আসছে। বিলেতে বসেই টুহুবৌদির চিঠিখানা পায়; দেশের বাড়ী থেকে লিখছেন বৌদি—বিশেষ কাজে এখানেই আছি, থাকবোও। ব্যাপারটা ঠিক বুঝতে পারে না মানব। কোথাও যেন একটা গুণ্ডগোল বেধেছে। দীপার চিঠিখানাও হাতে আসে।

মিঃ ব্যানার্জি বসন্তবাবুকে কথাটা আগে থেকেই বলে রাখেন—

—মানব ফিরলেই যাতে শুভকাজটা হয়ে যায় তার ব্যবস্থা করো তুমি। বসন্তবাবু সহকর্মীকে বন্ধুর মত ভালবাসেন; মিঃ ব্যানার্জিকে দরকার, মানবের একটা ভালো চাকরির ব্যবস্থাও করবেন তিনি। কিন্তু আসল ব্যাপারটা ঠিক পরিকার করে বলতে পারেন না বসন্তবাবু—মানবের বাবাকে কথাটা জানানো দরকার। তাঁর মতামত চাই তো।

—শিওর! মিঃ ব্যানার্জিও সায় দেন তাতে—চলনা একদিন যাই ওঁর কাছে। একটি মাত্র মেয়ে বসন্ত—মেয়ের বাপ হলে বুঝতে কি দুশ্চিন্তা। চল একদিন দেখা করে আসি ওর বাবার সঙ্গে।

এই কাজটিকে এড়াতে চান বসন্তবাবু। ভগ্নীপতিকে চেনেন—কি মেজাজে কখন থাকে জ্ঞানার উপায় নেই, একটা অশ্রীতিকর কিছু ঘটতে দেবী হবে না। বলে ওঠেন—এত ব্যস্ত হবার কারণ নেই। মানব ফিরক আগে তারপর কথাবার্তা হবে। তাছাড়া আজকালকার ছেলেমেয়ে—তাদের মতামতও দরকার।

হাসেন মিঃ ব্যানাজী—তার জন্ত ভাবনা নেই বসন্ত। দে আর নট ইন্ আওয়ার এজ।

দীপার সঙ্গকে মানবেব অমত হবে না—তা তিনিও অহুমান করেন।

বসন্তবাবু কি ভাবছেন। নিজের একটি সন্তান সেও অর্থবান। তিনিও আজীবন চাকরি আর অর্থ উপার্জন করে গেলেন। কিন্তু ছেলে বোঁ নিয়ে সংসার তার হল না। দুজন রখে গেলেন দু দিকেই। বাবধান ক্রমশঃ বেড়েই চলেছে। একটু ভুলই কবেছেন তিনি। আজ বয়সের শেষ প্রান্তে এসে মনে হয় জীবনের একটা দিক শূন্যই রয়ে গেছে। ছেলেমেয়ের বিয়ে দেওয়া—মনোমত সঙ্গী বেছে দেবার দায়িত্বও বয়েছে পিতামাতার; কিন্তু ঈশ্বর সেসব দিক থেকেও তাঁকে বঞ্চিত করেছেন।

—কাকামণি! কই থাচ্ছেন না যে।

দীপা ইতিমধ্যে কখন এসে পৌঁছেচে—বারে! কেকগুলো আমি নিজে হাতে বানিয়েছি—খান।

—এই যে মা। বসন্তবাবু যেন এই জগতে ফিরে আসেন। আধুনিকা ধনী বাপের মেয়ে হয়েও নাবীমূলভ বৈশিষ্ট্য হারায়নি দীপা। সামান্য প্রশাধনেই অপক্লপ দেখাচ্ছে ওকে। মানবের মুখটা অকারণেই ভেসে ওঠে মনে।

—আমাকে একটু বেরুতে হবে ব্যানাজি।

দীপা এগিয়ে আসে—বেশতো' কফি খেয়ে নিন, আমিই আপনাকে লিফট দিয়ে আসবো।

চমকে ওঠেন বসন্তবাবু—তুমি ড্রাইভ করবে?

—কেন—ভয় হচ্ছে নাকি কাকামণি! জানেন ছ'বছর গাড়ী চালাচ্ছি, আজও কোন অ্যাকসিডেন্টই করিনি।

দীপার কথায় বলে ওঠেন বসন্তবাবু—তাই কি আজ বেরুবার জন্ত ব্যস্ত হয়েছো? বানাজি বসন্তবাবু দুজনেই হাসতে থাকেন।

দীপা সবদিক থেকেই মানবের যোগ্য; বসন্তবাবুরও খুব ইচ্ছা, কিন্তু কতক-ক্ষেত্রে তিনি নিরুপায়। একবার চেষ্টা করে দেখবেন মাত্র।

ঘরে বাইরে আঘাত—অপমানে জর্জরিত মানুষটি তিলে তিলে নিজের অভ্যন্তরে ডুবেছে। অন্ধকার অতল সে ঠাই। পরিহ্রাণের আশায় গুরু জুটেছে।

পক্ষ ‘ম’কার সাধনায় ডুবে চলেছে কন্দপ’। কবিক উন্মাদনার সে
মতে উঠেছে।

চেয়েছিল ক্ষমতা—শক্তি—অর্থ সম্পদ। হৃদয় প্রাণশক্তি ভরা মানুষটি
বার্খতার নিদারুণ আঘাতে ধীরে ধীরে পশু হয়ে উঠেছে। আজ তার শেষ স্তরের
দিকে এগিয়ে চলেছে।

বাসন্তী প্রতিবাদ করে—বাবা বলেছেন, কুলদেবতা আছেন। এত অনাচার
পাপ বাড়ীতে চলবে না। এসব কি করছো তুমি?

স্ত্রীর কঠিন স্বরে একটু অব্যাক হয় কন্দপ’।

মানব যাবার পর থেকে কেমন যেন বাসন্তীও বদলে যাচ্ছে। স্ত্রীর মুখের
দিকে চেয়ে বলে ওঠে কন্দপ’।

—এও ধর্মাচরণ করছি।

—ধর্ম! শিউরে ওঠে বাসন্তী। কাকে আসতে দেখে জবাবটা আপাততঃ
না দিয়ে সরে গেল বাসন্তী! কেমন ঘৃণা জন্মেছে ওর মনে। বহুদিনের
সঞ্চিত ঘৃণা।

এমনি সময় এসে হাজির হয় পাঁচু গোমস্তা। জামাটা কদাফাই হয়ে গেছে,
হাতাটা কেড়ে নিয়েছে ওরা। হাঁটু-পা ছুড়ে গেছে ঠাই ঠাই। কাপড়খানা হাঁটুর
কাছ থেকে ছিঁড়ে ঝুলছে। কপালে চুলে রক্তের দাগ!

—দেখুন বড়বাবু, কি দশা করেছে দেখুন ব্যাটা পাঞ্জাবী। আত্মনাদ
করছে পাঁচু।

চমকে ওঠে কন্দপ’ আচাই। দশখানা পরগণার মুকুটহীন সম্রাট—যার
দাপে বাঘে বলদে একঘাটে জল খায়, তারই কর্মচারীর গায়ে হাত।
কাঁদছে পাঁচু।

—আমাকে রেহাই তান বড়বাবু, খাজনা চাইতে গেলাম—ব্যাটা রুখে এসে
খড়ম দিয়ে পিটে বজ্জে—এই তোকে দিলাম, এইবার তোর বাবুকে
আসতে বলিস।

—পাঁচু! দপ করে জলে ওঠে কন্দপ’ আচাই।

—হ্যা! আমার কোন চোষ নাই বাবু।

পায়চারী করছে কন্দপ’ আচাই—চরম পরীক্ষা। কৃপাল সিংকে শিক্ষা
দেওয়া দরকার।

—তুমি নিশ্চিন্ত থাক পাঁচু, এর জবাব সে পাবে। কন্দপ’ আচাই এখনও
বঁচে আছে। নাও—

দশটা টাকা ওর হাতে দিল। পাঁচু গড় হয়ে পেন্সাম করে।

রাগে অপমানে টকটকে রং সিঁদুর বরণ হয়ে উঠেছে। কৃপাল সিং-এর কথাগুলো ভুলতে পারে না কন্দপ। এত বড় স্পর্ধা ওর—ভয় দেখাতে সাহস পায়।

লকলক করে জ্বলছে হোয়াগ্নি। সপ্তপদী হোম। তান্ত্রিকাচার্য উচা-টনানন্দ কারণবারি শিক্ষিত করে হোমে বসেছে—রক্তাশ্বর পরে স্বাহা ধারা দিচ্ছে কন্দপ। দাউ দাউ জ্বলছে আগুন—লাল চোখের দৃষ্টিতে ফুটে ওঠে কি এক জ্বালা!

—ওঁ স্বাহা। ওঁ স্বাহা।

অপাম সোমম্ অমৃত অভূম।

সোমপান করে আমরা অমরত্ব লাভ করেছি। নবজীবন—মৃত্যুকে জয় করবার অমৃত ওই কারণবারি।

দেবীর প্রসাদ লাভে শক্তিসামর্থ্য ফিরে আসুক। শত্রুজয়ী কালজয়ী হবে সে। প্রণামমন্ত্র উচ্চারণ করছে পূর্ণ ঘণ্টের সামনে

—স্বয়ম্ভুবৃক্ষং দেবি রক্তচন্দনসজ্জিতম্।

তথা ত্রিশূলপুষ্পং বজ্রপুষ্পং বরাননে—

...ছায়ামুতিগুলো অন্ধকার আঙ্গিনায় প্রতীক্ষা করছে। নিস্তক গ্রাম—থমথম করছে রহস্যঢাকা রাত্রি। অভা আজ মেতে উঠেছে। পরমার হত্যার শোধ নিতে হবে। কৃপাল সিংকে আজ জবাব দিতে হবে। অভা দলবল তৈরী করে তুলেছে। তাদের প্রাণভর খাইয়েছে মাটির হাঁড়িতে তাজা পানীয় আর প্রসাদী মাংস। গলা জ্বালা করছে—রক্তে মাতন লাগে। বুনো ভোমের রক্ত—রক্তখাওয়া রক্ত—সেই রক্ত মেতে উঠেছে। বলে চলেছে অভা,

—সামিলে যাবি, আগে ঢুকে ব্যাটাকে বেঁধে ফেলবি। ছামুঘরে বন্দুক দুটো আছে—সেদুটোকে আগে হাতাতে হবে।

কালো ভূষোকালি মাথা লোক দুজন ঘাড় নাড়ে।

—অভা!

বজ্রগষ্ঠীর স্বরে হাঁক পাড়ে কন্দপ। বলিষ্ঠ কণ্ঠস্বর—নেশার স্পর্শে ভারি হয়ে উঠেছে। একটা শালপাতায় প্রমাদী সিঁদুর এনে দেয়। কপালে ঘষতে থাকে ওরা।

...কন্দপ আজ চরম পরীক্ষা দিতে চলেছে। হয় উত্থান নাহয় নিমূল হয়ে যাবে। কালীপুরের মাটি থেকে নিশ্চিহ্ন হয়ে যাবে তার দখল সম্মান—ইচ্ছাং।

—অভা! কণ্ঠস্বর যেন কাঁপছে।

—হুজুর ইয় জন্তে তাববেন নাই। এই এসম বলে। ব্যাটার দাড়ি সমেত মুহুটা দামোদরের চরে পরমার পাশে থুয়ে দিই আসবো।

দণ্ডবৎ করে হাঁক দিয়ে ওঠে—বলো কালী মায়িকী...

অন্ধকার শিউরে ওঠে। বাসন্তীর বুক কঁপে ওঠে। ভুবন আচাই অন্ধ হয়ে পড়েছে—হাতড়ে খাট থেকে নেমে চীৎকার করে ওঠে।

—বোমা! বোমা! নিষেধ করো—নিষেধ করো ওদের। ওরে কন্দর্প—
হাহাকার করে ওঠে বৃদ্ধ অন্ধ। অন্ধ ধৃতরাষ্ট্রও বোধহয় এমনি অসহায়ের মত
কঁদে উঠতো পুত্রের উন্নততায়।

আধারে ছায়ামূর্তিগুলো মিলিয়ে গেছে।

হোমের আশুন নিতে এসেছে। ধিকি ধিকি আধারে গন্ গন্ করছে
আন্ধরাগুলো। নিস্তর নির্জন স্থচীভেদ্য আঁধার ঘেরা রাত্রি। দূরে কোথায়
একসঙ্গে কতকগুলো শিয়াল ভেকে উঠলো।

চমকে ওঠে কন্দর্প। এর অর্থ বোঝে।

আক্রমণ করেছে—আক্রমণ করবার সঙ্কেত ওদের। দুক দুক কাঁপছে বুক।
ঝড়ো হাওয়ার মাতামাতি চলছে গাছেব পাতায়। কি এক আকাশ জোড়া
দীর্ঘশ্বাস উঠছে মৃত্তিকাব বুক থেকে।

গুড্রুম্!...কড় কড় কড়।

প্রচণ্ড গর্জনে ভরে ওঠে চারিদিক। বন্দুক চালিয়েছে ওরা। একটা ক্ষীণ
কলরব শোনা যায়। চঞ্চল ভাবে পায়চারী করেছে কন্দর্প।

অবীর ব্যাকুল এ প্রতীক্ষা। অন্তহীন নির্জনতার মাঝে সব ডুবে গেছে।
মুছে গেছে।

...কয়েকটি মুহূর্ত তার মনে গভীরভাবে কেটে বসেছে। এর আগেও বহু
আক্রমণ ফোঁজদারী করেছে। এত বিচলিত কোনদিনই হয়নি।

—বাবু!

অন্ধকার থেকে অস্পষ্ট আলোয় এগিয়ে আসে মূর্তিটা। অতার ভাইপো নাটু।

—সর্বনাশ হয়ে গেছে বাবু।

চমকে ওঠে কন্দর্প। স্থির দৃষ্টিতে ওর দ্রুতবিকৃত দেহের দিকে চেয়ে থাকে—
ওরা বন্দুক চালিয়েছে। কাকার বুক লেগেছে। একবারে থতম।

—কপাল সিং!

—সড়কী চালিলাম বাবু, ব্যাটার ডানহাতটা এফোড় ওফোড় হয়ে গেছে।
জান লিতে পারলাম।

—মাদারি-দল-তোরা, শেষ করে আসতে পারলি না?

—গুলির মুখে এগোতে পারলাম না বাবু, সর্দারই ঝাঁব হয়ে গেল !

কাঁদছে আহত রক্তাক্ত বীভৎস নোটনা । কন্দর্প আচাই আজ চূপসে গেছে
অজানা আতঙ্কে । সব বিক্রম নিঃশেষ হয়ে গেল । সবাই গেছে—টিকে ছিল
অভা । সেও গেল ।

কন্দর্প আচাই আজ চরম হেরেছে । ভাগ্যালিপি লেখা হয়ে গেল তার ।
কালীপুর মৌজার বন মহালের দখল আজ হাতছাড়া হয়ে গেছে । কৃপাল সিং-ই
জিতলো ওই লড়াই-এ । এই দাঙ্গার ফলাফল স্পষ্ট অক্ষরে সে দেখতে পায় । আর
করবার কিছু নেই ।

চূপ করে থেকে কন্দর্প বলে ওঠে—পালা । বনের ভিতর দিয়ে হাঁটা পথে
অজয় নদী পার হয়ে ইলামবাজার ছাড়িয়ে কোন কুটুমবাড়ীতে পালা । কেউই
যে না থাকে । যা কীর্তি করে এসেছিল, পুলিশে সব বাঁধা পড়বি । আর বাঁচাবার
ক্ষমতা আমার নেই । যে যেদিকে পারিস পালিয়ে বাঁচ । হাল ছেড়ে
দিয়েছে কন্দর্প ।

ফিসফিসিয়ে বলে নোটন !

—লাশটাকে বয়ে এনেছি হুজুর ।

—নদীর গাভায় পুঁতে দিয়ে যা ।

—পুঁতে দেবো ? কিন্তু কালে আগুন পাবেনা যি গো ?

নোটনার আপন কাকা—এটা যেন কেমন লাগে তার মনে ।

জলে ওঠে কন্দর্প ।

—হ্যাঁ । তবে কি ঘট করে বুঝোৎসর্গ শ্রাদ্ধ হবে ঠর । অপঘাতের মড়া,
এখন সদরে নিয়ে গিয়ে কেটে ফর্দাফাই করে দেবে । যা বলি তাই করে পালা
যে যেদিকে পারিস । রাত পুইবার আগে পালাবি ।

আর দাঁড়াল না নোটনা । ভাকাতের আবার সংকার ! চিরকালই
রাতের আধারে মরেছে ওরা—মাটির নীচে আশ্রয় নিয়েছে লোকচক্ষুর
অস্তরালে । মৃত্যুটাও ওদের গোপনতম ব্যাপার । কোন শোকহুংথ করবার
উপায়ও নেই । মাটির নীচে মাটি হয়ে যাবে ওর শরীর—আগুনজনের বৃকের
ভিতর চোখের জল জমে পাথর হয়ে উঠবে । বৃক ফাটবে তবু মুখ ফোটান
চলবে না ।

হাথুর মত দাঁড়িয়ে আছে কন্দর্প আচাই ; ভুবনপুর আচাই বংশের শেষ
অমিদার । স্বর্গের লগাটে তার পরাজয়ের অপমানের কালো ছাপ—সমস্ত
বিক্রম তার মুছে গেলো রাতের আধারে । তবু মন্ত্রসাধনা—সব বুঝাই হয়ে
গেল । শক্তি তার হারিয়ে গেছে । সামনে পূজাবেদীর পূর্ণ দৃষ্টা লাগি ।

মেরে ফেলে দিল—ঘটের জলে হোমের শেষ আগুনটা নিভে ছাই হয়ে যায়। শূণ্য বোতলটা ছুড়ে ফেলে দিয়ে—অগ্নিটা তুলে নিল। সব চিন্তা থেকে নিষ্কৃতি পায় কন্দর্প আচাই।

কালীপুর বাজারে হুলস্থূল পড়ে গেছে। কুপাল সিং হাসপাতালে। কি মহা-প্রলয় ঘটে গেছে গতরাত্রে ওই বনধারের বাংলায়। দারোগা থেকে শুরু করে পুলিশ অফিসার পর্যন্ত অনেকেই এসেছেন—কালীপুর বাজারে তারই আলোচনা। কুপাল সিং-এর বাংলায় পাহারা বসেছে।

...ভুবনপুরের কুখ্যাত দাগীদের অনেকেই বাড়ীতে নেই। কুটুমবাড়ী গেছে। নাহয় তীর্থে গেছে এক সঙ্গে। পুলিশ অফিসার ভদ্রলোক কালীপুর সম্বন্ধে অনেক খবরই রাখেন।

কন্দর্পবাবুকে বলে ওঠেন তিনি—সকলেই এত ধার্মিক হয়ে উঠলো যে হঠাৎ ?

কন্দর্পবাবু জবাব দেয়—তার খবর আপনারাই ভালো জানেন। জেলে কি মন্তর জপান আপনারা, বের হয়েই সাধু হয়ে যায় ব্যাটারা।

কন্দর্পবাবু আজ তেমন অত্যাচার আরোপ করেনি। চারিদিকে আদায় উত্থল নেই, মামলা মোকদ্দমার খরচ আছে, তাছাড়া মরিয়্য হয়ে উঠেছে কন্দর্প।

ভিতরে অবস্থা হয়ে এসেছে গজভুক্ত কপিখবৎ। খোলাটাই টিকে আছে—শাস বলতে ভিতরে বিশেষ কিছুই নেই।

কন্দর্পবাবুকেই বলে ওঠে অফিসার ভদ্রলোক।

—আপনাকে থানায় যেতে হবে একটু। গাড়ীতেই যাবেন, আমরাই ফিরিয়ে দিয়ে যাবো।

—অর্থাৎ! কন্দর্পবাবুর চোখেমুখে সন্দেহের ছায়া। কোথায় যেন একটা ছেঁড়া কালো ঝড়ো মেঘ ঘনিয়ে আসছে দামোদরের বালিয়াড়ির ঈশান কোণে। দেউড়ি শূণ্য, পাহারা নেই। অভা মরে গেছে। আজ ভানহাত ভেঙ্গে গেছে তার। একা গোমস্তা আর একজন পিটপিটে হালসানা বসে রয়েছে ওদিকে।

—এজাহার নিতে হবে একটু!

—দরকার থাকে এখানেই তা স্বচ্ছন্দে নিতে পারেন। আরে মশাই, ওর ওটা নারীঘটিত ব্যাপার মনে হয়। ওর চরিত্রদোষ তো বিখ্যাত—হয়তো কারো মা-বোনের ইচ্ছা নিয়েছিল—ব্যাটার জান নিতে এসেছিল সে। ওসবের আমি কি খবর দোর কলুন ?

পুলিস অফিসার এতে সন্তুষ্ট হন না।...প্রায় কালীপুর মোজায় এসব লেগেই আছে। খুন—ডাকাতি—রেললুট প্রায়ই ঘটে কিন্তু ওরা কোন চিহ্ন পর্যন্ত রেখে যায় না। আজ তার কিনারা করতে চান। বলে ওঠেন তিনি একটু ভদ্রভাবেই।

—তবু একবার গেলে ভালো হয়।

কন্দর্পবাবু জবাব দেয়—আমার সময় নেই, কাছারীর কাজ অনেক বাকী; আপনারা আস্থন। সেই দোত্রুপ্রতাপ কন্দর্প আচাই যেন ক্ষণিকের জ্ঞাপ্ত বর্তমানের সবকথা ভুলে গিয়েছে। চোখেমুখে ফুটে ওঠে কঠোর কাঠিন্য।

ইঙ্গিতে কনস্টেবল দুজনের বন্দুক নড়ে ওঠে। দেউড়ির দিকে দৃষ্টি রেখে তারা।

অফিসার ভদ্রলোক বেশ কঠিন স্বরেই ঘোষণা করেন।

—আপনাকে অ্যারেস্ট করা হোল। বুকপকেট থেকে ওআরেণ্টটা বের করে জানান—না গেলে জোর করে নিয়ে যাবার ব্যবস্থাই করতে হবে।

কন্দর্পবাবু যেন স্বপ্ন দেখছে। জীবনে বহুবার বহু বাধা পার হয়ে গেছে—এবার বিধি বাম। বাধার মৈনাক এসে দাঁড়িয়েছে কালো গ্রানাইট পাথরের কর্কশতা নিয়ে।

—কি বলছেন আপনি? ঠিক যেন বিশ্বাস করতে পারে না কন্দর্প।

ভুবনপুরের জমিদার! আজ তার সব গেছে। বাধা দেবার কেউই নেই। একমাত্র সন্তান—তাকেও আজ পর করে দূর দেশে নির্বাসন দিয়েছে। তার চরম বিপদের দিনে কেউ পাশে নেই।

ভুবনবাবু কথাটা শোনেন। বাসন্তী কান্নাভেজা গলায় বলে ওঠে।

—কি হবে বাবা? মানব ফিরে আসছে—এসে এইসব কথা শুনলে কি ভাববে!

ভুবনবাবু নির্বিকার চিন্তে জবাব দেন—নিয়তি কেন বাধ্যতে! অদৃষ্টে যা আছে তাই ঘটবে, কেউ বাধা দিতে পারবে না মা। এ নিয়তির বিধান। মানবকে কষ্ট পেতে হবে—উপায় নেই।

—এই অন্তায় অবিচার চূপ করে মেনে নোব? বাসন্তী কি ভাবছে।

—এ ছাড়া পথ কি মা! এসব হবে আগেই জানতাম; সাবধানও করেছি—কথা কানে তোলেনি। ছেঁড়া কাঁথার মত পড়ে রইলাম দূরে।

বাসন্তী এই বিধান মানতে রাজী নয়। তার স্বামী অন্তায় করুন তায় করুন তার জন্ত শাস্তি পুরস্কার যাহা হয় তিনিই পাবেন, তাই বলে জীয়ে

কর্তব্য থেকে সে কেন বিরত থাকবে ?

কি যেন ভাবতে থাকে। শূন্যপ্রায় ঘর। কি চাকর দু'একজন রয়েছে। পাইক বরকন্দাজ কেউ নেই, ভোমপাড়া আজ পুরুষশূন্য। সকলেই পুলিশের ভয়ে গ্রাম ছেড়ে বনে পালিয়েছে! একটা স্তব্ধ নির্জনতা ছেয়ে এসেছে গ্রামে—কে যেন এক নাগাড়ে কঁদে চলেছে। বুক চাপা ক্ষীণ কারার সুর—অভার বোঁ কাঁদছে। তার সব গেছে। বুক ফাটানো কান্না বাতাসে গুমরে ওঠে। ওরা কাঁদে—বাসন্তী গুমরে মরে। বেদনা আর দুঃসহ লজ্জা তার কণ্ঠ রুদ্ধ করে দিয়েছে।

কয়েকদিন হল মানব কিরে এসেছে বিলাত থেকে। দেহেমনে নোতুন কর্মপ্রেরণা। এ যেন অল্প মানুষ—ভবিষ্যতের আশায় দ্ব্যতিময় গুর দৃষ্টি।

সারা মন ভরে ওঠে দীপার খুশিতে। মানবের মন থেকে পথক্লান্তি এখনও ঘোচেনি। প্রেনে আসার ফলে পথের পরিবেশ এই নিবিড় পরিবর্তন-টাকে স্বাভাবিক করে তোলেনি; মনে হয় এখনও যেন সেই কুয়াসাচ্ছন্ন দেশের কোন কারখানায় ঘুরে বেড়াচ্ছে। শত কাজের ফাঁকে সেখানে ভেসে উঠত মায়ের বেদনাহত দৃষ্টি; আজও তাকে অহরহঃ সেই কথা স্মরণ করিয়ে দিচ্ছে। একজনকে মনে পড়ে—সে টুহুবৌদি। তার শাস্ত চাহনি ভোলা যায় না।

—কি এত ভাবছ বল দিকি? দীপার চোখে মুখে পড়েছে এক ঝলক চাঁদের আলো; শহরের উপকণ্ঠে বিরাট বাড়ীখানা রাতের নির্জনে সমাধিস্থ হয়ে রয়েছে।

দীপার দিকে চেয়ে থাকে মানব—কই না তো ?

—না! ভাল করে কথাই কইছো না। বিলেত ফেরৎ ইঞ্জিনিয়ার হয়ে কি দাম বেড়ে গেলো নাকি ?

হাসে মানব—তা বাড়াই স্বাভাবিক। ভাবছি একবার বাড়ী থেকে ঘুরে আসি। অনেকদিন মাকে দেখিনি। বৌদিকেও দেখে আসবো একবার।

দীপা যেন খুশিতে উছলে পড়ে—চলো, আমিও যাবো।

—যাবে ?

—কেন যাবো না ? মাকে প্রণাম করে আসবো। অবশ্য তুমি যদি অমত না করো। তোমাদের দেশটাও দেখা হবে।

রাজিশেষে বের হয়েছে ওরা! দীপাই গাড়ী চালাচ্ছে। জি. টি. রোডের বৃক্ক মঞ্চ গতিতে ছুটে চলেছে দামী বৃক্কখানা—যেন রাজহাঁস পালক মেলে চলেছে। প্রিং-এর নিখুঁত সমাবেশ, এতবড় গাড়ীখানা টলছে মাত্র। মানবের মনে গত

অপরাক্রমের স্নিগ্ধ স্পর্শ তখনও মুছে যায়নি। জাগর রাত্রির তমসায় তারার ছাতিতে ফুটে ওঠে কার চাহনি।

—চুপ করে বসে আছো যে? দীপা বলে ওঠে।

—এমনিই। মানব ছোট্ট জীবাব দিয়ে এড়িয়ে গেল!

দুপাশে ছুটে চলেছে শূণ্য ধানক্ষেত। শিশির-ভেজা গাছগুলো পাতা ঝেড়ে চলেছে। পালক থেকে জল ঝাড়ছে ডিঙ্গে ওঠা পাখী।

দীর্ঘ পাঁচ বছর পর আবার কালীপুরের দিকে এগিয়ে চলেছে সে।

...বনভূমি জেগে উঠেছে সকালের আলোয়; দিগন্তবিস্তৃত সবুজ বনসীমা—
উঠে নেমে চলে গেছে অসীমের দিকে: মাঝে মাঝে শুকনো রুক্ষ প্রান্তরের বৃক
পুঞ্জীভূত পলাশের লাল নেশা। সবুজের বৃক লাল রংএর ছোপ মোটা তুলির
আঁচড়ে এঁকে গেছে কোন নিপুণ চিত্রকর।

মাথার উপর দিয়ে চলেছে হাইটেনশন লাইনের তামার তারগুলো, রোদে
ঝিকঝিক করছে। সাদা পোস্টের সঙ্গে কালো কালো ইন্সুলেটর দিয়ে বাঁধা—
কোন দৈত্য যেন লাটাইএর সঙ্গে আটকে রেখেছে ওগুলোকে। বনরাজ্য জয়
করতে চলেছে বিজ্ঞানের জয়দূত।

কালীপুর স্টেশনের কাছে এসে থমকে দাঁড়াল। ট্রাক-জিপ এদিক
ওদিকে দেখা যায়। সাইডিং লাইনে নানা মালপত্র যন্ত্রপাতি নামছে। দিশী-
বিদেশী লোকজনও ঘোরাফেরা করছে। লোহালব্ধ ছুপাকার করে নামান।
মাঠের মাঝে কাঁটাতার দিয়ে টিনের গোলাকার শেড তৈরী হচ্ছে। বাজার
সীমাও বেড়ে গেছে। চায়ের দোকানগুলো ছিমছাম হয়ে উঠেছে। কোথায়
বাজছে রেডিও। অন্ধকার তমসা থেকে কালীপুর জেগে উঠেছে আলোর
স্পর্শে। আর তাকে চেনা যায় না। প্রান্তরের বৃক চিরে গড়ে উঠেছে
টারম্যাকাডাম রাস্তা। এ কোন নোতুন রাজ্যে এসে পথ হারিয়ে ফেলেছে
মানব।

হঠাৎ চমকে উঠলো—শত ভাঙ্গাগড়া পরিবর্তনের মাঝে রেসকোম্পানীর
কুয়োর কাছে আজও টিকে আছে ফুলকোটা সেই রক্তকরবী গাছটা। বাড়তি
জল পেয়ে আজও সে সজীব। একটি স্নন্দর স্মৃতি।

—চলো! দীপা একটু অধৈর্য হয়ে উঠেছে। ওর কথায় মানবের মনের সব
চিন্তাজাল ছিঁড়ে যায়। ছোয়া পেয়ে শব্দকচিতা আবার তার নীরবতার কঠিন
ধোলে ঢুকে পড়ে।

—হ্যাঁ।

...দিন বদলেছে। নৃত্য প্রান্তর—বনভূমি অনেকখানি কেটে উড়িয়ে দিয়েছে

ওরা। স্বাপদসঙ্কুল প্রান্তরে সন্ধ্যাবেলায় নামতো ধুমধমে আঁধার জড়ানো আভঙ্কের ছায়া। জনমানব ওদিকে যেতো না। বর্ষার দিনে ওর বুক গড়িয়ে ঢল নামতো; গেকুয়া জল গিয়ে মিশতো নদীর বৃকে। আজ সেখানে গড়ে উঠেছে উপনিবেশ, মানবজীবনের অঙ্কুর গজিয়েছে কঠিন উষর বনামৃত্তকায়! সারিবন্দী লাগান হয়েছে শিরীষ—জাম—নিম গাছ। এক রাস্তার এক এক রকমের বনস্পতি। মাঝে মাঝে গড়ে উঠেছে বাংলা—সাধারণ কর্মচারীদের জন্ত কোয়ার্টার।

আগামী দিনের নোতুন সম্ভাবনার মাঝে ভুবনপুর কোথায় হারিয়ে গেছে। নদীর উপর আম কাঁঠাল শালবনের ছায়াগ্রহরা ঘেরা ছোট্ট গ্রামখানি আজ ধুঁকছে, অদূরে আগামী সভ্যতা চোখরাঙ্গিয়ে চেয়ে আছে তার দিকে; মনে মনে হাসছে ওর মৃত কঙ্কালের দিকে চেয়ে—আজকের নবযোবন। বাতাসে শোনা যায় জোর চীৎকারে রেডিওঘোষক কি যেন সংবাদ পরিবেশন করছে। আকাশ ফাটিয়ে উঠেছে কোথায় জয়েস্ট রিবিট করার শব্দ—কমলার ধোঁয়ার নীল আকাশকোল কালো হয়ে উঠেছে।

গাড়ীখানা এগিয়ে গিয়ে বালিঢাকা জলগড়ানি পথে নামলো; দীপা বলে ওঠে—

—বাবাঃ, এ গাঁ তো নয় যেন—অন্ধকার পুরী! দীপা যেন হতাশ হয়েছে। অভ্যর্থনা করবার জন্ত কেউ নেই। কোথায় লোকলগ্নর—বাগ্‌ভাণ্ড! সব কল্পনা তার বদলে যাচ্ছে।

—হ্যাঁ। মানব ভাবে দীপা আগেকার দিনগুলো দেখেনি, তাহলে হয়তো শিউরে ওঠতো সেদিন। অসমতল পথে গাড়ীখানা এদিক ওদিক হেলতে তুলতে চলেছে। দু'একজন চাষী, কোঁতুলী ছেলেমেয়ে চেয়ে থাকে ওদের দিকে। ছায়াঢাকা তেঁতুল গাছের ফাঁকে মস্ত বাড়ীখানা দেখা যায়—অনেকদিন চুনকাম হয়নি; সবুজে শেঙলার ছাপ লেগেছে সারা গায়ে। পুরনো গাঁয়ের জীবনের সঙ্গে ওর যেন একটা মিল রয়েছে।

অবাক হয়ে যায় বাসন্তী। বিলাত থেকে ফিরেই মানব ছুটে আসবে তাকে দেখতে কল্পনা করেনি। ওদিকে নিবারণবাবু বড়চেষ্টা করেও কন্দর্প আচাইএর জামিনের হুকুম পাননি; এস. ডি. ও. রাজী হননি, নিবারণবাবু জেলা ম্যাজিস্ট্রেটের কাছে দরবার করতে ছুটেছেন। বাসন্তী এই অবস্থায় মানবকে আসতে দেখে যেন নিশ্চিন্ত হয়। কিন্তু সঙ্গে আর একটি কে মেয়ে—পোষাক-আশাকে ঈভ্যভার ছাপ, চালচলও ভেমনি কেতাদুরস্ত! গায়ে আলতো ভাবে চাপানো রয়েছে।

একটা কাজকরা দামী সিঁকের স্লোক ।

...সকোচের বালাই নেই ।

—মা । মানব পরিচয় করিয়ে দেয় । এগিয়ে এসে প্রণাম করে দীপা ।

—থাক, চিনতে পেরেছি । দীপা যেন বকছে মানবকে । হাসতে চেষ্টা করে বাসন্তী—এলো মা ।

মানব মায়ের দিকে অবাক হয়ে চেয়ে থাকে । সারা বাড়ীতে কেমন একটা ধমধমে নীরবতা, বাইরের মহলে লোকজন নেই—সেই দাবা পাশার ছকও পড়েনি । কাছারী বাড়ীর বিশাল দাঁওয়ায় লোকজন প্রজ্ঞা-পাটক আসেনি ; পাইক বরকান্দাজরাও মিলিয়ে গেছে । চালাঘরে একটা পাঙ্কী পড়ে আছে, একটা পাল্লা তার ভাঙ্গা, বহুদিন ওতে কেউ চড়েনি । এবাড়ীর সমস্ত কিছু ঘিরে একটা নিরাভরণ শ্রীহীনতা ফুটে উঠেছে ।

কেমন যেন এক স্বপ্নপুর্বীর স্তব্ধতা ঘিরে রয়েছে সবুজ শেওলাধরা বাড়ীখানাকে । বাসন্তীই বলে ওঠে—দাঁতুকে প্রণাম করে আয় বাবা । চলো মা !

দীপাকে নিয়ে চলে গেল বাসন্তী উপরের মহলে ।

স্বপ্ন দেখছেন ভুবনবাবু, জীর্ণস্থবির বৃদ্ধ । ঘোলাটে অস্বচ্ছ দৃষ্টির সামনে অতীত বর্তমান একাকার হয়ে গেছে মহা ঝড়ে । সব ভেঙ্গে পড়েছে । পড়ুক ! সত্য যা, চিরকালই তা সত্য—সে যত কঠিনই হোক না কেন । তাঁর প্রতিষ্ঠা করা ভুবনপুর নিঃশেষ হয়ে যাবে । কন্দর্প আচাইএব প্রবল পরাক্রম আজ ধুলোয় মিশিয়ে যেতে বসেছে ! তুফান ডাকা সর্বনাশা নদীর বৃকেও ওরা বাঁধন আনছে । উপছে পড়া যৌবনের অপচয় আর হতে দেবে না । তাকে বন্ধ ক'রে প্রতিদিনের শিবযজ্ঞে নিয়োজিত করবে আগামী দিনের মানুষ । তবু জীর্ণ মন অতীতের দিনগুলোর জন্ত কাঁদে ।

—দাঁতু !

চমকে ওঠেন বৃদ্ধ ; ছানিপড়া চোখে ভালো দেখা যায় না । কানে বাজে ওই অতিপ্রিয় পরিচিত কর্তৃস্বর । অতীতের তীর থেকে আগামী ভবিষ্যতের আহ্বান । অন্তাচলের তীর থেকে ফিরে দেখছে উদয়াচলের দিকে একটি রক্তিম যৌবনস্বপ্ন ।

—মানব ! ফিরে এলি ভাই !

—হ্যাঁ দাঁতু ! প্রণাম করছে মানব । বৃদ্ধ আবেগভরে ওর গায়ের মাথার হাত বোলাতে থাকেন । স্পর্শে সজীবিত হয়ে ওঠে সারা জীর্ণ দেহ । হুচোখ দিয়ে নেন্নে আসে অশ্রু ।

—বাবাকে দেখছি না ?

মানবের প্রাণে ভুবনবাবু কি যেন বলতে গিয়ে থেমে গেলেন। মামারা ওকে কিছু বলেনি। হয়তো দুঃখ পাবে তাই। বুদ্ধের বুক জীর্ণ করে একটা দীর্ঘশ্বাস বের হয়ে আসে।

—এ শাস্তি তার পাওয়া দরকার ছিল মানব। বহুবার নিবেদন করেছি, তবু শোনেনি। সেই পাপের শাস্তি তাকে পেতেই হবে দাদুভাই। ফৌজদারী মামলায় জড়িয়ে পড়ে সদরে গেছে পুলিশ হেপাজতে। সামনে যেম বজ্রাঘাত হয় মানবের। সারা দেহমনে কি এক শিহরশ থেলে যায়। বাবা! তারই বাবা কিনা আসামী হয়েছে ছেঁড়া মামলার। খুনে—ডাকাতদের প্রধান এই তার পরিচয়।

—আসামী হয়ে গেছেন ? মানব বিশ্বাস করতে পারছে না।

কথা কইলেন না বুদ্ধ, ঘাড় নাড়লেন মাত্র। চোখ মোছবার চেষ্টা করেন।

—আমার সন্তান যে এমনি হবে স্বপ্নেও ভাবিনি ; হয়তো কালেরই দোষ। যুগধর্ম হিসাবেই সমাজ মানুষ গড়ে ওঠে। তাই কন্দর্প ও পথেই গেল। আবার তারই সন্তান তুই বেছে নিলি অন্তপথ ; সেও আগামীযুগের ধর্মই।

মানব বলে ওঠে—অশাস্তি, অভাব এই যুগেই তো সব থেকে বেশী দাও।

বুদ্ধ জবাব দেন,—তাইতো মানুষের গুণবুদ্ধি সেই অভাব-অশাস্তি দূর করতে মেতে উঠেছে। অনেকেই হতাশ হয়েছে এই যুগের আচার-ব্যবহার চালচলনে। কিন্তু আমি আস্থা হারাইনি মানব। মানুষের বেঁচে থাকতে গেলে হয়তো এই সামান্য পরিবর্তনটুকু দরকার, কিন্তু এইটাই সব নয়। এটা বাহ্যমাত্র ; অন্তরের সত্যধর্ম যে কোন মুখোশেই ঢাকা থাক না কেন—সে অমর ; তার মুক্তিপথ সে ঠিক বেছে নেবে। কল্যাণ সে ঠিক আনবেই এই দুঃখের মধ্যে দিয়েই।

বুড়ো হাঁপাচ্ছেন। আজ সর্বনাশের তীরে বসেও মনের এই দৃষ্টিকোণ থেকে দেখা আগামী জগতের মানবকে অভিনন্দন জানাচ্ছেন সব ক্ষয়ক্ষতি স্বীকার করেও। ঠুর দিকে অবাক হয়ে চেয়ে থাকে মানব।

হঠাৎ দরজার কাজে নজর যেতেই দেখে দীপা সেখানে দাঁড়িয়ে ; ফর্সা মুখখানা লাল হয়ে উঠেছে। কানে গেছে মানবের বাবার কথা। খুনী আসামী হয়ে হাজতবাস করছে। খুনী! মানবের সঙ্গে চোখাচোখি হতেই রেগে নীচে চলে গেল দীপা। দাঁড়াল না।

...বাসন্তীকে একলা পেয়ে মানব প্রাণ করে বসে—বাবাকে অ্যারেস্ট করে নিয়ে বাবার কথা বলোনি কেন ?

বাসন্তী ছেলের কথার জবাব দিল না। ওর দিকে মুখ তুলে চাইল।

সেই দৃষ্টিতে কি এক অসহায় ভাব ফুটে উঠেছে, ছলছল চোখে ছেলের দিকে চেয়ে থাকে বাসন্তী। আজ মনে হয় মানবের—মাকে সেই-ই সব থেকে বেশী আঘাত দিয়েছে। বয়স হয়ে গেছে। মাথার ছুঁচরগাছি চুল সাদা হয়ে উঠেছে তার, চোখের কোলে জমেছে কালির ছায়া; এতদিন নীরবে যে বুকফাটা দুঃখ সয়ে এসেছে আজ তা অসহ্য হয়ে উঠেছে। কান্নায় ভেসে পড়ে বাসন্তী।

—ওর সামনে বলতে পারিনি বাবা। লজ্জায় তোরই মাথা হুইয়ে আসবে। আজ আমার সব গেছে। সম্মান-সম্পদ সব।

সব হারিয়ে রিক্ত নারী আজ কাঁদে। এ বাড়ীর অন্ধকার পরতে পরতে শতবর্ষের কান্না জমে আছে, জমে আছে বহু রক্তশ্রোতের নীরব স্পর্শ—বহু পাপের বোঝা।

—তিনি এখনও জানেন না, ভুবনপুর ছেড়ে দেবার নোটস এসেছে। বাসন্তীই কথাটা মানবকে জানায়।

—কেন?

—বাঁধ তৈরি হয়েছে। সারা ভুবনপুর তলিয়ে যাবে দামোদরের জলে। জমি-জারাত-বাড়ী-বাগান সব নিঃশেষ হয়ে যাবে।

কি যেন ভাবছে মানব। পথে পথে তারই প্রস্তুতি দেখে এসেছে। কালীপুর ব্যারেজ গড়ে উঠবে ভুবনপুরকে নিঃশেষ করে। এই জীবনের সব কালীমা মুছে দিয়ে।

—দাছ জানেন?

—হ্যাঁ। বাসন্তী জবাব দিল।

মানব বেশ দৃঢ় স্বরেই বলে।

—বেশ হয়েছে। এ পাপপুরীর ধ্বংস হওয়াই উচিত।

—মানব! বাসন্তী মানবের কথায় চমকে ওঠে—তোর নিজের জন্মভূমি, বাপ পিতামহের ভিটে, এয়ে স্বর্গের চেয়েও বড়।

—ওসব বইএর কথা মা। একালে অচল।

বাসন্তী ছেলের দিকে চেয়ে থাকে, কে জানে কি শিখেছে ওরা! এত সহজে এ কথাটা যেনে নিতে বাসন্তী পারে না।

প্রথম দীপার বেশ ভালোই লেগেছিল জায়গাটা। কলকাতার ইটকাঠে গড়া ঘিঞ্জী নাগরিক জীবন ছেড়ে ছুঁচরদিনের জন্ত অসীম মুক্ত উদার দিগন্তের কোলে এসে মোড়ুন প্রাণ পেয়েছে। একদিকে লালভাঙ্গায় গড়ে ওঠা ছোট ছোট

স্বন্দর বাংলা বাড়ী, ওদিকে শালবনের সবুজ সীমা, এদিকে দিগন্তপ্রসারী রূপালী বালিঝাড়ি। পোড়াচরে আবার গজিয়েছে সবুজের আন্তরণ ঢাকা কাশবন। উঁচু বাঁধের উপর দাঁড়িয়ে দৃষ্টি মেলে চেয়ে থাকে দীপা, নদীর দূর পারে নীল ছায়াঘন বিহারীনাথ শৃঙ্গ। কালো গাছের জটলা, মাঝে মাঝে পলাশ শিমুলের রক্তাভ। নদীর বুকে কাজলকালো জলধারা বয়ে চলেছে। এ এক অপ্রচেষ্টা দেশ।

কিন্তু হঠাৎ সংবাদটা শুনে দীপা চমকে উঠেছে। কাগজেও দেখেছে খবরটা। কুখ্যাত খুনে জমিদারকে আসামী হতে হয়েছে।

মানবকে কথাটা জিজ্ঞাসা করতে পারেনি। কিন্তু বিশ্বাস করেছে দীপা, তাই বৈকালে নির্জন নদীর ধারে দাঁড়িয়ে কেমন আনমনে চেয়ে রয়েছে দূরের দিকে মানব বলে চলেছে।

—বর্ষায় দেখোনি, পাগলা নদী হুপাশে যা পায় সাপুটে মুখে পুরে দেয়। পাহাড়ের গা বয়ে নেমে আসে রাক্ষসী নদী। মরণ মাতনে মেতে ওঠে।

মরণ মাতন! দীপা এই বিচিত্র আবহাওয়ায় ভয় পেয়েছে। খুনী আসামী। খুনী আসামী ওর বাবা। এ মাটিতে খুন-খারাপি লেগেই আছে। সব শ্রী তার মন থেকে মুছে গেছে।

মানবের চোখেমুখে কি এক দৃঢ়তা, স্থির দৃষ্টিতে দূরপ্রসারী নদীর দিকে চেয়ে আছে, সহজাত কাঠিন্য ফুটে উঠেছে তার মুখচোখে। ব্যক্তিত্বপ্রতিভা আর স্বজ্ঞতা মিলে একটা কঠিন বস্তুবোধ এনেছে ওর মনে। দীপা ঐ লোকটিকে ঠিক চেনে না। এতকাল শহরে যাদের সঙ্গে মিশেছে—এ সে জাতের নয়। কেমন শিউরে উঠেছে সেই নির্ভয় মাহুষদের একজনকে এই পরিবেশে কাছে দেখে।

খুনী বাকুর রক্ত ওর শিরায় শিরায়। তাই বোধ হয় কঠিন নির্দয় সে। দীপা আজ এই রক্ত পরিবেশে ওর বস্ত্র উদ্‌গমতার সন্ধান পেয়ে শিউরে উঠেছে। সন্ধ্যা নামছে আদ্যিম বস্ত্র পরিবেশে। দীপা বলে ওঠে।

—চল ফেরা যাক্।

এই শুক কঠিন ঠাইটুকু তার আর বিন্দুমাত্র ভাল লাগে না। ভাল লাগতে বাধ্যছে তার মানবকেও।

এতদিন চেনেনি—আজ মনে হয় কঠিন হৃদয় ওই মানব। নদীর মত মাতন-ভরা মন তার। রক্ত মাটির মত হৃদয়হীন ওর অন্তর।

কয়েক দিনেই তার দেহমনে একটা নিবিড় পরিবর্তন এসেছে। কন্দর্প-

বাবু এসে দাঁড়াল কালীগুর স্টেশনে। নিবারণবাবু বহু চেষ্টায় ব্যক্তিগত জামিনে খালাস করেছে। যা কোনদিনই চায়নি কন্দর্পবাবু তাই করতে বাধ্য হয়েছে আজ। চারিদিকে কোঁতুহলী জনতা; দূর থেকে তাকে ইসারা করে দেখায়। চাপা স্বরে আলোচনা শুনতে পায় অনেক রকমের। মনে জ্বালা ধরে ওঠে। বাড়ীতে কোন খবর দেয়নি হচ্ছে করেই। স্টেশনে গাড়ী পাক্বী কিছুই আসেনি। আজ বহু বৎসর পর প্রথম একা একা সাধারণ পথিকের মত বাড়ী ফিরছে কন্দর্প আচাই; আগে পিছে পাইক বরকান্দাজ সব উপে গেছে। আলপথে গ্রামের দিকে এগিয়ে আসে কন্দর্প আচাই। ভুবনপুরের বাঁধের নীচে শালপাতা সর মানা দিয়ে ঝুপড়ি গড়ে উঠেছে। বাঁধে কাজ করতে আসা বিলাসপুরী কুলি কামিনরা বাগানের ছায়ায় চারপাই পেতে আসর জমাচ্ছে। গাছের ডালে বাবুইদড়ির সিকেতে ঝুলছে তেলকালিমাথা মাটির হাঁড়ি; এদিক ওদিকে চরে বেড়ায় কয়েকটা মুরগী। ওপাশে লালভাঙ্গায় লোহালকর জমা করা হচ্ছে।

চমকে ওঠে কন্দর্প আচাই; বাগানের গাছে কুসি কুসি আম এসেছে; কাঁঠাল গাছের ঘন মিশকালো পাতার আড়ালে দু'একটা মুছি পড়তে শুরু হয়েছে, তালপাতা কাঁটাবেড়া দিয়ে ঘিরে শিয়াল চোরের আক্রমণ থেকে বাঁচাবার কোন ব্যবস্থাই এবার করা হয়নি। সেইসব ফল পাডছে ওদের আধনেংটো ছেলেগুলো ছুড়ি ছুঁড়ে।

—আই! ধমক দিয়ে ওঠে কন্দর্পবাবু।

ছেলেগুলো একটু দূরে সরে গেল মাত্র। লোকটার দিকে কোঁতুহলী দৃষ্টিতে চেয়ে থাকে ওরা। ধুলো উড়িয়ে অঙ্কার করে ছুটে গেল পাথর বোকাই কয়েকটা ট্রাক—উদ্ধত কণ্ঠে শাসন করে গেল তাকে। ছেলেগুলো আবার গাছে ঢিল ছুঁড়ছে, ওর দিকে চাইবারও দরকার বোধ করে না তারা।

এ কোন এক বিচিত্র রাজ্যে এসে পড়েছে কন্দর্পবাবু। বিদেশী অপরিচিতের মত গায়ে ঢুকলো।

—এলে! বাসন্তী এগিয়ে আসে সঙ্কচিতভাবে।

—হ্যাঁ; না এলেই কি খুশী হতে? কন্দর্পবাবুর কণ্ঠে স্নেহের স্বর। সব কিছু তার কাছে বিকৃত হয়ে উঠেছে—হাজতবাসের গানি সমস্ত মন বিষিয়ে তুলেছে।

—মানব ফিরেছে। সঙ্গে দাদার এক বন্ধুর মেয়েও এসেছে।

কুঠার সঙ্গে কথাটা জানাল বাসন্তী। মেজাজ সপ্তমে উঠেছিল, বাসন্তীকে কথায় ধপ্ করলে ওঠে। 'অনেক হয়, ওকে সকলেই সম্বোধন করে' কখনো

অঘটন ঘটাবে। তাই সাবধান করতে চায়।

—আমাকে কি করতে হবে? কন্দর্প প্রশ্ন করে বিরজিত্তরে।

স্বামীর দিকে বিন্মিত দৃষ্টিতে চাইল বাসন্তী; দীর্ঘ কয়েক বৎসর বিদেশে থেকে একমাত্র কৃতী সন্তান ফিরলো বাড়ীতে; বাবার মনে কোন ভাবান্তরই নেই।

একমনে শূণ্ণ কাছারি বাড়ীতে বসে কাগজপত্রগুলো দেখে স্তম্ভিত হয়ে গেছে কন্দর্প। সরকার থেকে নোটিশ দেওয়া হয়েছে ভুবনপুর—বরসো—মানাবন মৌজার সমস্ত জমি—বসতবাড়ী সরকার থেকে নিয়ে নেওয়া হবে। স্বপ্ন দেখছে কন্দর্প। বিপদের কালোছায়া ঘনিয়ে আসছে আকাশে আকাশে। ভুবনপুর নিশ্চিহ্ন করে দেবে ওরা। সব গেছে—এইবার আশ্রয়টুকুও হারাতে হবে।

মানবকেও প্রণাম করতে দেখে মুখ তুলে চাইল কন্দর্পবাবু। কোন কথা কইল না। নীরবে চেয়ে থাকে ওর দিকে।

—হ্যাঁ। এসব কি শুনেছি বাবা? মানব গত হাঙ্গামার কথা উল্লেখ করছে। শূণ্ণ কাছারি বাড়ী। লোকজন কেউ নেই মুখোমুখি দাঁড়িয়ে পিতাপুত্র। মানব যেন আজ জবাব চাইছে বাপের কাছে।

—ঠিকই শুনেছ। বিষয়-আশয় থাকলে এমন মালি-মোকদ্দমা হয়।

—তাই বলে কোঁজদারী মামলার আসামী হতে হবে? মান সম্মান—

কন্দর্পের মাথার উষ্ণ রক্তপ্রবাহ বইছে। ঘৃণা—সবাই ওকে আজ ঘৃণা করে। বাসন্তী মানব সকলেই।

—কেন? একমুহূর্ত! হাতের কাগজপত্র ফেলে দিয়ে উঠে দাঁড়ালো কন্দর্প আচাই। মুকুটহীন বলহীন সম্রাট। অভা ডোম, পরমা, গোবরা সবাই গেছে, বাকী যারা তারাও পলাতক। বনের অঙ্গপ্রত্যঙ্গও আজ বেদখল হয়ে গেছে। সর্বহারার কন্দর্প আচাই আলাময় দৃষ্টিতে ছেলের দিকে চাইলো। অতীত এক রাত্রের কথা মনে পড়ে। জবাব সেই দিনই দিয়েছিল কন্দর্প। আজ আবার ঋণে দাঁড়িয়েছেন তিনি।

—কৈফিয়ৎ দিতে হবে? তোমার কাছে?

দীপাও এসেছিল আলাপ করতে, দূরে থেমে গেছে। খুনী। চোখমুখ লাল হয়ে গেছে কন্দর্পবাবুর, রাগে কাঁপছে। দীপা সামনেই ওই মূর্তিতে কন্দর্পকে দেখে চমকে দাঁড়িয়েছে। মানবকে দেখছে সে।

মানব বাবার দিকে চেয়ে রয়েছে। বাল্যকাল থেকেই ভয়ে এড়িয়ে এসেছে তাকে। আজ যেন সব ভয় তার কেটে গেছে। দাছ মা নীরবে ওর সমস্ত অত্যাচার সহ্য করে এসেছে বিনা প্রতিবাদে। চোখের উপর দেখেছে মানব মায়ের নীরব দুঃখভোগ। বিদ্রোহী হয়ে উঠেছে তার সারা মন তিলে। অনেক

সহ করেছে, আজ প্রতিবাদ করিতে বন্ধপরিকর সে। তাই স্টকশে বলে চলেছে সে।

—সকলের প্রতি আপনার কর্তব্য আছে। দাঁড় মা ওদের দিকে চেয়ে দেখেছেন? আপনার জন্ত সকলেই কষ্ট পাচ্ছে।

কন্দর্পই বংশের সব দুর্ভাগ্যের মূল—এই অভিযোগ তার সম্মানও করতে সাহসী হয়েছে।

—মানব! বন্দী সিংহ গর্জন করে উঠেছে—আমি সব বুঝি মানব। দয়া করে উপদেশ আর দিও না।

বাসন্তী ওই পথ দিয়ে যাচ্ছিল ভিতরের বাড়ীতে। মানবকে বাবার সামনে দাঁড়িয়ে থাকতে দেখে এগিয়ে আসে বাসন্তী! দীপা অবাক হয়ে গেছে। এ বাড়ীর কেন্দ্রে কেমন একটা থমথমে রহস্য বাসা বেঁধে আছে। কি যেন গোপন পাপ ওরা লুকিয়ে রাখছে তার কাছ থেকে। রীতিনীতি আইন-কানুন সবই এখানে আলাদা, ঠিক সাদামাঠা নয়।

—মানব! বাসন্তী এগিয়ে গিয়ে ছেলেকে নিরস্ত করবার চেষ্টা করে।

—তুমি থাম মা। মানব মাকে সরিয়ে দিতে চায়।

—কৈফিয়ৎ আমি কাউকে দিইনি, আগেও তাই বলেছি তোমায়। আমাদের মত আর পথ এক নয়।

কঠিন কণ্ঠে জবাব দেয় কন্দর্প—আচ্ছ। চারিপাশ থেকে সব বীধন খুলছে। একমাত্র নির্ভর ছিল মানব সেও সরে গেল আজ।

কন্দর্পবাবু ঘরের ভিতর চলে গেল। বারান্দায় মানব দাঁড়িয়ে আছে, মুখচোখে তার অপমানের গাঢ় লাল ছাপ।

—এ তুই কি করলি বাবা? বাসন্তী কান্নায় ভেঙ্গে পড়ে।

বাবার উপর মায়ের এই অসহায় বিশ্বাসকে আজ সহ্য করতে পারে না মানব। কোন প্রতিবাদ করা জ্বর অগ্নয় ওর এই বিশ্বাসের জগ্নই বাবা আজ কোথায় এনে গেছে। জ্বর কর্তব্য মা করেনি।

মানবের সামনে আজ জীবনের পথ পরিষ্কার হয়ে উঠেছে। বাসন্তীর চোখের জলে পথ পিছল হলেও সেই পথেই সে চলবে।

—তুমিও কি এমনভাবেই পড়ে থাকবে মা?

মানব যেন মাকে নির্দেশ দিচ্ছে। যোগ্য সম্মান, মাকে আদেশ দেবার অধিকার তার জন্মেছে। বাসন্তী চেয়ে থাকে ওর দিকে।

—হ্যাঁ। আমার যাওয়া সম্ভব নয়।

—জীবনপূরে বসবাস উঠে যাবে জেনেও যাবে না?

—না। যেতে হয় ওঁর সঙ্গেই যাবো।

স্থির কর্তে জবাব দেয় বাসন্তী। আজীবন ভুল করে এলেও তার স্বামীকে এই তদিনে পরিত্যাগ করে ছেলের সঙ্গে যেতে পারবে না বাসন্তী। সর্বনাশ জেনেও যাবে না।

মানব হতাশা ভরা কর্তে বলে ওঠে।

—বেশ। তবে ফুটো নৌকায় ভরানদী পাড়ি দেওয়া যায় না। ভরাডুবি হবে সেই কথাই বলছিলাম। এখনও সময় আছে।

মা কোন কথার জবাব দিল না।

দৃশ্যটা নীরবে দেখে গেল দীপা। তার করবার কিছুই নেই। মানবের প্রকৃত পরিচয় সে কিছুটা পেল মাত্র। কঠিন আদর্শবাদী মানব—সকলের মতের বিরুদ্ধে দৃঢ়তর হয়ে দাঁড়বার সামর্থ্য তার আছে। কঠোর কঠিন পুরুষ সে, প্রকৃতির বশ নয়, প্রকৃতিকে পরাজিত করবার প্রেরণা তার মনে। ওর বাবাকে দেখে শিউরে উঠেছে—কপালে সিঁহরের ছাপ, লাল কাপড় পরা বীভৎস মূর্তি—কেমন ভয় হয় তার।

বার বার চেষ্টা করেও মানব এই ব্যবধান ঘুচাতে পারেনি। মায়ের জগৎ ফিরে ফিরে আসে। ব্যর্থ হয় সেই চেষ্টা।

বড় রাস্তা থেকে গাড়ীখানা বেঁকে গেল; দীপা চুপ করে বসে ছিল; কালীপুর আসার উদ্দেশ্য তার ব্যর্থ হয়েছে। না এলেই হয়তো ছিল ভালো। এতদিন মানবকে দেখেছে বিশেষ মুহূর্তে—নিজের মন এবং তার মনও পরস্পর দেওয়া-নেওয়ার জগৎ তৈরী ছিল। ওর অতীত সন্তা—পরিচয় না জেনেও গ্রহণ করলে শোধরাশে পারতো। কিন্তু আজ মানবের সবকিছু জানতে এসে কি এক কঠিন বাস্তবের মুখোমুখি দাঁড়িয়েছে দীপা—আঘাতই পেয়েছে। বার বার চেষ্টা করেও ভুলতে পারে না অত্যাচারী লম্পট খুনে এক জমিদারের বিষরক্ত ওর শিরার—আজকের এই সভ্যতার মুখোশ খুলে সেই পরিচয়টা কখন ফুটে বের হবে কে জানে! অজ্ঞাতেই মনের অতলে জমে উঠেছে একটা বিভ্রম।

—কোথায় চলেছি?

গাড়ীখানা অন্তরাস্তায় চলেছে দেখে প্রশ্ন করে ক্লান্ত স্বরে দীপা।

এই অভিসার শেষ হলেই যেন নিশ্চিত হয় সে।

মানব বলে ওঠে।

—একটু দেখা করে ফিরবো কলকাতায়।

—কার সঙ্গে দেখা করতে যাবে ?

মানব দীপার মনের এই ঝড়ের সংবাদ জানে না। জানতেও পারেনি। ওর কথায় বলে ওঠে—চলই না। মানব হালকা হাসিতে মুখ ভরে তোলে।

ছোট্ট রাস্তাটা দিয়ে গাড়ী চলেছে। দূরে ছায়াঘেরা একখানা গ্রামের সাদা দালানগুলো দেখা যায়।

চকমিলান বাড়ী। সামনে থানিকটা ফুলের বাগান, বিশাল গেট; রং করা রেলিংগুলো উঠে আছে। লাল স্ফটিক ঢালা পথটার দুপাশে ফুলের কেয়ারি—একটা চাঁপা গাছে অসংখ্য ফুল ফুটেছে, বাতাসে তারই সৌরভ! লাল-হলদে গোলাপগুলো বাগান ভরে রেখেছে। গাড়ীখানা হর্ন দিয়ে গেটে ঢুকতেই বাগানের ওপাশে কে যেন চেয়ে দেখে এগিয়ে আসে।

গাড়ী থামিয়েই নেমে এগিয়ে যায় মানব।

—বৌদি।

—তুমি! টুহুবৌদির টকটকে রং লালচে হয়ে ওঠে উত্তেজনায়। মানব বাগানের চারিপাশে চেয়ে বলে ওঠে।

—তুমি এ বাড়ীতে আছো তা চোখবুজে বলে দিতে পারি।

—কেন!

—নইলে এর চারিপাশ এত সুন্দর করে তুলবে কে? যাতে হাত দেবে তাই ফুলে ফলে ভরে উঠবে।

—হ্যাঁ। তবে শিখাইবে, পারিবে না করিতে প্রয়োগ। কচের জীবন ব্যর্থ হয়ে গিয়েছিল, দেবযানীকে সে পায়নি। ব্যর্থ জীবনে শিখেছিল সঞ্জীবনী মন্ত্র; নিজের জীবন বাঁচাতে পারেনি—মন্ত্র দিয়েছিল অন্ধকে। যাক্—এসেছো মনে করে।

—কি যে বল!

হঠাৎ টুহুবৌদির চোখ পড়ে গাড়ীর দিকে—ওকে বসিয়ে রেখেছে?

লজ্জায় পড়ে মানব—ও হ্যাঁ, এসো পরিচয় করিয়ে দিই। ওই দীপা।
ইনি—

দীপা হাত তুলে নমস্কার করে—থাক, চিনেছি ওঁকে।

টুহুবৌদির দিকে চেয়ে কি যেন দেখছে দীপা, বৌদিও দেখছে তাকে।
রূপ! দীপা অবাক হয়ে যায়। এত রূপ এত রং স্বাস্থ্য সে দেখেনি। একরাশ চুল ঝাড়ের কাছে খোঁপা করে বাঁধা।

টুহুবৌদি ওর কাছে এসে দাঁড়ায়,

—চল ভিতরে চল দীপা।

—আমাকে যে আজই কলকাতায় ফিরতে হবে।

—তাই কি হয়! এলে দুজনে অন্ততঃ একটা দিনও থেকে যাও। দীপার মনে যে ঝড়ের স্বর উঠেছে। মানব চূপ করে আছে। থাকতে আপত্তি তার নেই।

দীপা একটু কঠিন স্বরেই বলে ওঠে।

—আমার পক্ষে অসম্ভব বোঁদি, উনি নাহয় থাকুন। আমি একাই গাড়ী চালিয়ে যেতে পারবো।

বাধা দেয় টুহুবোঁদি—তা হয় না। মানবও ফিরবে তোমার সঙ্গে।

একটু চূপ করে গেল বোঁদি। দীপা মাথা নামালো। বেশ বুঝতে পারে ওই বুদ্ধিমতী মেয়েটির চোখ এড়ায়নি দীপার এই অসহিষ্ণুতা।

চা খাবারের আয়োজন করেছে বোঁদি। দীপা দোতারা থেকে চেয়ে দেখছে বাইরের দিকে। গ্রামের সীমা ছাড়িয়ে হলদে পাতাঢাকা শালবনরেখা, ওদিকেই। রূপালী বালুভরা নদী।

—বোঁদি! মানব দীপার ব্যবহারে ক্ষুব্ধ হয়েছে। টুহুবোঁদিকেও আঘাত করে কথা বলটা পছন্দ করেনি।

বোঁদি মুখ ভুলে চাইল—কি যেন বেদনা ঝরে পড়ে ওর চোখে।

—ওকে নিয়ে আসা ভুল হয়েছে বোঁদি।

বোঁদি কথা বললো না। মানব অহুভব করে কোথায় নিবিড় ব্যাথা জমে আছে বোঁদির। মানব কথাটা পাড়ে।

—কলকাতা ছেড়ে এখানে এলে কেন?

—এইতো বেশ আছি। বোঁদি হাসবার চেষ্টা করে। কিন্তু সে হাসিতে ফুটে ওঠে অনন্তের পুঞ্জীভূত বেদনার কালো ছায়া।

—তোমার কথা কোনদিনই ভুলিনি বোঁদি।

মানবের কথায় ওর দিকে চাইল টুহুবোঁদি; বলিষ্ঠ স্বন্দর যুবক—চোখে মুখে স্তব্ধ একটা ছায়া। শিউরে ওঠে টুহুবোঁদি! সনতের সঙ্গে ওর মুখের আদল অনেকটা মেলে।

অতীতের একটি দিনের বেদনাতুর স্মৃতি ফুটে ওঠে ওর সারা মনে। সনৎও এমন করে কথা বলেছিল বিদেশিনী একটা মেয়েকে এনে। তখনও অভিনয় করেছিল ভালবাসার।

আজ! একটু চূপ করে থেকে বলে ওঠে টুহুবোঁদি!

—চল, দীপা একা রয়েছে।

মানবের কথার কোন জবাব দিল না বোঁদি। খাবারগুলো নিয়ে ও-ঘরে চলে

গেল। এড়িয়ে গেল মানবের সব প্রাণ।

দীপা ঘড়ির দিকে চাইতে থাকে চায়ে চুমুক দিতে দিতে।

—পাঁচঘণ্টা লাগবে যেতে।

—হ্যাঁ। টুহুবোদি জবাব দেয়।

মানব কি ভাবছে। দীপা গাড়ীতে গিয়ে উঠেছে আগে থেকেই।

একটি মুহুর্ত। সিঁড়ি দিয়ে নামছে দুজনে। থমকে দাঁড়াল টুহুবোদি ওর ডাকে; মানব এগিয়ে আসে ওর কাছে, অসহায় কণ্ঠ বলে।

—রাগ করেছে বোদি? এত বছর পর এলাম, বিলেত গিয়ে সাহেবও হইনি; মেমসাহেবও আনিনি, তবে অপরাধটা করলাম কোথায়?

হাসে টুহুবোদি—ওষে মেমসাহেবের বাড়ি।

হেসে ফেলল মানব। আকাশের কালোমেঘ সূর্যের সোনালী আলোয় ঢেকে যায়।

—একদিন এসো। টুহুবোদি আমন্ত্রণ জানায় ওকে।

মানব গিয়ে গাড়ীতে উঠলো। দীপা মন্তব্য করে—ফিরেছো তাহলে!

মানব কথা কইলো না। একবার ওর দিকে বেদনাহত দৃষ্টি মেলে চাইল মাত্র।

স্বপ্ন হয়ে বসে আছে দীপা—মানবের সম্বন্ধে যে মোহ তার মনে ছিল, আজ ওর পিতৃপরিচয় বংশগৌরব আরও অনেক কিছু দেখে কেমন ফিকে হয়ে আসছে। এখানে এসে আবার নোতুন কি যেন দেখতে পেয়েছে। টুহুবোদিও দেখে গেল সম্মানী দৃষ্টিতে।

এসে হয়তো ভালই করেছে দীপা, নইলে তাকে ভুলের বোঝা বইতে হ'ত বছরদিন।

কালীপুরে ব্যঙ্গ গড়ে উঠেছে। এখনও নদীর বুকে 'পিলার কাস্টিং' শেষ হয়নি। বালির নকশে ফুট নীচ থেকে পিলার গোঁথে উঠছে; দেড়মাইল লম্বা ব্যারেজ-এর ভিত্তি। সঙ্গে সঙ্গে শুরু হবে পাওয়ার জেনারেটিং স্টেশন। কালীপুর-মামড়ার জঙ্গল কাটাই শুরু হয়েছে। নদীর দুধারে গ্রানাইটের স্তর ডিনামাইট চার্জ করে ফাটানো হচ্ছে। ধসে পড়ছে পাথরের স্তূপ।

—বুন্-ম্-ম্।

কাঁপছে ভুবনপুরের মাটি। ঘর-বাড়ী দরজা-জানালা কাঁপছে থর পর করে। যে কোন মুহুর্তে ধসে পড়বে। জীর্ণ ভুবনপুর বন্দী জানোয়ারের মত ভয়ে কাঁপছে। ফট ফট ফট—মেসিনগান ফ্যারিংগের মত তীক্ষ্ণ শব্দ নিশ্চলতা ভেদ করে এগিয়ে আসছে। ওয়েলডিং-এর শব্দ। হ্যাঁ। শত্রুগণ আক্রমণ করছে ভুবনপুর।

নিশ্চিহ্ন করে দেবে ।

ধড়মড় করে উঠে বসে কন্দর্প আচাই । ঘুমের শান্তি তার ছিন্নবিচ্ছিন্ন করেছে ওরা । বাসন্তী স্নান আলোয় ওর মুখচোখে ধমধমে আতঙ্ক দেখে বিস্মিত হয় । এগিয়ে আসে কন্দর্প আচাই, অসহায়ের মত কাঁপছে ।

—শোও, উঠলে যে ? ও কিছু নয় ।

কি ভাবছে কন্দর্প আচাই । কারা যেন দল বেঁধে হানা দিয়েছে ভুবনপুর লুণ্ঠ করতে ; কোথায় গেল বরকন্দাজ-পাইক দল । দুর্মদ অভা 'ডোম—পরমা ! মাথায় উষ্ণ রক্তশ্রোত বইছে । চীৎকার করবার চেষ্টা করে কন্দর্প ।

শুনছো ? স্বামীকে ডাকছে বাসন্তী ।

ওর আতঙ্কবিষ্ফারিত চাহনি সহজ হয়ে আসে ক্রমশঃ ।

—ও ! হ্যাঁ, এমনিই ঘুম ভেঙ্গে গেল । এক গ্রাস জল দাও । জল ।

কণ্ঠতালু শুকিয়ে আসছে পিপাসায় । কন্দর্প আচাই কি দুঃস্বপ্ন দেখছিল রাতের গভীরে ! জানলা দিয়ে দেখা যায় মানাবনের পাশে হাইপাওয়ার ইলেকট্রিক মার্চলাইট জ্বলছে শালখুঁটির মাথায় ; ট্রাকটারগুলো চারিপাশে বাঁধ দিচ্ছে পাহাড়প্রমাণ, দামী যন্ত্রপাতি দামোদরের হডপা বানে যাতে ডুবে না যায় তাই বালির পাহাড়প্রমাণ বাঁধ দিয়ে ঘিরে রাখছে । সিমেন্ট মিক্সচার যন্ত্রগুলো ঘুরছে—ওদের বিশাল গহ্বর থেকে বের হয়ে আসছে মিক্সচার, বালির অতলে ঢুকছে সেগুলো । রাক্ষসী নদীর পাতাল জোড়া গহ্বর বোঝাই করে দিচ্ছে ওরা । দিনরাত্রি কামাই নেই ওদের কাজের । অন্ধকারে জ্বলছে আলোগুলো—আকাশবাতাসে তারই গর্জন ।

—জানলাটা বন্ধ করে দাও ।

নিষ্কৃতি পেতে চায় কন্দর্প ওদের শ্রেনদৃষ্টি থেকে ।

দীপার মনে কোথায় একটা বেসুরো বাজছে ! চিরকালই মাথা উচু করে এসেছে সে । প্রাচুর্য বিলাস-ব্যসনের মধ্যে দিন কাটাচ্ছে । তার চারিপাশে যারা ভিড় করে এসেছে—তারাও স্বীকার করে নিয়েছে দীপার এই প্রাধাত্য । এইটাই দীপার আকর্ষণ । মানব এদের থেকে স্বতন্ত্র ।

ওর পিতৃপরিচয়, বংশকলঙ্ক সবই স্বীকার করতে পারতো দীপা যদি—মানব ওই ধাতের না হোত । কিন্তু মানব এই রঙ্গীন মাংসের জাত থেকে স্বতন্ত্র ।

দীপা বলে ওঠে মানবকে—এখানে যে আসা যাওয়া কর সেটা কি বৌদ্ধি তোমার জানেন ? ওই টুহুবৌদ্ধি !

—মানে ? মানব একটু কঠিনস্বরে প্রশ্ন করে । দীপার কথায় একটা জালা

রয়েছে ।

—জ্ঞানেন বলে মনে হয় না । ঠর অমতে—

বাকী কথাটা মানব বলে ওঠে—ওঁকে চেনোনি দীপা, মনের খাদ ঠর স্বচ্ছ দৃষ্টিতে ধরা পড়ে । তাই হয়তো সহ্য করতে পারোনি ওঁকে ।

—তাই নাকি । কঠে বিজ্ঞপের স্বয়ং ফুটে ওঠে ।

হ্যাঁ ; অত্যায়ে প্রতিবাদ বোঁদি করবেনই । ত্রায়কে স্বীকার করতেও তিনিই পারেন । স্বামীয় অত্যায়েও ক্ষমা করেননি ।

—লক্ষণ দেওর ! দীপা কথায় এতটুকু শ্লেষ আনা যায় তাই এনেছে । মানব কথা বললো না । নীরবে উঠে গেল ।

দীপার মনে কোথায় সেই ছবিটা আজও ভেসে ওঠে । মানব মুখোমুখি দাঁড়িয়ে আছে, সামনে সেই বলিষ্ঠ দীর্ঘদেহী কন্দর্প আচাই ! হুঁচোখে তার কি দুঃসহ ব্যর্থতার জ্বালা ! বয়স হয়ে গেছে তবু সে অনমনীয়, কঠিন শপথের মত স্বচ্ছ । দুজনের মাঝে দুটি যুগ—বিদ্যায় পুরাতন আর সামনে তার যুদ্ধোত্তম আগামী কাল ।

মানবের সেই রূপও ক্ষমা করতে পারতো—কিন্তু বিদ্রোহী মন সোজা পথে চলে না ; নিজে প্রতিবাদ করতে চায়—তাই প্রতিবাদের জ্বালায় ঝলসে ওঠা ওই রূপবতী বোঁদিকে নিবিড়ভাবে ভালবাসে মানব । দুজনের প্রকৃতির কোথায় একটা মিল আছে ।

ভালবাসা ! কথাটার মানে যে অল্প রকম । কিন্তু দীপা নিজের চোখকে অবিশ্বাস করে না । মানব হয়তো নিজেই সে খবর জানে না । তবুও সেটা সত্যি ।

একদিন সেই সত্যই ওর সারা মনে ঝড় তুলবে—ভিত নড়িয়ে দেবে । মিথ্যাই স্বপ্ন দেখেছিল দীপা—মিথ্যা রঙ্গীন আশার জাল বুনে জীবনের মূল্যবান ক'টা বছর আসমানে উড়িয়ে দিয়েছে ।

.. কঠোর কঠিন সমস্তাবিজড়িত জীবনপ্রশ্নকে এড়িয়ে যেতে চায় দীপা । হেসে ফেলে । প্রজ্ঞাপতির মত হালকা পাখায় ফুলে ফুলে উধাও হবার স্বপ্ন তার চোখে—মনে । আবার সেই সহজাত প্রকৃতিগুলো জেগে উঠেছে । মানব ! তাই মানবকে সে যেন চেনে না আর চিনতে চায় না ।

কলেজে বাস্তুবী মীরাাকে আসতে দেখে এগিয়ে যায়, বহুদিন পর আবার চঞ্চল হয়ে ওঠে দীপা ; শাড়ী আঁচল লুটিয়ে পড়ছে । গুন গুন স্বরে গেয়ে মীরাাকে জড়িয়ে ধরে,

—এতকাল যে বসে ছিলাম, পথ চেয়ে আর দিন গুনে

দেখা পেলাম ফাস্তানে ॥

মীরা অবাক হয়ে যায়, হাসতে থাকে ওর ব্যবহারে ।

—কিরে ডুমুরের ফুল হয়ে গেলি নাকি ? দেখাই নেই ! গুনলাম যুগলে ঘুরে এলি ?

হাসবার চেষ্টা করে দীপা—আয় । কেমন আছিস ?

—কই আর আছি ? বিয়ের আগেই ‘হনিমুন’ করবার লোকও পাচ্ছি না ।

—দুঃখ হচ্ছে ? দীপা হালকা পরিহাস করে—এই বাহু ; ভিতরে ভিতরে যে অগ্নিগর্ভ পর্বত তা তো জানিস না । সেইনে ফসলও ফলে না । ফুলও কোটে না । শুধু পাথর আর পাথর ।

মীরা একটু বিস্মিত হয়ে গেছে ; দীপার মনে কোথায় যেন একটা বেস্বর বাজছে, তার সন্ধানী চোখ এড়াতে পারে না সে ।

—কি হয়েছে তোর বল দিকি !

—কিছু না, বড্ড টায়ার্ড হয়ে পড়েছি । দীপা সত্যেই আজ ক্লান্ত ।

—এরই মধ্যে ? সব তো শুরু—মীরার কথায় হেসে ফেলে দীপা ।

—আবার কলেজেই ফিরবো ভাবছি ।

দীপার দিকে অবাক হয়ে চেয়ে থাকে মীরা—কোন্ দুঃখে ? মেয়েরা পড়ে ভালো বর পাবার জন্য—নিদেন পক্ষে একটা চাকরী । তোর ভালো বরই জুটে গেছে—পড়ার কষ্ট আর কেন কত্তে ?

দীপা ঠিক পরিষ্কার করে বুঝিয়ে বলতে পারে না কথাটা ; মনে হয় তেমনি উধাও জীবনই তার কাছে কাম্য । বাঁধন মানতে হয়তো ভয় পায় সে । নিজেই বলে দীপা ।

—চল, ইভনিং শোতে ছবি দেখে আসি ।

—তাঁর কোন অসুবিধা হবে না তো ? মীরা ইতঃস্তত করে ।

—কারোর তাঁবে বাস করি না মীরা ; চল ।

দুই বাস্কবীতে বের হল সিনেমায় । দীপা নিজেই গাড়ী চালাচ্ছে ।

—ব্যাপার কি বল দিকি, মান-অভিমানের পালা চলছে নাকি ?

দীপার চালচলন কথাকর্তা সবই কেমন রহস্যময় ঠেকে মীরার কাছে,—কে জানে বড়লোকের মেয়ের খেয়াল ! দুদিনেই সখ মিটে গেছে তাই বিয়েতেও আর বিশ্বাস নেই ।

দীপার মনে ঝড় উঠেছে । মানবের বাবা মা দাদু ওরা সবাই অল্প জগতের বাসিন্দা, একালের সঙ্গে কোন মিল তাদের নেই । দীপার জীবনে সেদিনের অভিজ্ঞতা তাকে মুক্তির পথ দেখিয়েছে—বিয়ে ভাল ল্যুগবে না রে ; ও বন্দীদশা ।

—তুই মত দিবি না ? মীরা প্রশ্ন করে অবাক হয়ে । ওদের জীবনে এমন বিলেতফেরৎ পাত্র—স্বপ্ন কথা ।

—না । এ বিয়ে নয়—নিজের স্বাধীন সত্তার সম্পূর্ণ বিলোপ । আমি এতে রাজী নই । মন চায় না, কি করি বল ?

—মানববাবুকে বলেছিস । ও বেচারী তো হাবুডুবু খাচ্ছে শুনলাম ।

দীপা কথা বললো না । চুপ করে থেকে বলে ওঠে—দরকার হলে বলবো । ওই মাটির মায়া কোনদিনই ভুলতে পারবে না ; সেও ওই বংশের সন্তান রক্তের মধ্যে কর্তৃত্ব-প্রধানের বিষ রয়েছে । মাথা চাড়া দিয়ে উঠতে দেবী হবে না । ওরা সবাই আদর্শ পাগল—বুঝলি । এ ধরনের শ্রাকামি আমার ভালো লাগে না ।

ছবির পর্দার দিকে দীপার নজর নেই ; সে যেন নিজের মনের কথাগুলো আর কাউকে শোনাবার জ্ঞানই মীরাকে ধরে এনেছে সিনেমায় ।

মানব সন্ধ্যা থেকে এসে বসে আছে । মিঃ ব্যানার্জি বারকতক এদিক সেদিক ঘুরে কি কাজে বের হয়ে গেলেন ।

—তুমি বসো মানব, আমার একটা জরুরী মিটিং আছে । দীপা কোথায় যেন গেছে—অবশ্য ফিরতে দেবী হবে না ।

মিসেস ব্যানার্জি দীপার ফিরে আসার পর হতেই কেমন যেন একটু বিস্মিত হয়েছে । কোথায় একটা ওলটপালট ঘটেছে দীপার চিন্তাধারার, আজ বেশ বুঝেছেন ইচ্ছে করেই দীপা সরে গেছে । মেয়ের ব্যবহার ভাল চোখে দেখেন না । তবু কথাবার্তা বলেন সময় কাটাবার জ্ঞানই ।

—তোমার বাবা-মা ভাল আছেন ? ই্যা—এদিকে কি যেন একটা ইন্টারভিউ-এর কথা ছিল, হয়ে গেছে ?

—ই্যা, দিয়ে এলাম ইন্টারভিউ, তবে মনে হয় চাকরি পেখানে হবে না ।

—কেন ?

—যিনি ইন্টারভিউ নিচ্ছিলেন তিনি কোয়ালিফিকেশনের দিক থেকে আমার নীচে ।

দীপার মা যেন একটু হতাশই হয় । ওদিকে দীপার মুখে শুনেছেন মানব বাবার সঙ্গে কি যেন গুণগোল করে এসেছে । তার বাবা স্পষ্ট কথায় জানিয়ে দিয়েছেন—ও বাড়ী আর না যেতে । সবদিক থেকে মিসেস ব্যানার্জি যেন একটু নিরাশ হয়েছে । শ্রেফ চাকরি—তাও যদি মনোমত না জোটে, মেরে দেবে কাকে !

—চা দিয়ে যাচ্ছে ; তুমি বসো—আমি ওদিকের কাজ দেখে আসি । একটা

বাবুটি নিয়ে সংসার চলে না ; হিমসিম খেয়ে গেলাম ।

মানব উঠে আসছে । রাত্রি হয়ে গেছে । দীপা যেন ইচ্ছে করেই তাকে এড়িয়ে গেল । যেদিন মানবের সবচেয়ে দীপাকে কাছে পাবার বেশী প্রয়োজন— সেই দিনই নিষ্ঠুর নারী তাকে চরম আঘাত হানবার চেষ্টা করছে ।

হেডলাইট জ্বলে গাড়ীখানা এসে থামল । নিজেই চালিয়ে ফিরছে দীপা । মানবকে দেখে থামল, মুখেচোখে তার বিরক্তির রেখা পরিস্ফুট ।

—তুমি ?

—কোথায় গিয়েছিলে ?

—ছবি দেখতে । শরীরটা ভাল নেই, দারুণ মাথা ধরেছে ।

—শোন !

কথার অপেক্ষা না করেই উঠে গেল দীপা । একলা দাঁড়িয়ে থাকে মানব । কি ভেবে রাস্তার দিকে এগিয়ে আসে । চাকর-বাকররা ওই দৃশ্যটা দেখেছে কিনা কে জানে ? সারা মনে একটা গ্লানি জমে ওঠে । নিজের উপরই একটা দ্বিধার আসে তার ।

ক’দিন ধরে যায়নি মানব ওদিকে ইচ্ছা করেই । নতুন চাকরি স্থির হয়ে যাবার পর একটা বোঝা তার মাথা থেকে নামে । মনের মতই কাজ পেয়েছে । রিভার ভ্যালি ডেভেলপমেন্ট বিভাগের ভারপ্রাপ্ত ইঞ্জিনিয়ার সে । কলকাতার বাইরে কাজ—বন-পর্বত সীমাঘেরা কোন্ অঞ্চলে তাকে যেতে হবে কে জানে । মাথা উচু করেই আজ এ বাড়ী ঢোকে মানব ।

মিঃ ব্যানার্জি খবরটা পেয়ে খুশিতে উপছে পড়েন, আবেগভরে মানবকে জড়িয়ে ধরেন ।

—কনগ্রাচুলেশন মাই বয় ; তুমি স্কোর করবেই এ বিশ্বাস আমার আছে । ধাপে ধাপে উঠে যাবে নিশ্চয় ।

মিসেস ব্যানার্জি শশবাস্ত হয়ে হাঁক পাড়ে—দীপা ! গেল কোথায় সে মেয়ে ? দীপা হাকাহাকিতে বের হয়ে আসে ভাবলেশহীন মুখে ।

সেই রাত্রির পর আজ প্রথম আসছে মানব মিঃ ব্যানার্জিকে সংবাদ দেবার জন্তই । দীপার মা টেবিলে একগাঁদা খাবার চা এনে হাজির করেছে ।

—খাও বাবা । দীপা জলের গ্লাসটা এগিয়ে দেনা ?

মায়ের অকারণ এই আপ্যায়ন সহ্য করতে পারে না দীপা । চূপ করে বসে আছে ওদিকে । বাবা ক্লাবে চলে গেছেন । মা অস্তদিকে কাজে ব্যস্ত । দুজনে চূপ করে বসে আছে—দীপা আর মানব ।

সন্ধ্যা পার হয়ে গেছে। বাগানের সুপারী গাছে জমেছে আবছা অঙ্ককার ; বাইরের রাস্তায় নিওন লাইটের নৃত্যশীল আলোর আভা বিবর্ণ ছাপ এনেছে। মানব জলন্ত সিগারেটটা বাইরে ফেলে দিয়ে দীপার দিকে চাইল।

—দীপা ! মানব সেই প্রশ্নের জবাব চায়।

দীপা ওর এত দিনের মনে জমানো কথাগুলো বলে ফেলে—আমার মত নেই, অসুবিধা আছে। দীপার কণ্ঠস্বর কঠিন হয়ে উঠেছে।

মানব ওর দিকে স্থির দৃষ্টিতে চেয়ে থাকে। দীপার চোখের উপর ভেসে ওঠে কন্দর্প আচাই—এর মুখ। ওর বাবার উপর দীপার ঘৃণা। টুহুবৌদিকেও সহ্য করতে পারেনি। মানব এসবের খবর রাখে না। তাই প্রশ্ন করে।

ব্যাপারটা পরিকার করে বললে ভাল হয়।

দীপা জবাব দেয়—সব কথা খুলে বলা যায় না। তার দরকারও নেই।

—টুহুবৌদি, আমার বাবা-মায়ের সম্বন্ধে কিছু বলবে ? মানব প্রশ্ন করে।

মুখ তুলে চাইল দীপা—ওর চোখের চাহনিতে সেই কথারই সমর্থন ফুটে ওঠে। জবাব দিল না মানবের প্রশ্নের। মানব বলে ওঠে—তাদের সম্বন্ধে আমার মতামতও জেনে এসেছো। আমার আদর্শকে আমি শ্রদ্ধা করি—তার জন্ত সব কিছুই ত্যাগ করিতে প্রস্তুত আমি।

দীপা মুখ ফিরিয়ে নিয়ে জবাব দিল—আদর্শ অপরেরও থাকতে পারে।

—তোমার সংঘাত কি সেইখানেই ? মানব প্রশ্ন করে।

—হয়তো তাই। আমিও আমার আদর্শের প্রতি শ্রদ্ধা রাখি। দীপা জবাব দেয়।

—যদি ভুল পথ হয় ?

মানবের কথায় বলে ওঠে দীপা—কে ঠিক, কে ভুল তার মীমাংসা হয়নি আজও। তবে আপনি যে নিষ্ঠুর আদর্শবাদী সেটা জানা হয়ে গেছে।

—নিষ্ঠুর ? হয়তো একালের প্রাণহীনতাই তার জন্ত দায়ী ; আমি নই।

—জোর করে মীমাংসার চেষ্টা না করাই ভাল মানববাবু। তাতে সম্পর্ক আরও তিক্ত হয়ে ওঠে। নিশ্চয়ই কোথায় একটা ভুল করে এসেছিলাম আমি এতকাল, সে ভুল আজ আমার ভেঙ্গেছে।

দীপার চোখেমুখে দৃঢ়তার ছায়া ; হালকা নীল রংএর শাড়ীখানায় দৃষ্ট যৌবন ফুটে উঠেছে, গাঢ় নেলপালিশ লাগালো ম্যানিকিওর করা নখগুলোর কি যেন স্বাপদ জন্তর নখের মত রক্তলেখা—চোখেমুখে কামনার নয়প্রকাশ। বাঁধনহারা বেপরোয়া নারী, আজ বাঁধনের সীমায় এসে হঠাৎ ক্షেপে উঠেছে।

—রাত হয়েছে। আপনি আসুন।

—কালই আমি কলকাতার বাইরে চার্জ নিয়ে চলে যাচ্ছি। মানবের কথাটায় যেন বেদনা ঝরে পড়ে।

—সেই-ই ভাল। দীপা নিশ্চিন্ত হতে পারে।

শুরু হয়ে দাঁড়িয়ে আছে দীপা; যৌবনের নগ্ন মাতনতোলা নারীত্ব; আধুনিক সমাজের পুঞ্জীভূত ভোগলিপ্সা-মত্ত সফেন উচ্ছলতা জমেছে ওর দেহমনে। প্রজ্ঞাপতির মত উপভোগের রঙ্গীন পাখায় ভয় করে উধাও হতে চায় রূপ রস বর্ণভরা অসীম দিগন্তে। নেশার ঘননীল ঢেউ-এ ডুব দিতে চায়।

—মানব চলে গেল?

কতক্ষণ দীপা দাঁড়িয়ে ছিল জানে না।

মাকে আসতে দেখে মুখ তুলে চাইল দীপা—হ্যাঁ।

—কি বললি ওকে?

—আড়াল থেকে সবই তো শুনেছো। আই ডোন্ট লাইক হিম এনি মোর। সব দিক থেকেই ও একটা ত্রাস্টি। যেমন বংশ, তেমনি ওর বাবা; তেমনি নিজেকে। অল এলাইক।

চমকে ওঠে মিসেস ব্যানার্জি; মেয়ের পছন্দ যে এত ঠুনকো তা জানতো না, এ যুগের গহনার মত। একটু আঘাতেই ডিজাইন বদলাতে হয়।

—দীপা! আপশোষ ফুটে ওঠে ওর কণ্ঠে। এমন সুন্দর লোভনীয় একটি ছেলেকে সে কিনা ঘর থেকে দূর করে দিল!

—জোর করে কিছু করতে চেওনা মা। ওরা বড্ড সেকলে। ওর বাবা একটা ফৌজদারী মামলার আসামী। খুনী ডাকাতসর্দার। মানবও তেমনি একগুঁয়ে কাঠগোয়ার—খেলিস বদলেছে মাত্র। ভিতরে সব এক। তাছাড়া—কি যেন বলতে গিয়ে থেমে গেল।

টুইবোর্দির কথা মনে পড়ে। অসহ!

মা বলে—হোক, তবু মানবের মত ছেলে ক'টা আছে?

—দীপার মত মেয়ে সোসাইটিতে ক'টা আছে মা? জেনে শুনে একরাশ তুলকে বইতে আমি পারবো না। আমিও ফেলনা নই। রূপগুণ কি নেই?

—ছাই। রূপের কি দাম! তোর দাম আজ বুঝতে পারবি না দীপা, জোয়ার চলে গেলে ভাঁটায় বুজে আসা নদীর সঞ্চয় কিছু থাকে না।

দীপা নিগুন লাইটের নীচে দাঁড়িয়ে ক্লান্তিতে হাই ছাড়ে, বাতাসে উড়ছে ডিপ রু শাড়ী। সিনেমনের ঘন লাল পেটকাটা ব্লাউজে পড়েছে আলোর আভা, একটা প্রজ্ঞাপতি যেন ডানা মেলে উড়ে চলেছে। মিসেস ব্যানার্জি শুরু বিস্ত্রিত দৃষ্টিতে চেয়ে থাকে ওই সর্বনাশা মেয়ের দিকে। মনে মনে শিউরে ওঠে।

ধু ধু বালুচরে ঝড় উঠেছে। আগুনের মত বাঁঝালো গরম বাতাস গায়ে লাগছে।
ঝিম ঝিম বাজছে বালুকণা বাতাসে।

তারই মাঝে নদীতে কাজ করছে ওরা। কঠিন কঠোর জীবন। ভীষণ
ধ্বংসকে রুখতে গেলে এনি সর্বনাশা দুঃখভোগের সাধনা করতে হয়। স্বর্গের
তেজ যেন অগ্নিকণা হয়ে বরছে।

বড় বড় মেশিন, বুলডোজারগুলো কাঁকড়ার মত নড়াচড়া করছে। দমকা
হাওয়া বাধা দিতে আসছে ওদের। ব্যর্থ হয়ে ফিরে যাচ্ছে। শালবনে ঝড়
উঠেছে। কাঁপছে রোদপোড়া তামাটে প্রান্তর।

প্রায় তিন মাইল চওড়া হয়ে এসেছে নদী, দুপাশে শালবন কালো গ্রানাইট
পাথরের বেটনীর চাপে ছোট হয়ে হঠাৎ নরম মাটিতে জনপদের সীমানায় এসে
বিস্তৃত হয়ে গেছে অনেকখানি। এর তীরেই ভুবনপুর। বাঁধ দিয়ে ঠেকান আছে
নইলে নদীর জল ঠেলে ঢুকতো এর বুকে।

গ্রানাইট পাথরের সীমানা থেকে দুপাশে ছুটো করে বাঁধ দিয়ে ক্যানেল শেপ
করে আনা হচ্ছে নদীটাকে, বিস্তার কমিয়ে এনে মুখে ব্যারেজ করা হবে। সামনের
দিকে পাহাড়ে মৃত্তিকার স্বাভাবিক প্রাচীর—বনসীমার নীচে বিস্তীর্ণ এলাকা জুড়ে
কৃত্রিম জলাধার হচ্ছে। ব্যারেজের দুপাশে ছুটো যেন ক্যানেল, সমস্ত সঙ্কীর্ণ
জলরাশি দুপাশের ক্যানেল দিয়ে আর বাকী জল ব্যারেজের স্লুইস গেট দিয়ে নেমে
যাবে নদীর খাতে।

ক্ষুরধারা পাগলা নদীকে বাঁধা হচ্ছে। ভুবনপুরের নীলে হাড়ীর মা এখনও
বঁচে আছে। বহাল তব্বিতে বঁচে আছে। চোখের দৃষ্টি স্বচ্ছ। শন-
হুড়ির মত একমাথা চুল—বাতাসে ফিরফির করে উড়ছে। বিড় বিড় করে
গাল দেয়।

—মরবি, নদীর বানে গাড়া যাবি বিবাক, যমভরাগুলো। ছাবতা
দামোদরকে বাঁধবি তুরা?

হাসছে বুড়ী হি হি করে, লাল দাঁতপড়া মাড়ি দিয়ে লাল গড়ায়।

—এ বুড়ী মায়ি!

রাস্তার উপরেই কাঠের বোঝাটা নামিয়ে জুড়ী দেখছিল ওদের কাণ্ড-
কারখানা—একটা জিপ এসে পিছনে হর্ণ দিচ্ছে, সেদিকে বুড়ীর
খোয়াল নেই।

—এ বুড়ী মায়ি!

ফ্যাচ করে ওঠে বুড়ী—তোর বাপের রাস্তা নাকি? উড়ে এসে জুড়ে
বসেছিল, জানিস আমি কার মা? তার নামে বাঁধে বলদে এক ঘাটে জল

খেতো, সবই আমার বরাত ।

ডাইভার বাধা হয়ে নেমে এসে কাঠের বোঝাটা একপাশে সরিয়ে গাড়ী নিয়ে বের হয়ে গেল । উড়ছে ধুলোর রাশ, বুড়ীর দম বন্ধ হয়ে আসে ।

নদীর বুকে এলাহি কাণ্ড চলেছে । বালির উপরে বসেছে ট্রলি লাইন ; টিবিং ওয়াগন বোঝাই কবল সিমেন্ট পাথরকুচি চলেছে ওয়ার্কশাইটে ; ভারী ক্রেনগুলো ‘প্যান. করছে’ আসমানে লোহার জয়েন্টগুলোকে দাঁতনের মত তুলে নিয়ে ।

বনের বুকে রাস্তা গড়ে উঠছে । ইটখোলা গজিয়ে উঠছে অনেক । বনের আদিম অন্তরে মাগুধ ঢুকেছে । রূপাল সিং হুস্থ হয়ে ফিরে এসেছে । আবার পুরোদমে কাজ শুরু করেছে । এবার যেন ফুলে উঠেছে সে । পাথরের কোয়ারী ঠিকে নিয়েছে বাঁকুড়ার ওদিকে ; কালো প্রথম শ্রেণীর এলুভিয়ান মেটামরফিক পাথর এনে বিস্তীর্ণ প্রান্তরে জমা করছে । চুনের জল ছিটিয়ে স্তূপের নিশান করা—উচ্চতা আর ধৈর্য্য-প্রস্থ দেখে দাম স্থির হবে মালের ।

মামড়ার জঙ্গলেও পাথর খুঁড়ছে সে । রাস্তা তৈরী হচ্ছে শাহী সড়ক পর্যন্ত তাছাড়া বনের অন্ত-প্রত্যন্তে অনেক রাস্তা বেরুচ্ছে । এতদিন ফাঁকি দিয়ে কাজ সেরেছে রূপাল সিং । নোতুন ছোকরা ইঞ্জিনিয়ার সাহেব কাজের লোক ; জিপ থেকে নেমে লোক দিয়ে গাদা ভাঙ্গিয়ে পাথর দেখে নেয় । রাস্তার মাটির কাজের মাপ নিতে আসে দু’চার দিন পর মাটির ফাঁপ মরলে ।

রূপাল সিং সেদিন মামড়ার জঙ্গলে গভীর হুঁদে পাথর তুলছে ; রাস্তা যাবে এর পাশ দিয়েই । খাদটাকে বোজান দরকার । ডিনামাইট চার্জ করেও পাথর গুড়ানোর ব্যবস্থা হচ্ছে । ছোট হুঁদের ভিতর কেউ ঢুকতে চায় না । কে জানে পুরোনো সাপ নাহয় চিতা বাঘের বাচ্চাই বের হয়ে পড়বে ।

মানব এসেছে কালীপুরে ব্যারেজের সুপারইনটেনডিং ইঞ্জিনিয়ার হয়ে । নোতুন জীবনের নেশা তাকে পেয়ে বসেছে । সবদিক থেকে জীবন বঞ্চনা করেছে তাকে । নিঞ্জের মনের দৃঢ়তা-দৃষ্টিকোণ তাকে বিচ্ছিন্ন করেছে গতানুগতিক জীবনযাত্রা থেকে । বাবা-মায়ের স্নেহের আশ্বাদ সে পায়নি । বাড়ী থেকেও বাঁধন নেই কোন ; দীপা ! একটি সুগভীর বেদনাময় স্মৃতি । দীপা তার নিষ্ঠুর বিবর্তনশীল আদর্শকে মেনে নিতে পারেনি ; তাই দীপাও ফিরে গেছে তার জীবন থেকে । আজ মানব একা । নিজে থেকে নিঃশেষে ছুড়িয়ে দিয়েছে কাজের মধ্যে । সারাদিন কাঠকাটা রোদে জিপ নিয়ে

বোরাঘুরি করে। নদীর মধ্যে দুপুরবেলা টেম্পারেচার গিয়ে ১১২° কোঠার ঠেকে, দাঁড়ানো যায় না। বালি তেলে ফাল হয়ে উঠেছে—মাথার উপর আগুনজ্বালি সূর্য—তার মাঝে শতশত লোক কাজ করছে। শোনছাট মাথায় সাহেবকে দেখে এগিয়ে আসে ট্রাকটর ড্রাইভার রামকিশন।

—গুডমর্নিং স্যার।

—গুডমর্নিং। রোদের মাঝে চেয়ে থাকে নদীর দিকে। বর্ষা এগিয়ে আসছে। তার আগেই ছুটো কাষ্টিং শেষ করতে হবে। বহু মেসিনারী পড়ে রয়েছে নদীতে। হড়পা বানে যেন ডুবে না যায়।

হড়পা বানের আতঙ্ক এ নদীতে চিরকালই রয়েছে। বেশ শুকনো নদী, হেঁটে গরুর গাড়ীতে পার হচ্ছে লোকজন। হঠাৎ নদীর বুকে প্রচণ্ড শব্দ শোনা যায়—সৌঁ সৌঁ শব্দ।

হাজারো হাতের করতালি দিয়ে কারা যেন ছুটে আসছে; পর্বত থেকে গড়ানি জল নেমেছে, অতকিতে রুদ্ধভৈরব হানা দিয়েছে গ্রামসীমায়।

পথিক গাড়ী-গরু সব ভেসে গেল কোন্ দিগন্তে; তবে এখন সে ভয় নেই।

রামকিশন বলে ওঠে—জরুর। ওতো ছোট বাত সাব; অবতো টেলিগেগারফ হো গিয়া, একদম কোনার তিলাইয়াসে খবর আয়েগা, হমলোগ্ ভি তৈয়ার হয়।

বালি ঠেলে পর্বতপ্রমাণ উচু বাঁধ দিয়ে ঘিরে রেখেছে যন্ত্রপাতিগুলোকে যেন ‘ওয়াটার ওয়ে’ কনক্রিট হচ্ছে দিনরাত্রি ধরে।

সেখান থেকে গিয়ে উঠলো এমব্যাঙ্কমেন্ট টিমের লোকদের কাছে। বড় বড় বুলভোজাগুলো মাটি কেটে ফেলেছে বাঁধের গায়ে। নীচে জমান হচ্ছে কালো পাথরের চাঁই, মেন বাঁধের পিছনে আরও একটা বাড়তি বাঁধ দিয়ে যাচ্ছে তারা; ছুটো বাঁধের মধ্যে গড়ে উঠছে প্রকাণ্ড জলাশয়; মাছের চাষ হবে। পাশ দিয়ে কাটাই হচ্ছে মেইন ক্যান্নেই। একটা ছোট পাহাড়ী নদীর জলপ্রবাহ পড়েছে ওর পথে, আড়াআড়ি ছুটো ধারাকে পার করতে হবে—সাইফন সিস্টেমের কথা ভাবছে মানব। রু প্রিন্টটা পোর্টেবল তেপায় রেখে একটা গাছের নীচে দাঁড়িয়ে ওভারসিয়ারদিকে নির্দেশ দিচ্ছে।

থিয়োডোলাইটের সামনে চোখ রেখে ওভারসিয়ার ঘাড় নাড়ে।

—ইয়েস স্যার।

—লাঞ্চ সাব। বেয়ারা সেই রোদেই এগিয়ে এসে দাঁড়াল।

সাহেবী চালচলন রেখেছে ওইটুকু মাত্র। সারাদিন কাজ করতে ওই

রীতিটাই সুবিধাজনক। সকালে ব্রেকফাস্ট করে কাজে বের হয়, শারাদিন বাইরে-বাইরে থাকে। সঙ্গেই কিছু সাগুউইচ, ডিমসিদ্ধ, ক্যান্ডি চা, আর কিছু ফল। এই তার লাঞ্চ—গুটা পথেই সারা হয়।

—নিয়ে এসো।

এ জীবন মন্দ নয়। পাহাড়ী বর্ণার জল কালো পাথরে ঠক খেয়ে বয়ে চলেছে; ছপাশের ছায়াবন বিষকরমচা পলাশ গাছের ঘন ছায়া রোদপোড়া তামাতে প্রান্তরের মাঝে শান্তির ইসারা আনে। ক্লান্ত মধ্যাহ্নে পাখী ডাকছে। হিম কাঁচধার জলে ছ'একটা মাছ উজানে বয়ে যায়।

একটা পাথরে বসে লাঞ্চ করছে মানব। ওদিকে কুলিরাও বসেছে—ছাত্তুর ডালা পাকিয়ে লক্ষ দিয়ে থাকছে; কেউ বা এনেছে পাস্তাভাত।

মুক্ত উদার প্রকৃতির বৃকে সহজ জীবনযাত্রায় মিশে গেছে মানব। সভ্য জগতের নিষ্ঠুর কৃত্রিমতাকে আজ ভুলতে চায়।

ওরা যেন একটু সজ্জ্বিত হয় সাহেবকে এইখানেই বসে থেতে দেখে।

ওভারসিয়ার বলে ওঠে—তীব্রতাই চলুন আর।

—এর থেকে তাঁবু কি ভাল হবে? বেশ ছায়া রয়েছে, এইখানেই ভাল।

কুলিকামিন শ্রমিকদের সঙ্গে আর কোন সাহেব এত সহজভাবে মেশেনি।

সহকর্মী মহলে মানব তাই দূরে থেকে গেল—এদের কাছে পেয়েছে অকুণ্ঠ শ্রদ্ধা।

ভুবনপুরের বাড়ীতে থাকবার ইচ্ছা তার হয়েছিল, কিন্তু মাকে কথাটা বলতে গিয়েও পারেনি। বাসন্তী শুনেছে মানবে চাকবির কথা। এখানে থাকতেও তবু বলেনি।

অগত্যা নিজের বাংলাতেই উঠেছে মানব। কন্দর্পবাবুও বলেনি কিছু।

ছেলের চাকরির সংবাদে খুশীও হয়নি, প্রতিবাদও করেনি। মাকে বলে মানব,

—একদিন যাবে না তোমরা আমার নোতুন বাসায়?

বাসন্তী কথাটা শোনে; আজ ছেলে সত্যিই যেন তাদের ছেড়ে সরে গেছে।

—যাবো বৈকি বাবা। হ্যারে—দীপা কেমন আছে?

দীপাকে এখানে আনবার মূল উদ্দেশ্য জেনেছিল বাসন্তী, তার অমতও ছিল না। দীপাকে ভাল লেগেছিল, ওদের মত মেয়েকে সংসারের রোজকার কাজে লাগানো যায় না। ওরা ফুলদানীতে সাজানো মৌসুমী ফুল। তবু ছেলে যদি ওকে নিয়ে সুখী হয়—হোক। তাতে বাধা দিত না বাসন্তী।

—সে আর আসবে না মা।

—কেন রে? মানবের দিকে চেয়ে থাকে বাসন্তী।

—এ অনেক কথা, পরে বলবো একদিন
মানব এড়িয়ে গেল প্রাণটা ।

ভুবনপুরের লোকজন উঠে যাচ্ছে এখান থেকে । সাতপুরুষের ভিটে ছেড়ে কেউ চলে গেল স্ত্রী ছেলেপুলের হাত ধরে কলিয়ারীর দিকে, কেউ যাচ্ছে কলকাতায়—সামান্য কেরানীগিরি, তাকেই অবলম্বন করে । চাষীদের উপর নোটিশ হয়েছে এই বর্ষায় গ্রামের জমি কেউ চাষ দিতে পারবে না ; সমস্ত জমির মালিক এখন সরকার । ভরা ফসলে ওই জমি জলে ডুবে যাবে—ওর বুক ফেড়ে কাটা হচ্ছে মেইন ক্যানেল । হুগলী নদীতে গিয়ে মিশেছে ; তিনশো ফুট চওড়া—তেমনি গভীর । বারোমাস জল থাকবে—লঞ্চ চলবার মত ।

—সবই হবে বাবা, উৎখাত হবে শুধু আমরা ।

নিম্পৃহকণ্ঠে জবাব দেয় মানব,—উপায় কি মা ; বৃহৎ মঞ্চল করতে গেলে ছোটখাট সর্বনাশ ঘটবেই । কালীপুরের স্টেশনের পাশেই বাড়ী করবো ভাবছি । এ সবতো যাবে ।

মানবের কথায় বাসন্তী সাড়া দেয় না । এই বাড়ীতে বোঁ হয়ে এসেছে সে—কত স্মৃতি, কতদিনের কত তুচ্ছ ঘটনা আজ মনের সামনে ভেসে ওঠে । মানবের বহু দিনও মিশে আছে এই বাড়ীর ধূলিকণায় ।

সে সব হয়তো মানব ভুলে গেছে । নিজের ঘরেও সে পরবাসী ।

—বাবাকে বলে দেখো । ওদিকের ব্যবস্থা সব করি ।

ভাগাড়ে মরা গরু পড়তে না পড়তে শিয়াল শকুনি এসে হাজির হয় নখ দাঁত শানিয়ে । ভুবনপুর—মানাবন—বরসৌ গাঁয়েও ভিড় জমিয়েছে গরুর পাইকেররা । খড় বাঁশ ঘরের সাজ কেনবার জন্ত লোক এসেছে, অল্প গ্রাম থেকে চাষীরা এসেছে লাঙল গরুর গাড়ী কেনবার মতলবে । দাওয়ায় রকে গাছতলায় দেখা যায় ওই দৃশ্য । গোঁজে বাঁধা গরু হাড় পিঠেন টিপে কসাইরা দর করছে ।

—ই যে সবই হাড়ি, গোস্তু কুখা গো ?

চাষীর দিকে কল্পন দৃষ্টিতে চেয়ে থাকে হালের বলদগুলো ; দীর্ঘ কয়েক বৎসর একসঙ্গে কেটেছে তাদের বৃষ্টিভরা মাঠে—নাহয় সোনাকসলের ঝগড়রা দিনে । আজ সব স্মৃতির সমাপ্তি ঘটে আসছে । মূল্য নির্ধারিত হয়েছে কিছু টাকায় । পাইকেররা যেন দয়া করছে ।

—নাও । বেশী দিলাম কিন্তুক । আর রা কেড়ো না ।

হাতে গুণে দেয় ক'থানা দোমড়ান দোলামোচা করা নোট ।

রাত্রি নিভুতে ঝরে কত অসহায় অশ্রু, কালীপুর রাজ্যের ইতিহাসে তার লেখাজোখা রইল না । একে একে তারা হারিয়ে গেল বিশাল পৃথিবীর পথে ।

দস্তমশার - পাড়ুই—দাসরা উঠে যাচ্ছে । মানবের বুকে যেন একটা ব্যথা বাজে । ধ্বংসপ্রায়—নীরব ছায়াবন গাঁ ; কারা বাগানে কলস্ত গাছটা কাটছে । কে বলে ।

—ফুলে ফলে ভরা গাছ কাটিস না । থাকুক শুভলো—

—হ্যাঁ, নিজেরাই যাচ্ছি আবার ফুলে ফলে ভরা গাছ থাকবে ? দে সাবাড করে যত পারিস ।

ওরাও মরিয়া হয়ে উঠেছে ।

মানব ওই জগৎ থেকে এগিয়ে আসে বাংলোর দিকে ।

গভীর গহন জঙ্গল । দুপাশে কালো লাল পাথরের স্তূপ ও পালল শিলা, আগ্নেয় সমারোহ । বিদ্যুৎ পর্বতসীমার শেষ সীমানা-রেখা ; ডিনামাইটের বিস্ফোরণে বেশ দীর্ঘ খানিকটা জায়গা ধ্বংসেছে—গাছ সমেত পাথরগুলো গড়িয়ে পড়েছে এ ঘাড়ে । তারই নীচে বের হয়েছে হুড়ঙ্গটা ! একটা মানুষ সোজা হয়ে দাঁড়িয়ে যেতে পারে—ভিতরে গিয়ে বেশ খানিকটা চণ্ডা হয়ে গেছে সেটা । তারই মধ্যে পাওয়া গেছে কঙ্কাল ক'টা, কিছু মালপত্র, কয়েক গাঁট কাপড় তখনও শাক করতে পারেনি । ওদিকে পড়ে আছে একটা কঙ্কাল,—হাতে পায়ে তখনও তার দড়িটা বাঁধা রয়েছে । এ জীবন থেকে অল্প জীবনে গিয়েও তার বন্ধনমুক্তি হয়নি ।

আরও হাড়গোড় ছিটিয়ে আছে ওদিকে । কয়েকটা শিয়াল আপাতত বাস করছিল সেখানে ; গোলমাল দেখে তারাও সরে গেছে—বাচ্চা দুটো পড়ে আছে, কুঁত কুঁত করছে ; আশেপাশেই রয়েছে ধাড়ী শিয়ালটা, ওদের নিয়ে পালাবার সুযোগ খুঁজছে ।

ব্লাস্ট করে বনের ভিতর নোতুন রাস্তা তৈরী হচ্ছিল—হুঁদের মধ্যে থেকে কালীপুরের অতীত একটা দিন বের হয়েছে । শিউরে ওঠে মানব ।

—ডাকাতের আড্ডা বোধ হয় ।

থানা অফিসার বলেন—প্রায়ই এসব হতো এই মূলুকে, কতলোকের সর্বনাশ যে করেছিল ওরা কে জানে !

সপ্রশ্ন দৃষ্টিতে চেয়ে থাকে মানব দারোগার দিকে ; দারোগাবাবু বলে ওঠেন—ওই কন্দর্পবাবুর দলবল স্তর । শিয়ালের চেয়ে ধূর্ত, কোন দিকেই ধরা-ছোয়ার পথ রাখেনি ।

মানব কথা বললো না, দারোগাবাবু বোধহয় পরিচয়টা জানেননি। দারোগাবাবু বলেন হতাশভাবে।

—দিন নদীর জলে ফেলে। কি হবে ওসব হাড্‌গোড় নিয়ে।

মুকুন্দ সাঁপুই-এর ভাইপো কাকার পরসায় ফুলে উঠেছে। মুকুন্দ সেই যে তীর্থযাত্রা করেছে আর করেনি। হঠাৎ খবর পেয়ে ভাইপো এসে ছুটেছে। কৃপাল সিং এর সঙ্গে সেও “প্রপ্” সাপ্লাই দেবার ব্যবসা জুড়েছে। কৃপাল সিং-এর জিপ থেকে নেমে এগিয়ে এসে এদিক ওদিক দেখে বলে ওঠে।

—মনে হচ্ছে এটা আমার কাকা।

মানব দারোগাবাবু আরও সকলেই অবাক হয়ে যায়; ঝড়ের আগে কুটো ওড়ে, খবর পেয়ে টগর আগে থেকেই সেখানে গিয়ে হাজির হয়েছে। সেও বলে ওঠে।

—মাইরী সাঁপুই মশায়! জ্যাস্তে কাকার মুখদর্শন করোনি, মরার হাড্‌গোড় দেখে চিনে ফেলালা? বাহাতুর বটে মাইরী তুমি।

ফাঁচ করে ওঠে ভাইপো—খাম দিকি! তুই এখানে কি করতে এলি?

হাসছে টগর,—মজা দেখতে। তা কাকার সম্পত্তি ওই কাপড়ের গাঁট তুটোও লিয়ে যাও। সবইতো হরে হস্মে লিয়েছো—ওগুলোই বা থাকে কেনে?

জোঁকের চুন পড়েছে। সাঁপুইনন্দন হুড় হুড় করে সরে গেল।

জিপে বসে ছিল কৃপাল সিং, দাড়ি চুমরিয়ে বলে ওঠে—

—যাও না, দারোগাকে সব কথা খুলে বল। এনকোয়ারি হোতে হোবে?

মানব অবাক হয়ে টগরের দিকে চেয়ে রয়েছে। একটি বৈকালে দেখা সেই কচি ঢলঢলে মেয়েটি আজ বদলে গেছে। মুখচোখে কথার তুবড়ি ছোটে। জীবনের বহু অভিজ্ঞতার ছাপ পড়েছে ওর মুখে।

সাঁপুইনন্দন ঘাবড়ে গেছে—ওসব পুরোনো কাস্মন্দী ঘেঁটে লাভ নেই সিংজী, চলো বনকাটাই হচ্ছে সেইখানেই যাবো, রোলা গুনতে হবে।

—তুমু কামকা আদমী নেহি। কৃপাল সিং-এর আপশোধ হয়। এমন চমৎকার একটা নোঁকা মিলিয়ে দিল কন্দর্পবাবুকে বেঁধে ফেলবার কিন্তু প্রয়াণ এবং দাবীদার কিছু না থাকার জগুই সব ভেসে গেল! কন্দর্পবাবুকে ফাঁদে ফেলা গেল না এত স্বযোগ পেয়েও। টগর ফৌস করে ওঠে।

—মরবি কুনদিন দেড়েল রামছাগল কোথাকার! বড্ড লোভ তুর।

কৃপাল সিং অনেক কিছুর স্বপ্ন দেখেছে। কালীপুর মোজার দাবীদার দাঁড়িয়ে সে। সরকার থেকে ক্ষতিপূরণ দেওয়া হচ্ছে। সাবেকী কাছারিতে

সাবভেপুটি কালেক্টর ভদ্রলোক এসেছেন—সঙ্গে দুজন মুহুরী একজন ক্যাশিয়ার। কাগজপত্র পড়চা—রোকড়-জমাবন্দী হিসাব করে ফরম ভর্তি করা হচ্ছে। ইতিপূর্বেই তিনটে নোটস হয়ে গেছে প্রজাদের উপর যদি কোন আপত্তি থাকে জানাবার নির্দেশ দেওয়া হয়েছিল। এরপরই টাকা মিটিয়ে দেওয়া হচ্ছে তাদের। সাতপুরুষের জমি বাড়ী বাগান পুকুর সব ন'কড়া ছ'কড়ায় দিয়ে উঠে যেতে হবে তাদের।

পাঁচ সাতখানা গাঁয়ের লোক এসেছে। গাছের ছারায় ছাতা গুটিয়ে বসেছে ওরা—বুড়ো যোয়ান বিধবা মেয়েমানুষও আছে। আশেপাশে ঘুরছে সনাক্তদাররা। তারাও দুপয়সা কামিয়ে নিতে চায়। বলে—

—সই দোব, জানি চিনি দোব; কিন্তু শতকরা পাঁচ টাকা দিতে হবেক। এত টাকার ঝুঁকি লিচ্ছি যে গো।

মিস্ত্রিরদের বিধবা বোঁ অবাক হয়ে চেয়ে থাকে—কড়কড়ে পাঁচ টাকা কুখা পাবো?

কেনে, হাজার নেছো তুমি!

—টাকা। মেয়েটির বুক চিরে দীর্ঘশ্বাস বের হয়; সঙ্গে এসেছে ছোট বাপমরা ছেলেটা। মিস্ত্রিবোঁ বলে ওঠে।

—টাকা লয়, উ বুকুর মাড়ি বাবা। নাবালকের সম্পত্তি।

—তবে তো বিশ বাঁও জলে ঠাকরণ। জজের সাটিফিকেট লাগবে—কারো কোর্টঘর।

ওদিকে নাম ডাকা হচ্ছে। কৃপাল সিংও এসেছে জমাবন্দীর কাগজ নিয়ে; বন্দোবস্ত নিয়েছিল কন্দর্প আচাই—এর কাছ থেকে কিন্তু ওই পর্যন্তই। তবু আজ দখল দেখাতে এসেছে। বাইরে জিপ রেখে ভিতরে এসে একটা চেয়ার খুঁজছে বসবার জায়। রোদে ঘামে ভেজা দাড়িতে দই—এর বোটকা গন্ধ—পিয়াজের আশটে বদবুতে ওর নিঃশ্বাস ভরে উঠেছে।

—কন্দর্পবাবু নমস্তে।

কন্দর্পবাবু আজ পায়ে হেঁটেই এসেছে। পাঙ্কী ভেঙ্গে গেছে—বেহারাও নেই। কতক মরে গেছে—কেউবা ফেরার। বাকী ছ'চার জন যা আছে তুমারিও বাঁধে নাহয় পাথরকাটা ঠিকদারদের ওখানে দৈনিক ছ'টাকা হারে কাজ পেয়েছে। জমিদারবাবুর সঙ্গে সঙ্কল্প তাদের নেই।

ছাতা হাতে গোমস্তাকে সঙ্গে নিয়ে এসেছে কন্দর্প আচাই, তার বগলেই লাগথেরো বাঁধানো জাবোদা খাতা—রোকড়পত্র।

ওকে দেখে দাওয়া থেকে শশব্যস্তে উঠে ঘরের ভিতর ঢুকে অফিসারের হাতে

কাগজগুলো দেয় রূপাল সিং—হামার কাগজটা লিন্ বাবুসাব্ ।

গড়গড় করে বলে চলেছে রূপাল সিং—পিতা, পালোয়ানসিং, সাকিম জলজ্বর, পাঞ্জাব ; হাল-সাকিম—কালীপুর । পেশা—চাষাবাদি ।

সাবডেপুটি কালেক্টরের হাতে কাগজগুলো তুলে দিয়ে এগিয়ে দেয় স্টেট-এক্সপ্রেসের গোটা একটা টিন—লিন, সিগারেট পিন্ ।

সারা ঘরের সমস্ত লোক, বাইরের উঠানে ভিড় করে দাঁড়ান লোকেরা অনেকেই সমস্ত হয়ে উঠেছে । সিংজী নামকরা লোক । হাকিম সাহেবের সঙ্গেই এত দহরম মহরম ।

—ধন্যবাদ । সিগারেট আমি খাই না ।

ওর কাগজগুলো দেখতে থাকেন । কন্দর্পবাবুও তাঁর দিকে কাগজপত্র বাড়িয়ে দেয় ।

—ওসব বতিল কাগজপত্র ; বাকীকরের মামলায় ও প্রজা ফৌত হয়ে গেছে হজুর । ওসব জমি আমার খাস ।

—তাই নাকি ? একটু অবাক হন হাকিম সাহেব ।

কিঁউ ? ই ক্যা বাত ? রূপাল সিং লাফ দিয়ে উঠে দাঁড়িয়েছে ।

—জমিদারকে খাজনা না দিলে সে জমি আবার জমিদারেরই খাস হয়ে যায় সিংজী । বাকীকরের মামলা জানো ?

হাকিমই আইনটা ব্যাখ্যা করে শোনান তাকে । তাজ্জব বনে যায় রূপাল সিং ।

—সব ঝুট বাত আছে ।

—কোর্টে গিয়ে বুঝে এসোগে । তোমার মোটা মাথায় এসব চুকবে না । কন্দর্পবাবু শ্লেষভরেই কথাটা বলে ওঠে ।

বেশখ্ । রেগেমগে কাগজপত্র গুটিয়ে বের হয়ে এল সিংজী । সাঁপুইনন্দনও এসেছে—তার জমির ক্ষতিপূরণ নিতে । এ অবস্থায় সিংজীর সামনে গেল না—এড়িয়ে গেল তাকে ।

কালীপুর—মানাবন—আরও বিভিন্ন গ্রামের বাসিন্দারা আজ দাসখৎ লিখে দিলো, এ জমিতে আর তাদের কোন সর্ভ নেই । মাটি সোনাফলা মাটি বৎসর বৎসর তাদের মুখে অন্ন জুগিয়ে এসেছে—আজ সেই মাতৃসম মৃত্তিকা থেকে উৎখাত হল তারা মাত্র কতকগুলো দলামোচা ময়লা কাগজের বদলে ।

আপনার ওই মোজার টাকা আপাততঃ পাবেন না । একটা আপত্তি পড়েছে যখন । অস্ত্র মোজার টাকা নিয়ে যান । হাকিম বলে ওঠেন

কন্দর্পবাবুকে ।

চমকে ওঠে কন্দর্পবাবু—মানে ? আমার বাড়ী জমি বাগানবাড়ী—সবই নাকি গুর ?

—তা কেন হবে ? ওদুে যে যে দাগ বন্দোবস্ত দিয়েছেন—বাকী থাকবে মাত্র সেইটুকু ; আর সব পাবেন ।

—ক্ষতিপূরণ নিতে হয় ও মৌজার সবই নোব—নাহয় কিছুই নোব না । পরে হৃদসমেত আদায় দিতে হবে জানবেন ।

হাকিম ওকে বোঝাবার চেষ্টা করেন—মিছে রাগ করছেন । আমি নিরুপায় ।

কথা বাড়ালো না কন্দর্পবাবু ; রাগে অপমানে কথা বন্ধ হয়ে আসে । সামান্য একটা মাটিকাটা ঠিকাদার এসে তার ‘হকে’র টাকা পাওয়া আটকে দিয়ে গেল—এ যেন তারই অপমান !

—বেশ ! গজরাছে কন্দর্পবাবু, মনে মনে কি যেন কর্তব্য স্থির করে ফেলে ।

—বেশ, টাকা আমি নিলাম না, মনে থাকে যেন ও সম্পত্তি এখনও আমার । সরকারকে হস্তান্তর করিনি । চল পাঁচু ।

গোমস্তাকে নিয়ে বের হয়ে এল কন্দর্প আচাই । রাগে অপমানে সারা শরীর কাঁপছে । আজ সব গেছে তার—রৌদ্রতপ্ত তামাটে ডাঙ্গার বুক চিরে আগুন-জ্বালা রোদে গ্রামের দিকে এগিয়ে আছে । জনহীন পরিত্যক্ত গ্রাম ; অতীতের জীবন্ত জনপদ, আজ মৃত্যুর স্তব্ধতা নেমেছে ভাঙ্গা ঘর বাড়ীগুলোতে ।

—আই ! কি দেখে তাড়া দিতে থাকে পাঁচু । সদর পথের উপরই দাঁড়িয়ে আছে এক জোড়া শিয়াল দুপূরের রোদে ; দস্তদের দোকানের সামনে । একদিন ওখানে এসময় জমত লোকজন—কারবারী পাইকের ; গরুর গাড়ী আসতো মাঙ্গপত্র নিতে—আজ সেখানে শিয়াল বাসা বেঁধেছে । বন থেকে তাড়া খেয়ে এসে ঢুকেছে পরিত্যক্ত ছায়াঘন গাঁয়ের ভাঙ্গা বাড়ীতে—নারায়ণ ! নারায়ণ ! পাঁচু ভয় পেয়ে গেছে ; বলে ওঠে ।

—মহা অমঙ্গলের চিহ্ন বড়বাবু ; এ গেরাম ছেড়ে যাওয়াই মঙ্গল ।

—হঁ ! কথা কইল না কন্দর্পবাবু । মনের ভিত্তব আগুন জ্বলছে । সব গেছে । আজ দু’হাত তার ভাঙ্গা । অভা—পরমা—কেউ নেই । অর্থসম্পদও হুরিয়ে আসছে । লোকবলও উবে গেছে, নইলে ওইখানেই জোর করে কুপাল শিকে ধরে ‘না’ বলিয়ে ছাড়তো ; কোর্টঘর কেন—সেইখানে সরে-জমিনেই এ জদন্তের শেষ করে আসতো । কিন্তু সেসব দিন হারিয়ে গেছে । তবু কি যেন ভাবতে থাকে কন্দর্পবাবু ।

পডন্ত রোদে তেতে পুড়ে জনহীন বাড়ীটার ঢুকলো কন্দর্প আচাই। সারা বাড়ীটায় কোন সাড়াশব্দ নেই—নিশ্চাৎ পুরী।

• থক্ থক্। কাশির শব্দ কানে আসতে থমকে দাঁড়াল। দেখতে পায় কাছারি বাড়ীর ভিতরের রকে একটা জীর্ণ কবল বিছিয়ে বসে আছে উচাটনানন্দ—গলায় একবাশ তাবিজ কবচ রুদ্রাক্ষের মালা। ডানহাতে নানা লতার শিকড় বাঁধা, তাব থেকে ঝুলছে কয়েকটা কড়ি।

ধ্বংসপ্রায় বাড়ীটায় ওকে ধ্বংসদূত বলেই মনে হয়। কাপছে—শীর্ণ প্যাকাটির মত দেহ, গলার শিবা দুটো ফুলে ওঠে, যে কোন মুহূর্তেই যেন ছিঁড়ে ছুঁটুকরো হয়ে যাবে। জীর্ণ ক্লান্ত অসহায় মানুষটির দিকে চেয়ে আজ সারা সাধনাব উপর তীব্র বিতৃষ্ণা জন্মেছে।

তন্ময়ত্রে কোন ফলই হয়নি। দীর্ঘ জীবন ধরে সেও শুই শক্তিসাধনার তাণ্ডবে মেতে উঠেছিল। কিন্তু কি হয়েছে? গুরুদেব উচাটনানন্দকে দেখে মনে হয় সারাজীবন ভুল পথেই চলেছে—আজ সেই প্রায়শ্চিত্ত করছে অকথ্য পাপেব।

উচাটনানন্দও বিস্মিত হয়—কন্দর্প তাকে প্রণামও করে না, স্থির সন্ধানী দৃষ্টিতে তার দিকে চেয়ে রয়েছে। বলে ওঠে উচাটনানন্দ,

—আজ অমাবস্য়ায় ষট্চক্রসাধন করবো ভাবছি কন্দর্প।

—ষট্চক্রসাধন।

কন্দর্পের জীবনে আজ ওব সবকিছুই অর্থহীন বলে মনে হয়। কি পেয়েছে সে এতদিন সাধনা করে? একে একে সব শক্তিসামর্থ্য তার নিঃশেষ হয়ে আসছে। পরাজিত বিপর্যস্ত সে। ভুলপথেই জীবনের বহুদিনের সাধনা বার্থ করেছে তিলে তিলে।

—আয়োজন করো কন্দর্প। কুমারী—

মাথা নাড়ে কন্দর্প—নাঃ, ওসবে আর আস্থা নেই।

তীক্ষ্ণদৃষ্টিতে লালচোখ মেলে চাইল ওর দিকে উচাটনানন্দ। ঠিক যেন ওর কথাটা বিশ্বাস করতে পারে না। কর্কশ কণ্ঠে বলে ওঠে,

—কি যা তা বলছ? তোমার কি মতিভ্রম হয়েছে?

—এতদিন হয়েছিল। আজ ভুল বুঝতে পেরেছি।

উঠে দাঁড়িয়েছে তাত্ত্বিক সাধু, শীর্ণ দেহখানা সোজা করে দাঁড়িয়েছে। গাঁজার ধোঁয়ায় কোটরাগত চোখ ধক্ ধক্ করে জ্বলেছে।

—এতদিন কি তাহলে ভস্মে ঘি ঢেলেছি মাত্র? মুখ'।

কন্দর্পের রোদতাতা শরীর জলে ওঠে; রূপাল সিং-এর মত একটা পত্তর চেয়ে আজ শক্তিহীন সে। চারিদিক থেকে একটা আধারঘন যবনিকা নেবে আসছে।

বেশ বুঝছে কন্দপ' সেই কালের কঠিন পরাজয় থেকে মুক্তি পাবার পথ নেই। তত্ত্ব যোগ-যোগ এই দুর্বীর স্রোতের মুখে নিঃশেষ হয়ে যাবে। মুক্তির—কৃত্তিকের পথ এ নয়।

উচাটনানন্দের কথায় রাগ করে না আজ—ওকে দেখে করুণা হয়, সহানুভূতি আসে। স্থির কণ্ঠে জবাব দেয় কন্দপ'—থাকতে চান থাকুন এখানে। হোম যন্তে আমার আর প্রবৃত্তি নেই।

তাত্ত্বিক সাধু নিমেষের মধ্যেই তার বুলিখানা তুলে নিয়েছে কাঁধে; চীৎকার করে—নিপাত যাবে তুমি। ধ্বংস হবে;

হাসছে কন্দপ'। তত্ত্বসার সাধকের সাধনবিভূতি আজ ভস্মে পরিণত হয়েছে। নিজের ভাগ্যালিপি পড়তে পেরেছে কন্দপ'।

উচাটনানন্দ বের হয়ে গেল। একা জনহীন ঠাঁইটায় দাঁড়িয়ে আছে কন্দপ' আচাই—অসহায়, একক একটি মানুষ।

মনে হয় বহুদিন পর আজ উচাটনানন্দ একটি সত্য বাক্য উচ্চারণ করে গেছে ধ্বংস হবে তুমি!

কে জেতে কে হারে! ওদের যন্ত্রের গর্জন শুক হয়ে গেছে। দ্বন্দ্ব চলেছে প্রকৃতি আর মানুষে। নদীই যেন জিতেছে! বর্ষা নেমেছে আকাশে আকাশে। নদীর জল ফুলে ফেঁপে উঠেছে; যন্ত্রপাতি সবই উঠে গেছে উপরে,—দামোদর আবার নিজমূর্তি ধরেছে। নীলে হাড়ীর মা মাঠের খালে কাঁকড়া ধরে বেড়াচ্ছে। গর্তের ভিতর হাতখানা নির্ভয়ে ঢুকিয়ে দেয়—শক্ত দাড়া বের করে কাঁকড়াগুলো কামড়ায়, আঁচড়ায়—ঈর্ষা প্যাকাটির মত আঙ্গুল দিয়ে তাদের ধরে বের করে কোমরে সঙ্গে বুলান খালুইটাতে পোরে। জলকাদায় হাতগুলোয় হাজা লেগেছে—ঝিক্ ঝিক্ করছে। পিচুটি ভর্তি চোখে পিটপিট করে চায়। আবার গর্তে হাত পোরে।

এ বুড়ী মা! গর্তে সাপ থাকবে যে। পথ চলতি কোন কুলী সাবধান করে ওঠে।

—তাকে কামড়াক রে মুখপোড়া! যা লদীতে গিয়ে ভট ভট করগা ইবার। কেমন? দিয়েছে তো তেড়ে দূর করে। ওই লদী বাঁধবি তুরা? বাবা দামোদর আগ্রত ছাবতা।

শাপমণি কাড়তে থাকে বুড়ী।

হো হো গৈরিক জলস্রোত বয়ে চলেছে। নদীর বুক থেকে ওদের জোর করে তাড়িয়ে উতলা নদী আবার নিজের রাজ্য জয় করেছে। জলের বুকে এপ্রান্ত থেকে

ওপ্রান্ত পর্বন্ত মাথা তুলে আছে কয়েকটা পিলার ; ওইটুকু ছাড়া ওদের প্রতাপের আর কোন চিহ্ন সেখানে নেই। এপারের চড়াই-এর বাংলাগুলো বৃষ্টির মধ্যে নিশ্চূপ হয়ে পড়ে আছে—ওপারে পাথরের অসংখ্য স্তূপ ছোট ছোট পাহাড়ের মত দেখাচ্ছে। মাঝে বিশাল নদী।

নীচে গ্রামপুরের ঘাটে আবার সেই আদিম নৌকা ফেরি করছে—বিশাল নদীতে দুধারা বইছে। একথানা নৌকা এক নালি পার করে যাত্রীদিকে পৌঁছে দিচ্ছে মানাচরে—থানিকটা জল ভেসে হেঁটে—চোরাবালির খপ্পর থেকে প্রাণ বাঁচিয়ে আবার যাত্রীদল গিয়ে উঠছে অল্প নৌকায়। বারমেসে শ্রোত পার হয়ে তবে অল্প তীর। স্বাভাবিক জীবনযাত্রা ফিরে এসেছে যেন এই অন্ধকার সভ্যতার স্পর্শহারা দেশের প্রান্তসীমায়।

মানবের এখন কাজকর্ম অনেক কমে গেছে। ক'মাস বাড়তি মজুরা চলে গেছে ; ঠিকদারদের কাজকর্মও কম। রাস্তার মাটি কাটা, ক্যানেল কাটার কাজ না হয় রাস্তা তৈরী করে চলেছে তারা, মামড়ার আদিম অরণ্যে আবার জলপ্লাবন শুরু হয়েছে। হৃদ বালিয়াড়িতে নেমেছে বুনো ঢল। গাড়ী যাবার পথও আটকে গেছে।

ক্যাটারপিলার ট্রাকটারগুলো তারই মধ্যে চালু রয়েছে। পাথর মাটি ঠেলে এনে জমা করছে ঠেলাঠেলি করে ; তাদের ব্লেডের ধারে বট, কৈদ, শাল গাছের গুঁড়ি শিকড় উপড়ে ওঠে পড় পড় শব্দে ; মাঝে মাঝে ওঠে কলরব।

—ওই—উধার যাতা হায়। হ'শিয়ার।

ড্রাইভার রামকিষণ চীৎকার করে ওঠে—গর্তের নীচে একজোড়া মিশকালো পুরানো কেউটে বাসা বেঁধেছিল, তাড়া খেয়ে বের হয়ে এসেছে—ফণা তুলে গর্জাচ্ছে হিস্ হিস্ শব্দে ল্যাজের উপর ভর দিয়ে—ছোবল মারে বুলডোজারের ব্লেডে। ঠক্ ঠক্ শব্দ উঠছে ওর উদ্ধত ফণায়। সাপটা রেগে এক একবার পিছিয়ে যাচ্ছে আবার সজোরে এসে আছড়ে পড়ছে ব্লেডের উপর।

—দে না শেষ করে দুটোকে ? জোড়ে বেশ ছিল আরামে।

গর্ত থেকে বের হয়ে আসে একথগা সাদা ডিম ; রামকিষণ স্টার্ট দিয়ে একটু এগিয়ে দেয় ব্লেডটাকে, ধারাল বটির ডগে মূলো মত কাটার মত কচ্ করে দু'আখ-খানা হয়ে গেল সাপদুটো।

আদিম বন্যজীবনকে তছনছ করে দিয়েছে তারা। বৃষ্টিধোয়া আঁটাড়িবনের আড়াল থেকে খরগোস চেয়ে দেখছে ভীক চকিত চাহনিতে—তাদের রাজ্যে এ যেন কোন্ সর্বনাশা দূত এসেছে।

—ভাগতা ছায়া ! কে চীৎকার করে ওঠে । তার আগেই লাফ দিয়ে বনের ভিতরে পত্রাবরণে অন্তর্হিত হয়ে গেছে তারা ।

বৃষ্টি নেমেছে অঝোরধারে, মর্মর জাগে কাঁচা শালপাতায় ঢাকা বনে বনান্তরে ।

শন শন নেমেছে শালবনে বৃষ্টি । আকাশ ছাওয়া বৃষ্টি । লাল মাটি—বন ধূয়ে চলেছে লাল মাটি দামোদরের দিকে । ঝর ঝর শব্দ কানে আসে ; নরম মাটি ফেটে বের হয়ে আসে কাড়ান কুড়কি ছাতুর দল ; বৎসরান্তে বনভূমিকে দেখতে আসে এই বাদলঝরা দিনে ।

জিপে বসে ভিজছে মানব ; বর্ষাতি মানে না এ বুনো বৃষ্টি । আকাশ ঝরে—গাছের পাতার জল ঝরে একত্রে । কাড়ান নেমেছে ।

অফিসার্স ক্লাবে গিয়ে হাজির হয় সেই ভিজে অবস্তাতেই । মিঃ সেন বলে ওঠেন ।

—এই বর্ষায় এক পেগ চলুক হে, ঠাণ্ডায় জলে হিম হয়ে যাবে যে । সে দেশে তো চলেছে ।

মানব বড় একটা ওসবের ভক্ত নয়, মাঝে মাঝে এক আধটু চলে মাত্র ।

বৈকাল হবার আগে হতেই অন্ধকার নেমেছে বনভূমিতে । বট অশথ আর মহাশাল ঘেরা বনভূমিতে সন্ধ্যা এগিয়ে আসে । পাতার আড়ালে কোথায় পিউকাঁহা ডাকে—ভিজে বাতাস বনকুঁচি ফুলের গন্ধে মোঁ মোঁ, করছে ।

আজ কাজশূন্য এই স্তব্ধ সন্ধ্যায় মানবের মনে পড়ে হারানো কালীপুরের অতীত দিনের একটি মেয়ে মাধুরীকে । যোঁবনে প্রথম তাকে কাছে পেয়েছিল, মাত্র ক’দিন ; চেনা বোঝা হয়নি । তবু প্রথম স্মৃতির আকাশ তারই রঙ্গে রাস্কানো ক্ষীণতম আভায় । মনে পড়ে দীপাকে । তাকে মধুর স্মৃতি বলে মনে নিতে পারেনি মানব । দীপার কাছে পরাজিতই হয়েছে সে ।

চাকার গতিবেগে ছিটকে উঠছে লাল কাদা জল—হেডলাইটের গ্লান আলোয় দেখা যায় বৃষ্টির অস্পষ্ট যবনিকা ।

আর একটি মুখ বার বার মনে পড়ে । স্মৃতির আকাশে উজ্জ্বল একটি তারকা । ওদের মত মাটির বুকে নেমে আসেনি—স্পর্শের নাগাল হতে বহুদূরে রয়েছে । ক্লান্ত মানব ফিরছে বাংলার দিকে সারাদিনের কাজের পর ।

আবার জোরে বৃষ্টি নেমেছে । নামুক । ঝম ঝম—বৃষ্টি । শিরায় শিরায় বিদ্যেপী পানীয়টা তখনও একটা উষ্ণতা জাগিয়ে রেখেছে । কেমন হালকা লাগে সবকিছু ।

—বৌদি !

বাংলাতে উঠে এসে বসবার ঘরের পর্দা সরিয়ে টুহুবৌদিকে দেখে অবাক হয়ে যায়। হালকা আশমানী রংএর একখানা শাড়ী—গলায় সৰু হার, নিটোল মোম রং হাতে দুটো বালা। একটা বই পড়ছিল, ওর ডাকে চাইল চোখ তুলে।

—ওমা! এসো। এসো।

মানব ভিজ়ে বর্ষাতি পোবাক ছাড়তে ভিতরে চলে গেল।

জানালার সার্সি গড়িয়ে জলের ধারা বইছে—বাতাসে ভেসে ওঠে বাগান থেকে রজনীগন্ধার সৌরভ; বুনো মাটি ফুলে ফসলে ভরে উঠেছে। মানব একটা পায়জামা পাঞ্জাবি পরে এসে বসলো—ইতিমধ্যে বেয়ারা চা খাবার এনে হাজির করেছে।

নাও। ভেবেছিলাম এই দুর্ভোগে বাডীতে থাকবে তাই এলাম।

মানব চায়ে চুমুক দিতে দিতে বলে—থাকবার উপায় কই! কোথায় রাস্তা ভাঙলো—সাঁকো ফাটল—ঘর পড়লো—এই নিয়েই তো কাজ।

—মা আসেননি? টুহুবৌদির প্রশ্নে মানব ধীরভাবে উত্তর দেয়।

—না, তাঁরা আসবেন না।

—হঁ। বৌদি চুপ করে চায়ে চুমুক দিয়ে চলেছে।

—আর দীপা?

মানব থেমে গেল। একটা ব্যর্থ ইতিহাস—নিষ্ফল প্রতীক্ষা।

—সে আসবে না। আমার বংশপরিচয়—বাবার কুখ্যাতি, আমার এক-গুঁয়েমিকে মেনে নিতে পারবে না। তাই জবাব দিয়েছে।

মানবের দিকে টুহুবৌদি চেয়ে রয়েছে সন্ধানী দৃষ্টিতে। বাইরে স্তব্ধতা ভেদ করে আসে বিমবিম বাদলধারার সুর।

—শুধু কি তাই?

মানব কথা কইল না—টুহুবৌদির দিকে চাইল। গভীর সে চাহনি টুহুবৌদি কি যেন সন্ধান করছে ওই দৃষ্টিতে। অতীতের একটি কিশোর—দীর্ঘ বারোবৎসর তাকে নিবিড়ভাবে চিনেছে—জেনেছে। আজ এক বর্ষাযুগের সন্ধ্যায় কেমন অচেনা বলে মনে হয় তাকে। ওর চোখেমুখে কী এক কামনার জোয়ার—দুর্ঘদ। বাঁধভাঙ্গা সে পৌরুষ।

নীচে মেইন লাইন কাঁপিয়ে একটা ট্রেন বের হয়ে গেল—আধার ফাটিয়ে দেয় ওর তীক্ষ্ণ সন্ধানী আলোয়, মাটি আকাশ কাঁপছে ওর গতিবেগে। কাঁপছে টুহুবৌদির বুক।

—সে কথা নাইবা সুনলে।

—ওসব কথা আমার ঢের শোনা হয়ে গেছে মানব। ওরা সবাই স্বলে।

টুহুবোদির টকটকে ফর্সা মুখ—ভাগর চোখে সেই বেদনা অপমানের হোঁয়া ।

—এদিকে আমি একা আদর্শ আঁকড়ে পড়ে আদি ওদের দয়াতে ।

—বোম্বোতে স্বামীর কাছে যাও না কেন ?

—না । পরিচিত এক ভদ্রলোকের কাছে আশ্রয়ের জন্ত মাথা নীচু করে যাওয়ার চেয়ে অপরিচিত কোথাও মাথা উঁচু করে যাওয়ার সমর্থন করি আমি ।

মানব ওর দিকে চাইল—বাইরের আকাশের মত থমথমে বৃষ্টির রা সে চোখ !
কি যেন বলতে যাবে মানব, বাধা দিয়ে ওঠে বোদি ।

—তুমি আর নীতিবাক্য শুনিয়ো না মানব । যে কথাগুলো বলবে ওগুলো বহুবার শোনা—পুরোনো ।

মানব নীরবে সিগারেট টানতে থাকে । মুহূ আলো দরজার বাইরে ছিটকে পড়ে রাতের অন্ধকারে হারিয়ে গেছে ।

—বাড়ী ফিরতে হবে তো ?

—না । ছোট্ট একটু জবাব দেয় বোদি দৃঢ়স্বরে—তোমার কি ভয় করছে আমাকে ?

অপ্রস্তুত হয়ে ওঠে মানব—না—না ।

বৃষ্টি নেমেছে আবার । চারিদিকে বৃষ্টির আঁধার যবনিকা । বাতাসে জাগে নদীর উত্তরোল গর্জন ! কেমনতারা হারিয়ে গেছে কোন অতল অন্ধকারে । মানব ওর কথায় অবাক হয়ে গেছে, এ যেন অগ্ৰকোন মাহুষ !

হাসে টুহুবোদি—আমার কিন্তু একটুও করেনি । তোমাকে চিনেছি মানব, দীপা কেন ফিরে গেছে তাও জানি ।

চমকে ওঠে মানব তীব্র আঘাতে মুখে একটা বেদনার ছায়া ।

—কেন ?

টুহুবোদি কথাগুলো স্পষ্ট করেই বলে ।

—তুমি একটা কাপুরুষ । নিজের দাবী জানাতে কোথাও এগিয়ে যাওনি । যেতে পারোনি !

কি যেন বলতে চায় টুহু ; মানব ওর অপরূপ দেহের দিকে চেয়ে থাকে । রূপ ঘেন আজও উপচে পড়ছে বর্ষার দামোদরের মত । অমনি দুর্বীর উচ্ছলতার গতিবেগ । বাঁধন মানেনি! কোথায় অন্তরে গভীর বেদনা তার প্রকাশপত্র খুঁজবার জন্ত উত্তরোল কল্লোল তুলেছে কূলে কূলে ।

হাসিতে কেটে পড়ে বোদি—না, আজই যেতে হবে ফিরে । নইলে আমার আত্মবোধের একটা চূড়া ওদের চোখের উপর খসে পড়বে যে । তোমার গাড়ীখানা

বের করো !

মানব রহস্যময়ীর দিকে চেয়ে থাকে—ঠিক চিনতে পারেনি আজও। গাড়ীর আবছা আলায় দেখে বৌদি নিবিড়ভাবে তার দিকে চেয়ে আছে পলকহারী চাহনিত—মানবকে চাইতে দেখে দৃষ্টি ফিরিয়ে নিল। দমকা জলো বাতাসে মিলিয়ে গেল একটি স্করুপ নিঃশ্বাস। ফিরে গেল বৌদি সেই রাত্রেই।

বুষ্টির তোড় তখনও কমেনি। দুদিন থেকে বুষ্টি চলছে। গলে ধুয়ে যাচ্ছে নোতুন রাস্তার মাটি, ইলেকট্রিক কেবলের ড্রামগুলো জলে ডুবছে, ছিচকাঁতুনে আকাশ কেঁদেই চলেছে দুই মেয়ের মত। এক একবার দম নিতে থামছে—আবার পুরোদমে শুরু হয় কান্না। নদীর জল ফেঁপে ফুলে উঠেছে। খেয়া বন্ধ।

সকালে আনমনে বসে ভাবছে মানব গত রাত্রির কথা। টুহুবৌদিকে একটা রহস্য বলে মনে হয়। কাল কি যেন বলতে চেয়েছিল কিন্তু পারেনি। ঝড়ের মত এসেছিল—ঝড়ের রাতেই ফিরে গেছে রহস্যের মত। বার বার সেই কান্নাভেজা চোখ—অপরূপ রূপবতী কেশবতী কন্ঠার স্বপ্ন মনে পড়ে। মানবের কাছে কি বলতে এসেও পারেনি—ফিরে গেছে শূন্য হাতে।

বুষ্টিনায়া দিনে মেঘে মেঘে এমনি করে চাওয়া মিশে আছে—মিশে আছে কার স্নিগ্ধ নিঃশাসবাবু রজনীগন্ধার সৌরভে।

হটাৎ টেলিফোনটা বেজে ওঠে—বাজছে একনাগাড়ে। উঠে গিয়ে ধরল।

হাসপাতালের একদিককার শেড উড়ে গেছে ঝড়ে। এখুনিই ব্যবস্থা করতে হবে।

—যাচ্ছি। হ্যাঁ শীগগীর।

...ওয়ার্কশপে খবর দিয়ে নিজেও বেরুবার জন্ত তৈরী হয়। বসে থাকতে মন মানে না—তবুও ঘুরে আসা হবে। চিন্তার ঝড় থেকে নিষ্কৃতি পেতে চায় সে।

জনমানবহীন অঞ্চল। গ্রামের বাইরে—নদীর মাথায় টিলার উপর নিশ্চূপ হয়ে দাঁড়িয়ে আছে বাড়ীখানা; সামনে ছোট একটু বাগান—কয়েকটা শিশু সেগুন গাছ উঠছে। সূর্যমুখী গাছগুলো ভেঙ্গে পড়েছে ঝাপটায়; নদীর সোঁ সোঁ শব্দ মনে আতঙ্ক আনে।

দুশো ফুট গ্রানাইটের স্তরের নীচে তীরবেগে গেরুয়া স্রোত বয়ে চলেছে, যতদূর দৃষ্টি যায় কেবল জল আর জল। বাতাসে ফুঁপিরে উঠেছে থৈ থৈ নদী।

ঝড়ে একদিককার টিন উড়ে পড়েছে। ভাক্তার নার্স বয়রা জিনিসপত্র ফার্নিচার খাট ওষুধপত্র টানাটানি করছে। মানবকে আসতে দেখে, এগিয়ে আসে:

সি. এম. ও ।

—দেখুন, অ্যাকসিডেন্ট হতে বেঁচে গেছি ।

লোকজনও এসে পড়েছে পিছনে ট্রাকে করে । মানব জলকাদার মধ্যেই
ইটাঁইটাঁ করে ওদের কাজ দেখছে ।

—পিছল হয়ে গেছে টিনগুলো, সাবধানে ওঠা-নামা কর মিস্ত্রী ।

—কী হজুর । ইঞ্জিনিয়ার সাহেবেব সামনে পূর্ববেগে নিপুণভাবে কাজ করে
চলেছে দলবল নিয়ে । বৃষ্টির ধারাল ফলা বিধে পটপট করে মুখে—তারই মাঝে
মিস্ত্রীদের সামনে দাঁড়িয়ে আছে মানব । ওরা যদি দমকা বাতাসে চালের উপর
থাকতে পারে, সেইবা নীচে পারবে না কেন ? বাডীর ভিত দেওয়ালগুলো পরীক্ষা
করছে—কে জানে যদি ধরসে পড়ে বর্ষায় ।

গামবুট বর্ষাতি ভিজে উঠেছে । ভিজে হাওয়া কাঁপন ধরাচ্ছে হাড়ে ।

—একটু চায়ের ব্যবস্থা করছি ।

চিফ মেডিক্যাল অফিসারের ডাকে ফিরে চাইল মানব ।

—চায়ের সত্যি দরকার—চলুন ।

বৃষ্টি থেকে বারান্দায় উঠলো মানব । ওদিকে মেরামতি কাজ শেষ হয়ে
আসছে । টুক টাক শব্দে টিন বসিয়ে নাট মন্টুঠুকে চলেছে মিস্ত্রীরা ।

—আগে রিপোর্ট করে লোক আসতে দুদিন কেটে যেতো, এখন ঘণ্টা-
খানেকের মধ্যেই কাজ শেষ হয়ে এল । ডাক্তারবাবু মন্তব্য করেন ।

—হওয়া উচিত । মানব চায়ে চুমুক দিতে দিতে জবাব দেয় ।

হঠাৎ কাকে ঢুকতে দেখে চমকে ওঠে—একটি মুহুর্ত । বাইরের আকাশভাঙ্গা
বৃষ্টিধারা নদীর বৃকে শত নৃপূরের স্রব তুলেছে । অবাক হয়ে ওর দিকে চেয়ে
আছে মানব ।

—আমাদের নোতুন ডাক্তার—মাধুরী চ্যাটার্জি । পরিচয় করিয়ে দেন
সি. এম. ও ।

—নমস্কার ! কি যেন বলতে গিয়ে চেপে গেল মাধুরী । হাত ভুলে ছোট
একটি নমস্কার করলো—বাস !

আর কোন পরিচয়ের চিহ্নই ফুটে উঠলো না তার কর্তব্যকাঠিন্য ভাবলেশহীন
মুখে । অল্প কাজে মন দিল বের হয়ে গিয়ে ।

মানব অবাক হয়ে তার দিকে চেয়ে আছে । এক মুহুর্তে মনের মাঝে বাইরের
ঝড়ের ছোঁয়া লাগে । মাধুরী—কালীলূয়ের কত স্মৃতিমুখর অতীত দিনগুলো স্তব্ধ
নির্বাক দৃষ্টিতে তার দিকে চেয়ে আছে । মাধুরী বদলে গেছে । হয়তো ভুলেই
এগেছে তাকে ।

মানবের উপছে পড়া মন আবার সংযত হয়ে ওঠে। চায়ের পেয়ালা শেষ করে ওঠে।

—দেখি কতদূর এগোল কাজ। এ স্ট্রাকচার বদলে ফেলে সামনের ফাইন্সাল বাজেটে নোতুন বাড়ী করবার ব্যবস্থা হচ্ছে।

সি. এম. ও জবাব দেন—তাহলে নিশ্চিত হওয়া যায়। দয়া করে কেসটা একটু দেখবেন।

বাইরে এসে দাঁড়াল মানব। তখনও বৃষ্টি থামেনি।

মাধুরীকে আর পাওয়া গেল না। মানব চুপ করে বের হয়ে এল একাই।

মাধুরীও চমকে উঠেছিল প্রথম ওকে দেখেই। ভুল করেনি তার চোখ। বছদিনের চেনা জানা। অতীত জীবনের কত মধুস্মৃতির সঙ্গে জড়িয়ে আছে ওই মুখ—ওই যুবক। সেদিন প্রথম মাধুরীর মনে সেই এনেছিল রঙ্গীন স্বপ্ন। জীবনের বহুপথ পরিক্রমা সেরেছে দুজনেই তবুও সেই রং আজও ফিকে হয়নি। চকমকি পাথর—পাঁকের তলে পড়ে থাকুক, এনে ঘষলেই আগুনের ফুলকি বের হয়। জীবনের বহুজন হয়তো তেমনি ধারারই, ভুলেও ভোলা যায় না। রাতের তারার মত, দিনের আলোয় ক্ষণিকের জল্ল মিলিয়ে থাকে।

...কি দুঃসহ লজ্জায়—বেদনায় সরে এসেছিল সে। বৃষ্টিধোয়া মাঠে সবুজের স্পর্শ। মনের কোণেও অমনি বর্ণহ্রস্বমা। তবু দূরেই থাকতে চায় নিজেকে লুকিয়ে।

দূর থেকে দেখা যায় মানবের গাড়ীখানা বৃষ্টির মধ্যে মিলিয়ে গেল।

—সাতনম্বর বেডে একটা গ্লুকোজ দিতে হবে।

—ও ই্যা! নার্সের ডাকে ফিরে চাইল মাধুরী জানলা থেকে।

বন্ধ্যা পড়ে আছে ভুবনপুরের সোনাফলা উপত্যকা। আগে এই উপত্যকায় বনগড়ানি চল নামতো—চন্দ্রনের মত পলি। লকলকে করে উঠতো হাঁটুভোর ধানচারার; আজ চাষ দেবার লোকজন কেউ নেই; নীরব বর্ষণক্লান্ত অপরাহ্ন বেলায় পাণ্ডু আকাশের নীচে নিঃশ্ব মৃত্তিকা রোদনভরা ব্যর্থতায় মুখবুজে পড়ে আছে। এখানে ওখানে তার গভীর ক্ষত; বুলডোজারগুলো যেহীন ক্যানেল কাটছে। এগিয়ে আসছে ভুবনপুর গ্রামসীমার দিকে; বর্ষার শেষে আবার নদীতে নামবার আগে এই পর্যন্ত তারা কেটে রাখবে।

ভুবনবারু কিছুদিন আগেই দেহ রেখেছেন।

জনহীন ভুবনপুরের দিকে এগিয়ে আসছে বুলডোজার ট্রাক্টর বাহিনী। সন্ধ্যা,

থেকে ডেপুটি কালেক্টর নিজে এসেছেন, কন্দপ'বাবুকে বোঝাতে ।

—ডিসপিউট পড়েছে, এসময় আপনাকে ক্ষতিপূরণ দেওয়া আইনে বাধে , আপনি সরে আহ্নন বাড়ী ছেড়ে ; আমরা যতশীঘ্রী পারি ব্যবস্থা করবো ! .

কন্দপ'বাবুর মত টলানো যায় না !

—ভেবে দেখি । উদাস কণ্ঠে জবাব দেয় কন্দপ' ।

—নইলে জোর করে আপনাকে সরাতে বাধ্য হবো ।

চমকে ওঠে কন্দপ' আচাই । জোর করে সরাবার কাজটা এতদিন এ অঞ্চলে কন্দপ'বাবুরই একচেটিয়া ছিল, আজ সে ক্ষমতা তার নেই । সামান্য একজন কর্মচারী আজ কন্দপ'বাবুর মুখের উপর সেই শাসানি দেখাতে এসেছে । দপ্ করে জলে উঠে আবার নিভে গেল মনের আগুন ।

—সেই চেষ্টা করেই দেখুন তাহলে ।

রাত্রি নেমে এসেছে প্রাণহীন গ্রামসীমায় ; রাতের আধারে ঘুরে বেড়ায় শিয়াল-গুলো । ঘনকালো গাংগাছের ভুতুড়ে কালো ছায়ায় ডাকে কালপেঁচা । ভুবন-পুরের জীবনে শেষপ্রহর ঘোষণা করছে ওরা নিঃশ্ব তমসার গভীর থেকে । চোখের উপর ভেসে ওঠে ছবিটা ।

মুকুন্দ সাঁপুই মরছে । ছটফট করছে মৃত্যু-যন্ত্রণায় ! হাত পা বাঁধা অবস্থায় মামড়ার জঙ্গলে হৃদয়ের অঙ্ককারে পড়ে আছে সে; বৃকের উপর মড়মড়ি পাথরের চাই ।

নাকমুখ দিয়ে গড়িয়ে পড়ছে একস্থতো রক্তরেখা ; আর্তনাদ করছে ।

—বড়বাবু ছুটি পায়ে পড়ি আপনার ।

—বড় বেড়েছিলে মুকুন্দ ; মুখ্যোদের সঙ্গে, ও শয়তানের বাচ্চা সিংজীর সঙ্গে খুব ভাব করে আমাকে জালে ফেলতে চেয়েছিলে ? এখন দেখ !

—দেশ ছেড়ে চলে যাবো । দোহাই আপনার—পয়সা আমার চাই না, শুধু বাঁচতে দিন । শক্ত পাথরে ঠুঁই ঠুঁই করে মাথা খুঁড়ছে মুকুন্দ ।

তেষ্টায় জিত শুকিয়ে দড়ি হয়ে গেছে, স্বর বের হচ্ছে না, চোখ ঠেলে উঠেছে কপালে । চিঁ চিঁ আর্তনাদ করছে ।

মুকুন্দ পাথরপ্রাচীরের নীচে—অতল অঙ্ককারে ; টোপ টোপ করে ঝরণার জল ঝরঝে ; বাঁধন সমেত গড়িয়ে গিয়ে জলে জিব লাগাবার চেষ্টা করছে । তিন দিন তিনরাত্রি পড়ে আছে । বৃকের পাথর জেঁকে বসেছে ; ওটা ঠেলে যাবার ক্ষমতা নেই । চোখের তারা ছোটো ঠ্যালার মত ঠেলে বের হয়েছে ।

চমকে ওঠে কন্দপ'বাবু ! ধড়মড় করে উঠে বসল বিছানায়,

—জল ! জল দাও একটু ।

বাসন্তীর রাতের ঘুম মুছে গেছে । স্বামীর ডাকে উঠে বসলো । কন্দর্পের সর্বাক্ষ ঘামে ভিজে নেয়ে উঠেছে ; বিফারিত দৃষ্টিতে চেয়ে থাকে স্ত্রীর দিকে ;

—কি যেন একটা স্বপ্ন দেখছিলাম ।

নিস্কর পোডো ভিটেপুরী গ্রাম ; শিয়াল ডাকছে । বাড়ীর অন্তপ্রান্তে কার কান্নার স্রব শোনা যায় । বাসন্তী আতঙ্কে শিউরে ওঠে ; ভূতের গাঁ ! সবাই চলে গেছে । কন্দর্পবাবু অত্ৰ এক দেহহীন জগতের স্বপ্নচারী—ওই মাহুঘটির সঙ্গে পড়ে আছে বাসন্তী এই মৃত্যুপুরীতে ।

হঠাৎ আতর্জন করে ওঠে বাসন্তী , বর্ষার জল পেয়ে মাঠ পড়োবাড়ী সব ডুবে গেছে । জেগে আছে ভুবনপুরে মাত্র ওদের টুকুই । শেওলাপড়া দেওয়ালের গা বেয়ে উঠছে একটা কালো গোথরো—আশ্রয়ের সন্ধানে ।

—সাপ !

লকলক করছে ওর ধারালো তীক্ষ্ণ জিহবা ; মাঝে মাঝে ফণা মেলবার চেষ্টা করে হিন্ হিন্ শব্দে । মৃত্যু—জীবন্ত মৃত্যু বাড়ীটাকে ঘিরে রেখেছে ।

শিউরে ওঠে বাসন্তী ; সাপটা বারান্দার গা বেয়ে একটা ফাটলে ঢুকে গেল , ওঁত পেতে রইল মৃত্যু—জীবনের সন্ধানে ।

কন্দর্প আচাই দেখছে—স্থির দৃষ্টিতে দেখছে ওইটাকে । বাঘের ঘরে আজ ঘোগ বাসা করেছে ।

দেওয়ালের কাছে দাঁড়িয়ে তখনও আতঙ্কজড়িত চাহনিতে কাঁপছে বাসন্তী । এগিয়ে আসে ধীরে ধীরে । চোখেমুখে তার দৃঢ় প্রতিবাদের কাঠিন্ত ।

প্রতিটি রাত্রি বাসন্তীর মনে স্মৃতিস্তম্ভ রেখাপাত করে চলেছে । একলা পরিত্যক্ত পাখাণপুরীতে বান্ধনৌ সে । কন্দর্পবাবু ঘুমের ঘোরে চীৎকার করে উঠে বসে বিছানায়, আতঙ্কবিফারিত সেই দৃষ্টি । আজ বাসন্তী প্রত্যক্ষ করেছে সেই মৃত্যুদূতকে । আর সহ করতে পারছে না সে । বাসন্তী বলে ওঠে—

—এখান থেকে যেতে হবে তোমায় ।

চুপ করে বসে আছে কন্দর্প আচাই । কোন বিকার তার মুখেচোখে নেই ।

রাতের আধারে মাটি কাঁপছে । ডিনামাইট চার্জ করে পাথর ফাটাচ্ছে অদূরে । জানালাগুলো সশব্দে আছড়ে পড়ে । রাতের আধারে পরিত্যক্ত জনপদে ঘুরে বেড়ায় চাপাকান্নাজড়িত কঠে অতীতের শত গ্রামবাসীর অতৃপ্ত আত্মা । হিংস্র প্রাণীর দল । অসহ্য হয়ে উঠেছে এই পরিবেশ বাসন্তীর কাছে ।

—আমি ছাদ থেকে ঝাঁপ দিয়ে আত্মঘাতী হবো বলে দিচ্ছি ।

—বাসন্তী ! চমকে ওঠে কন্দর্প ।

—হ্যাঁ ; পরিত্রিশ বছর এই অত্যাচার সয়ে আছি—আর পারছি না ।
আমাকে মুক্তি দাও তুমি ।

কান্নায় ভেঙ্গে পড়ে বাসন্তী । বীধন ছিঁড়ে আজ জীবনের সব জালা চুকিয়ে দিতে চায় সে । অবাক হয়ে ওর দিকে চেয়ে আছে কন্দর্প । অল্প সময় হলে নিষ্ঠুরভাবে ওর সব কান্না থামিয়ে দিতে পারতো—আজ অত্যন্ত অসহায় সে ।

একে একে সবাই গেছে ; মানব ! মানব তাকে পরিত্যাগ করেছে, একমাত্র বাসন্তীই তার কথায় প্রতিবাদ করে নি । আজ সেও বিদ্রোহী হয়ে উঠেছে ।

কান্নাভেজা কণ্ঠে বলছে সে—কি দিয়েছো তুমি আমায় ? একমাত্র ছেলেকে নিয়ে স্থখী হতে দাওনি ! দাসীবাঁদীর মত তোমার হুকুমই মেনে এসেছি । কিন্তু আজ দেখছি সব গেছে আমার । এমনি করে মরতে আমি পারবো না ।

ঘরের মধ্যে আবছা অন্ধকার থমথম করছে । কন্দর্প বসে আছে স্তব্ধ হয়ে, সারা জীবনের উপর আজ বিহ্বল এসেছে । কিসের জগৎ সংগ্রাম করেছে এতকাল ! শেষ নির্ভরটুকুও আজ যেতে বসেছে ।

—ভয় পেয়েছো ? বেশ । তোমার কথাই থাকুক । চল কোথায় যাবে !

—যাবে ? চল মানবের ওখানে । মায়ের মন স্বপ্ন দেখে শান্তিপূর্ণ সংসারের ।

গভীর কণ্ঠে প্রতিবাদ করে কন্দর্প—না । ওয় বাসায় যেতে পারব না । কোন মতেই না ।

—তবে কাছারি বাড়ীতে ?

এ বাড়ী ছাড়বার স্পৃহামাত্র তার নেই । বাসন্তীর কথায় কি ভাবছে কন্দর্প । রাতের আধারে মানব ফিরছে ওয়ার্কসাইট থেকে ; হঠাৎ হাসপাতালের গুদিক থেকে কাকে আসতে দেখে একটু বিস্মিত হল । এই রাত্তি কে যেন শাড়ী পরে চলেছে নির্জন পথে । কি যেন কোঁতুহল বশেই দাঁড়াল মূর্তিটা কাছে আসতেই অবাক হয় মানব ।

—আপনি ?

দীর্ঘ দিনের অদেখার পর প্রথম অপরিচিতের জড়তা কাটিয়ে উঠতে পারেনি সে । মাধুরী এগিয়ে এল । দূরে রাস্তার এক ঝিলিক আলোয় তাকে দেখছে মানব ।

—আপনাকে দেখেই এলাম ।

—যাক, চিনতে পেরেছো তাহলে ? কথাটায় একটা স্নেহ ফুটে ওঠে ।

মুখ তুলে চাইল মাধুরী—একজন সামান্ত মেয়েভাক্তার ডেপুটি চিফ ইন্সপেক্টর

সাহেবের পরিচিত এটা কি খুব স্ব্থের হত আপনার পক্ষে ? হয়তো রেগেই উঠতেন—তাই চেপে গেলাম ওই কথা ।

হাসতে হাসতে বলে মানব—

—এখন যদি কেউ দেখে ? এত নির্জন রাত্রে—

মাধুরী চোখেমুখে কি যেন একটা পাণ্ডুর ছায়া ; একটু সঙ্কোচের সঙ্গেই বলে ওঠে সে—আমিই বরং যাই ।

বলে ওঠে মানব—ভয় পেয়ে গেলে নাকি ? এই গভীর বনের পাশ দিয়ে একা কোয়ার্টারের দিকে চলেছিলে এত সাহস তোমার ; অথচ লোক দেখেই পালাবার পথ খুঁজছো !

মাধুরী কি যেন বলবার চেষ্টা করছে ; মানব বলে ওঠে—চল, ফেরবার পথে তোমাকে বাসায় পৌঁছে দিয়ে যাই ; এত রাত্রে একলা এ পথে বের হোয়ো না, এত নিরাপদ এখনও হয়নি এ বনরাজ্য ।

গাড়ীতে এসে চুপ করে বসলো মাধুরী ; মানব ওর স্তব্ধমূর্তির দিকে চেয়ে অতীতের দিনগুলোর সন্ধান করে ।

—কতদিন একসঙ্গে এপথে এসেছি মনে পড়ে ?

চমকে উঠল মাধুরী ; সে যেন স্মৃতির পাথারে কি এক হারানো মাণিকের সন্ধান করছে । আজ কত দিন বদলে গেছে । কত জল বয়ে গেছে দামোদরের বুকে । লজ্জায় ওর হুঁচোখের দৃষ্টি হুইয়ে আসে । উষর নির্জন প্রান্তরও বদলে গেছে, বদলেছে তারা দুজনেও ।

—এই আমার কোয়ার্টার ; এইখানেই নামবো ।

শূন্য নির্জন পথ ; গাছের ছায়ায় সব হারিয়ে গেছে । গাড়ীখানা থেকে নামতে গিয়ে চমকে দাঁড়াল মাধুরী । নিবিড় নিষ্পন্দ চাহনিতে চেয়ে রয়েছে মানব— একথানা হাত ওর হাতে । কাঁপছে মাধুরী ওই সামান্য স্পর্শে । সারা শরীরে কি এক অভূতপূর্ব শিহরণ ; এতদিনের বঞ্চিত জীবন আজ ক্ষণিকের সামান্যতম পাওয়ার স্বপ্নে সার্থক হয়ে ওঠে ।

—মাধুরী !

মানব নিজেই হারিয়ে ফেলেছে । সেও শূন্যতা পূর্ণ করতে চায় ।

—ছাড়ো । কাঁপছে মাধুরীর কণ্ঠস্বর ।

হাতটা ছাড়িয়ে নিয়ে দ্রুতবেগে বারান্দায় উঠলো । মানব চলে গেল ।

একাই বসে আছে মাধুরী—বাতাসে কাঁপছে পর্দাগুলো । মনের অভলে দীর্ঘ অতীতের স্মৃতি রূপরস বর্ণধারায় রঞ্জিত হয়ে উঠছে । এমনি নির্জনে বোধহয় একক মাহুষ নিজের সত্যকে হৃৎক করে দেখতে চায় । মনে পড়ে

কোন এক কিশোরীকে—ঘাসে ঢাকা নির্জন মাঠ—তাম্রাভ প্রান্তরে বনসীমায় ঘুরে বেড়াত দুজনে ।

আবার বহু পথ—বহু দিন পরে সেইখানে এসে মিলছে দুজনে, কিন্তু পরিবেশ বদলে গেছে ।

দীপার কোথায় হিসাবে একটা ভুল হয়ে গেছে । নারীপ্রকৃতির ভিতর একটা চাঞ্চল্য আছে সত্যি—কিন্তু তা সংযমের বেড়া জাল দিয়ে ঘেরা । কোন ভুলচুকের স্পর্শেই সেই সংযমের বাঁধ আলগা হয়ে যায় ; শ্রোতে ভাসিয়ে নিয়ে যায় নিজেকেই অকূল সর্বনাশের দিকে ।

মানবের সঙ্গে ওর কথা মিঃ ব্যানার্জি সব শুনেছিলেন, কিছুই বলেননি দীপাকে ; বলেছিলে স্ত্রীকে,

—মস্ত ভুল করলো ও, পরে বুঝবে ।

বাবার কথা দীপা শোনেনি । আপশোষ করবার অবকাশ তার নেই, আবার কলেজে ফিরে গেছে, ফিরে পেয়েছে সেই বন্ধুবান্ধব । গাড়ীর পেট্রল খরচা—রকমারি শাড়ী গহনা আর পিকনিক খরচ বেড়েছে বহুগুণে ।

রাত্রি হয়ে গেছে ফিরতে ; মিঃ পাকড়াশী গাড়ী চালাচ্ছেন ; তরুণ ডাক্তার ; দীপা তাঁর পাশে বসে আছে । সারাদিন পিকনিকের হৈট-এ ক্লাস্টি নেমে এসেছে শরীরে ; তন্দ্রার ঘোরে ওর গায়ে লুটিয়ে পড়ে দীপা । হঠাৎ ঘুম ভেঙে যায় ; নিবিড়ভাবে তাকে কাছে টেনে নিয়েছেন পাকড়াশী, গাড়ীটা থেমে গেছে রাস্তার ধারে ; নির্জন অন্ধকারে ওঁর দিকে চেয়ে থাকে দীপা ।

—প্রিজ !

নিজেকে ছাড়াবার চেষ্টা করে, মনের ভিতর দীপার কোন অসহায় নারীত্ব যেন অশ্রুট আঁর্তনাদ করছে । রাতের তারা ওঠে শিউরে ।

চোখমুখে ক্লান্তির ছায়া, চুলগুলো উড়ছে বাতাসে ; ভাঁজভাঙ্গা শাড়ীখানা ব্রাউজটা কঁকড়ে গেছে । মা মেয়ের দিকে চেয়ে থাকে সন্ধানী দৃষ্টিতে ; বাড়ী ফিরতে অনেক রাত হয়ে গেছে ।

—কোথায় গিয়েছিলি ?

—পিকনিক করতে ; মীরা—লিলি—গীতা সবাই ছিল ।

মিথ্যা কথা বলার আনন্দ বুঝেছে সে । মা যেন কথাটা ঠিক বিশ্বাস করে না । মেয়ের দিকে চেয়ে বলে ওঠে ।

—কাল থেকে গাড়ী আর পাবে যা বাছা ।

— কেন ?

—তোমার বাবা রিটায়ার করেছেন, মাপা টাকা এইবার । এত ঢালাও খরচ চলবে না, বুঝলে । ও গাড়ী বিক্রী করে দিচ্ছেন উনি ।

মায়ের দিকে চাইল দীপা । মাও যেন ঠিক আর আগেকার মত নেই ; কারণ জানে সেও । মানবকে স্বীকার করেনি ; মা-বাবার মতে বিব্রন্ধে সে বিদ্রোহ করেছে । কথা বললো না সে—উপরে উঠে গেল । সিঁড়ির মাথায় দাঁড়িয়ে আছেন মিঃ ব্যানার্জি—নীরবে পাইপ টানছেন তিনি । মেয়ের জগুই বোধহয় এতরাত্রি অবধি জেগে ছিলেন ।

বাড়ীর সকলেই তাকে সন্দেহ করে অগ্রাহ্য করেছে এটা পরিষ্কার বুঝতে পারে দীপা । সেও মনে মনে ফুঁসছে বাধা পাওয়া নদীর মত ।

পরীক্ষা দিতে গিয়ে কঠিন সত্যকে অম্লভব করে সে । তার মনের শান্তি বৃদ্ধির দীপ্তিতে দৈন্য এসেছে । নিজের অজ্ঞাতেই চিন্তার বীজ ঢুকেছে তার মনে অবচেতন মনের সব শ্রীকে পোকার মত কুরে কুরে খেয়েছে । কলেজে যাতায়াতই করেছে, কিন্তু কাজের কাজ সে কিছুই করেনি । একটিকে ভুলতে গিয়ে শতজ্বালে জড়িয়ে ফেলেছে নিজের মনকে ।

মিঃ পাকড়াশী, কুণাল সামন্ত, বিনয় বোস—অনেকেই তার মনের সাগরে তুফান তুলেছে । কর্তৃত্ব প্রাধান্য নিজের অসীম প্রতিপত্তি স্বাধীন সন্তাকে বাঁচাতে গিয়ে কিরিয়ে দিয়েছিল মানবকে, ঘৃণা করেছিল তার বাবাকে । কিন্তু এ কোন্ জ্বালে জড়িয়ে পড়েছে সে—তা এই মনের অসীম একার সান্নিধ্যে এসে উপলব্ধি করে শিউরে ওঠে । মাকড়সার মত জাল বুনেছে তার চারিপাশে ; এর থেকে কেটে বেরবার পথ তার জানা নেই ।

কেমন দিলি পরীক্ষা ? হল থেকে বের হয়ে আসতে প্রশ্ন করে মীরা ।

ওর কথার জবাব দিয়ে ওঠে দীপা—জীবনের সবচেয়ে বড় পরীক্ষাতেই আমি ফেল করেছি মীরা, এ তো সামান্য পরীক্ষা ।

কথাটা ঠিক বুঝতে পারে না মীরা ।

মিঃ ব্যানার্জি হঠাৎ মারা গেলেন করোনারী থ্রুথোসিস রোগে । শান্তিতেই গেছেন তিনি । সকালের দিকে হঠাৎ অজ্ঞান হয়ে যান, কয়েক ঘণ্টার মধ্যেই সব শেষ হয়ে গেল । দীপা বাবার প্রাণহীন দেহের দিকে চেয়ে থাকে—জীবনে এতবড় সর্বনাশ তার ঘটেনি । এই নিঃশব্দ-হারানো দিনে আজ একজনকে নিবিড়ভাবে মনে পড়ে ; সে মানব—তাকে নির্গম নিষ্ঠুরভাবে কিরিয়ে দিয়েছে । হয়তো তার

কাছেই প্রকৃত সাক্ষ্য পেতো আজ ! কিন্তু সেকথা ভাববার অবকাশ নেই ।

মা কাঁদছে । হাহাকার ভরা ও কান্না । দীপা শুরু হয়ে বসে আছে ।
বসন্তবাবু, বাবার অন্তিম বন্ধুরা অনেকেই এসেছেন ।

—কাকাবাবু । দীপার কর্তৃত্ব শোকের স্পর্শে ঘনিয়ে গাঢ় হয়ে উঠেছে ।

বসন্তবাবু দীপার দিকে চেয়ে থাকেন—এ সময় ধৈর্য হারিয়ে না মা ;
তোমাকেই সব ভার নিতে হবে । তুমি বড় ছেলের মত ।

কয়েকটা দিন দীপার স্বপ্নের ঘোরে কেটে যায় ; বাবার শেষকৃত্য চুকে যাবার পর
নোতুন রূপের মুখোমুখি দাঁড়াল এই বিরাট বিশ্বের । দু'হাতে খরচ করে
গেছেন মিঃ ব্যানার্জি, যত্র আয় তত্র ব্যয় । দুর্দিনের জ্ঞান সঞ্চয় বলতে
সামান্য কিছু টাকা লাইফ ইন্সিওরেন্স আছে মাত্র, বাকী ব্যাঙ্ক ব্যালেন্স
এসে দাঁড়িয়েছে কয়েক শোতে ; পেন্সনই সম্বল ছিল তাও বন্ধ হয়ে
যাবে এইবার । অভাব যে এমনি নগ্নমূর্তিতে দেখা দেবে তা কোনদিন ভাবতে
পারেনি দীপা ।

চোখে উপর ভেসে ওঠে অতীতের প্রাচুর্যভরা দিনগুলো ; বন্ধুবান্ধব—
সোমাইটিতে কর্তৃত্ব করেছে দীপা ; রূপ যৌবনের পসরা নিয়ে মক্ষীরাগীর ভূমিকা
নিিয়েছে আসরে । তার চারিধারে ঘিরে দাঁড়িয়েছে অগণিত স্তাবকের দল ।

—কি হবে দীপা ? মহুর কি হবে ? একটিমাত্র ছোট ছেলে—তার ভবিষ্যৎ
আছে । মায়ের কণ্ঠে কি একটা আতঙ্কের ছায়া ; দীপার চোখের সামনে মোহ
কেটে গেছে । কি ভেবেচিন্তে জবাব দেয়,

—কি হবে ? বাড়ীর কিছুটা ভাড়া দোব, গাড়ীখানা বেচে দোব আপাততঃ ;
তারপর দেখি—কি কতদূর করা যায় ।

—যা ভাল বুঝিস কর । আমি তো বাছা পথ দেখছি না । মা অসহায়
হয়ে পড়েছে ।

দীপা আজ বদলে গেছে । আগুনে পোড়া নিখাদ সোনার মত কঠিন হয়ে
উঠেছে সে । চোখেমুখে বিলাস ব্যসনের সেই উছল কামনাময় লাস্ত আর
নেই । কঠিন বাস্তবের মুখোমুখি দাঁড়িয়ে সে জীবনকে পরখ করতে চায় । আশপাশ
থেকে কোন নির্ভর পাবে কিনা ভাবছে সে ।

ডাঃ পাকড়াশীর দুটো ওষুধের কারখানা চলছে ; বিনয়বাবুর শিপিং-এর কারবার,
অফিস কোয়ার্টারে মস্ত অফিস ; কুণাল সামন্ত মস্ত সওদাগরী অফিসের হোম
অ্যাপয়েন্টমেন্ট পাওয়া কভেটেড অফিসার. দুটো পি-এ তার নিজের । দীপার
মনে এলোমেলো ভাবনার রাশ ।

ডাঃ পাকড়াশী কারখানায় দীপাকে আসতে দেখে অবাক হয়ে যান।

—হ্যালো—মাই লভ! টেক ইণ্ডর সিট্‌।

দীপা নীরবে বসে আপিসের চারিপাশ দেখতে থাকে। সাজানো গোছানো ঘর—কয়েকটা ফোন।

—কি থাকে? কফি—না চা? আপায়নে গলে পড়ছে প্রোট পাকড়াশী।
চুলে পাক ধরেছে তাই উচু করে কদম ছাঁটা মাথা।

—নাঃ। সেই সহজ সরল ভাব তার মুখ থেকে মুছে গেছে। মুছে গেছে সেই দীপ্তি। ডাঃ পাকড়াশী একটু অবাক হয়ে চেয়ে রয়েছেন তার দিকে। সেই লাস্ত্রময়ী কোথায় হারিয়ে গেছে।

—কি ব্যাপার বল দিকি মাই ডিয়ার।

দীপার কথা বন্ধ হয়ে আসে! প্রার্থীরূপে এসেছে সে আজ। তাই বোধহয় সহজ স্বাভাবিকতাটুকুও হারিয়ে ফেলেছে সে।

—একটু কথা ছিল!

—একটু কেন? বেশী কথাই বলো তুমি। আই লাইক ইট ভে-এ-রি মাচ!
দীপার সেই একটু কথা শুনেই হাঁ করে চেয়ে থাকেন। প্রথমে ডাঃ পাকড়াশী যেন বিশ্বাসই করতে পারেন না কথাটা; দীপা এসেছে চাকরির সন্ধানে তাঁরই কাছে।

—রসিকতা করছো? আঙ্গুলগুলো দিয়ে টেবিলে টোকা মারছেন।

এর চেয়ে কঠিন রসিকতা দীপার সঙ্গে আর কেউ করেছে বলে জানে না দীপা। নীরবে তাঁর দিকে চেয়ে থাকে। আজ দীপার অত্যন্ত প্রয়োজন। নিজেই বাঁচতে হবে—ছোট ভাই মল্লুর দায়িত্ব মায়েঁর দায়িত্ব তার ঘাড়ে। চাকরি তাকে করতেই হবে।

—না; এ ছাড়া আমার পথ নেই। দীপা শুকনো মুখে জবাব দেয়।

মুখের হাসির আভা মিলিয়ে যায় ডাঃ পাকড়াশীর। মুখেচোখে ফুটে ওঠে কঠোর ব্যবসাদারী ছাপ; দীপাকে দিয়ে তাঁর কাজ কতটুকু হবে এ সম্বন্ধে সন্ধিহান তিনি। ওদের নিয়ে বিলাস ব্যসনই সম্ভব—কাজের কাজ ওরা করেনি; প্রজাপতিকে দিয়ে মোঁচাক বাঁধানো সম্ভব নয়।

পাইপ থেকে আগুন ঝেড়ে জবাব দেন পাকড়াশী।

—বড় বিপদে ফেললে মাই ডিয়ার; কি চান্স তোমায় দিই। আপাততঃ আমার কোনো ভেকেন্সীই নেই। সো সরি। নইলে তুমি চাইবে কি—এ আমারই কর্তব্য। ভেরি সরি—

দীপা চুপ করে বের হয়ে এল। জীবনের একটা দিক সে চেনেনি; এখন

ও চিনছে । চিনছে অনেক মূল্য দিয়ে ।

বেলা বেড়ে উঠেছে । এতকাল এই সময় খেয়ে দেয়ে শ্রাম্পুকরা চুল এলিয়ে দিয়ে হালকা নভেল পড়েছে—নাহয় রেডিওর স্বরতরঙ্গে ভাসিয়ে দিত নিজেকে । আজ বলসে ওঠা রোদে গরমে ট্রামে বাসে যাতায়াত করছে সামান্ত চাকরির সন্ধানে । কপালের ঘাম মুছে প্যাফ্‌টা আলতো ভাবে বুলিয়ে নিয়ে কুণাল সামন্তের অফিসেই ঢুকলো ; কয়েকবারই এসেছে এখানে । দারোয়ান লিপ্‌টম্যান সেলাম করে এগিয়ে নিয়ে যেতো ; আজ তার রোদপোড়া ঘামভেজা মূর্তির দিকে চেয়ে একটু অবাক হয় তারা । চেহারায় নিজের অজ্ঞাতসারেই একটু কালো ছোপ পড়েছে চিন্তায় ।

এগিয়ে গেল দীপা কুণালের গ্নেইড গ্লাসঘেরা চেম্বারে ; এয়ারকন্‌ডিশন্ড করা ঘর—ফ্লোরেসেইন্ট আলোর মৃদু আভা ছড়িয়ে পড়েছে ঘরে ।

—এসো !

কুণাল সামন্তের স্টেনো ভদ্রমহিলা তীক্ষ্ণ সন্ধানী দৃষ্টিতে তার দিকে চেয়ে দেখছে ।

—একটু কথা ছিল !

পি-এ, স্টেনো দুজনেই অপথের হালচাল জানে । সাহেবদের সঙ্গে এমন কথা বলবার অনেক মেয়েই আসে ।

ওরা বাইরে চলে গেল চুপ করে—যেন শুকে দেখতেই পায়নি ।

—রোদ লেগে পদ্ম যে শুকিয়ে গেছে দীপা ; বল কি বলবে ?

কথাটা বলবার চেষ্টা করে দীপা ভণিতা না করেই ।

দীপার মুখ থেকে সব রক্ত মুড়ে গেছে । কুণাল সামন্ত এমন স্পষ্টভাবে কথা বলতে জানে তা ভাবেনি । এতকাল জানতো কুণাল বোকা-সোকা মানুষ, সোজা প্রেমের কথাটা বলতে সে রাত্রে উঠেছিল । মনে পড়ে দীপার—কুণাল তারা প্রথম উষ্ণ ঠোঁটের স্পর্শে কৈপে উঠেছিল ঝড়ে কাঁপা পাতার মত ।

আজ সেই কুণালই বলে ওঠে কোম্পানীর আইন-কানূনের কথা । পাইপটা দাঁতে কামড়ে ধরে বিলেতী কায়দায় ঠোঁট নাড়ছে !

—আমার কোন হাতই নেই ; যা কোটা ছিল তা ফিল্ডআপ করে নিয়েছি ! লগুন অফিস থেকে হুকুম না পেলে আই অ্যাম হেল্পলেস মিল ব্যানার্জি ।

—থ্যাক্স উ ।

দীপা সহজ হবার চেষ্টা করে । ওদের কাছে প্রজাপতির যে খাতের

প্রয়োজন সে ধারণাই নেই—যেমন মর্ত্যের মানুষের ধারণা নেই উর্বশীর
বয়স সম্বন্ধে ।

—আজ পার্টিতে আসছো তো ? কুণাল যেন বিজ্ঞপ করছে দীপাকে ।
যে দীপা আজ সামান্য চাকরির জন্ত পথে নেমেছে তাকে দামী ক্যাডিলাক্
পার্টিয়ে পার্টিতে ডেকে এনে ক্ষুণ্ণ করার আশাও বিসর্জন দেয়নি ওরা । ওর কথার
জবাব দিল না দীপা, নীরবে বের হয়ে এল সে । মনে মনে হাসছে হয়ত কুণাল ;
একজন কেমন মন্থর গতিতে নীচের তলে নামছে সেই দৃশ্য কল্পনা করে নিজের
ভাগ্যগোঁড়ের উৎফুল্ল হাসি হাসছে কুণাল । ওরা হাসে—হাসাই ওদের স্বভাব ।

এরপর আর অন্য কোথাও যেতে ইচ্ছে করে না । বিচিত্র রূপ রস বর্ণভরা
জগতের সম্বন্ধে যে ধারণা এতদিন গড়ে উঠেছিল তার, যাদের উপর চরম বিশ্বাস
করতো—বন্ধু বলে স্বপ্ন দেখতো, আজ কঠোর বাস্তবের মুখোমুখি দাঁড়িয়ে
সেই স্বপ্ন চুরমার হয়ে গেছে—রামধনুর সাতরং মিলিয়ে গেছে নিকরূপ সূর্যের নিঃস্ব
কঠোর বহিমালায় ।

—সারাদিন কোথায় ছিলি দীপা ?

মা এগিয়ে আসে । হঠাৎ দীপার রোদে লাল হয়ে ওঠা মুখের দিকে চেয়ে
থেমে যায় সে । সেই অতীত রাতেব অভিসারিকা নারী এ নয়, বিপর্যস্ত ভাগ্যের
মুখোমুখি নিজের পায়ে দাঁড়াবার জন্ত যুদ্ধ করার দৃঢ়তা এর মুখচোখে পরিস্ফুট ।
মা স্নেহ-কোমল কণ্ঠে বলে ওঠে,

—ঘেমে নেয়ে উঠেছিল, মুখচোখ রাক্ষা হয়ে গেছে । যা জিরিয়ে নে বাছা ।

মায়ের দিকে চাইতে পারে না দীপা ; শুধুমাত্র রোদেই লাল হয়ে ওঠেনি
দীপার মুখ । স্থগা অপমানে বেদনায় রক্তাক্ত হয়ে উঠেছে অন্তর—মুখে তারই
প্রকাশ । মায়ের নজরে পড়ে না দীপার এই পরাজয়ের গ্লানি । নীরবে উপরে
চলে গেল দীপা চোখ কেটে কান্না আসে তার ।

মানব প্রথমে কথাটা বিশ্বাস করতে পারে না । শুকদেব ভক্তার মুখ্যো-বাড়ীর
ছেলে তারই মামাবাড়ীর দিক থেকে আত্মীয় সেই বাংলাতে এসে হাজির হয়েছে
সংবাদ নিয়ে । নিবারণবাবু মুষড়ে পড়েছেন । সারা পরিবারের এতবড়
লজ্জাকর ঘটনার । মানব স্তব্ধ হয়ে শুনছে ; কাজে বের হচ্ছিল, হঠাৎ ওকে
আসতে দেখে দাঁড়িয়েছে । সংবাদটা শুনে বলে ওঠে মানব ।

—না—না ! দেবুদা এ আমি বিশ্বাস করি না । টুহুবোদির পক্ষে এ কাজ
কখনই সম্ভব নয় ।

শুকদেব বলে ওঠে—সবই সম্ভব মানব ! টুহুবোদি ওই প্রফেসরকে আগে

হতেই চিনতো। কলকাতার বাড়ীতে উনি ছেলেদের পড়াতেন। ওঁর জন্মেই কলকাতা থেকে দেশের বাড়ীতে সরে এসেছিল টুহুবৌদি।

মানব স্তর হয়েছে ভুলে শুকদেবের কথাগুলো। টুহুবৌদি আর এখানে নেই, কোন সম্বন্ধ নেই ওদের সঙ্গে। কোন অপরিচিত লোকের সঙ্গে পাটনায় চলে গেছে। ভদ্রলোক কোথাকার অধ্যাপক—টুহুবৌদিও সেখানে মাস্টারি করছে! বিলাস ব্যসন ছেড়ে গিয়ে পরিশ্রমের মধ্যেও শান্তির সন্ধান খুঁজে পেয়েছে।

...কিন্তু স্বামী থাকতে ওর মত মেয়ে এমন কাজ করবে এটা কল্পনা করতেও শিউরে উঠে। মনে পড়ে সেই রাত্রির কথা। সেদিন এমনিই কি যেন ইঙ্গিত করেছিল টুহুবৌদি।

দশবছরের পরিচয়, সংসার, অন্ধাভক্তি ফেলে চলে যেতে পারে এক-মুহুর্তে মেয়েরাই বোধ হয়! ওরা তাই অচেনা—রহস্যময়ী—প্রহেলিকা।

ডিউটিতে এসেও ওর কথা ভোলেনি মানব। ক্রমশঃ অসুভব করে বৌদি তার মনে গভীরে কি এক আসন পেতে বসেছিল। আজ শূন্যতা আর হাহাকার করে ওঠে মন, বৌদিও হারিয়ে গেল।

ব্লু-প্রিন্টখানা হাতে খোলা—মাথায় একটা হ্যাট। ত্রিভুজের স্ট্রাকচার থেকে থেকে নীচের দুইদিক জলধারার দিকে চেয়ে আছে আনমনে।

রহস্যময়ী দামোদর। বৃকে ওর তীক্ষ্ণ বিদ্রোহের আলা। খলখল করে সব সংস্কার—সব বাঁধন ভেঙ্গে হয়ে চলেছে অসুস্থ মনোবৈজ্ঞানিকের সমুদ্রসঙ্গমের দিকে।

ওর দুর্বীর প্রবাহকে নিয়ন্ত্রিত করে কাজে লাগাবার—মঙ্গলযজ্ঞে নিয়োজিত করার স্বপ্ন দেখে মানুষ। টুহুবৌদি অমনি দুর্বীর কোন জীবনীশক্তির একটি খরশোত—বাঁধ ভেঙ্গে ছুঁল ভাসিয়ে চলবে সে; তাকে ঘরের বাঁধনে বেঁধে মঙ্গলস্বপ্ন দেখা কি অবাস্তব!

...কিন্তু ভবু চলে গেছে বৌদি। তাকে অবহেলা অবজ্ঞা করে চলে গেছে। সব সম্পর্ক শেষ করেই ফিরে গেছে—হারিয়ে গেছে।

গুরুগুরু কাঁপছে ত্রিভুজের স্ট্রাকচারগুলো। নদী জল কমে গেছে—পিলারগুলোয় লেগেছে গেরুয়া রংএর ছোপ! আবার কাজ শুরু হয়েছে। ব্যারেজের উপর রাস্তা ঢালাই হচ্ছে—চব্বিশ ফুট চওড়া রাস্তা। দুই জেলার মধ্যে সেই হাহাকার ভরা নিঃশ্বাস আর থাকবে না। মাথার উপর দিয়ে লাইন গড়ে উঠছে—হাইটেনশন লাইন বাঁকুড়া পর্যন্ত চলেছে। বহু অঙ্ককার দূর হবে ও আলোর। নোতুন জীবন গড়ে উঠবে—আলোর ভরা জীবন।

ক্যানেল-দুটোর কাজ প্রায় শেষ হয়ে আসছে। মুখে পড়েছে ভূবনপুরের সামান্ত্রতম অংশ, সেটুকু রাস্ট করতে পারলেই নদীর মুখে এসে পড়বে। ব্যারেজ আর থারমাল স্টেশনের কাজ এগিয়ে চলেছে। এরপর আছে গুভেন কনস্ট্রাকশন। স্টীলপ্ল্যাটের কাজও শুরু হয়েছে—নোতুন টাউনশিপ গড়ে উঠছে বনের মধ্যে, অবসর নেই।

.. কাজ আর কাজ। সামনে সেই পাহাড়স্বূপ কাজ। কোথাও কোন শ্রাম বর্ণ নেই।...বৌদি—টুহুবৌদি চলে গেছে, তাকে একবার জানিয়েও যায়নি। বারবার সেই বৃষ্টিঝরা রাতের কথা মনে পড়ে, টুহুবৌদির কাজল-কালো ডাগর চোখের পাতাভেজা চাহনি।

—তুমি কাপুরুষ—ভীক মানব। দীপা কেন, সবাই তোমাকে ছেড়ে যাবে।

একটি মুহূর্ত। পায়ের নীচে—বছনীচে গার্ডারের তল দিয়ে চলেছে জলধারা—উন্মাদ বেগে বয়ে চলেছে সর্বনাশা নদী।

সুইচ টিপে স্নুইসগুলো পরীক্ষা করছে—গুমগুম শব্দে কঁপে ওঠে আকাশ বাতাস। বৌদি চলে গেছে—বার্থ হয়ে ফিরে গেছে। নিজের উপরই রাগ হয়। রাগ হয় বৌদির উপর।

সি ডি দিয়ে নীচে নেমে আসে—আকাশ বাতাস ওয়েল্ডিং গানের বিকট শব্দে ভরপুর—আগুনের ফুলকি উঠছে ফুলঝুরির মত লোহার গায়ের তীব্র ঝককে।

কন্দর্প আচাই-এর কাঠামোখানা তুলে এনেছে বাসন্তী জোর করে। মনটা আজও বোধহয় ঘাঘাবরের মত অতীতের সেই গৌরবময় দিনের সন্ধান ঘুরে বেড়ায়। কালীপুর মোজার বনের ধারেই বিধে পঁচিশ জায়গা জুড়ে মস্ত বাগান—পুকুরের ধারে বাড়ীখানা। বনের সবুজ শ্রামলিমা ঘিরে রেখেছে রক্ষতাকে। পাখীডাকা বৈকালে বকুলগন্ধে উদাস বাতাসে কি রিক্ত বেদনা আনে।

বাগানবাড়ীরও ভগ্নদশা এসেছে। গাছগুলো শুকিয়ে আসছে, সখ করে লাগানো ফুলগাছগুলো অযত্নে কঁকড়ে গেছে—জলসেচ হয়নি কতকাল; নরম মাটি আবার বুনো কাঁকুরে হয়ে উঠছে। ওই ভগ্নদশার সঙ্গে কন্দর্পবাবুর অবস্থাও মিশেছে একাকার হয়ে। চাপাগাছে আজও ফুল ফোটে—চোখের সামনে ভেসে ওঠে অতীতের ফুলভরা বসন্ত বেলা, কামনাদির কত রাত কেটেছে এইখানে!

বাসন্তী স্বামীর জীর্ণ স্বাস্থ্যের দিকে চেয়ে থাকে, জোর করে গুকে ভূবনপুর থেকে এনেছে—বন থেকে পাখীকে এনে খাঁচায় বন্দী করেছে।

কন্দর্পের চোখে চাপাফুল ফোটা গাছটা—বাতাসে তারই মদির সৌরভ! কানে বাজে হীরা বাদ্দির মাতালকরা গানের স্র

পিয়া সনে মিলন কি আশা সখিরে—

কিরানা ঘরওয়ার আর আমেজী খুবসুরং বাড়ীজী। এইখানেই প্রথম মজরো করায় তার। দুধে আলতার গোলা রং, চোখের কোলে সূর্যার আবছা দাগ— যেন হরিণের চোখের চাহনি। পাতলা রেশমী কাঁচুলির আবরণে উছল যৌবনভার ফুটে উঠেছে। চাপাকলির মত আঙ্গুলে হীরার আংটি ঝিকঝিক করে তানপুরার সুরে আগুন ধরায়— যোগিয়ার করুণ সে-তান—

দিনে দিনে বাড়ত মেরি সাগর যৌবনায়।

যৌবনের ব্যাকুল বসন্তবেলায় অমনি ডাক শুনেছিল কন্দর্প হীরার গানে।

—সেলাম রাজাবাবু!

তুইয়ে পড়া সলজ্জভঙ্গী আজও ভোলেনি কন্দর্প। প্রথম মাতনধরা যৌবনরক্ত। সেদিন ওর হাত হতেই প্রথম তুলে নিয়েছিল পেয়ালা, উপভোগের স্বপ্নসন্ধান পেয়েছিল সেই রাত্রেই। বাতাসে ভেসে আসে বন থেকে শালফুলের উদাসী মায়া—মহুয়ার নেশা। ভ্রমরের গুনগুনানিতে শোনে আজও হারিয়ে যাওয়া বার্থ জীবন-যৌবনের কান্না—

পিয়া সনে মিলন কি আশা সখিরে।

.. সেই আশা পূর্ণ হবার পথই খুঁজতে গিয়ে বার বার ভুল করেছে। শক্তি-মদমওয়ার দর্প আর প্রতিষ্ঠা লাভ করবার জন্তই ধাপে ধাপে নেমে ভুল পথে— নরকে।

—শুনছো!

মুখ তুলে চাইল কন্দর্প শূন্য দৃষ্টিতে; বাসন্তী বলে ওঠে,

—একটু এনে দোব। অনেকদিন ওসব খাওনি—যদি শরীরটা একটু সুস্থ হয়।

আজ বাসন্তী তাকে এগিয়ে দিতে চায় পানীয়; তরল সেই মৃত্যুনিীল বিষ। এত দয়া—করুণা করে সবাই পঙ্গু দুর্বল কন্দর্পকে।

—না। দরকার হলে নিজেই নোব।

ব্যঙ্গ। বঞ্চনার মন বিধিয়ে উঠে। রাস্তা কাঁপিয়ে ছুটে চলেছে কপাল-সিং-এর গাড়ী—ধূলোতে ভরে ওঠে ওর নাক মুখ চোখ। চমকে উঠলো কন্দর্প।

—আই উল্লু!

কেউ হুকুম তামিল করবার আর নেই। পায়ে পায়ে এগিয়ে চলল।

—কোথায় যাচ্ছে?

বাসন্তীর কথার ফিরে চাইল—জবাব দিল না। আবার এগিয়ে চলল পথের দিকে কন্দর্প আচাই—কালীপুর মৌজার ভূতপূর্ব জমিদার।

—হাজারো রেখায় তাওব নাচছে রৌদ্ররেখা তাম্রাভ প্রান্তরে । দু'একটা টাক ছুটে চলেছে । বড বড বুলডোজারগুলো প্রচণ্ড শব্দে গাছপালাগুলোকে টেনে ফেলছে । বাগানের ফুল ফলে ভরাগুলো ; ভুবনপুরের বুক থেকে আর্তনাদ উঠছে । কাঁপছে মাটি—আর্তনাদ করে লুটিয়ে পড়ছে ওরা । ভুবনপুরের শেষ বংশধরের দল ওই ফুলে ফলে ভরা গাছগুলো ।

—রাজাবাবু !

কডারোদে বিসর্পিল রেখায় কাঁপছে উধর প্রান্তরে । কোথাও ফসলের চিহ্ন নেই—বিশাল, খালটা গভীর ক্ষতের মত বুক চির চলেছে । তারই একদিকে চারা বটগাছের নীচে ঘর বেঁধেছে গোবিন্দ কেণ্ডট । সামনে মাঠটুকু বেড়া দিয়ে চাষ করেছে । কুমডো লতার সবুজ লকলকে গাছে হলুদ ফুলের রাশ—বাতাসে মাথা নাডছে কয়েকটা কলাগাছের ঝোঁপ । ছায়াঘন ঠাইটা পাখীর ডাকে ভরে উঠেছে ।

ধমকে দাঁড়িয়েছে কন্দর্প আঁচাই । গোবিন্দ মোড়াটা এগিয়ে দেয় ।

—বসেন হুজুর ।

ঘোমটা দিয়ে দূরে একটি মেয়ে প্রণাম করলো । সঙ্গে একটি ছেলে ।

—নোতুন গরুর হুধ আছে ঘরে—একটু সেবা করবেন হুজুর ?

কন্দর্প মুগ্ধ দৃষ্টিতে ওদের দিকে চেয়ে আছে ।

ঘরবাড়ী হারিয়ে আবার নোতুন মাটির বুক গড়ে তুলছে স্নেহপ্রীতির স্পর্শভরা একটি নীড় । রুক্ষ প্রকৃতি—বক্ষ্য মৃত্তিকা ওদের প্রীতির স্পর্শে সূফলা সূজলা হয়ে উঠেছে । আশার আলো ওর দৃষ্টিতে ।

—বাঃ, বেশ ঘর তুলেছিল । জমি-জারাতও করেছিল ।

—সবই আপনার আশীর্বাদে হুজুর ! হাতছোড় করে দাঁড়িয়ে আছে গোবিন্দ ।

দূর আকাশে ক্ষীণ শব্দ তুলে পাক দিচ্ছে একটা চিল । হঠাৎ যেন চমকে ওঠে কন্দর্প আঁচাই ।

কৃতী পুত্র—স্ত্রী—বিষয়সম্পত্তি তারও না থাকা নেই । কিন্তু কই ! জীবনে এমনি কোন নিঃশেষ প্রীতির স্বাদ তো পায়নি সে ; কি অসহ জালায় জলে পুড়ে মরেছে সে ! সবুজ শ্রামল মৃত্তিকা—জলে পুড়ে ছাই হয়ে গেছে ।

উঠে পড়ে কন্দর্প ।

—হুজুর ! এই রোদের তাতে যাবেন !

কথা বলে না কন্দর্প, হন্ হন্ করে চলতে থাকে সামনের দিকে । বার বার চোখের সামনে ভেসে ওঠে গোবিন্দর সেই ছায়াঘন ছোট ঘরটুকু—ওর স্ত্রী-ছেলের

মুখগুলো। হাসি আর আনন্দে তারা আবার নোতুন জীবন গড়েছে সৃষ্টিছাড়া ভাঙনের মুখে। কোথাও এতটুকু ভয়-কুতির আশঙ্কা ওদের নেই।

তার জীবনে কোথায় নিষ্ঠুর অপূরণীয় একটা ক্ষতি আজ প্রকট হয়ে ওঠে।

কাঠকাটা রোদে কাঁপছে মাটি—দীর্ঘশ্বাস উঠছে ধরিজীর বুক থেকে, দমকা বাতাসে মিশেছে হ হ কান্নার বেগ।

শক্ত পাথর দিয়ে তৈরী সাবেকী দোতারা বাড়ী, সাবল-গাঁইতির চোটের মুখে আঙনের ফুলকি বের হয়ে আসে। ক'দিন চেষ্টা করে ব্যর্থ হয়েছে তারা।

মানব দাঁড়িয়ে কি যেন ভাবছে। পিতৃপিতামহের বাসভূমি ধ্বংস করবার ভার পড়েছে তার উপর। ক'দিনের চেষ্টায় মাত্র খানিকটা পাঁচিল—একদিকের দেওয়াল খুলতে পেরেছে তারা। ওদিকে ট্রাকটার—বুলডোজার—এত কুলি বসে আছে। কোন কাজই এগোচ্ছে না ?

চিফ ইঞ্জিনিয়ার সাহেব ওয়ার্কসাইটে এসে ঘুরে ফিরে দেখে হতাশ হন। মানবের মনে একটা বেদনা জেগে ওঠে বার বার। নিজের বাড়ী—তার বংশের শেষ চিহ্ন মুছে ফেলতে হবে তাকে।

—প্রিজ ফিনিশ ইট।

মানব দাঁড়িয়ে কি ভাবছে। অতীতের নোংরা ইতিহাস—কত দীর্ঘ-নিঃশ্বাস মাথা ওই শেওলাধরা বিশাল বাড়ীটা। দীপা ফিসে গেছে—টুহুবোদি মুখের উপর বলে গেছে তাকে কাপুরুষ। পুরানো সংস্কার আর চিন্তাকে আঁকড়ে ধরে পড়ে আছে সে। টুহুবোদির কথা মিথ্যে ! সে মর্ত্তিমান নিষ্ঠুর ধ্বংস। তার এ রূপ টুহুবোদি দেখেনি।

চিফ ইঞ্জিনিয়ারের কথায় মানব বলে ওঠে।

—আই শ্রাল ইউজ ডিনামাইট।

দৃঢ় মনে কাজ শেষ করার ব্যবস্থা করেছে সে। মিথ্যা দুর্বলতাকে ঠাই দেবে না !

চার্জ করে বাড়ী ধ্বংসে চুরমার করে দেবে—চিফ ইঞ্জিনিয়ার হয়তো ওর জন্ত বেদনা বোধ করেন। মানবের দৃঢ়তা তাঁকে মুগ্ধ করেছে। ফিউজ স্কোয়াডের লোকজন এসে বাড়ীর এখানে ওখানে—ছাদে, উপরের ঘরে, পাঁচিলে ডিনামাইট সাজাচ্ছে ; সরু সরু তারগুলো জুড়ে চলেছে তারা ফিউজ ওয়ারের সঙ্গে।

দূরে চৌমাথায় দস্তদের ধ্বংসেপড়া বাড়ীর সামনে বকুলতলায় দাঁড়িয়ে রয়েছে মানব ! চৈত্রশেষের বাতাসে বইছে বকুলগন্ধ। অতীতের তীর হতে ভেসে আসে। কত শ্রুতি, কত হারানো কৈশোর বেলার স্বপ্ন। দীহু, মা-বাবা অতা, পরমাতোম

—আরও কত মুখ। নোতুন কাপড় পরে পূজার সময় কাশকুলে ভরা নদীতে ঘট আনতে যেতো—সেই চাক ঢোল কঁাসর ঘণ্টার শব্দ আজ মুছে গেছে! নিঃশেষ হয়ে গেল ভুবনপুর—তার শৈশবের কত স্বপ্নভরা দিন। বাবা-মাকে বাড়ী থেকে উৎখাত করে আজ সেই বংশেরই সন্তান এসেছে তার সাতপুরুষের ভিটেকে ধ্বংস—নিশ্চিহ্ন করতে।

দাহুর কথা মনে পড়ে—সব গুঁড়িয়ে যাবে দাহুতাই; এ দেশজোড়া বদলের মুখে ধুলো উড়ে যাবে মিথ্যে গোরব।

আজ দাহু নেই—তার কথা সত্যি হয়েছে। যাক—সব মুছে যাক। ভুবনপুরের অতীত ঘণা দপৌঁ পরিচয় নিঃশেষ হোক। কি পেয়েছে সে এই পরিচয়ে? দাহুর আত্মা তাকে অভিশাপ দেবে না। স্বর্গ থেকে আশীর্বাদ করবে।

পিতৃস্নেহ, মায়ের ভালবাসা, দীপার স্পর্শ—সব কিছু হতে বঞ্চিত হয়েছে সে। মন জুড়ে কি এক বিতৃষ্ণা তাকে পুরানো খাত ছেড়ে নোতুন আদর্শকে স্বীকৃতি দিতে শিখিয়েছে। তারই খেসারত দিয়েছে জীবনে ওই স্পর্শগুলোকে বিসর্জন করে। এ ছাড়া তার পথ নেই।

মেইন ফিউজ বসানো হয়ে গেছে। ওরা তৈরি। এত বছরের প্রাসাদ এক-মুহুর্তে ধ্বংস পড়বে তাসের ঘরের মত।

—সরে যান স্মার; ইট পাথর এদিকে ছুটে আসতে পারে। চারিদিকে লোকজন সরাচ্ছে তারা।

সরে এলো মানব। দৃঢ় মনে দাঁড়িয়ে আছে—পুঞ্জীভূত মান্নির শেষ মুক্তির আনন্দকঙ্কাল গর্জন শুনতে।

দুপুরের খররোদে বাগানের গাছের ছায়ার আড়ালে ডাকছে পাখী; উদাস হয়ে ওঠে ঘুঘুডাকা মধ্যাহ্ন; এমনি ক্লান্ত অলস বেলায় বাজতো রাখালের বাঁশী। একটি মুহুর্ত পরে ভুবনপুরের জীবনের সামান্য মাত্র চিহ্নটুকু বিলুপ্ত হয়ে যাবে। একটি মুহুর্ত—শেষ পাখী ডাকছে ভুবনপুরের ছায়াঘেরা গায়ে।

কৈপে ওঠে মাটি; থর থর কাঁপছে ভুবনপুরের শেষ জীবনীশক্তি। মৃত্যুর স্তব্ধতা নামবার আগে শেষবারের মত আর্তনাদ করে নড়ে উঠল সে! আকাশ ধুলোয় অন্ধকার হয়ে গেছে।

মানবের চোখের সামনে ধ্বংস পড়েছে ইট-কাঠ-পাথরের তৈরী ভুবনপুর প্যালেস। দেউড়ির ধাম ছুটে ছিটকে পড়লো, মাথায় সিংহটা চুরমার হয়ে গেলো; একটা দীর্ঘ দেহ শেষবারের মত দেখা দিয়ে পাথরের তুণখন্দা ধুলোর জালে মিলিয়ে গেল।

ভেসে-ওঠে একটা আকাশ-ফাটা আর্তনাদ!...কে মৃত্যুর আগে শেষবারের মত

নিজের দৃষ্ট প্রতিবাদ ঘোষণা করে গেল ওই বাড়ীর প্রাকার থেকে ।

চীৎকার করে ওঠে মানব । কি যেন নেশার ঘোরে ছুটে চলেছে সে সামনের দিকে ।

ওভারসিয়ার ধরে ফেলে ।

—বাড়ী ধ্বংসে পড়ছে স্যার ! যাবেন না—যাবেন না ।

—কিন্তু কে যেন চীৎকার করে উঠলো !

হাঁপাচ্ছে মানব । চেনা—কণ্ঠস্বর—অতি চেনা ।

গুরু গুরু শব্দে কঁপে কঁপে নামছে দোমহলার পাথর প্রাচীর ; ছিটকে পড়ছে দরজা জানলা ; ধুলোগুঁড়ো হয়ে পড়ল প্রাসাদ । ঢেকে গেল ক্ষীণ সেই ; চীৎকার !

--ওর আত্ননাদ আর শোনা যায় না--পাথরে চাপে পিষে নিঃশেষ হয়ে গেছে তার দেহাবশেষ ।

ওই চীৎকারের কণ্ঠ অতি পরিচিত মানবের !

সে যেন স্বপ্ন দেখছে । কন্দর্প আচাইকে ওরা তাড়াতে পারেনি বাড়ী থেকে—ওই পাষণভিত্তির নীচে জীবনের শেষ সমাধি রচনা করে গেল উন্মাদ কন্দর্প আচাই—পঙ্খ জীর্ণ বিকৃত অতীতের শেষ অন্তরাত্মা মানবের চোখের সামনে বিজ্রপ করে গেল এই সৃষ্টিযজ্ঞভরা সভ্যতাকে ।

নীরব দর্শকের মত দেখছে মানব শূন্যদৃষ্টিতে । ওরা চারিদিকে ছুটাছুটি করছে ; শেষবারের মত ওই ব্লুপের উপর তাকে দেখা গিয়েছিল ! সেইখানে ওরা পাথর সরাচ্ছে

কালীপুর থেকেও কোঁতুলী জনতা ছুটে আসছে ? বিদ্বাদবেগে কথাটা ছড়িয়ে পড়ে—চারিদিকে ।

ছুটে এসেছে পুলিশ—হাসপাতাল থেকে অ্যাম্বুলেন্স ; লোক হটাচ্ছে সিকিউরিটি বিভাগের কর্মচারীরা !

—এইখানে ; সামাল !

পাথরের স্তূপ থেকে একটা সাপ লাফ দিয়ে ওঠে ; জনতার মধ্যে হুড়োহুড়ি পড়ে যায় । একপাশে স্তব্ধ হয়ে দাঁড়িয়ে আছে মানব । শূন্যদৃষ্টিতে চেয়ে আছে ওইদিক পানে । কন্দর্প আচাই-এর মৃতদেহটা তোলবার চেষ্টা করছে ওরা ; পাথরের চাপে ক্ষত-বিক্ষত হয়ে দলেপিষে গেছে—নিজের হাতে গড়া প্রাসাদ ছেড়ে সে যায়নি । ওইখানেই শেষ রক্তদিন্দু দিয়ে প্রতিবাদ জানিয়ে গেছে । হয়তো ব্যর্থ অহসন্ধান করছিল তার শাস্তিময় সংসারের—স্বপ্নের ।

মানবের চোখে এখনও ভেসে ওঠে সেই রক্তাধরপরা মুক্তি—তুমি ইচ্ছে হলে

অন্তত্বে যেতে পার মানব । তোমার আমার পথ আলাদা ।

কে যেন ভিড় ঠেলে এগিয়ে আসে ।

—তুমি !

মাধুরী এগিয়ে এসে ওর হাতটা ধরে নাড়া দেয়—মানব শূন্যদৃষ্টিতে চাইল ।

—এখানে থেকে লাভ নেই ।

—মাধুরী ওকে নিয়ে গিয়ে গাড়ীতে তুললো ।

—ডেডবডিটা ? প্রশ্ন করে মানব ।

—ওটা নিয়ে যাচ্ছে ।

মাধুরীর দিকে চেয়ে থাকে মানব অসহায় শূন্যদৃষ্টিতে । মাধুরীর মন কেঁদে ওঠে । মানব বলে চলেছে ।

—জানো, আমিই দায়ী ।

মাধুরী জবাব দিল না ।

বাসন্তী আজ দীর্ঘ জীবনের কথা স্মরণ করে কারায় ভেঙ্গে পড়ে । স্বামী যে এভাবে নিজেকে ধ্বংস করবে তা স্বপ্নেও ভাবেনি । ভুবনপুরকে কন্দর্প আচাই তুলতে পারেনি । তুলতে পারেনি তার অতীতের গৌরবময় দিনগুলো ; হুকুম করতেই তাদের জন্ম—কারো হুকুম তামিল করতে তারা নারাজ ! আগামী গণচেতনার দিনে তার মত লোক বাঁচতে পারবে না—জেনেই নিজেকে নিঃশেষ করে গেছে । বাসন্তীর চোখের সামনে সেই কথাগুলোই বার বার ফিরে আসে, কত বিনিমিত্ত রাত্রে শিউরে বিছানাতে উঠে বসেছিল কন্দর্পবাবু, পরাজয় হতাশায় গভীর কালো ছায়া মাথানো সেই দৃষ্টিতে । শেষ আঘাত হেনেছিল বাসন্তী তার দৃঢ় প্রতিবাদে । এটা বোধহয় কন্দর্প সহ্য করতে পারেনি ; নীরবে তারই প্রতিবাদ করে গেল নিজের প্রাণ দিয়ে ।

মানবের বাংলাতে এসে উঠেছে বাসন্তী, কিন্তু এ যেন সেই বাসন্তী নয়, তার অন্ত কোন সত্তা ।

ইনজেকশন দিয়ে হাতটা ম্যাসেজ করছে মাধুরী ; বাসন্ত নিরুবে তার দিকে চেয়ে রয়েছে ।

—আজ কেমন আছেন ? মাধুরীর ডাক্তারী স্মলত কণ্ঠস্বর এ নয়, গভীর সমবেদনার স্বর ফুটে ওঠে তাতে ।

—আর কেমন আছি ? কেন যে আছি তাই ভাবছি মাধুরী ।

বুকচিরে একটা দীর্ঘশ্বাস বের হয়ে আসে বাসন্তীর ; মাধুরী অভয় দেয়,

—সব ঠিক হয়ে যাবে মা ; সব সইয়ে নিতে হবে ।

—হ্যা, যে সময় সেই-ই সময়। তিনি এসব সহিতে পারেননি তাই-ই বোধহয় চলে গেলেন।

নিঃশেষ শূন্যতা নেমে এসেছে মানবের সারা দেহমনে। কেউ কোথাও নেই; কাগজে কাগজে বের হয়েছে মানবের পরিচয়—দুর্ঘটনার সংবাদ। নিজের অতীত জীবনের গতিপরিবর্তনের ইঙ্গিত—পুরোনো জীর্ণ দিনগুলোকে ডিনামাইটের ঘায়ে উড়িয়ে দিয়ে চুরমার করে দিয়েছে সে।

দীপা যদি শোনে শিউরে উঠবে। আর একজন স্তনলে অবাক হবে; সে টুহুবোদি—যে বলেছিল তাকে ভীক-কাপুরুষ।

বাবার মৃত্যুর পর সকলেই এসেছিল সমবেদনা জানাতে। চিফ অ্যাডমিনিস্ট্রেটর মিঃ রমন। এসেছিলেন—এসেছিলেন সি. এম. ও., স্টীলটাইনের ইঞ্জিনিয়াররা। ওর যেন বিজ্ঞপ্তি কল্পতে চেয়েছিল মানবকে।

নিস্কর হয়ে বসে আছে বারান্দায়; মাধুরী এসেছে, ভিতরে মায়ের সঙ্গে কথাবার্তা কইছে।

— কাজে বেরবেন না ?

—কাজে ? মানব মুখ তুলে চাইল—কাজ। হুঁ যাবো বৈকি।

এছাড়া আর নিজেকে ভোলবার পথ কই। হঠাৎ চিঠিখানা হাতে পেয়ে একটু কোঁতুহল বশেই খুলল। মাধুরী তুলে নেয় ওর হাতে—সকালে এসেছিল—দেখেননি ?

নীল হালকা রংএর খামখানা—খুলেই অবাক হয়ে যায়। পড়বে কিনা ভাবছে—একটা হাসিভরা সুন্দর মুখ। নিটোল হাতে ওর উছলে পড়ে দুগাছি মকরমুখো বালা, নীল আকাশে হারিয়ে যাওয়া কোন কেশবতী কল্পা। একটা হুঃসহ বেদনায় মন ভরে ওঠে—তার উপরই রাগ হয়। সেই আজও অলক্ষ্য থেকে যেন তীর ব্যঙ্গভরা কণ্ঠে সাড়া দেয়।

তুমি ভীক কাপুরুষ।

পাটনা থেকে লিখছে টুহুবোদি। পরিষ্কার মুক্তোর মত হাতের লেখা—নিজের দেহের মতই সুন্দর সুগঠিত লেখাগুলো।

—নিজের কৃতকর্মের স্বপক্ষে জবাব দেবার কিছুই নেই মানব; হয়তো তুমিও আজ আমার এই অপরাধ ক্ষমা করবে না। সকলের চোখেই আমি দোষী।

তুমিই বলতে—যাতেই হাত দাও বোদি তাই তুমি সুন্দর করে তোলা; তাই একবার চেষ্টা করছি আমার ব্যর্থজীবন সুন্দর করে তুলতে পারি কিনা। পায়ের তলে তুমি আমার ভ্রাতৃত্ব তুল বুঝে না।

কাগজে দেখলাম তোমার দুর্ভাগ্যের সংবাদ—দূর থেকে সুস্বাদু

জানালাম ।

...আরও কি সব লিখেছে । চিঠিখানা গুটিয়ে দলা পাকিয়ে ফেললো মানব । মাধুরী ওর দিকে চেয়ে আছে । মুখচোখের পরিবর্তন লক্ষ্য করে । সারা মুখে ফুটে উঠেছে ওর ঋজু কাঠিন্য । কি যেন বঞ্চনা আর ব্যর্থতা একাকার হয়ে পরিস্ফুট ।

—কোন খারাপ খবর ? মাধুরী প্রশ্ন করে ।

—না ।

প্রসঙ্গটা চেপে গেল সে, উঠে বাগানের দিকে এগিয়ে গেল । দূরে বাতাস কাঁপিয়ে শব্দ আসছে—ত্রিঞ্জের গার্ডারগুলো ওয়েল্ডিং করা হচ্ছে—ভুবনপুর নিঃশেষ হয়ে গেছে, চকচক করছে জল আর মাঝে মাঝে উঠে আছে ছ'একটা টিবি—আচাই প্যাগেসের শেষ চিহ্ন—তাও আর থাকবে না ।

গ্যারেজ থেকে গাড়ীখানা বের করে—তৈরী হয়ে নেয় ।

—বেরুচ্ছেন যে !

—হ্যাঁ ; ক'দিন যাইনি, একটু ঘুরে আসি ।

মাধুরীর জবাবের অপেক্ষা না করে চলে গেল । রাগ হয়, পুঞ্জীভূত রাগ—টুহুর্বাদি দূর থেকে যেন ব্যঙ্গ করেছে তাকে নিজের স্বথ-সম্পদ-পূর্ণতার সংবাদ দিয়ে ।

রঞ্জিতী টগর ; দামোদরের চলনামা বস্ত্রার মত আজ দুর্মদ—দুর্দাম সে । কুলে কুলে ভাঙ্গন ধরিয়ে নিজের পথে চলে আপন গতিতে । নীলে হাড়ী, পরমা, মুকুন্দ সাঁপুই, বনোয়ারী—সবাই কোন্ অজানায় হারিয়ে গেছে । আজকের কালীপুর, নিশ্চিহ্ন ভুবনপুরে তাদের নাম একটি ছঃস্বপ্ন ; কন্দর্প আচাই—এর মত বাধার মৈনাককে সে চূর্ণ করেছিল । কন্দর্পবাবু আজ মৃত ; টগরের নিঃশ্বাস যাকেই একবার স্পর্শ করেছে সে জলে গুড়ে ছাই হয়ে গেছে । কুপাল সিং জলছে ; তুষের আগুনে থিকি থিকি জলছে ।

কারবারপত্র মন্দা ; প্রথমে কালীপুরে এসে সে যে ব্যবসা শুরু করেছিল কন্দর্পবাবুর সঙ্গে সেই ওয়াগন লুটকরার মত লাভজনক ব্যবসা এদের কোনটাই নয় । টেণ্ডার ধর—খোসামুদি করে খেটেখুটে বিল বানাও, অফিসে সাহেব-স্ববো থেকে করানীবাবুদের তোয়াজ করো—তবে কাটছাঁট করে মিলবে টাকা । অনেক হাঙ্গামা, বহু হ্যাপা ।

তাঁরপর সাহেবদের ধমক—এভাবে কাজ করলে টেণ্ডার ক্যানসেল করে দোব, সিংজী ।

—হুটো গাড়ী ব্রেক ভাউন সাব। কৃপাল সিং মানবের সামনে কৈফিয়ৎ দিচ্ছে। বাবাকে তিন তুড়ীতে হারিয়েছিল—ছেলেকে পারা দায়।

—আমাদের কাজ তার জন্ত বন্ধ থাকবে না, মানব শ্রেক জবাব দেয়।

চুপ করে শুনে চলেছে সিংজী, আরও বহু কোম্পানী কলকাতা আসানসোল থেকে এসেছে—দশবিশখানা গাড়ী চালায় তারা, কৃপাল সিং-এর গাড়ী পাঁচখানাতে এসে থেমে গেছে। আর যোগান নেই; রাতের রসদ বন্ধ হয়ে গেছে। এখন চলেছে খরচের অঙ্ক; কলসী থেকে গড়ানো জলের মত, তোড কমে আসছে। নোতুন গাড়ী তো দূরের কথা—গাড়ীর স্পেয়ার পার্টস্‌ কেনবাব টাকাও সবসময় জোটে না।

কৃপাল সিং যেন অমনয় করছে।

—আপনার বাবার আমলের লোক সাব; বিলগুলো যদি পাস করিয়ে দেন এসব গোলমাল আর হবে না।

মানব কথা কইল না, একটু বিস্মিতদৃষ্টিতে ওর দিকে চেয়ে থাকে; মনে মনে কি যেন ভাবছে। বাবা জেল হাজতে বাস করেছিল; সেইদিনকার মৃতিটাও চোখের উপর ভেসে ওঠে মানবের; একমুখ খোঁচা-খোঁচা দাড়ি—হুচোখের দৃষ্টিতে কি এক দুঃসহ অপমানের জ্বালা। সেই আঘাতের পর থেকেই বদলে গিয়েছিলো কন্দর্প আচাই। ফাটল ধরেছিল তার মনুজ্ঞানের দৃঢ় মতেজ কাঠামোতে। ধীর কর্তে জবাব দেয় মানব।

—কাজ ইন্সপেকশনের অর্ডার দিচ্ছি।

অর্থাৎ আরও গোলমাল। এতবড় কাজ হচ্ছে—এমন সীমান্ত ব্যাপারেও এত নিখুঁত নজর দেবার প্রয়োজন বোধ করেনি আগেকার সাহেবরা। যে যেমন মাল পেরেছে দিয়েছে, একটু এপাশ ওপাশ—এহাত ওহাত করে দিয়েছে ঠিকাদাররা; আপিসে বসেই বিল চেক্‌ড এবং পেইড হয়ে গেছে। কাজ দেখতে গেলেই বিপদ। তিনফুট নীচে মাপের মুখে হুফটেও দাঁড়াবে না। পাথর বলতে বেলে মাটির চাই। সব জারিজুরি ফাঁস হয়ে যাবে। চিন্তায় পড়ে সিংজী।

মানব কাজ করে চলেছে। হঠাৎ মুখতুলে দেখে কৃপাল সিং তখনও ঠায় দাঁড়িয়ে রয়েছে।

—আর কিছু বলবেন? ইতস্ততঃ করে কৃপাল সিং। কথাটা বলতে সাহস হয় না।

বাকী কথাটা ওর মত কাঠখোঁটা ইঞ্জিনিয়ারকে জানান যায় না। সেলাম করে নীরবে বেয় হয়ে এল কৃপাল সিং। চিন্তায় পড়ে গেছে। তুখোড় ছেলে—বৈমনি

কাজের; তেমনি কড়া—এর কাছে হুঁচ গলবে না ।

নোতুন শহরে টগরের প্রতাপ প্রতিপত্তি যেন বেড়েই উঠেছে । রূপ-যৌবন নিয়ে উঠছে টগর, গুণের দিক থেকে মানব ; পুরোনো ভুবনপুরের শেষ চিহ্ন তারাই । ছুটে পোহে বলে টগরই রূপাল সিং-এর সবকিছু হাত করেছে ।

সিংজীর অবস্থা কিছুটা টের পেয়েছে সে । পাপের ধন প্রায়শ্চিত্তে গেছে । সিংজী শেষ আশ্রয় হিসাবে ধরেছে টগরকে ।

—সাহেবকে তুমি বলে দাও না বিবি ; একই গাঁয়ের বাসিন্দা তোমরা তোমার বাতর্ভি রাখবে ।

টগরের মনে পড়ে নির্জন বাগানে পাখীডাকা একটি অপরাহ্ন বেলা, প্রথম যৌবনের উপবনে পাখীর সেই একটি স্বর । অতীতের একটি মধুর অপরাহ্নবেলা । আজ ! আজ কোথায় তা নিঃশেষে হারিয়ে গেছে ।

এ যেন অন্তকোন ঠাই । পুরোনো কালীপুরের জীর্ণ কাঠামোখানার ছাদন-বাঁধন খুলে নোতুন করে গড়ে তুলেছে । নির্জন পথ আজ গাড়ীর শব্দে মুখর ; ধুলোরাশ্তায় পড়েছে পিচের আবরণ । ঝকঝকে গাড়ী স্টেশন ওয়াগন—নোতুন ডিজেল যাত্রীবাহী বাসগুলো ছুটে চলেছে । পথের দুধারে শাক্তীর মত দাঁড়িয়ে আছে দু'চারটে সাবেকী তাল তেঁতুল গাছ । কালীপুর গ্রামের মাটির দেওয়ালের বাড়ীগুলো আজকের এই অগ্রগতির বেগে যেন ছিটকে পিছিয়ে পড়েছে । কেউ কেউবা মাটির কোঠার গায়ে পাঁচইঞ্চি ইট-পলস্তারা ধরিয়ে আধুনিক হবার ব্যর্থ চেষ্টা করেছে মাত্র । তার গায়ে কে আবার সঁটে দিয়ে গেছে টাউনশিপে নোতুন তৈরী সিনেমা হাউসের সজীব হিন্দীছবির কুৎসিত পোস্টার ।

রাস্তার দুপাশে গড়ে উঠেছে ছোটবড় দোকান । জমির মালিকরা কোন-রকমে বাড়ী তৈরী করেই ভাড়া নিয়ে খুশী হতে চেয়েছে—দোকান দিয়েছে গুজরাটী-পাঞ্জাবী-মাড়োয়ারীর দল ।

একটু এগিয়েই দেখা যায় সাইনবোর্ডটা ।

আল্ফ্‌স্‌ হোটেল কন্টিনেন্টাল ডিশেস সার্ভ্‌ড ।

টগরের জীবনে এ একটা কীর্তিই বলা যায় । কালীপুর বাজারে সেরা হোটেল গড়ে তুলেছে সে—নিজেকেও যেমন করে হোক বদলে কেলেছে ।

রাস্তার ধারে উঠেছে নোতুন দোতারা বাড়ীটা—থাকবার ব্যবস্থা আর পানীয়ের ব্যবস্থাও আছে । কন্টিনেন্টাল ডিশেস না ড্রিক ঠিক বোঝা যায় না—কোনটা পরিবেশন করা হয় । উচ্চগ্রামে রেডিওতে বাজছে বিদেশী সুরের সুন্দর । টগরের রূপও বদলে গেছে—মান সেয়ে হালকা রংয়ের শাড়ীর

আবরণে দেহখানাকে ঢাকবার চেষ্টা করে—বাসের চটি পায়ে তদারক করছে চারিদিক ।

বড় বড় ঠিকাদারের প্রতিনিধি, মালিকরা আরও হোমরা চোমরাবৃন্দ আসে—এ ওকে আপ্যায়িত করে কাজ কাজ গুছাবার জন্ত । উপকরণ হিসাবে মত্ত পানীয় তাছাড়া আরও থাকে অনেক কিছু—যার নীরব সাক্ষী ওই টগর । বিদেশী সাহেবদের—বর্তমান বাবা বাবা প্রতিনিধিদের জন্তই ছুটে ঘরে এয়ার কুলার বঁসাবার ব্যবস্থা করছে । অভিজাত চালু হোটেল ।

ওকে হিংসা করে অনেকেই—মেলেচ্ছ কাণ্ড শুরু হয়েছে । মধুচক্র । ছিঃ ছিঃ ! হাড়ীভোমের হোটেল যায় কি করে ? জ্ঞাত—

কে যেন জবাব দেয়—জ্ঞাত-ফাত আর কালীপুরে নেই দাদা, দামোদরের বানে সবধুয়ে গেছে । এ এখন শ্রীক্ষেত্র—বুকলা ।

কালীপুরে প্রাবন নেমেছ । সব অতীত দিন আর জীর্ণ সংস্কার যেন মুছে গেছে কোন্ দিকে ।

সশব্দে হর্ন বাজিয়ে কার বিরাট ঝকঝকে গাড়ীখানা ছুটে গেল ! এ রাস্তায় পুরোনো ঝরঝরে গাড়ী প্রাইভেট কার বিশেষ যায় না ! নোতুন শহর—নোতুন জীবন—নোতুন গাড়ী এর বুকে !

বাসস্ত্য ক্রমশঃ সেরে উঠছে, মাধুরীর চিকিৎসার গুণেই বোধহয় । রোজ বৈকালে বাংলোর সামনে ডেক চেয়ারে বসে চেয়ে থাকে সামনের দিকে—মাধুরীও ঠিক এই সময়েই আসে । রীতিমত একটা দাবী ফুটে ওঠে মাধুরীর কণ্ঠে,

—কই আজ ওষুধটা ছবার খাননি ?

—ভাল হয়ে গেছি মা ।

—না না । এখনও ওষুধ খান । দেখি হাতটা ।

মাধুরী নাড়ী দেখতে থাকে—না ঠিক আছে ।

বৈকালের চা টা এখানেই থেয়ে নেয় মাধুরী, কোন কোনদিন মানবও এসে উপস্থিত হয় । আজ কাজের চাপ কম—মানবও এসে জুটেছে ।

চা খেতে খেতে হালকা কথাবার্তাও হয় ।

মানব সেদিন বলে ওঠে ।

—ওই নালার পাশে একদিন একটা খরগোশের বাচ্চা ধরেছিলাম মনে আছে ?

মাঝে মাঝে মাধুরীও হারানো সেই দিনগুলোকে খুঁজে পায়—নিঃসঙ্গ একক জীবন । রিক্ততাকে ভোলবার অবকাশ পেয়েছে । বাবা মারা যাবার পর বহু

কঠে ডাক্তারি পড়েছিল, ভেবেছিল জীবনে একটু ঠাই মিলবে কিন্তু কাজের মধ্যে নেমে আব অবকাশ খুঁজে পায়নি।

হঠাৎ পথের বাঁকে জীবন তার জন্ত বোধ হয় এমনি কোন মাধ্বের সঙ্ঘ রেখেছিল। মাধুরী চুপকরে কি ভাবছে! সন্ধ্যা নামছে ঠাই ঠাই সবুজের রিক্তস্পর্শ লাগা বন এখনও অন্ধকারে দাঁড়িয়ে থাকে। বলে ওঠে মানব।

—সেদিন তুমি আমাকে ক্ষমা করতে পারোনি মাধুরী, জানতে তোমার বাবার দুর্ভাগ্যের জয় দায়ী কে?

মাধুরী কথা কয় না—নীরবে গুর দিকে চেয়ে থাকে।

ভেঁ বাজছে গুণাকর্ষণে—সেদিনের কালীপুরে কোথাও কোন কর্ম-ব্যস্ততা ছিল না। বলে ওঠে মাধুবী অন্তমনে।

—জানতাম, তবু বলিনি। আপনি তার কোন প্রতিকারই করতে পারতেন না! তাই চুপ করেই গিয়েছিলাম।

মানব চমকে ওঠে—হ্যাঁ। টুহুবোদিও বলেছে তাকে কথাটা—তার করবার কিছুই ছিল না। আজ মাধুরীও সেই কথাই শোনাল!

—কিন্তু বলেও দেখোনি মাধুরী।

মাধুরী জবাব দিল।—যাক সেকথা তুলে কোন লাভ নেই; ঠকিনি তাই নিয়ে।

মানব উঠে পড়েছে। মনে একটা চাঞ্চল্য। অসহায় সে! সমস্ত কাজের মাত্র উপলক্ষ্য সে, করবার তার কোথাও যেন কিছু নেই। টুহুবোদি নিদারুণ কঠিন সত্য কথাটাই বলে গেছে বোধ হয়। মাধুরী সেই পরিচয় পেয়েছে অনেক আগেই।

পরমুহূর্তের সমস্ত মন সক্রিয় হয়ে ওঠে। টেবিলের উপর একগাদা ব্রুপ্রিন্ট পড়ে আছে—তাই মেলে ধরে লাল পেন্সিল বোলাতে থাকে। হঠাৎ এগিয়ে গিয়ে ফোনটা তুলে ধরে—হ্যালো গুণাকর্ষণ স্নিজ।

বাইরে নেমেছে সন্ধ্যার আবছা অন্ধকার। কালো ধোঁয়ার রাশি উড়িয়ে বের হয়ে গেল পশ্চিমগামী মেইল ট্রেনখানা—গর্জের ভিতর দিয়ে গাড়ীখানা ছুটেছে। বাংলোর সারিগুলো ঝনঝন করে ওঠে—কাঁপছে মাটি—শৌ শৌ শব্দ ওঠে বনের পাতায় পাতায়।

এ যেন অজ্ঞ মাহুধ—হ্যাঁ, সাতাশ ইঞ্চি বোর—ওদিকে তিন মিলিমিটার কাটখ্রেড, কালই—ছুশো চাই-ই! বাই টুমরো—থ্যাক উ।

ফোনটা ছেড়ে দিয়ে বাইরে যাবার জন্ত তৈরী হয়। জরুরী কাজ রয়েছে। সেইখানেই ফুটে ওঠে তার কঠিন ব্যক্তিত্ব।

টুফবোদি—মাধুরী সবাই তাকে যে পরিচয়ে জানে তার থেকে এখানে সে
অতন্ন মাহু ;

হাফশার্ট আর ফুলপ্যান্ট পরনে ; হাতে একটা পাঁচ-সেল টর্ট—ফ্রেপসোল
জুতো পরে নিঃশব্দ বলিষ্ঠ পদক্ষেপে এগিয়ে যায়, মানব গাড়ীর দিকে ।

—ঠাণ্ডা লাগিয়োনা মা, ভিতরে যাও ।

—যাই বাবা । মাধুরীও যাচ্ছে নাকি ?

জবাব দেয় মাধুরী—হ্যাঁ, আমারও হাসপাতালে যেতে হবে, একবার রাউণ্ড
দেওয়া দরকার ।

বাসন্তী বলে ।

—ডিউটি আর ডিউটি ; মেয়েমাহুও কি কলকল্লা হয়ে উঠলো বাবা,

মাধুরী হাসে—এই কাজই যে বেছে নিয়েছি মাসীমা । এখন আপশোষ
করলে আর চলবে কেন !

বাসন্তী ওর দিকে চেয়ে থাকে, অন্তরভরা প্রেম-প্রীতি, দেহভরা যৌবন
নিয়েও ব্যর্থ হয়ে রয়েছে ! যে ফুলে ফল ফলে না সে ফুলের যতই সৌন্দর্য থাক
না কেন তার পরমায়ু ক’দিন ! নিঃশেষে কেঁদে ফিরে যাবে ।

.. মানব চূপ করে গাড়ী চালাচ্ছে, কঠোর কাঠিগু ফুটে ওঠে তার মুখে মাধুরী
যেন ওর বহু দূরে সরে গেছে—কোথাও সান্নিধ্যের সহজ ছোঁয়া নেই ।

মাঝে মাঝে প্রাকৃতিক পরিবেশ মনোরম রাখবার জগুই টাউন প্ল্যানিং
কমিটি বনকে একেবারে নিশ্চিহ্ন করেনি । মাঝে মাঝে বিঘে কয়েক জায়গা
জুড়ে বাড়ী বাংলা ইত্যাদি, ওদিকেই আবার রাস্তাটা গভীর বনে ঢুকে
গেছে । ছপাশে পুরোনো বনস্পতির গ্রহরা, লাল পাথুরে টিলার উপর দাঁকিয়ে
বুদ্ধ বট কেঁদে গাছ আটাড়ি লতার সবুজ পত্রাবরণে সাদা ফুলের সমারোহ ।
ছপাশ কেটে পথ তৈরী করতে হয়েছে, এখনও মোটা মোটা শিকড়গুলো সাপের
মত বের হয়ে আছে, পথের বাঁক ঢেকে গেছে বনে ; পথের ও-বাঁকেই আবার
শহর ; সাদা সাদা বাড়ীগুলো, টিনের শেড দেওয়া কাঁটাতার ঘেরা গুদাম,
অফিস ! আবার উৎরাই—ঘন বন ; মাঝখান দিয়ে বয়ে গেছে আদিম ছায়াঘন
পাহাড়ী নদী, হুড়িতে হুড়িতে বেজে ওঠে স্রোতের চঞ্চল স্রব ।

নোতুন কালীপুরে বহুদিন পর আবার এসেছে দীপা । প্রথম এনে শিউরে
উঠেছিল । সেই কালীপুর স্টেশন । কয়েক বৎসর আগেও এসেছিল একদিন
এই পথে ; পথটা খুমটির কাছে লাইন পার হয়ে নদীর দিকে চলে গেছে ; দূরে

দেখা যায় নদীর বৃক্কে জলের বিস্তৃত সীমানা ; ‘ছুচোখ মেলে খোঁজে ভুবনপুরের পথটা ; নোতুন কোয়ার্টার এর ভিড়ে কোয়ার্টার হারিয়ে গেছে আজ । ভুবনপুরের নাম পর্যন্ত মুছে গেছে ওই সীমাহীন জলধারার অন্তলে ।

কাউকে জানায়নি সে । বসন্তবাবুকেও না । চাকরিটা পেয়ে যেন অকুলে ফল পেয়েছে সে । দীপা ব্যানার্জি আজ মাত্র আড়াইশো টাকার জুতা কলকাতা ছেড়ে বনবাসী হলো—এই কথা নিজেও সে বিশ্বাস করতে পারে না অথচ এই দীপাই একদিনে বন্ধুবান্ধব নিয়ে আড়াইশো টাকা খরচ করেছে আজ তার সারা মাসের পরিশ্রমের মূল্য মাত্র ওই টাকা ।

স্টেশন থেকে বাস সার্ভিস রয়েছে, দীপাও উঠে বসলো বাসে । আজ সকলের সঙ্গে তার কোন পার্থক্য নেই ।

রাত্রি নেমেছে । মানব বাংলায় ফিরেও বাইরের দিকে চেয়ে আছে । নিখররাত্রি নীল হালকা শাড়ির গম্ভীর শব্দ । হাতের কাঁকন বাজে যিনি-বাতাস ফুলের গন্ধে উদাস ; চাঁপা—কাঠগোলাপ ফুলগুলো বাতাসে নির্লজ্জভাবে আত্ম-নিবেদন করেছে ।

কতক্ষণ ঘুমিয়ে ছিল জানে না, হঠাৎ কি যেন স্বপ্ন দেখছে ;

কণ্ঠতালু শুকনো হয়ে আসে মানবের, একি নিবিড় বুকভরা তৃষ্ণা এতকাল বৃকের অন্তলে সঞ্চিত ছিল—আজ নির্মম ব্যাকুলতায় ফেটে পড়ে ।

নরম উষ্ণ স্পর্শ । গুর চুলের মিঠে সৌরভে নিঃশ্বাস বন্ধ হয়ে আসছে । উদ্বেজনায় হাঁপাচ্ছে মানব । মুঠো মুঠো করে ছিনিয়ে নিতে চায় গুর ত্রি—যৌবনমন্দির পেলবতা ; কালো ভাগর চোখ দুটো আবশ্যে বুজে আসে ;

একটি মুহূর্ত ! অন্তহীন অন্তলে যেন ধীরে ধীরে তলিয়ে যাচ্ছে সে । ধড়মড় করে উঠে-বসল । আকাশ বাতাস কাঁপিয়ে ট্রেন একখানা ছুটে চলেছে—কন কন শব্দ করছে সারিগুলো—আলোটা দেওয়ালে ঝলসে উঠেই সরে গেল চকিতের মধ্যে ।

কোথাও কেউ নেই । স্বপ্ন দেখছিল সে । কি এক দুঃস্বপ্ন ! অবচেতন মনের গহনে এ কোন্ দুঃরাশা দুঃসাহস সঙ্কোপনে তার নিজের অজ্ঞাতসারেই লুকিয়ে ছিল জানে না । আজ চমকে ওঠে সেই স্বরূপ প্রকাশ পেতে ।

টুহবোদি । টুহবোদিকে কি এক রূপে সে দেখেছিল আজও জানে না । সারা মনে ঝড় উঠেছে । সে বর্ষামুখর রাতের কথা আজও ভোলেনি—ব্যর্থ কান্নার রাত । বৃক্ জ্বালানো রাত । প্যাডপেপারটা টেনে নিয়ে লিখতে থাকে মানব । স্বপ্নমনের হৃদয় ঝড় খামে নি ।

—তোমাকে ক্ষমা করতে পারিনি—কোনদিনই পারবো না।

বাইরে এসে দাঁড়াল—তারাজ্জা স্তব্ধ রাত্রি। চড়াই-এর মাথায় কেমন আলোটা মিট মিট করছে বাতাসে নদীর মৃদু আর্তনাদ।

তার মনের সব প্রশান্তিকে কুরে কুরে খেতে দেবে না মানব। ওদের ভুলতে চায়। নিজেকে বর্তমানের মধ্যে ফিরে পেতে চায়।

অন্ধকার রাত্রির অন্তহীন আঁধার সাগরে দীপের মত জ্বলছে এক একটা আলো। মাধ্বী—দীপা—টুহু—মানব—সবাই ওমনি মুক্ত সমুদ্রে হারিয়ে যাওয়া এক একটি দীপ। কোথাও রঙ্গীন প্রবালের স্বপ্ন, কোথাও শুক্লির কর্কশ আবরণে মুক্তার জন্ম—কোথাও কর্কশ লাভাপ্রবাহপূর্ণ কবোক্ষ উপত্যকা।

স্বাভাবিক চপলতা, খুশির হাওয়ায় উড়ে যাওয়ার জন্মগত অভ্যাস—বাবা মারা যাবার পর দীপার মন থেকে চলে গিয়েছিল। অবস্থা খানিকটা স্বাভাবিক হয়ে আসার সঙ্গে সঙ্গেই আবার সহজাত প্রকৃতিগুলো ফিরে আসছে। বনঢাকা কালীপুর স্টীল-কোক টাউনে দীপা ব্যানার্জি একটি পরিচিত নাম হয়ে উঠছে। কোথায় তার হার মানার দুর্বলতা একটা রয়ে গেছে—তাকে চাপবার জন্তই দীপা যেন এই মূর্তিতে নোতুন হয়ে জন্ম নিতে চায়। ছোট ভাইকে একটা চাকরির ব্যবস্থা করে দিতে পারলেই পারিবারিক দায়মুক্ত হয় সে, তার জন্মও এই পরিস্থিতি প্রয়োজন।

অফিসারস্ ক্লাবে থিয়েটারের রিহার্সেল চলেছে। দূর দূরান্ত থেকে অনেকেই আসেন; সকলেই কুলীন; মোটা মাইনের অফিসার নাহয় ইঞ্জিনিয়ার নাহয় বিদেশী বড় ঠিকাদার কার্মের তাবড় কর্মচারী। গাড়ী হাঁকিয়ে কেউ পাঁচ মাইল দশ মাইল বনপাহাড়ী ভেঙ্গে ব্যারেজের পাশ থেকে নাহয় ওয়ারিয়ার কাছ থেকে আসে। রাত্রি পর্যন্ত হৈ চৈ চলে; সঙ্গে পান-ভোজন। ওদিকের ঘরে রিহার্সেল চলেছে। কলকাতা থেকে ভাড়াটে অভিনেত্রীরা আসবে, পুরুষ রোল করছে তরুণ অফিসাররা।

দীপাও দলে ভিড়ে গেছে—ওরাও ওকে পেয়ে খুশী। গানের স্বর নিয়েই ব্যস্ত। আলতোভাবে পিয়ানোর স্বর তুলছে; আশেপাশে দাঁড়িয়ে রয়েছে দু'একজন অফিসার। হঠাৎ কার গাড়ীর শব্দ শুনে সকলেই এগিয়ে যায়; কোন দুহাজারী মনসবদার সাহেব এসেছেন।

দীপার চারিপাশের স্তবক দল উধাও হয়ে গিয়ে জমা হয়েছে 'তারের' গাড়ীর চারিদিকে; কে আগে গাড়ীর দরজাটা খুলে দেবে তাই নিয়ে কাড়াকাড়ি পড়ে গেছে। মিঃ রমণ গাড়ী থেকে নামছেন হাঁসফাঁস করে।

সবাই ইতিমধ্যে তাঁকে চারিদিক থেকে ঘিরে ফেলেছে। কে যে কি বলছে তা কি—অর্থ তাও জানবার দরকার নেই। তবু হাসছে আর, বলছে নানা কথা।

—কে বলে ওঠে।

—বড্ড গরম আর; পাথুরে দেশ কিনা।

—ভেরি হট আর।

দীপা বারান্দা থেকে চেয়ে থাকে ভক্তলোকের দিকে; কালো মোষের মত চেহারা; একতুপ মাংসের উপর একটা পাকা তালের মধ্যে যেন দুটো রসগোল্লা বসিয়ে দিয়েছে। হাফশাটটা ভুঁড়ির চাপে ফাটবার উপক্রম, সিঁড়িতে উঠতেই হাঁপিয়ে ওঠেন মিঃ রমণ।

—ছাঙ্কো বয়েজ!

দীপার দিকে চোখ পড়তেই ধমকে দাঁড়ালেন; কে একজন এগিয়ে এসে পরিচয় করিয়ে দেয়।

—আমাদের ড্রামার মিউজিক ডিরেকশন দিচ্ছেন মিস্ দীপা ব্যানার্জি।

দীপা হাত তুলে নমস্কার করলো; মিঃ রমণ যেন স্থির দৃষ্টিতে চেয়ে থাকেন তার দিকে;

—প্রিজ্‌ড টু মিউ ইউ। লেট আস্ হ্যাভ সাম ফাইন মিউজিক। ইউ নো—উই আর মিউজিক লাভিং পিপল।

রাজা যত বলে পারিষদবলে বলে তার শতগুণ।

—নিশ্চয় আর। ইওর কানট্রী ইজ দি ক্রেডল অব মিউজিক।

কনস্ট্রাকশন ইঞ্জিনিয়ার ওপাশে দুজন বেয়ারাকে নিয়ে নিজেই পিয়ানোটো টানাটানি শুরু করেছে।

—হোয়ার ইজ আওয়ার ব্যারেজ ইঞ্জিনিয়ার—ইয়ং আচারিয়া?

—হি ইজ অলওয়েজ বিজি আর।

—ভেরি এনার্জিটিক অব কোর্স। আর কমেন্ট করেন।

মানবের কথাই বলছে যেন ওরা; ইতিমধ্যে দীপা মানবের পরিচয়টা জেনে নিয়েছে। এখানে এতদিন এসেছে একদিনও তার দেখা পায়নি। ব্যারেজ আর খারমাল ইলেকট্রিক স্টেশন নিয়েই রয়েছে সে দিনরাত; মাঝে মাঝে মধ্যরাতের তারার মত একটু দূরের রহস্যময় আভাসচাকা কর্তব্যর শোনে তার। দীপাও ওকে ভুলতে চায়—খবর নিতে ঐহৃদয় তার নেই! লাভ কি!

তখনই গানের আসর গড়ে ওঠে স্রাবের অল্পরোধে।

দীপাও তৈরী।

ভায়াসে গান শুরু হয়েছে, নীল আলো জ্বলছে। সুরটা হালকা হাওয়ার মত ভাসছে।

মনে হ'ল

যেন পেরিয়ে এলেম

অস্তবিহীন পথ।

স্কন্ধ দৃষ্টিতে বসে আছেন মিঃ রমণ; ওপাশে তন্নয় হয়ে শুনছে ভক্তবৃন্দ। দীপা আজ সবাইকে হাতের মুঠায় পুরেছে। আবেগে কাঁপছে তার কণ্ঠস্বর; বার্থ আবেগ—না পাওয়ার বেদনাবিধুর প্রেম তার মন জুড়ে কাঁদন এনেছে। দুচোখের দৃষ্টিতে তার স্বপ্নময় কি এক মাদকতা; বাতাসে উড়ছে দু'একগাছি চূর্ণ কুন্তল! হাতে একগাছি কঙ্কণ নিটোল পূর্ণতার প্রতীক হয়ে রয়েছে। হাততালির শব্দ ওঠে। খুশী হয়েছে ওরা সবাই 'স্মার'ও।

ক্লাব থেকে একচেঞ্জ ফিরে আসে ডিউটিতে, ইনচার্জ বলেন—আজ আপনার 'অফ' বাসায় গিয়ে রেস্ট নিন।

একটু বিম্বিত হয়ে ওঠে দীপা—অফ্!

—হ্যাঁ, আজ ক্লাবে বাজীমাং করে এসেছেন শুনলাম। আপনার প্রশংসা তো ওদের মুখেমুখে।

বের হয়ে আসছে দীপা।

দরজার কাছে এগিয়ে এসে ইনচার্জ মিঃ বোস বলে ওঠেন,

—দিন না, ডি.ও'র কাছে ব্যাটা সুপারইনটেনডেন্টের নামে লাগিয়ে; পাকা শয়তান ওটা। টাইট হয়ে যাক ব্যাটা মস্কিচুস।

—কি বলছেন? দীপা একটু অবাক হয়ে যায়।

—ঠিকই বলছি, আপনি একটু টিপে দিলেই বাস! জালিয়ে থেলে ম্যাডাম। আপনার কথাতেই কাজ হবে।

দীপা কথার জবাব দিল না। বেশ বুঝতে পারে রাতারাতিই এখানে তার দাম অনেক বেড়ে গেছে।

আনমনে বাসার দিকে এগিয়ে চলে।

দীপা বাগানের সীমানার ওদিকে তার কোয়ার্টারে এসে ঢুকলো; বুনোমাটির 'তার' এখনও মরেনি, হলদে কাঁকুরে মৃত্তিকার মাঝে মাঝে মাথা তুলে আছে দু'একটা শালচারা। লকলকে পাতাগুলো বাতাসে মাথা নাড়ে। সারা দেহ ক্লান্তিতে ভেঙ্গে আসছে; ঘামে ভিজে গেছে ব্লাউজটা, বুনো হাওয়ার ঝড় বইছে। দুপুরের লেই বালিতাড়া গরম এখনও ঝল্লনি।

গা থেকে সবকিছু খুলে বাথরুমে ঢুকে গায়ে মাথায় জল ঢালতে থাকে দীপা ; মনে একটা কিসের স্বর জাগে বার বার ; এক দিনেই সে যেন চিনে ফেলেছে নিজেকে, তার যোগ্যতা । স্বরের ভেলায় পাড়ি জমিয়ে পথ চলবে রূপের পাণ তুলে জীবনের সমুদ্রে এমনি করেই বার বার ।

টগরকে পাঠিয়েছিল রূপাল সিং-ই শেষ চেষ্টা হিসেবে বিলটা পাস করাতে মানবের কাছে । হাজার হোক গ্রামের ছেলে—পরিচিত ।

কিন্তু টগরকে হতাশ হয়ে ফিরতে দেখে চটে ওঠে রূপাল সিং,

—তোমার রূপরস শুকিয়ে গেছে বিবি—একটা ছোড়াকে কাত করতে পারলে না ?

টগর চুপ করে থাকে, হয়তো গুর কথাই সত্যি । টগরের দেহমনে কেমন যেন স্তিমিত ভাব এসেছে ; শরতান সিংজীই তার জন্ত দায়ী ; কয়েকবারেই ওই শরতান তার র্যোবনকে ছিন্নভিন্ন করে দিয়েছে ; বাদরের নখের ধারে ছিটকে পড়া ফুলের মত ? শেষবারের যন্ত্রণা আজও ভোলেনি সে । বাধ্য হয়েই লিভি ডাক্তারের কাছে গিয়েছিল ।

—এ জীবন ছেড়ে দাও টগর । এভাবে চললে বাঁচবে না তুমি । ডাক্তার সাবধান করে ।

টগরের মাথা সর্বত্রই নীচু করে দিয়েছে ওই শরতান ।

যাও, বাড়ী যাও বিবি । সিংজী আজ সার বুঝেছে ।

—আমি যাবোই, তোমাকেও এখান থেকে যেতে হবে সিংজী । এ কারবার তোমার চলবে না ; চুরি ডাকাতি খুনখারাবি—কি না করেছে ?

হা হা করে হাসছে রূপাল সিং । তার ব্যবসার পথ সে স্থির করে ফেলেছে । তার জন্ত জেলা সদরে কিছু টাকাও দান দিয়ে এসেছে । আর একাজ সে করবে না ।

—ঠিক বাত বলেছো বিবি । হুরসা কাম করবো ইবার ।

ছোটবড়...কর্মচারীদের পায়ে তেল দেবে না, খোদ শাসনকারীদেরকেই তেল দেবে । দিল্লীতে শিখ সম্প্রদায়ের নেতার কাছ থেকে তথ্যের তদারক করাচ্ছে । বেনামিতে লিমিটেড ফার্ম খোলবার ব্যবস্থা করেছে ; রোড পারমিটে ছেয়ে দেবে এ অঞ্চল । নোতুন হাইওয়ে হচ্ছে—পাবলিক কেরিয়ার ট্রাক আর প্যাসেঞ্জার বাস চালাবে সে ।

তবু হাসতে, হাসতে বলে রূপাল সিং ।

—তোমাকে ছেড়ে যেতেই দিল জখম হয়ে যাবে বিবি ।

—মুখপোড়া কোথাকার !

হাসছে সিংহী, নিপুণগতিতে টগরকে কাছে টেনে নিয়ে দাড়ি-গৌর সমেত মুখখানা ওর গালে বুলায়ে দেয় ; টগরও চটে উঠেছে ।

—ছাড়ো বলছি বুনো জানোয়ার ।

রূপাল সিং-এর মনে কোথাও বিন্দুমাত্র দুর্বলতা নেই, নিপুণ খেলোয়াড়ের মত সহজ ভাবেই সব কিছু নেয় সে ; মন তার পাখর হয়ে গেছে, নয়তো বা মন বলে কোন পদার্থই নেই । নইলে একবৃত্তি থেকে অন্তবৃত্তি গ্রহণে তার দ্বিধা জড়তা নেই, এক নারীর দেহ উপভোগ করবার সময় মনে মনে কামনা করে অন্তকে ; মিত্র শত্রুতে তার ভেদ নেই, সকলেই তার কাছে শাসন এবং শোষণের জীব ।

তবে মনে হয় কন্দর্প আঁচাই তাকে জন্ম করতে পারেনি, খেয়েছে তারই ওই নওজোয়ান ছেলেটা । কে জানে চাকা কখন উপরে ওঠে, কখন নীচে নামে ; গতির এই-ই স্বাভাবিক নিয়ম ।

সহজ ভাবেই এটা মনে নিয়েছে রূপাল সিং ।

বাসন্তী মনের কথাটা একদিন মাধুরীকে বলে বসে । শূন্যজীবনে তার পূর্ণতার আঙ্গ ওই একমাত্র পথ । মানবকে সংসারী দেখে যেতে চায় সে । বাবার মৃত্যুর পর থেকে মানবের মনে কোথায় ভাবন ধরেছে । আগেকার মত নিবিড়ভাবে কাজের মধ্যে ডুবিয়ে দিতে পারে না নিজেকে ; তার আদর্শের মূলে কোথায় ফাটল ধরেছে । এই বিজ্ঞান, এ অর্থনৈতিক কাঠামোতে গড়া সমাজে মানুষকে বাস করতে গেলে—তাকেও নমনীয় হতে হবে ।

বাবার দৃষ্টান্ত সে ভুলতে পারে না । মানব বলে,—যে আদর্শই সামনে থাকুক তার, সেটাকে নিবিড়ভাবে ধরে থাকলে ধ্বংস তার অনিবার্য ।

মাধুরী জবাব দেয়—সেই আদর্শ যদি সত্যির উপর গড়া হয় ?

—তবুও আঙ্গ যেটা মনে হয় সত্য—কাল সেটা অবাস্তব । দেশ-কাল-পাত্র হিসেবে রূপান্তর ঘটে ! এই বিবর্তনের ধারা । এযুগ জুত বদলাচ্ছে ।

মাধুরী ওর দিকে চেয়ে থাকে ; কোথায় যেন মানবের মনে একটা বকুন।, ব্যর্থতা জমে আছে যাকে ভোলবার জন্তই মানব কাজের মধ্যে ডুবিয়ে দিতে চেয়েছে নিজেকে । বলে ওঠে মাধুরী,

—কাজকে বড় করে দেখেননি আপনি ; কোন ব্যথা থেকে নিষ্কৃতি পাবার জন্তই কাজের আশ্রয় নিয়েছিলেন ।

মাধুরী ওর মনের স্রব্দের অভ্যন্তরে সেই খবর যেন স্নেহে ফেলেছে । টুহুবাঁদি-দীপা এরা কোথায় মানবের অন্তরে গভীর সন্ধান করে গেছে । মাধুরী অকস্মাতে সেই খানেই আঘাত দিয়ে বসেছে ।

মানব চমকে ওঠে ; মৃত্তকের জন্ত বেদনাহত পাংক্ত হয়ে ওঠে ওর মুখ, চাহনিতে সেই অসহায় ভাব পরিস্ফুট । মাধুরীর কাছে তার এই দুর্বলতা নিষ্ঠুর সত্য হয়ে ফুটে উঠেছে । দীপা টুহুবোদি—সকলেই তাকে নিদারুণ অবহেলা অবজ্ঞা করে গেছে ।

চূপকরে পাইপ টানছে মানব, ওর কথার জবাব দিল না ; আবছা অন্ধকারে পাইপের লাল আভা ওর মূখচোখে কি এক রহস্যঢাকা স্তম্ভতা এনেছে ।

বাসন্তী ছেলের দিকে চেয়ে থাকে দূর থেকে ।

তুমি দেখে বাছা, আমি তো ওকে আজও চিনতে পারিনি । ছেলেবেলা হতেই দূরে দূরে ছিল পড়ার জন্ত ; আজও সেই দূরেই রয়ে গেল সে ।

মাধুরী বেশ বুঝতে পেরেছে মানবের মনে কোথায় ঝড় উঠেছে ।

বেকার—ভবঘুরের ভিড় জমেছে কালীপুরে ; বাংলার বিভিন্ন অঞ্চল থেকে দলে দলে ট্রেনে-বাসে হেঁটে আসছে তারা চাকরির সন্ধানে । ক'জন তাদের চাকরি পেরেছে কে জানে, তবু আসার বিরাম নেই । বিভিন্ন কোম্পানী—দেশী বিলাতী ভাটিয়া ফার্মে বাঙালীর নামের চলতি সব পদবীগুলোর লিস্ট আছে, মিলিয়ে দেখে, মিলে গেলেই জবাব আসে—নো ভেকেন্সী ।

অনেকেই ফিরে যায় । দু'একজন পড়ে থাকে তবু আশায় ভর করে যদি কোন একটা সুরাহা হয় ।

মাধুরী বাড়ী ফিরে দেখে বারান্দায় কে বসে আছে । রাস্তার আলোয় ঠিক চিনতে পারে না । মনে তখনও কি এক মিষ্টি স্বর বাজছে—মানবের উদ্দাম মন কোথায় বাঁধনহারা হয়ে গেছে—কোথায় ধরা দিতে দিতে সে সরে যায় । আলোছায়ার লুকোচুরি । জীবনের জটিলতা বাড়ায় সঙ্গে সঙ্গেই মনের প্রকৃতিরই রূপান্তর ঘটেছে মাহুকের ।

—তুমি !

দাড়িগোঁফ ঢাকা মূর্তিটা এগিয়ে আসে, পোশাক-আশাক ছেঁড়া ময়লা—ক্যান্সিসের জুতোটার গোড়ালি বসে গেছে পায়ের কাছে । চোখদুটো জল জল করছে ।

—যাক চিনতে পেরেছো তাহলে !

অতীতের একটি দুঃস্বপ্ন । চমকে উঠেছে মাধুরী, মনের সব স্থল্লর স্বর মিলিয়ে যায় । কঠিন স্বরে বলে ওঠে—আবার কেন এসেছো ?

—একটা চাকরির আশায়, শুভল্যাম এখানে মেলাই চাকরি পাওয়া থাকে ।

মাধুরী একটু বিরক্তি ভরা স্বরেই বলে ওঠে ।

—একটা তো ছেড়েছো, আবার কেন ?

কথা কইলো' না নটেস্বর ; ওর দিকে চেয়ে থাকে অপরাধীর মত দৃষ্টিতে ।
মাধুরী বলে ওঠে ।

—এখানে না থেকে স্টেশনে ওয়েটিং রুমে থাকিলেই ভালো হত ।

—থাকাটা অবশ্য চলতো, কিন্তু এদিকের ব্যবস্থা !

হাত আর মুখের মধ্যে একটা ইসারা করে কঠিন সত্যটাকে প্রকাশ করে ।

—থেয়ে দেয়ে চলে যাও সোনার ।

মাধুরী ভিতরে যাচ্ছে—২৪১৭ ওর ডাকে ফিরে চাইল । নটেস্বর বলে ওঠে ।

—যে ক'দিন থাকবো থেয়ে দেয়েই আবার চলে যাবো । তোমাকে বিরক্ত করবো না ।

নির্লজ্জ লোকটার অপরিসীম দৈন্তে বিচলিত হরেছে মাধুরী । বিপদে না পড়লে ও অসুতো না । লোকটা ধরা গলায় বলে চলেছে ।

—ওরা সবাই মরে গেল, একটি ছেলে মেয়ে পুতুলের মা—সবাই ; একফোঁটা ওষুধ দিতে পারিনি—পথ্যও না ।

মাধুরী দাঁড়াল না ওব কাহিনী শুনতে । ভিতরে চলে গেল বারান্দায় বসে আছে সেই লোকটা । অন্ধকারে ওর নিঃশ্বাসের শব্দ শোনা যায় ।

টেলিফোনটা বাজছে—হ্যালো !

মাধুরীর কাঠিন্য মুছে যায় মুখ থেকে । হাসিতে ভরে ওঠে সারা মুখ,

—যেতে বলছো ।

মানবের মুখখানা ভেসে ওঠে মাধুরীর মনে । মনের ওর উষ্ণতা এসে স্পর্শ বুলিয়েছে মাধুরীকে ।

—আচ্ছা বেশ । কিন্তু বেশী রাত অবধি থাকতে পারবো না । না—মশাই ; ভয় আমার নেই ।

টেলিফোন নামিয়ে জানলার দিকে চেয়ে চমকে ওঠে মাধুরী—একজোড়া চোখ ব্যাকুল বৃহস্পতি দৃষ্টিতে চেয়ে আছে তার দিকে । মাধুরীকে চাইতে দেখে সরে এসে নটেস্বর ।

সারা এলাকা জুড়ে কার্ড পাঠান হয়েছে । বিভিন্ন অফিসস্টাফ, অফিসিয়ার সকলকেই । নোতুন গড়া ইন্সটিটিউটের প্রথম বার্ষিক অধিবেশন । কলকাতা থেকে অভিনেত্রীরা আসছে—গাইয়েও হুঁচারজন আসছে । হালফিল সিনেমা হাউস হয়েছে কালীপুরে—অন্ত একটা গড়ে উঠেছে বনের ভিতর নোতুন গড়ে ওটা স্টীল টাউনে । তারই চৌলতে সিনেমাস্টার—আধুনিক নামকরা প্লেব্যাক গাইয়েদের দর বেড়েছে । তাদের হুঁ'একজনও আসছে ।

দীপা এই অল্পটানের অল্পতমা প্রধান কর্তা। মিঃ রমণ পদ্মাবিকার বলে সভাপতি। তিনিও আজ কোর্টের উপর একটা লাল হলদে ফিতের কুঁচি দিয়ে তৈরী মস্ত কি এক ফুল পরে থলথলে দেহ নিয়ে কোঁচে কাত হয়ে পড়ে আছেন ; স্ত্রাবকের দল বাঁশ্বসমস্ত হয়ে এসে কি যেন পরামর্শ নিয়ে আবার। মিঃ রমণ দীপাকে হাত নেড়ে কি নির্দেশ দিচ্ছেন।

শালবনের চিহ্ন এখনও সম্পূর্ণ মিলেয়নি। ইনিস্টিটিউটের সামনেই কয়েকটা দীর্ঘ শাল কঁদ পলাশগাছ দাঁড়িয়ে রয়েছে—অদূরেই গুরু হয়েছে জঙ্গল ; লাল কঁকরের রাস্তাটা ভরে উঠেছে গাড়ীর ভিড়ে। মহুয়া ফুলের সুবাস রাতের বাতাস আনমনা করে দিয়েছে।

মানব এদিকে বড় একটা আসে না, মানিক চাঁদা পাঠিয়ে দিয়েই খালাস ; আজ তাকে এখানে ডাঃ মাধুরী চ্যাটার্জির সঙ্গে আসতে দেখে অনেক অনেক মস্তব্য করে। ব্যারেক ডিপার্টমেন্টে রয়েছে বনের বাইরে নোতুন উনেরপ্রান্ত-সীমায়। গুদিকের সংবাদ বিশেষ এরা রাখে না ; হঠাৎ ছুজনকে দেখে তাই একটু গোপন কানাকানিও ওঠে।

মাধুরী সেটা বুঝতে গেরে একটু অপ্রস্তুত হলে যায়। কানে আসে—বেশ মিলেছে গুরা।

স্টীল-কোক টাউনে নারী কর্মচারীর অভাব এখনও রয়েছে, ছুঁচারজন যারা এসেছে তাদের অনেকেই বিবাহিতা, নয়তো বাগ্‌দস্ত। সুযোগ সুবিধা বিশেষ কারো হয়নি; তাই হয়তো এই আপশোষ।

মাধুরী মনে মনে হাসে, মানব কি যেন ভাবছে।

—এসো মিঃ আচারিয়া। ভালোত ?

নমস্কার স্তার। মিঃ রমণকে নমস্কার জানায় মানব।

সাহেব দরজার মুখ আগলে বসেছেন, যাতে সকলেরই সেলাম, নমস্কারটা পান।

হাউসটা ভরে উঠেছে। মানব চেয়ে দেখে।

—এ কোথায় এসেছি বলদিকি ?

মাধুরী গুর কথায় মুখ তুলে চাইল সপ্রশ্ন দৃষ্টিতে ; মানব বলে এঠে—

—চারিদিকে দেখো মাদ্রাজী-গুজরাটী-পাঞ্জাবী ইত্যাদিই বেশী ; বাংলার আছি না অল্প কোথাও আছি ঠিক বুঝতে পারছি না। —

কথাটা ঠিকই। বাংলার বৃকে গড়ে উঠেছে এই স্টীল টাউন, কোঁকগুডেন, ব্যারেক, ইলেকট্রিক স্টেশন, কিন্তু পক্ষ কর্তারী থেকে দূর করে নীচে পুরানো খোঁজ করলে দেখা যাবে—বাজলী আর সীরদের দল্লত অম্মার থেকে স্মির্দ

ভাবে বিভাঙিত হয়েছে। যে কয়জন টিকে আছে, তাদের জীবনও স্বস্থ স্বন্দর নয়। ওদিকে শেড ফোরম্যান মিঃ দস্তের স্ত্রীর সঙ্গে গুজরাটি ঠিকাদার মিঃ প্যারেশ হেন্সে গল্প করছে হাত-পা নেড়ে।

রূপের হাট বসেছে। স্টীল টাউনে আগামী জীবনের পরিচয় এর থেকেই পাওয়া যাচ্ছে। বাংলার মাটিই সরস সবুজ নয়—বাংলার সবদিকেই ওদের উদগ্র ব্যাকুল দৃষ্টি—লালসাতরা সে চাহনি।

নীতিবাদের আদর্শ আঁকড়ে ধরে থাকলে এই যান্ত্রিক যুগে মানুষ বাঁচতে পারে না; মেসিন হয়ে যাবে। তাই এই কামনার জোয়ার তুলে জীবনীশক্তির অপচয় বন্ধ করতে চায় তারই, বেঁচে আছি এই বাটাই জানাতে চায়।

এ সমাজকে চেনে মানব—আজ মনে পড়ে একজনকে। জীবনের সময় রূপ ঐশ্বর্য যারা মুঠো মুঠো করে ছড়িয়ে দেয় পথের দুপাশে তাদের একজনকে সে চিনেছিল। পুই দামী শাড়ীপরা—নির্লজ্জ রূপের প্রকাশকে সভ্যতার অঙ্গ বলে মনে নিয়ে এই সমাজে নিজেকে প্রতিষ্ঠিত করতে পারতো সে।

মানবের রক্তে রয়েছে আদিম-মাটির স্পর্শ; তার বংশপরিচয়ে এমন তক্কা নেই; মাধুবীও গ্রাম্য পরিবেশেই মানুষ, সংগ্রাম করে নিজেকে প্রতিষ্ঠিত করতেই তার যৌবন কেটে গেছে! এই মধুময় জীবনের প্রাচুর্যের স্পর্শ সে কখনও পায়নি।

...স্বর ভেসে ওঠে, স্বচ্ছ-নীল আলো জ্বলছে মঞ্চে।

মনে হ'ল যেন পেরিয়ে এলাম

অস্তুবিহীন পথ।

চমকে উঠে মানব। অতি-পরিচিত আপন করা সেই কণ্ঠ।

দীপা! ঠিক যেন বিশ্বাস করতে পারে না মানব, দীপা কেন এখানে আসবে! প্রোগ্রামেও ওই নাম রয়েছে।

কেমন যেন উৎকর্ষ হয়ে ওঠে সে।

অতীতের কয়েকটি সন্ধ্যাবনাময় আশার আলো ঝলমল যৌবনের দিন!... ওই গান একান্তে গাইতো দীপা তাকেই শোনার জন্য; ফটল্যাণ্ড থেকে ফেরবার পর সেই প্রথম রাত্রির স্বপ্ন আজও ব্যাকুল করে তোলে মানবকে।

মনে হয় জীবনের শূন্যতার কারণ সে খুঁজে পেয়েছিল; মন থেকে যাকে ভুলে গিয়ে নিশ্চিন্ত হয়ে নোতুন জীবন গড়বার চেষ্টা করেছিল, অবচেতন মনের সমস্তটুকু জুড়ে সেই-ই এতদিন তার সব চেষ্টাকে ব্যর্থ করে দিয়েছে।

—পথ হতে আমি গাঁথিয়া এনেছি

সিন্ত সুখীর মালা;

সকলকণ্ঠ নিবেদনের গঙ্ঘালা।

...অন্তরালের কয়েকটি দীর্ঘ বৎসরের ব্যবধানে কোন অধরার মনেও সেই ঝড় উঠেছে। তারই প্রকাশ ওই স্বরের আকৃতিতে। দূরের দীপার দিকে চেয়ে থাকে—আরও স্বন্দর, আরও যৌবনমন্দির হয়ে উঠেছে। মানব নিজেকে যেন ভুলে গেছে। হাততালির শব্দে চমক ভাঙ্গে তার। মাধুরী মানবের দিকে চেয়ে ছিল; ওর চোখমুখের ওই পরিবর্তন নজর এড়ায় না তার! কি যেন অন্তরের দীপ্তিতে উদ্ভাসিত হয়ে উঠেছে মানবের গম্ভীর মুখ।

—কোথা যাচ্ছেন?

—একটু বাইরে থেকে আসি।

কয়েক মিনিটের জন্ত বের হয়ে এল মানব। সটান গ্রীনকমের দিকে এগিয়ে চলেছে। মিঃ রমণ ভিতরে একটা কোচে পড়ে আছেন—কুতকুতে চোখমুখ হাসির আভাষ ঢেকে গেছে।

—গ্রাণ্ড। কনগ্রাচুলেশনস্।

দীপাকে হাওশেক্ করছেন মিঃ রমণ। হাসিতে ফেটে পড়ে দীপা, ছোট্ট খুকীর মত বলে ওঠে।

—মাগো, কি বিশী হারমোনিয়ামটা; ছুটো স্কেল বাজেই না।

—আগে বলনি কেন? একটা নোতুন হারমোনিয়াম আনা হবে এইবার।

হঠাৎ কাকে দেখে চমকে ওঠে দীপা।

এখানে মানবকে দেখবে ঠিক আশা করেনি। চোখের সামনে ভেসে উঠে অতীতের কথাগুলো; মানবকে নিজেই দূরে ঠেলে দিয়েছে সে, আজ আলেয়ার মোহমগ্ন সে দেখে না। একরকম এডিয়েই গেল দৃষ্ট ভঙ্গীতে। চিফের সামনে বলে ওঠে—দেখি, ভিতরে নেকস্ট সিন অ্যারেঞ্জ করতে হবে।

—ও ইয়েস। অব কোর্সি—গো।

মিঃ রমণের পাশ কাটিয়ে ভিতরে চলে গেল দীপা, মানবকে যেন দেখেও দেখল না সে। চিফের ভুঁড়িটা ঠেলে উঠেছে।

—হাও ডু ইউ লাইফ হার নং অ্যাচারিয়া?

মিঃ রমণের প্রশ্নে জবাব দেয় মানব—ভেরি নাইস।

বের হয়ে এল নীরবে। দীপার এই অবহেলা আজ তাকে স্তব্ধ করে দিয়েছে।

...মাধুরী অবাক হয়ে চেয়ে থাকে মানবের দিকে। কোথায় যেন কি একটা ঘটে গেছে তার মনে।

—চল বাড়ী ফেরা যাক।

—বেশ গাইলেন কিন্তু ভদ্রমহিলা! শেখ অবধি থাকবেন না?

—না ! চল, শরীরটা ভাল লাগছে না ।

মাধুরীও বের হয়ে এল অগত্যা । নীরবে গাড়ীতে উঠে বসে মানব ; হাসি খুশি কথাবার্তা তার স্তব্ধ হয়ে গেছে । কি যেন ভাবছে সে, রাতের বাতাস শৌ শৌ শব্দ তুলেছে ; ঘন জঙ্গলের মধ্য দিয়ে ছুটেছে গাড়ীখানা , কোথাও তাড়া খেয়ে যেন পালাচ্ছে তারা ।

বাতাসে মন্থা ফুলের সৌরভ ; বনে ডাকছে ফিকে জ্যোৎস্নায় রাতজাগা পাখী , পলাশের রক্তরংএর ফুলগুলো ছিটিয়ে বয়েছে অ্যাসফাল্টের কালো রাস্তায় ; কার অন্তরের বাথায় রঙ্গীন হয়ে উঠেছে সারা পথ ।

— হঠাৎ কি হল আপনার ? মাধুরী প্রশ্ন করে ।

—কিছু না ।

ছোট্ট জবাব দিয়ে স্টিয়ারিং ঘুরিয়ে বাঁহাতী পথ ধরে রেল ব্রিজ পারী হয়ে তারা ব্যারেজ কলোনীতে ঢুকলে ।

নিস্তব্ধ পুরী, জনমানব কেউ জেগে নেই ।

মাধুরী আবার ফিরে এল সেই দৈনন্দিন পরিবেশে—মনের সব স্বর ছেড়ে গেছে তার । আবার সেই গম্ভীর ডাক্তারটি জেগে উঠেছে চিরন্তন নারীর খোলস ভেদ করে ।

বারান্দার এদিক ওদিক চেয়েও নটেস্বরকে দেখতে পায় না । খেয়ে দেয়েই চলে গেছে সে কোথায় রাত্রিটুকু কটাবার সন্ধান ।

একটি মুহূর্ত থমকে দাঁড়াল । লোকটার করুণ চাহনি ভেসে ওঠে । স্বি দরজা খুলতে খুলতে বলে ।

—খেয়ে দেয়েই বাবু চলে গেলো । কি যেন কাজ আছে ।

মাধুরী জবাব দিল না । নিজের ঘরে ঢুকে কাপড়-গোপড় ছাড়তে থাকে ।

মানব তাকে পৌঁছে দিয়ে চলে গেছে নিজের বাংলোর দিকে । মানবকে আজ কেমন আনমনা দেখে সেও বিস্মিত হয়েছে ।

...দীপার প্রতাপ এখন অপরিণীত । মিঃ রমণের নিজের আপিসে বদলি হয়ে এসেছে । কলোনীর সকলেই সম্মীহ করে ; সকাল বেলাতেই ওর বাতাসে এসে হাজির হয় ঝকঝক নোতুন পটাকার ; কোন কোন দিন বা আসে মিঃ রমণের নোতুন গ্লিমাউথখানা ; হালকা খুশির আভাষ উপছে পড়া পেয়ালার মত ডগবগ করছে দীপা ।

ওপাশেই মিঃ নায়ারের বাউন্স ; ওর স্ত্রী সাবেকী মাহব ; কাছা দিয়ে রঙ্গীন শাড়ী পরে অবা নায়ার চেয়ে থাকে দীপার উছল মেহের দিকে, হিংসার কেটে পড়ে মনে মনে । সাথে-কি আর ওর বাউন্সেই মিঃ নায়ার চা

খেতে যান মাঝে মাঝে ।

দীপার মাও এসেছেন এইখানেই । মনুও চাকরি পেয়েছে অ্যাকাউন্টস্ ডিপার্টমেন্টে, দীপাই ব্যবস্থা করেছে সবকিছু । কলকাতার বাড়ী ভাড়া দিয়ে বাইরেই এসেছে তারা । দীপার মায়ের এই জীবন বিষয়ময় ঠেকে । স্বামীর প্রচুর অর্থ দেখেছিলেন তিনি, কর্তৃত্বের অধিকার তাঁর ছিল । দুখানা গাড়ী, বাড়ী, বেয়ারা নিয়ে সংসার করেছেন তিনি । দীপায় দোগ্যতার চেয়ে অনেক পেয়েছে দীপা সত্যি, তবু এ পাওয়ার মূলে কোথায় কি একটা রহস্য রয়েছে ? মাঝে মাঝে এই জীবনে ঘণা ধরে যায় তাঁর ।

—এতরাত্রি অবধি থাকিস কোথায় ? মাঘের প্রম্নে দীপা মুখ তুলে চাইল । দামী শাড়ীখানা কোমরে যেন থাকতে চাইছে না, পিঠেব উপর থেকে খসে পড়ে বারবার—যেন উদগ্র যৌবন প্রকাশ করবার জগুই এই মাজসজ্জা, কটকী ব্লাউজটা নিম্নেই হুল্লব হাতেব উপর চেপে বসে কি এক আকর্ষণীয় হয়ে উঠেছে, একরাশ চুল ছিল সেগুলোকে কেটে নিশ্চিহ্ন করে—বব হেয়ার করেছে আজকালকার ফ্যাশন মত । কলকাতায় থাকতেও এত কেতাহুরগু ছিল না দীপা, জঙ্গলের মধ্যে এই নব্য শহরের কুশ্রী কালচার বনেদী কলকাতার বহুকালের গড়ে ওঠা সভ্যতাকে উৎকটতায় হাব মানিয়েছে, ব্লাউজটার নীচেব দিকে চাওয়া যায় না, নরম স্বর্গোর পেটের অনেকখানি অনাবৃত—মোবনের কি এক নির্লজ্জ প্রকাশ ।

মায়ের সন্ধানী দৃষ্টির দিকে চেয়ে দীপা হাসবার চেষ্টা করে ।

—কেন বলোত ? আপিসের কাজ তারপর ইনিষ্টিটিউট সেরে ফিরতে দেবী হয়ে যায় । আমাকে আবার কালচারাল সেক্রেটারী করেছে ওরা ।

—কে জানে বাছা, এমনি শরীরের উপর অত্যাচার করলে, শরীর টিকবে ক'দিন ?

মনু মায়ের কথায় ঘর থেকে বের হয়ে এসেছে । দিদির দিকে চেয়ে থাকে । মনুও কিছু কিছু শোনে তার ডিপার্টমেন্টে, দিদির কথা । সেদিন দস্ত, মিঃ দাস বলাবলি করছিল—মস্তিরাণী হে, খাস বড়সাহেবের পেয়ারের পি-এ একদণ্ডও চোখের বাইরে রাখতে চান না ।

—বুড়ো বয়সে একখানা জুটেছে, গুছিয়ে নিলে যা হোক মেয়েটাও ।

হঠাৎ ওকে দেখে চূপ গেল তারা ; সহকর্মীদের মধ্যেও আলোচনা হয়, নানা সরস আলোচনা দীপাকে কেন্দ্র করে । মনুও শুনেছে সেদিন দস্তের মুখেই ।

—রাত্রি ৯টার সময় দেখছি সাহেব মেঘ ছজনে গাড়ী ঝাঁকিয়ে চলেছেন

আশানসোলের দিকে ; মেমসাহেবই চালাচ্ছেন গাড়ী !

মহু ইঞ্জিটা বোঝে—দীপা ইদানিং মেমসাহেব নামেই পরিচিত ।

মহুও সেরাত্রে বাড়ী ফিরে দেখে ছিল, কথাটা সত্যি দাঁদি তখনও ফেরেনি ; বাইরে তার উচু মাথা যেন নীচু হয়ে আসছে ; এখানের সহকর্মী বন্ধুদের মাঝেও তাকে অনেকে এড়াবার চেষ্টা করে ; ইউনিয়নেও তাকে এড়িয়ে চলে অনেকে । অফিস বেয়ারা ইলেকশনে কে যেন প্রস্তাব করেছিল ওর নাম, কিন্তু অনেকেই বাধা দেয় ।

—ওর নানা কাজ ;

মহুও আপত্তি করেছিল ; পরে টের পায় তার সহকর্মীদের অনেকেই আড়ালে এ নিয়ে আলোচনা করেছে । একবাক্যে স্বীকার করেছে তারা, মহু দালাল । কতৃপক্ষের চর ।

বড়সাহেব মেজসাহেব ইত্যাদি মাঝে মাঝে তাদের বাংলায় যায়—সুতরাং তাকে ইউনিয়নে রাখা নিরাপদ নয় । খবর বের হয়ে যাবে নির্ধাৎ ।

তিলে তিলে মহুর মনে জমেছে একটা ম্লানি । প্রকাশে বিদ্রোহ করতে পারেনি ! বেধেছে তার । কিন্তু মনকে প্রবোধ দিতে পারেনি । দীপার জন্ত গাড়ী আসে ; দীপাই বলে—চল না, এই রোদে সাইকেল ঠেকিয়ে দুটো চড়াই বন পার হয়ে যাবি কেন—তোকে নামিয়ে দৌব আপিসে ।

—না, সাইকেলই ভালো আমার ।

এ গাড়ীতে উঠতে চায় না মহু । দীপা কথা বলে না, ওর দিকে চেয়ে থাকে সন্ধানী দৃষ্টিতে ; কি যেন তাবছে মহু । ওর ভাবনার কিছুটা অল্পমান করতে পারে দীপা । আজ মাকে ওই কথা বলতে দেখে খুশীই হয়েছে মহু । কিন্তু দীপা এসব গায়ে মাখে না । সহজ ভাবেই নিজের ঘরে গিয়ে ঢুকলো । মা চুপ করে চেয়ে থাকে ওর দিকে । সরে এস মহুও ।

এমনি করে তিলে তিলে ওর ছোট্ট সংসারেও বিভেদের প্রাচীর গড়ে উঠছে । দীপা বিনা বাধায় এগিয়ে চলেছে নিজের পথে । ওর জীবনে আজ খ্যাতি প্রতিপত্তিই বড় । এই জীবনই সে চেয়েছিল ।

তারই জন্তই মানবের বাঁধন মানতে রাজী হয়নি ; স্বাভাবিকতার গুণন আজ ধ্বনিত হয় তার চারিপাশে ।

ডি. ও., ডেপুটি ডি. ও., ইঞ্জিনিয়ারদের অনেকেই আসে তার আপিসে, —সাহেবের সঙ্গে দেখা করে কার সামান্ত সুবিধা দরকার, কেউ কন্ট্রাক্টারকে কিছু পাইয়ে দিতে চায়, কেউ বা চাকরির সুপারিশ নিয়ে আসে চিফের দরবারে । নানা আবেদন নিয়ে তারা আসে এইখানেই । দীপা এইখানের অধিষ্ঠাত্রী দেবী ।

দরজা আগলে এয়ারকন্ডিশনড্ কর্মে বসে আছে তাঁর পি. এ.—দীপা ব্যানার্জি স্বকথাকে টেবিলে ডিকটোফোন ; কয়েকটা রং-বেরংএর ফোন—এটা সেটা অহরহ বাজছে। ওদিকে একজন মাদ্রাজী ভদ্রলোক টাইপ করছেন ; দিনের আলোকে বাইরে রেখে ফ্লোরেসেন্ট আলোর গ্লান আভায় ঘরখানা ভরে উঠেছে। আশেপাশের চেয়ারে বসে দর্শনপ্রার্থীর দল। বেয়ারা দীপার হাত থেকে স্লিপ নিয়ে এদিক ওদিক যাচ্ছে। নীরবতা ভেদ করে মাঝে মাঝে বেজে ওঠে কট্ কট্ কট্ ‘বাজার’ টা, লাল বাঘটা জলছে। শাড়ীখানা পিঠের পাশে একটু মাত্র টেনে নিয়ে পুক কার্পেটপাতা মেজের নিঃশব্দপায়ে এগিয়ে গিয়ে ভারী দরজাটা ঠেলে ঘরে ঢুকলো দীপা।

এ রাজ্যের যেন সাম্রাজ্ঞী।

এর চেয়ে মানব কি তাকে বেশী সম্মান দিতে পারতো? সেই রাজ্যে দেখা না করে ভালোই করেছে দীপা ; নিজের দুর্বলতাকে চেপে অঙ্ক খ্যাতির মোহে এগিয়ে চলেছে।

মাঝে মাঝে বের হয় ছুজনে বেড়াতে। রাজি নামে—নির্জনপথে গাড়ীটা ফেরে তাদের এলাকায়। শনশন হাওয়া ওঠে শালবনে, তারা জলে আকাশে।

মিঃ রমণ গাড়ীর সিটে কাঁত হয়ে পড়ে আছে, মুখ দিয়ে বের হচ্ছে ভূর-ভূরে গন্ধ ; ইউরোপীয়ান ক্লাব আজ নাম বদলে দিশী সাহেবের আস্তানা হয়ে দাঁড়িয়েছে। মদের বারে জমে দিশী-বিলাতী কয়লাকুঠি—বার্ণপুর—কুলটির কারখানার সাহেবদের ভিড়। মদের ফোয়ারা ছোট্টে, বলনাচের কুৎসিত অঙ্ককরণও হয় মাঝে মাঝে। মিঃ রমণ লাফঝাঁপ করতে পারে না, টেবিলে বসে এক মনে সিপ্ দেয় গ্লাসে ; পাঁড় মাতাল। চুরচুরে না হলে আমেজ আসে না।

—স্তার !

দীপার ভাকে চমক ভাঙ্গলো ; লাল করমচার মত চোখ মেলে হাসবার চেষ্টা করে এবং সহজ ভাবেই বলে।

—আই অ্যাম অলরাইট ডিয়ারি।

আবার নিজের পকেট থেকে সিগারেট কেস বের করে এগিয়ে দেয় দীপার দিকে।

—নো, থ্যাঙ্ক্‌স্‌।

রাত হয়ে আসছে ; নির্জন পথ দিয়ে আসছে গাড়ীখানা ; মিঃ রমণের থলথলে হাত ছুটা দীপার কোমরে চেপে বসেছে, নেশার ঘোরে কাঁত হয়ে পড়েছেন সাহেব। স্তব্ধ হয়ে বসে আছে দীপা ; হঠাৎ ওদের গাড়ীর হেডলাইটে সামনের গাড়ীখানা এক ঝলক উল্গে পড়ে, মানব একাই ফিরছে ব্যাংকের দিকে ;

আলোর বলকানিতে এদের দেখতে পায়না ; দীপা চমকে উঠে নিজেকে ওই নেশাতুর লোকটার বাঁধন থেকে মুক্ত করে নেয় ।

একটি মুহূর্ত ! গাড়ীখানা বের হয়ে গেল । কি যেন একটা কাণ্ড ঘটেছে—তার মানে । মিঃ রমণ নেশার ঘোরেই আরও নিবিড়ভাবে জড়িয়ে ধরে তাকে ; বিজাতীয় স্থণায় রি রি করছে দীপার দেহমন ।

বাড়ীতে মা তখনও জেগে আছে । দীপার উৎকট প্রসাধনের দিকে চেয়ে আছে মা ; মস্ত একবার উঠে আলো জ্বলে বাথরুম যাবার নাম করে বারান্দা দিয়ে চলে গেল । দীপার সারা গায়ে বের হচ্ছে তীব্র ফরাসী সেটের গন্ধ, কাপড়-চোপড় ভাঁজে কুঁচকে উঠেছে ।

—এত দেরী হল ?

—শহরে যেতে হয়েছিল একটু কাজে ।

মা কথা কইল না, মেয়ের আপাদমস্তক সে কি যেন সন্ধান করছে । একটু চুপ করে থেকে নিস্পৃহ নিরাসক্ত কণ্ঠে বলে ওঠে ।

—যা, হাতমুখ ধুয়ে স্নান করে নে ।

দীপা চলে গেল । কি যেন অসহায় কান্নায় ভেঙ্গে পড়ে মা ; জীবনের অতীতের প্রাচুর্য সম্মানভরা দিনগুলো আজ যেন নীরব ভাষার ব্যঙ্গ করছে তাকে, নিষ্ঠুর এ ব্যঙ্গ ! অসহায় কান্নায় চোখ ফেটে জল আসে ।

শান্ত অতীত ঘরজালানো সর্বনামের আঙনের আভায় রঙ্গীন বর্তমানকে দেখে শিউরে উঠেছে । ভয়ে হতাশায় তাই মা কাঁদে ।

—মস্ত !

মাকে কাঁদতে দেখে এগিয়ে আসছিল সে ; মা তাকে দেখে চোখের জল চাপবার চেষ্টা করে বলে ওঠে ।

—যা রাত অনেক হয়েছে শুয়ে পড়গে । কাল আবার সকালেই অফিস বেরতে হবে ।

আজ স্বামীর কথা মনে পড়ে—চোখ ফেটে জল আসে নির্মম হতাশায় । সব স্বপ্ন তার ছিঁড়ে গেছে ।

মা-ও তার কাছে এই অসহায় বেদনা লুকোতে চায় । মা-ছেলে কেউ প্রকাশে এর প্রতিবাদ করতে পারে না, দুজনেরই মনে পঙ্কীভূত লজ্জার কালো ছায়া জমে ওঠে ।

মাথুরী চলতে চলতে হঠাৎ যেন থমকে দাঁড়িয়েছে । হাসপাতাল থেকে বাড়ী ফিরেই দেখে নটেবর্ন খেতে বসেছে একটা কলাইকরা খালায় ভাত আর সামান্য কি

তরকারী, ভাল একটু আছে কি নেই । থমকে দাঁড়াল মাধুরী ।

নটেশ্বর জবাব দেয়—না না, কোন অসুবিধা আমার হয়নি ।

—থাম তুমি । ওকে থামিয়ে দিয়ে ঝিকে ডাকল ।

নটেশ্বর একটু ঘাবড়ে গেছে, মাথার চুলগুলো ঝলমলো—ধুলোর আবছা দাগ, কাপড়চোপড় আরও কদৰ্শ হয়ে উঠেছে ।

—হাঁরে বাসির মা, এই দিয়ে কেউ খেতে পারে ? আর কোন তরকারী মাছ নেই ?

—দ্বিই দ্বিদিমণি ; বললাম ওকে তা উ কি লিবেক ?

নটেশ্বরের চোখ দুটো ঝিকে হয়ে ওঠে—তোমাকে আবার শশব্যস্ত হতে হবে না । ঝি মাছ দিয়ে গেছে, পরম তৃপ্তি ভরে খাচ্ছে নটেশ্বর, মাধুরী ওর দিকে চেয়ে থাকে যেমন দুঃখও হয়—সমবেদনাও ওর ভাগ্যে ।

মাধুরী বলে ওঠে—হুটো জামাকাপড় করিয়ে নাও, নইলে ওই পোশাকে কেউ কাজ দেবে না—পাগল বলে তাড়িয়ে দেবে ?

নটেশ্বর লজ্জায় মাথা নামাল দারিদ্র্যের করাল ছায়া ওর সারা মুখে চোখে ফুটে ওঠে ! ওই অভিজ্ঞতা বোধহয় ইতিপূর্বেই তার হয়েছে ।

...মানব সারাদিন কাজের মধ্যে ডুবে থাকে ; ভুলে থাকতে চায় সব কিছু । দীপাকে দেখেছে আজও তেমনি দুবার গতিতে এগিয়ে চলেছে সে বর্ষার দাঁমোদরের মত—দুকূল ভাসানো রূপ, তেমনি উত্তাল তরঙ্গসঙ্কুল । চোখে মুখে ধ্বংসের ছায়া । অবহেলা করে গেছে তাকে ।

টুহুবোদি 'সেই চিঠির জবাব দিয়েছিল—একদিন তোমার ও ভুল ভাববে মানব—অন্তায় আমি করিনি ।

সরে গেছে বোদি—দীপাও । মাধুরীকে আজ নিবিড় করে পেতে চায় । টুহুবোদির কথা বলেছে মাধুরীকে । কোন জবাব দেয়নি মাধুরী ।

সন্ধ্যার আবছা অন্ধকারে মানব বসে আছে, মিশকালো আকাশে ফুটে উঠেছে হুঁচরটে ছিটিয়ে পড়া তারাকুল—নদীর দিক থেকে ভেসে আসছে কালিতাতা বাতাস, মানব মাধুরীর দিকে চেয়ে আছে, কালো কালো ঝং টিকলো নাক চোখমুখে বুদ্ধির দীপ্তি, নিটোল পূর্ণতা ঘিরে রয়েছে ওকে !

টুহুবোদিকে ক্ষমা করতে পারিনি মাধুরী, 'ও যদি সুহৃদার কাছে বোঝাইএ ফিরে যেতো দুঃখ করতাম না ।

—সেখানে গিয়ে মেমসাহেবের হুকুম-মেনে থাকতে পারতেন না—তাই নিজের ব্যবস্থাই করে নিয়েছেন । মেয়েরা ঘর বাঁধবার জন্য খামী চায় !

মানব জবাব দিল না, ওর হাতখানা মানবের হাতে ; নরম একগাছা খুঁই
ফুল মত স্পর্শ । চোখের কোলে আবছা আভা ।

—মাধুরী !

সব শুরু হয়ে গেছে—মানবের ডাকে শিউরে ওঠে মাধুরী । সারা মনে ঝড়
বইছে—সব বাঁধন-সংস্কার হারাবার ঝড় । জীবনের অতীত দিনেও অমনি
করে ডেকে ফিরে গেছে । আজও ফিরে ফিরে আসে সেই চাওয়া—সেই আকুল
করা ডাক । হাজারোও কাজের মধ্যে মাঝুষ যে নিঃশেষে মরে যায়নি এ সেই
চিরন্তন প্রাণের স্পন্দন ভরা অন্তর্ভূতি ।

চমকে ওঠে মাধুরী ! মানব নিবিড়ভাবে তাকে কাছে টেনে নেয় ; উষ্ণ বহু
প্রতীক্ষিত সেই স্পর্শ । মাধুরীও নিঃস্বজীবনে একটু পূর্ণতা কি চায় নি !

হঠাৎ আবছা অন্ধকারে কে এগিয়ে আসছে এইদিকে । নিজেকে সামলে
নিয়ে সরে বসলো মাধুরী, চোখমুখে কণ্ঠস্বরে সেই উত্তেজনা ; মানব উঠে
দাঁড়াল ।

এগিয়ে আসছিল নটেশ্বর । হঠাৎ সেও মানবকে দেখে দাঁড়িয়েছে । কি
ভেবে ওদিক পানে চলে গেল । মাধুরী চমকে ওঠে । কি যেন লজ্জায় ছেয়ে
যায় তার দেহমন ।

সঙ্কার শুরুতা আর আঁধার নেমেছে । শব্দের জন্ত কোন বিশ্বস্তির অভলে
হারিয়ে গিয়েছিল তারা ।

মানব আর মাধুরী ।

নিজের মনের এই দৈন্ততায় বিন্মিত হয়েছে মাধুরী ।

মানব চলে গেছে একাই চুপ করে বসে আছে মাধুরী । ঘুরের একফালি
আলো এসে পড়েছে বারান্দায় ।

—আসবো ?

নটেশ্বর এগিয়ে এসে জামা-কাপড়গুলো বের করে প্যাকেট থেকে । দেখিয়ে
বলে ওঠে ।

—নোটুন কিনলাম, তিন টাকা ফেরৎ এসেছে ।

টাকাটা বাড়িয়ে দেয় ওর দিকে ; মাধুরী ওর দিকে চেয়ে আছে স্থির দৃষ্টিতে,
ওর চোখে কোথায় যেন বেদনার গভীর ছাপ ফুটে ওঠে ।

—টাকা রাখ তোমার কাছে । কাজের কিছু হ'ল ?

—চেষ্টা করছি । কালও যেতে বলেছে একজন । কাজ ঠিক হলেই চলে
যাবো । তোমার অস্থবিধা করতে চাই না ।

মাধুরীর মুখে একটা যেন চড় কসেছে কেউ । ওর দিকে চেয়ে বলে ওঠে

মাধুরী ।

—যে ক’দিন কোন ঠাই না জোটে, বাইরের ওই ঘরখানাতেই থাকবে ।

আনন্দের আভা ফুটে ওঠে নটেশ্বরের মুখে—ভালোই হল । স্টেশনে যা মশা
- শোয় কার সাধ্য । আর কাঠের বেষ্টিতে তেমনি ছারপোকা ।

নটেশ্বর নোতুন ঘরের সন্ধানে বাগানের ওদিকে চলে গেল, মাধুরী একা কি
ভাবছে । একটা গানি তার মন ছেয়ে আসছে ।

.. প্রাণসম্পদে ভরপুর—বেপরোয়া ওই নটেশ্বর, আজ জীবন ওর কাছ থেকে
সমস্ত শক্তিরূপ নিংড়ে বের করে নিয়ে ছোবড়ার মত দূরে ছুড়ে ফেলেছে
ওকে ।

স্তব্ধ স্থপতি উপনিবেশ, কাজ হচ্ছে ব্যারেজে ! খার্মলপ্লাস্ট কনস্ট্রাকশন চলেছে ।
একটা সদজাগ্রত চেতনার মত মানবের গাড়ীখানা আধার ফেড়ে জ্বলন্ত চোখ
মেলে চলেছে ‘ভ্যামশাইটের’ দিকে—জেগে আছে মানব ।

মাতৃশ্বের চেষ্টার বাহ্যিক প্রকৃতির অনেক কিছুই ওলট-পালট ঘটেছে কিন্তু
প্রকৃতির মূল সূত্রে সে কোথাও হাত দিতে পারেনি ; গাছের ফুল আজও
ফোটে—কঠিন মাটির বুকে বৃষ্টির স্পর্শ পেয়ে আজও তৃণাকুর জন্মে ওঠে ; ভুল
করেও পশ্চিম দিকে সূর্য কোনদিনই ওঠে না ; প্রতিটি দোলন পথ নির্দিষ্ট ; বেড়ে
ওঠে ক্রমশঃ একটা পরিমিতিতে এসে আবার ক্রমনিম্ন হয়ে যায় তার গতি ।
মনের মধ্যে সেই বৈচে থাকার ভালোবাসার সহজাত প্রকৃতিটাও তেমনি বিজ্ঞানের
গ্রহরা এড়িয়ে বৈচে আছে ।

তাই বাঁচতে চায় মানব । মাধুরীকে ভালোবাসে । এর মধ্যে দুর্বলতার কি
আছে জানেনা । তারা স্থখী হতে চায় ।

...দীপা থমকে দাঁড়িয়েছে, কালীপুর স্টিল প্রোজেক্টের মিস্ দীপা ব্যানার্জি
হঠাৎ চলতে চলতে হৌচট খেয়েছে প্রচণ্ড ভাবে । সারা মন মুষড়ে পড়েছে
তারই আঘাতে আর প্রতিঘাতে । কয়েকদিনের মধ্যেই সমস্ত রূপ পালটে গেছে
তার চোখের উপর । বিশ্বাসই করতে পারেনি এই পরিণতিতে ।

মিঃ রমণ সেদিন ওর কথাগুলো শুনে স্তব্ধ দৃষ্টিতে চেয়ে থাকেন দীপার দিকে ;
নিবিড় ঘৃণা কাঠোর কাঠিন্য ফুটে ওঠে তাঁর কুন্তককুন্তে শাপদ-হিংসাত্মক ছোটো
চোখে , পুঞ্জীভূত অবিশ্বাসের ছায়া মাখানো সেই দৃষ্টি ।

—নেভার । ইউ ড্যাম লায়ার ; ভোস্টো বি জি—

রাগের চোটে ইংরেজী ভাষাতেও মাতৃভাষার টান এসে যায় ।

মেদবহুল খলখলে দেহখানা তুলে দাঁড়াবার চেষ্টা করেন। দীপা অবাক হয়ে চেয়ে আছে তাঁর দিকে। তার উচ্ছ্বল জীবনে চিরন্তন সত্য নিষ্ঠুর বিপদ এসে দাঁড়িয়েছে। কোন রক্তবীজের অস্তিত্বে শিউরে উঠেছে দীপা। হাহাকারে মন ভরে ওঠে। যেন আত্মনাদ করছে।

—স্বা। গ্লিঞ্জ।

—অসহায়— নিতান্ত-নিঃস্ব মনে হয় নিজেকে। দীপার উচু মাথা নেমে গেছে—চোখে তার জল।

—আমি! হাসছেন হাঃ হাঃ করে চিফ্।

টেবিলের ড্রয়ার খুলে বের করলেন একখানা রেশমি বান্ধানো যত ভায়েরী বই। মোটা মোটা থ্যাবডা আঙ্গুল দিয়ে উন্টে পাণ্টে কয়েকখানা পাতার পর একটা পাতায় এসে থামলেন :

—হিয়ার ইউ আর।

দীপার দিকে বাড়িয়ে দেন খোলা পৃষ্ঠাটা। চমকে ওঠে দীপা; তার চাল-চলন—কবে কার সঙ্গে দেখা করেছে, কে গেছে তার বাড়ীতে, তাদের অ্যারাই-ভ্যাল, ডিপাভচার, সময়—সমস্তই নিখুঁত ভাবে লেখা আছে, কবে মিঃ পাবেথের সঙ্গে কলকাতা গিয়েছিল, কবে কোক ওভেনের মিঃ বস্তু তাকে আসানসোল নিয়ে যান, কবে কে তাকে লিপ্ট্ দিখেছিল অর্পিস পর্ষন্ত, আরও কত খুঁটিনাটি ব্যাপার। রীতিমত স্পাই রেখেছিল যেন তার উপর।

দীপা অবাক হয়ে ওর দিকে চেয়ে থাকে। সাহেব ওকে কোণঠাসা করে বীরদর্পে বলে ওঠে।

—নাও ইউ সি মাই গাল্, টেল মি হু ইজ জাট ম্যান—জাট পার্টিকুলার লাকি ম্যান্।

বিত্তী কদর্ঘ ইঙ্গিতে ওর দিকে চেয়ে হাসছেন কুতকুতে চোখ মেলে।

দীপাকে কি সম্মানের চোখে দেখে এসেছে এতদিন ওই পিটপিটে শয়তান আজ দীপা তা বুঝতে পারে। কোনদিনই তাকে উচু নজরে দেখেনি, দেখেছে সামান্য একটি মেয়ে হিসাবেই, ফাউ-হিসাবে পেতে চেয়েছে তার রোমন-সম্ভার। লুট করেছে নিজেকে—দেউলিয়া আর অপমানিত করেছে তাকে নিষ্ঠুরভাবে।

নিজের স্বাধীন ব্যক্তিত্ব চেয়েছিল দীপা, চেয়েছিল কর্তৃত্ব করতে; সেই সামান্য পাওয়ার বিনিময়ে যে বিকিয়ে দিয়েছে তার আত্মসম্মান, নারীত্বের মানসম্মান। আজ অহুভব করে যে সভ্যতার বড়াই করেছিল, যার জন্ত মানবকে নিষ্ঠুরভাবে প্রত্যাখ্যান করেছিল, তাকে নিঃশেষে গ্রহণ করে আত্মবিলুপ্ত প্রাণসম্মানহীন জড় হয়ে সে আজও পরিণত হতে পারে নি। সেই দীপা সব হারাবার চরম মুহূর্তের

মুখোমুখি এসে ভেঙ্গে পড়েছে। তার চোখের সামনে এই সভ্যতার অমাহবিকরূপ প্রকট হয়ে দেখা দিয়েছে।

যে গাড়ী গতিবেগে মানুষকে নোতুনের দিকে নিয়ে যায়—সেই কালের রথচক্রনিষ্পেষণে আজ দলিত পিষ্ট হতে চলেছে দীপা? সাহেব যেন ব্যঙ্গ করে বলে চলেছে।

—আই শাল টাই টু গেট ইউ আউট অব দিস্ টাইট কর্ণার! ইফ ইউ উইশ্।

কথাটা জানাজানি হলে বিপদ—চিফ অ্যাডমিনিস্ট্রেটর কড়া লোক, তাঁর কানে উঠলে একটা কেলেকারী ঘটবে। তাই সাবধান হতে চায় চতুর লোকটা। অতিরিক্ত কণ্ঠে মিঃ রমণ অভয় দেন, তাকে এই ছুরপুনের কলঙ্ক থেকে বাঁচাবার আশ্বাস তিনি দিচ্ছেন। দীপা টলতে বের হয়ে আসে।

সাহেব অল্প সময় গাড়ীর জন্ত হাঁক-ডাক করতেন, আজ আর সেসব হয়ে উঠল না, কি যেন ভাবছেন। দীপা চুপ করে বের হয়ে পথে নামল।

—সেলাম মেমসাব।

বয় বেয়ারা সন্দেশই ওকে সেলাম দেয়; মাথা উচু করে সেই সেলাম গ্রহণ করতে আজ সম্মানে বাধে দীপার; ফাহুসের মত আকাশে উঠেছিল সে—কিন্তু অন্তঃসারশূন্য সেই অস্তিত্ব এতদিন তা বোঝেনি; আজ এই সভ্যতার বিকৃত রূপ তার চোখের সামনে বদলে গেছে।

লাল মাটিতে আগুনজ্বালা রোদ ক্রীপছে হাজারো বিসর্পিল রেখায়, কুমারী অরণ্যের সবুজ শুচিতাকে এরা ছিন্নভিন্ন করে দিয়েছে। টেলিগ্রাফ-টেলিফোনের তারগুলোর ছুরের বাতাস বন্বন্ব সুরে আত্ননাদ তুলেছে। ছপাশের বাংলোর কোয়ার্টারের জানালা দিয়ে অনেক কোঁতুহলী দৃষ্টি যেন তার দিকে চেয়ে রয়েছে, আজও হিংসা করে ওরা দীপার সৌভাগ্যকে কিন্তু তার প্রকৃত পরিচয় যদি জানতে পারে ওরা—স্বর্ণা অহুকম্পায় ভরে উঠবে ওদের মন।

—এই ছপুয়েই ফিরে এলি যে!

মায়ের কথায় দীপা তার দিকে চাইল ক্লান্ত অসহায় চাহনিতে। মা অবাধ হয়ে গেছে ক’দিন থেকে দীপার এই আকস্মিক পরিবর্তনে। আপিস থেকেই সোজা বাড়ী এসে নিজের ঘরে ঢোকে—বের হয় না কোথাও। ক্লাব, ইনস্টিটিউট, এদিক ওদিকে বেড়াতে যাওয়া—আউটিং, অজয় নদের ধারে পিকনিক, সব ছেড়ে দিয়েছে দীপা।

—শরীরটা ভাল নেই মা! দীপার কণ্ঠে বেদনা ফুটে ওঠে। মা ওর গায়ে কপালে হাত দিতে থাকে।

—কই—জরটর হয়নি তো ?

—ক'দিনের জ্বর একটু চেড়ে যাবো ভাবছি। শরীরটা ভাল নেই।

মা কথা কইল না, মেয়ের দিকে চেয়ে থাকে ব্যথাকাতর চোখে। জানলার পর্দাগুলো টেনে অন্ধকার করে বলে ওঠে।

—একটু ঘুমোবার চেষ্টা কর।

ঘুম আসে না দীপার; ঘুরে ফিরে সেই চরম অপমানের কথাই মনে হয়; কি হতে পারতো—কোনখানে নেমেছে সে। যন্ত্রযুগ—বিজ্ঞান এগিয়ে গেছে; তার তুলনায় এগোতে পারে নি মানুষের মন। সে আজও সাবেকী ধর্ম সংস্কার সম্মান নারীত্বের সম্পদ আঁকড়ে পড়ে আছে। দেহটাকে বিরে ধর্মনৈতিকতার বেড়াঙ্কাল পরিয়ে রেখেছে নারী। পুরুষও তার মনকে এই চিরন্তন বৃত্তাঙ্ক থেকে উঁচুতে নিয়ে যেতে পারেনি। তাই নারী-পুরুষের মধ্যে সেই খাঙ্ক-খাদক সম্পর্কটা আজও বড় হয়ে আছে। এই বাঁধন থেকে মুক্ত হয়ে স্বাভাবিক জীবনের প্রস্তুতিও কারো মনে আসেনি, তাই দীপা আজ বলি হয়ে দাঁড়িয়েছে এই যন্ত্রজীবনের।

দিদির এই পরিবর্তনে মন একটু বিস্মিত হয়েছে। দুবার বেগে চলতে চলতে কোথায় যেন নিদারুণ আঘাত খেয়ে থেমে গেছে দীপা; মানবকে সেদিন আসতে দেখেছিল তাদের বাড়ীতে, দীপা স্তব্ধ হয়ে বসে আছে ডেক চেয়ারে; চুনগুলো উল্কাখুঙ্কা—চোখের চাহনিতে একটা বেদনাতুর ভাব।

পারেখ কয়েকবারই এসেছিল দেখা করতে, এসেছিল এ. ডি ও মি: কৃষ্ণাণ, আরও কে কে এসেছিল ওর অস্থির খবর পেয়ে দেখা করতে; সকলকেই নিষ্ঠুর ভাবে ফিরিয়ে দিয়েছিল দীপা।

‘চাকরটাকে বলে—ওদের বলে দে, দেখা করবার মত সময় আমার নেই। ঘুমচ্ছে।

ওদের পরিচয়—ওদের স্তাবকতা আর ভূয়ো সম্মানের দাম আজ তার কাছে কানাকড়িও নয়। স্টীল টাউনের সেই দীপা ব্যানার্জির অপমৃত্যু ঘটেছে। বাংলার বাইরে গাড়ীও আসে না আর—ফুল, মাছ আরও কত কি ভেট আসাও কমে গেছে ক'দিনেই। সাহেবের সঙ্গে কি যেন একটা গোলমাল ঘটেছে তার এ খবরটাই জঙ্গল শহরে আলোচনার বিষয় হয়ে দাঁড়িয়েছে।

—হঁ হঁ বাবা; উত্থান-পতন আছে-না? খুব উড়েছিল—এখন ধূপ্ কল্লো ডানা ছেৎরে পড়েছেন।

ব্যারেজের বিক্ষুব্ধ কোক ওভেনে চাকরি জুটিয়ে নিয়েছে, অনেকদিন এই টংরা মাটিতে বাস করে পাকানো দড়ির মত শক্ত আর শয়তানী চেহারা হয়ে উঠেছে। কার কাঁছ থেকে চেয়ে নিচ্ছে বিড়িটার উপ্টো-দিকে জোর হুঁ দিকে

ময়লা সাফ করে ধরিয়ে বেশ আমেজী টান দিয়ে বলে ওঠে,

—জান না—বড়োর পীরিতি বালির বাধ ।

ক্ষণে হাতে দড়ি, ক্ষণেকে চাঁদ ॥

এইবার চাকরি নিয়ে টান না পড়ে ছুঁড়ির ।

চিতিপাহাড়ীর টিলার নীচে জারুল গাছটাকা বাংলাটা ছায়াময় স্তব্ধতায়
ডুবে আসছে ।

নিবারণবাবু হাল ছেড়ে দিয়েছেন, এই দুর্বার পরিবর্তনের শ্রোতের বিরুদ্ধে বুঝবার
শক্তিসামর্থ্য তাঁর নেই । জমিদারী চলে গেছে, মাত্র পঁচাত্তর বিঘে করে কয়েকজনের
বেনামীতে কিছু জমি সরিয়ে রেখেছিলেন তাই টিকে গেছে । বাজারের দুপাশে
মাত্র কয়েকটা পুবাণো দোকান টিকে আছে—বাকী গজিয়ে উঠেছে দোতাল-
তেতাল বাড়ী, বুনুনগুয়ালা, আগরগুয়ালা, কল্যাণদাস ঝাবরদাস ইত্যাদির দল
এসে জুটেছে, মধুব গন্ধে ছুটে আসা মোমাছির মত আজকের কালীপুকে ঘিরে
ধরেছে ওরা ।

বধাকালে জঙ্গল ঘেরা ছোট বসতিগুলি খোয়া রাস্তার দুপাশে হুইয়ে
পড়ে ভিজতো, মাঝে মাঝে স্টেশনে কাঁপিয়ে যেতো মেল, এক্সপ্রেস ট্রেন ;
জনহীন স্টেশনে নেমে আসতো বিভীষিকা ঢাকা সন্ধ্যার অন্ধকার ; লালমাটির
ডাঙ্গা—শালবন—দামোদরের বালিচর আর মানাবনে নামতো তমসা, অবলুপ্ত হয়ে
যেতো চড়াইএর কোলে আম কাঁঠাল বাগানের ছায়াটাকা ভুবনপুর গ্রামসীমা ;
ঝিম ঝিম বৃষ্টি নেমেছে আকাশে, দূরে কোথায় ফেটে ডাকছে ; স্টেশনের আলো
নিভিয়ে বাবু খালসী হু'এক-জনও পালাতো । কালীপুর হারিয়ে যেতো আদিম
প্রাগ্‌ঐতিহাসিক অন্ধকারে ।

নিবারণবাবু সেইদিনের মাহুয । সেদিনের প্রতিপত্তিশালী লোক ; আজ
কালীপুরকে সেনা যায় না ; আজ সে নগরের পর্যায়ে পড়েছে । স্টেশনের বাইরে
দাঁড়িয়ে রয়েছে প্রশস্ত সাদা কালো মার্কা ঘেরা জায়গাতে বাঁকুড়া, স্টীল টাউন,
কোল ওভেন—বর্ধমান—আসানসোলগামী ঝকঝকে বাসগুলো ; সাইকেল রিক্সা,
ভটভটিয়া রিক্সার ভিড় জমে ; মেইল, এক্সপ্রেস ট্রেনগুলো দম নেয় ; ক্যানাডিয়ান
ইঞ্জিনগুলো ধমকে দাঁড়ায় ; দেশবিদেশের রকমারী যাত্রী আসে ; কালীপুরের
বৈয়াক্য মুস্তিকা পুরোনো আপনজনকে ভুলে আদর করে জড়িয়ে নেয় ওই নবাগত
অতিথিদের । দোকানে জ্বলছে নিওন লাইট ; বাতাসে ধ্বনিত হয়ে ওঠে রেডিওর
স্বর, হর্নের শব্দ, লোকের কোলাহল ; বিদেশিনীদের জ্র-ভঙ্গী অপরাধের কালীপুরকে
জাগিয়ে তোলে । এখনও ওখানে সিনেমার রঙ্গীন পোস্টার—বনের মধ্যে সিনেমা

হাউস গড়ে উঠেছে গোটাকয়েক। মালিয়াড়ার জমিদার কালীপুর মৌজার ছ’আনার মালিক, জলের নীচে হারিয়ে যাওয়া ভূবনপুরের ভূতপূর্ব জমিদার যুত কন্দর্প আচাই কালীপুরের দশ-আনির সরিকান—তাদের নাম আজ অজানা হয়ে উঠেছে।

অনেকে চেনে মানবকে—মি: আচারিয়া, সুপারিনটেন্ডিং ইঞ্জিনিয়ার ব্যারেজ ডিভিসন। এই তার পরিচয়।

—কেমন আছেন মামাবাবু?

নিবারণবাবু চোখ মেলে মানবকে দেখবার চেষ্টা করেন। অতীতের অন্ধকার থেকে বর্তমানের আলোর আস্থান; দীর্ঘ দেহ, যৌবনের দীপ্তি ওব ছুচোখে। এ যুগের মানুষ ওরা; জীবনকে সহজ ভাবে ধরাবীধা ছকে নিতে পেরেছে। মিথ্যা মোহের স্বপ্ন ঘুছে গেয়ে তাদের; আজ কন্দর্প আচাই ওর জীবনব্যাপী বিক্ষোভের কারণ বৃত্ততে পেরেছেন নিবারণবাবু। এই প্রাণহীন যান্ত্রিক জীবন, হৃদয়হীন সভ্যতা; আর অপরিচিতের সম্মানকে হিংসা করতো সে।

কথা কইলেন না নিবারণবাবু; মানবের হাতথানা তুলে নেন নিজের হাতে; কর্মক্ষম পেণীবহুল হাত।

কালীপুরের অতীতের ছবি আজ উজ্জ্বল হয়ে উঠেছে তাঁর চোখে, অস্তাচলের তীর থেকে জীবনের ক্লাস্ত পেরিয়ে আসা পথের ওপারে উদয়াচলের দিকে চান তিনি।

সেই জীবনে হয়তো এতো ক্লান্ত সভ্যতার স্পর্শ ছিল না কিন্তু তবু হৃদয় সার্থক ছিল যেই দিন। সমস্ত অপূর্ণতা বর্বরতা নিয়েও সেই জীবন ছিল স্বয়ংসম্পূর্ণ।

যেদিনের মানুষ ছিল কন্দর্প আচাই—নিবারণবাবুও সেই কালের মানুষ; দ্রুত পরিবর্তনের বেগে গাছ থেকে বর্ষশেষের জীর্ণ পাতার মতই তারা ঝরে গেল একে একে সহজ স্বাভাবিক গতিতে!

কালীপুর এগিয়ে চলেছে পূর্ণ গতিতে—নিজের কক্ষপথে।

টিকে আছে টগর। এ যুগের বাঁচবার গোপন মন্ত্রটি তার জানা হয়ে গেছে। বাহ্যিক খোঁসটাকে টেনে নিয়ে চলেছে এই যুগ—এগিয়ে চলেছে মানুষ; পোশাক-আশাক রুচি—সব দিক থেকে দ্রুত পরিবর্তন ঘটেছে। দেহটা এগিয়ে চলেছে, কিন্তু মন সেই সাবেকী মধ্যবিত্ত সংস্কারকে ছাড়তে পারেনি; এখনও সত্যিই নারীষ চরিত্রের মাপকাঠি রয়ে গেছে অতীত কালেরই; অন্তরের সেই জড়তার মাঝে আজও সনাতনী মন মাথা তুলে নীতির নির্দেশ দিতে ওঠে; বর্তমানের ক্লান্ত ভেদ

করে ওঠে অতীতের সংস্কারাচ্ছন্ন মন ।

মাধুরী সেই দোটানায় পড়েছে ; দীপার মত উগ্র আধুনিক—সেই মনের শাসনে অর্জরিত হরেছে , কিন্তু মনকে সংস্কারমুক্ত করা এক যুগের সাধনায় সম্ভব নয়, তবে বিসর্জন দেওয়া সম্ভব ।

টগরের মন বলে কোন পদার্থ হয়তো আর নেই । দেহসর্বস্ব নারী । ব্যাভিচার আর মাংসের নেশায় মেতে ওঠা বাঘিনীর মত শিকারের পর শিকার ধরেছে ; নিঃশেষে তাদের সবকিছু নিংড়ে নিয়ে পরিত্যাগ করে আবার নোতুন শিকার ধরার ফাঁদ পেতেছে । প্রীতি প্রেম ভালবাসা মন—অন্তরের এই দুর্বলতার স্পর্শ তার কোথাও নেই ।

রূপাল সিং বুড়িয়ে গেছে ; ক্লান্ত সে । জীবনে দাঁড়াবার জ্ঞান অনেক কিছুই করেছে । কিন্তু কোনটাই সার্থক হয়নি তার । মতপ লম্পট মানুষটি হয়তো উঠতে পারতো, কালীপুং বাজারে তিনমহলা বাড়ী তুলে সাপ্লাইএব কারবার করে লাল হয়ে উঠতো—মুকুন্দ সাঁপুইএর ভাইপোর মত ।

কিন্তু টগরের সর্বনাশা নেশায় ডুবে গেছে সে । ফেল পড়ে ; গেছে ওর কারবার । টগরের হোটেলের একপাশে বসে থাকে ; দাঁড়ি গৌণের জঙ্গলে সাদা আস্তরণ লেগেছে ; চোখ দুটো বুজে আজ সর্বদাই । অত্যধিক নেশার ফলে হাত কাঁপে । টগর খ্যাচ খ্যাচ করে দিনরাত, সবকিছু নিংড়ে নিয়ে আজ রূপাল সিংকে বাতিল বলে নিয়েছে ।

—যা না মুখপোড়া, নদীর ধারে তুব ভিটেতে যা না । মড়া এখানে পড়ে আছে দিনরাত !

রূপাল সিং কথা বলে না, লাল দুটো চোখ মেলে দেখবার চেষ্টা করে । প্রথম টগরকেই কত কি শোনাত রূপাল সিং ; শুনত কেবল টগর একা ; তার জ্ঞান পরমা ভোমকেও নিষ্ঠুরভাবে হত্যা করতে দ্বিধা করেনি । দুহাতে ওর পায়ে ঢেলে দিয়েছে লুঠকরা অর্থ—দৌলত । টগর সেদিন শুনেছে তার নিষ্ঠুর প্রেমালাপ ।

আজ দিন বদলেছে—টগর শোনাচ্ছে তাকে ; একা সেই-ই ওই রক্ত রসালাপ শুনে ক্ষান্ত হয়নি—শুনছে সারা কালীপুরের লোক ।

টগর আজ হোটেলের কর্ত্তা ; কালীপুর বাজারের বাইরেই টিলার গায়ে বড় দোতলা বাড়ী তুলেছে ; অনেকখানি সীমানা জুড়ে পাঁচিল দিয়ে কুয়ে পাম্প গ্যারেজ—সবই গড়েছে , পিছনেই শালবনের সীমানা, কয়েকটা বড় বড় আমগাছ ছায়াধন মনোরম করে রেখেছে জায়গাটাকে । বৈকালের বাতাসে ভেসে আসে বন থেকে শালফুলের মদির সুবাস ।

টগর গোপন ব্যবস্থা করে রেখেছে ; বিলেতী দেশী মদের যোগানও দেয়, সেই সঙ্গে আরও অনেক কিছু। বকবকে—নিগুনজলা বাড়ীটা এ অঞ্চলে আভিজাত্যের পরিচয় পেয়েছে।

এই পরিবেশে কৃপাল সিং-এর মত চেহারার ধসেপড়া মানুষটি বেমানান।

—যখন-তখন এসো না বাপু, সাহেব-স্ববো আসেন—থাকেন ; তেনাও কি ভাববেন ?

—একটু নেশার কিছু দে, চলে যাবে হামি।

কাতর কণ্ঠে অত্ননয় করে কৃপাল সিং। নেশার খরচ যোগাবার মত সামর্থ্যও তার নেই। গাড়ী দুখানার রোড পারমিটও টগরের নামে বেনামী করে বেখেছিল। টগরকে কান-ভাঙ্গানী দেবার লোক জুটেছে।

—ওই ঘরের ভিতর যাও, দেখো গে কিছু আছে কিনা।

বোতলের তলানি নাহয় অবশিষ্ট পেগের সামান্য সঞ্চয়, তাই দিয়েই তেষ্ঠা নিবারণ করে কৃপাল সিং।

সশব্দে একথানা গাড়ী এসে থামলো, কোন টুরিস্ট হবে বোধহয়, সদলবলে বাস্কবীদের নিয়ে নামছে ; কঁাকে বাইনাকুলার ক্যামেরা, এদিকে ঝুলছে দামী ক্লাক।

ম্যানেজার ছোকরা এগিয়ে গিয়ে নমস্কার করে অভ্যর্থনা করে, ইংরেজী জানা খদ্দেরকে টগর অভ্যর্থনা করে না ; শেঠজী, মাড়োয়ারী, বোম্বেওয়ালা ঠিকাদারদের আদর-আপ্যায়ণ করে টগর নিজে।

ওদিকে কাকে হেসে কি যেন বলছে টগর।

কৃপাল সিং রোদপোড়া ভাঙ্গার দিকে এগোল—আর দুপুরের আশুনজলা গরম সহ্য করতে পারে না ; কাঁচা পেঁয়াজ কামড়ে তলানি মদ খেয়েছে গা ঝুলছে।

আহ্ ! কে যেন গালাগাল দিচ্ছে পিছন থেকে।

ভিজিটাররা চলেছে ব্যারেজের দিকে—দামী গাড়ী নিঃসন্দেহে তার পিছনে এসে দাঁড়িয়েছে, মদের নেশায় রাস্তার এদিক ওদিক টলতে সে—বেশ বুঝতে পারে কৃপাল সিং।

একদিন এ মূলকে তাকে শুয়ারকা বাচ্চা বলবার কোন লোক ছিল না, ওরা সেই শের-ই-কালীপুরের কৃপাল সিংকে চেনে না। কম্পর্পবাবু গেছে, নিবারণবাবুও মারা গেছেন ; দুই স্তম্ভের উপর পা দিয়ে কালীপুরের সোভাগ্যের চুড়োয় উঠেছিল কৃপাল সিং ; আজ পায়ের নীচের সেই ভিত্তি ধ্বংস পড়েছে, প্রহসার হিংসা

মারামারি করে তিনজনেই ধ্বংস হয়ে গেল ; নইলে কালীপুরের ইতিহাসে তারা স্মরণীয় হতে পারতো ।

গা পাক দিচ্ছে । খালিপেটে তীব্র ঝাঁঝালো পানীয় রোদের তাপে গেঁজিয়ে উঠেছে , একটা শিশু গাছের ছায়ায় বসে বসি করলে রূপাল সিং নামে নেয়ে উঠেছে বমির বেগে , ময়লা পাগড়িটার খুঁট দিয়ে মুখ মুছে দম নিচ্ছে ।

ব্যারেজ বাংলাগুলো রোদে কিমুচ্ছে—জনমানবহীন হয়ে পড়েছে ওগুলো । নোতুন শহর গড়ে উঠছে দূরে—বনের মাঝে ।

বনস্পতি থেকে পাতা ঝবছে । একটির পর একটি । বাবা গেছেন, দাদু গেছেন তাঁর আগেই । নিবাবণবাবু হারিয়ে গেলেন—কালীপুরের অতীত জীবন মবে গেছে । মালিষাডাব মুখ্যোদের গোঁবব বিগতপ্রায় । দেশের বাড়ীতে আব কেউ রইল না । জমিদারী যাবার পর হতেই ওরা কলকাতায় গিয়ে উঠেছে স্টীলপ্রজেক্ট বাড়ীখানা কিনে নিয়েছে—বাগানের চাঁপাফুল গাছে আজও ফোটে গাঢ় হলুদ গন্ধভরা ফুলগুলো ।

একজনকে মনে পড়ে মানবের বার বার ।

কলকাতা থেকে ফিরছে কাজ সেরে , ট্রেনে উঠেই অবাক হয়ে যায় । অপার বার্থ—লোয়ার বার্থ রিজার্ভ করে যাচ্ছে স্বামীস্ত্রী আর একটি ছোট ফুলের মত সুন্দর ছেলে । চঞ্চল দামাল ছরস্তু । কামরাময় দৌড়ঝাঁপ করছে ।

—মানব না ?

—টুহুবোদি !

চমকে ওঠে মানব । হাতের কাগজখানা ফেলে চেয়ে থাকে ওর দিকে । একটুও বদলায়নি —কপ যেন ফেটে পড়ছে । কালো কৌকড়ান একরাশ চুলের মধ্যে ঘন লাল সিঁহুরের আভা । মুখে তেমনি মিষ্টি টোল খাওয়া হাসির আভা । একটি মুহূর্ত । মানবের মনে ঝড় জমে ওঠে । টুহুবোদি এগিয়ে আসে, এতটুকু বদলায়নি সে ।

—রাগ করে কথাই বলবে না ?

স্বামীর সঙ্গে পরিচয় করিয়ে দেয়, ছটফটে বাচ্চাটা পরিচয়ের অপেক্ষা রাখে না—কাছে এসে জোটে ।

—মামাবাবু হন, মস্ত ইঞ্জিনিয়ার ।

থোকা ওর টাইএর ডিজাইন দেখতে থাকে নিবিষ্ট মনে ।

একটি মুহূর্ত । সেই বেদনাতুরা চাহনি মুছে গেছে টুহুবোদির মুখ থেকে

—কি এক সাধকতার অপরূপ রূপে রূপবতী আজ সেই মেঘবরণ কন্যা ।

মালিগাড়ার ধসেপড়া অবস্থাটা মনে পড়ে, আজ টুহুবৌদি সেখানে থাকলে নিঃশেষ হয়ে যেতো ভালই করেছে সরে গিয়ে । মানব ওর দিকে চাইল, নোতুন করে বেঁচেছে টুহুবৌদি । স্থখী হয়েছে ।

—এখনও রাগ পড়েনি ?

গলা খাটো করে মানবকে শোনায় কথাটা । অধ্যাপক ভদ্রলোক কি একটা বই-এ ডুবে আছেন ।

—দীপা কোথায় ? টুহুবৌদির কণ্ঠে পরিহাসের স্বর ।

মানব বলে ওঠে,—যে যার কাজে ব্যস্ত বৌদি । কে কার দিকে নজর দেয় !

টুহু ওর দিকে চেয়ে থাকে । মানবের মনে কোথায় নিদারুণ দুঃখ সে দিয়েছে । দীপার সঙ্গে আজ তার সম্পর্ক নেই এটা বেশ বুঝতে পারে অতীতের সেই ভুল বোঝাবুঝির পালা আজও থামেনি ।

বলে ওঠে বৌদি—দীপা তার ভুল বুঝবেই মানব ; আমার মত নয়—আর নিরুপায় নয় ।

মানব অবাক হয়ে টুহুবৌদির থমথমে মুখের দিকে চেয়ে থাকে । বাইরের দিকে চেয়ে কেমন যেন নিজেকে সামলাবার চেষ্টা করছে সে ।

গাড়ীখানা বেগে ছুটে চলেছে । মানব আমন্ত্রণ জানায়,

—চল আমার ওখানে, একটা দিন—অন্ততঃ একটা বেলা থেকে যাবে ।

—না । অতীত অতীতই থাক মানব । মিছে দুঃখ বাড়াতে চাই না ।

একটি স্বপ্নময় যৌবন বেলা ! কত আশা উৎসাহ দিয়ে গড়ে তুলেছিল সে । মানবকে হারানো কালীপুরের জীবনের একটি অবিচ্ছেদ্য অংশ । পথের বাঁকে একটি মধুসন্ধ্যা তাকে ডাক দিয়ে সরে গেল । এর বেশী চাইতে গেলেই মলিন হয়ে উঠবে সেই স্ত্রী । ওই হারানোর মাঝেই ওরা সুন্দর ! সেইখানেই সার্থক !

—তোমাকে ভুল বুঝেছিলাম বৌদি । তুমি স্থখী হয়েছেো । ভুল একটুও করোনি । আজ সেই কথাটাই বলে গেলাম ।

কালীপুর স্টেশনে কয়েক মিনিট থেমেছে গাড়ীখানা, জানালায় কাছে দাঁড়িয়ে আছে মানব, বৌদির চোখ ছিল ছল ছল ; মানবের হাতখানা বৌদির হাতে ।

—সংসারী হও মানব । সঙ্গী চাই জীবনে—অনেক দাম দিয়ে এটুকু অমূল্যব করেছি ।

চলছে গাড়ীখানা ; কালীপুরের সবুজ স্থিতি দূরে—দূর দিগন্তে মিলিয়ে গেল ! মিলিয়ে গেল টুহুবৌদির শাগর জগত্তর চোখের চাহনি ।

কর্তৃপক্ষ পরমহয়ালু । অদৃষ্ট হাতের ইঙ্গিতে সব ব্যবস্থা হয়ে যায় । দায়িত্ব

স্বীকার করে সংসাহস দেখানোর রীতি এখানে সেকেন্দ্রে। এসব তো
হামেশাই ঘটছে—এরজন্ত দীপাকে মুখে পড়তে দেখে অভয় দেয় পরমদয়ালু
কর্তব্যপরায়ণ অনেকই।

—ইট ইজ ন্যাথিং ম্যাডাম।

ডাঃ মাধুরী চ্যাটার্জি একটু অবাক হয়ে গিয়েছিল। কিন্তু একজন জুনিয়ার
ডাক্তার মাত্র—অদৃশ্য উপরওয়ালাদের চাপে চিফ মেডিক্যাল অফিসার ওকে একটু
কড়া করেই বলেন।

—নো কমেন্ট প্রিজ।

চুপ করে যায় মাধুরী। স্টীল টাউনের সিকিউরিটি অফিসার মিঃ পাণ্ডে ওর
দিকে চেয়ে থাকে—নামটা গোপনে চলে যাবে ওদের কানে তাও জানে
মাধুরী। ব্যাপারটা কিছু অস্বাভাবিক হয়েছিল—অনেকক্ষণে আইন মানা যায় না।
জঙ্গল মহলে গজিয়ে ওঠা নব্য সভ্যতার উৎকট রূপ দেখে শিউরে উঠেছিল সে।

মেয়ে হয়ে অল্প একজন মেয়ের জন্ত সমবেদনায় মন ভরে ওঠে। আজও
ভোগের বস্তু নারী; পুরুষের কাছে খেলনা। এই নির্মম সভ্যতাকে বেদনা পেয়েছে
মাধুরী।

দীপা একাই বসে আছে। জানলার যাইরে টিলার উপর ছোট্ট বাগানে
জন্মেছে কয়েকটা গোলাপ; মাধবী লতা ছেয়ে ফুটেছে লাল সাদা ফুলগুলো—শীতের
সাদা পাওয়া যায় বাতাসে বাতাসে, গেরুয়া জল কালো রং ধরেছে কাকের চোখের
মত। নদীর বিস্তীর্ণ চরে জন্মেছে কাশবন—সাদা ফুলের উত্তরী তখনও যাই-যাই
করেও রয়েছে। মুক্ত উদার পৃথিবী, কোথাও কিছুমাত্র মালিন্য নেই আকাশে
বাতাসে। মানুষ প্রকৃতির এই নিবিড় স্পর্শ হারিয়ে অন্ধের মত আলোঁচাব
সন্ধানে মত্ত।

কত রূপ গুণ যোবন থাকা সত্ত্বেও দীপার মনে কোথায় জেগেছে অপরিণীত
দৈন্ত। একটার পর একটা ভুল সে করে চলেছে। আজ মনে হয় মানবের কাছে
অপরাধের সীমা নেই। বার বার নিষ্ঠুরভাবে ফিরিয়েছে তার আহ্বান। উদ্ভাস
বেগে চলতে গিয়ে এই আঘাত পেয়েছে। সতেজ সরল জীবনবৃক্ষের মূলকাণ্ডে
গভীর ক্ষতের দাগ হয়ে যাবে—সামান্য ঝড়েই ভেঙ্গে পড়বার পথে এই দাগটুকুই
যথেষ্ট।

আজ উৎকট সভ্যতার গ্লানি তার জীবনপাত্র উপছে তুলেছে বিষাক্ত ফেনায়।
বিষিয়ে উঠেছে তার মন।

মাধুরী ঘরে ঢুকলো সাদা অ্যাপ্রনের উপর কাঁধ থেকে ঝুলেছে স্টেথিসকোপটা,
সত্তম্ভাভা মাধুরী—কাঁধের কাছে খোঁপাটা ভেঙ্গে পড়েছে। শান্ত মাধুরী ও দেহমন

ঘিরে রেখেছে নীরবে শুচিতার। থমকে দাঁড়াল! দীপার ছুচোখে জল।
বাইরের নীল রৌদ্রছায়া বোলানো আকাশের দিকে চেয়ে বসে আছে—গালে
অস্পষ্ট জলের দাগ।

—মিস ব্যানার্জি!

চমকে ওঠে দীপা—ওর দিকে চেয়ে বলে ওটে মাধুরী।

—ভালোই আছেন।

দীপা চুপ করে থেকে বলে ওটে।

—সভ্যজগতে ভালো না থাকবার কোন কারণ নেই।

কথাটার বিদ্রূপ ঝরে পড়ে। নিজের নির্মম পরাজয় বাখতা বঞ্চনার মূল্য
দিয়ে এর রূপকে সে আজ চিনেছে নিষ্ঠুরভাবে। হাহাকার করে মন। মাধুরী
এগিয়ে আসে, মিষ্টি হাসিতে মুখখানা হৃন্দর লাগে। দীপার কথায় জবাব দেয়।

—সভ্যতার এ দোষ নয় মিস ব্যানার্জি। দোষ আমাদের সমাজের পঙ্ক
সংস্কার ঢাকা মনের। সমাজের বাহ্যিক রূপ নানা অর্থ নৈতিক চাপে পড়ে বদলে
গেছে। আজ আমাকে আপনাকেও চাকরি করতে আসতে হয়েছে। কিন্তু
মাহুয়ের মনের প্রসার অগ্রগতি তার তুলনায় তেমনি ঘটেনি। মনটা সাবেকীই
বয়েছে—সেই ঠাকুরদার কালের সত্যই। সেই মাপকাঠিতে আজও পাপপুণ্য
দোষগুণ বিচার করি, কিন্তু সমাজের কাঠামো বদলানোর জগুই যে এই ট্রাজেডি
...তার কোন প্রতিবিধান নেই। বরং শাস্তি দেবার জগুই চোখে চশমা লাগিয়ে
এখনও পশুভেদের দল বসে আছে।

দীপা ওর দিকে চেয়ে রয়েছে। মর্মে মর্মে অসুভব করে ওর কথাগুলো সত্যি।
পুরুষ-নারীর সহজ হৃদয় সম্পর্ক গড়ে ওঠেনি আজও। মিললেই বন্ধুত্বের পরই
দাবী আসে তার দেহের উপর। নারী তার কাছে আজও একমাত্র ভোগের বস্তু
ছাড়া আর কিছুই নয়। বন্ধুত্ব পরিচয়—সবই সেই একটি চরম মুহূর্তের নীরব
প্রস্তুতি মাত্র।

মাধুরী জবাব দেয়—দুজনকেই এরজগু সত্যক হতে হবে।

হঠাৎ কি ভাবছে মাধুরী। তার জীবনের ছোট ছোট কয়েকটা
ঘটনা। মানবের মুখখানা ভেসে ওঠে। স্তব্ধ রাত্রির অন্ধকারে একটা
কাম্বোজ ব্যাকুল দৃষ্টি। মনের দুর্বলতা আর মুখের কথায় একটা পার্থক্য জেগে
ওঠে। সেও ভুল করছে—দীপার জীবনে এই নিষ্ঠুর পরিণতি দেখে তার কোথায়
যেন ভুল ভেঙেছে। থমকে দাঁড়িয়েছে মাধুরী—পুরুষ জাতের উপরই জন্মে
উঠেছে পুঞ্জীভূত ঘৃণা।

কাল রাত্রে একটা দুঃখ দেখেছিল দীপা, কালো দৈত্য ওই আকাশ থেকে তার

দিকে চেয়ে রয়েছে, দু'চোখে তার নিবিড় জ্বালাময় বুলুক্ষা। আতকে অশ্রুট আর্দ্রনাদ করে ওঠে—ঝড়ো আকাশে বিদ্যুতের ধমক—ঝর ঝর করে কোন অসহায় নারী কাঁদছে, মুখেচোখে এসে পড়ছে ঘন কালো চুলের রাশ।...

মিস্‌ ব্যানার্জি।

ওর ডাকে মুখ তুলে চাইল দীপা। ছলছল বেদনাভরা চোখ। বর্ষার কালো মেঘ-থমথমে আকাশের মত—বৃষ্টিভেজা, বৃষ্টিভরা সে চাহনি।

—সব আশা স্বপ্ন আমার ব্যর্থ হয়ে যাবে ভাঃ চ্যাটার্জি ?

—কেন হবে ?

দীপা আমূল বদলে গেছে, সামান্য একটু দয়া সমবেদনা আশাস আজ পেতে চায় সে। নিঃস্ব ব্যর্থ কাল মনের শূন্যপাত্রে আজ প্রীতি ভালবাসার কণামাত্রও তার প্রয়োজন।

—কিন্তু এ অপমানের জ্বালা থেকে সেরে ওঠা যায় না।

দীপার বৃষ্টিধরা চোখে জল নেমেছে।

নদীর বালিঘাড়িতে কাঁপছে দিকছোয়া সাদা উত্তরী। ধূধূ বালুর বুক চিরে চলেছে একফালি ক্ষীণধারা, কখন যেন নিঃশেষ হারিয়ে যাবে। খররোদ্রে লি লি করছে বালুচর মরীচিকার সন্ধানে।

বহু দুঃখকষ্ট পেয়ে নটেস্বর আজ জীবনের ধারা বদলেছে। পথ হারিয়ে বিপথে ঘুরেছিল, অতীতের সেই প্রতিভাবান যুবক একটি যেন নেশার ঘোরে এতদিন ডুবে ছিল। আজ পথ পেয়ে আবার দাঁড়িয়েছে।

বিলেতী কোম্পানীর ঘরে পারচেঞ্জিং সেকশনে কাজ পেয়েছে। তুখোড় ছেলে, জীবনে দুঃখকে দেখেছে—সহ্য করেছে। আজ তাই সাবধানী হয়ে উঠেছে অভিমাত্রায়।

ধোপহরন্ত পোশাক—বাইরে বাইরে মালপত্র কেনার ব্যাপারে ঘুরতে হয়; ছাইচাপা আঙুন ঠেলে উঠেছে।

মাধুরী ওর দিকে চেয়ে থাকে—টাকাগুলো এগিয়ে দেয় নটেস্বর।

—টাকা কেন ?

—তোমার কাছে যা নিয়েছি তার তো কোন হিসেব-কি্তেব নেই। যা পারি কিছু শোধ দিই, ভবিষ্যতে আবার হাত পাতে হবে কিনা কে জানে।

—না দিলেই কি নয়! রাখো তোমার কাছেই।

নটেস্বর বলে ওঠে—কোম্পানী বাসা দিতে চাইছে। ভাবছি নিয়েই নিই। তোমার এখানে অস্থবিধা করে কতদিন থাকবো ?

মাধুরী কথা কইল না; চুপ করে ওর দিকে চেয়ে থাকে !

অতীতের সেই বাবসায়ী নটেশ্বর আবার জেগে উঠেছে। ফাটকা খেলার সব হারিয়ে মদ আর রেসের পিছনে ছুটেছিল। কোন জঘন্ত একটা মেয়ের পিছনেই ওর অর্থ সময় বহু প্রাণশক্তির অপচয় ঘটিয়েছে। ঘৃণা করতো মাধুরী সেদিনের ওই মানুষটিকে।

হঠাৎ দরজায় গাড়ী থামতে দেখে চমকে ওঠে নটেশ্বর। ওপাশের ঘরে সরে যাবার চেষ্টা করতে বাধা দেয় মাধুরী।

—বসো।

—মানে। ব্যাপারটা ঠিক বুঝতে পারে না নটেশ্বর।

মানব এগিয়ে আসছে। প্যাণ্টে তেল কালির দাগ, হাফশার্টটা ঘামে ভিজ্ঞে গেছে—সোলা ছাটটা নেড়ে বাতাস করবার চেষ্টা করে।

নটেশ্বর ওকে দেখে সরে গেল মাধুরীর কথা না শুনেই।

—বসুন। শুকনো কণ্ঠে অভ্যর্থনা জানায় মাধুরী।

—ওকটু জল আনতে বল। উঃ যা গরম।

বারান্দা থেকে ঘরে এসে আশ্রয় নিয়েছে নটেশ্বর। তখনও সেই লোকটির দিকে চেয়ে আছে মানব। একটু বিস্মিত কণ্ঠে প্রশ্ন করে—ও কে ?

মাধুরী ছোট্ট জবাব দেয়—আত্মীয় !

বার বার ওর চোখের সামনে দীপার কথা মনে পড়ে—সেই জলঝরা চোখ, কান্নাতেজা অসহায় মুখ ! ভুল সে করেছে—ঠকেছে দারুণ ভাবে। মরীচিকার পিছনে বুকভরা তৃষ্ণা নিয়ে ঘুরে ঘুরে শুকনো বালিতে মূখ খুবড়ে পড়ে শেবনিঃশ্বাস নিতে চলেছে। ভুল ! মোহ—শান্তির আশ্বাসভরা মিথ্যা সজল মরীচিকার পিছনে আজ ছুটে আবার সেই ভুল করতে চায় না মাধুরী। অতীত অতীতই থাক ! যেটুকু সত্য—যত কঠিনই হোক, তাই নিয়ে শান্তির সন্ধান করবে সে।

পড়ন্ত বেলা। রিজার্ভার থেকে ক্লান্ত পাখায় গাঁই গাঁই শব্দ তুলে ফিরে চলেছে বালিহাঁসের দল কোন আশ্রয়ের সন্ধানে। শূন্য আকাশে একটু স্বর তুলে হারিয়ে গেল দিগন্তে।

—চল, একটু ঘুরে আসি।

একটি মুহূর্ত। বাতাস কাঁপছে গাছের পাতায় পাতায়, পথ হারিয়ে গুনগুন করেছে একটি ভ্রমর ফুলের বার্ষ সন্ধানে। নদীর উহল ধারা রক্ত আক্রোশে বাঁধে মাথা খুঁড়ে ফেটে পড়ছে শতধা হয়ে সীল গেটের নীচে।

মাধুরী বলে ওঠে—একটু কাজ আছে জরুরী !

চুপ করে গেল মানব, মাধুরীর কালো চোখের তারার গভীরে কি একটা
শ্রাস্তি—নিবিড় আঁর্তির চিহ্ন পরিস্ফুট। ওঘরে নটেশ্বরের জুতোর শব্দ শোনা যায়।

মানব ওর দিকে চেয়ে থাকে। দেখছে মাধুরীকে। কি যেন রহস্যময়ী
একটি নারী। আজ নিজেকে রাত্রির ওই আধারের মাঝে সরিয়ে রাখতে
চায় একটি অজানা রহস্যের অন্তরালে। ও কোন অধরাই রয়ে গেল। বার
বার চেষ্টা করেও যার মনের নাগাল পায়নি।

ওরা ওমনি কোনদূরের তারা—টুহুবোদি, মাধুরী সবাই তার কাছে একটা
নীরব প্রশ্ন তুলে সরে গেছে।

উঠে দাঁড়াল মানব; মাধুরী নীরব চাহনি দিয়ে অহুসরণ করছে তাকে। বের
হয়ে গিয়ে গাড়ীতে উঠল মানব।

হু হু বাতাস বইছে বনের দিক থেকে। রাতের হিমেল বাতাস।

মানবকে ফিরিয়ে দিল মাধুরী; উঠে মানবকে পিছনে ডাকতে গিয়েও থামলো
সে। কি ভেবে ভিতরে চলে যায়।

নটেশ্বর ওঘরে স্বান সেরে এসেছে, ওর স্নন্দর ফর্সা মুখে পড়েছে, কৌকড়ানো
জিঙ্গে চুল—মুখখানা আজও তেমনি কচি, তেমনি স্নন্দর।

মাধুরী থমকে দাঁড়াল একটি মুহূর্ত।

রাতের আকাশে হু'একটা তারার রোশনী ফুটে ওঠে—আকাশ বাতাস
ভরে উঠেছে জলধারার দুর্বার শব্দে। টারবাইনের একটানা গর্জন শালাচ্ছে
তার মনের ব্যাকুল একটি চিন্তাধারাকে। মানবকে ফেরাতে সে চায়নি—
জীবনের একটা অবলম্বনের প্রশ্ন বহুদিন থেকেই ভেবেছে সে। পথ পায়নি
আজও ভাবে।

মাধুরী আজ নিজেকে খুঁজে পেতে চায় দীপার অসহায় জীবনের শূন্যতা
বেদনা আজ তাকেও ব্যাকুল করে তুলেছে। একা সারা জীবনের বোঝা
হওয়া যায় না। সঙ্গী চাই। ভালবাসা চাই—এতবড় সংঘাতময় পৃথিবীতে
মানুষ আজ ঘর বাঁধতে চায় সেই তার পরম সাধনা। সামনে আজ একটি কঠিন
প্রশ্ন। মাধুরী কি ভাবছে।

নটেশ্বর নোতুন বাসায় উঠে যাচ্ছে—তারই আয়োজন করছে।

মাধুরী যেন দূর থেকে কথাগুলো শুনেছে—ফার্মিশড কোয়ার্টার দিচ্ছে
কোম্পানী। হু'একটা পার্টিও দিতে হবে। আবার পায়ে তলে মাটি পেয়েছে
নটেশ্বর।

অন্ত কোন নটেশ্বর অশ্রু দেখছে। ফড়েপুকুরের সাবেকী চাটুয়ে বাড়ীর ছেলে—

রেসের পিছনে আর বিলেতী মদের নেশায় ছুখানা বাড়ী উড়িয়েছে। বেপরোয়া মানুষটি আবার মাতনে মেতে উঠে হারিয়ে যাবে কোথায়।

রাজির অঙ্ককার নিবিড় ভাবে ছেয়ে এসেছে। নির্জন পথে বনের ধারে ধারে কোথায় দু'একটা আলো জ্বলছে নিঃসঙ্গের মত। তারাগুলো নিভে গেছে আধারে।

হঠাৎ যেন দমবন্ধ হয়ে আসে নটেশ্বরের, একটা নরম উষ্ণ স্পর্শ নিবিড় নিঃশেষে তাকে জড়িয়ে ধরে গ্রাস করতে চাইছে। চোখ মেলে চাইবার চেষ্টা করে। কানে আসে কান্নার শব্দ! ...ওর হাত দুটো জড়িয়ে ধরেছে নটেশ্বরকে। অবাক হয়ে যায় সে। অতীতে এমনি ব্যাকুলভাবে একরাত্রে কেঁদেছিল তার বৃকে মাথা রেখে।

—আমার সব হারিয়ে যাবে।

...আজও। আজও আবার সেই মাধুরীই ফিরে এসেছে তার স্বামীর কাছে পরম প্রীতি আর ব্যাকুলতা ভরা অন্তর নিয়ে।

—মাধুরী! মাধু!

মাধুরী কাঁদছে—আমাকে ফেলে যেও না। বড় একা অসহায় আমি।

স্বাপদসঙ্কুল অরণ্যে—শ্রোতমুখর অকূল সমুদ্রে একটু নির্ভর চায় মাধুরী। হারানো সংসার—সেই ফেলে আসা জীবনে আজ শান্তির সন্ধান করে মাধুরী।

অতীতে কবে তাদের বিয়ে হয়েছিল মনে পড়ে না, নটেশ্বর সেই পরিচয় অগ্রাহ্য করে তাকে ফেলে গিয়েছিল, তারপর মাধুরী এসেছে অনেক পথ পার হয়ে আজ একক নিঃসঙ্গ জীবনের শূন্যতা পূর্ণ করে নিতে চায় নোতুন করে।

নিষ্কুম রাত। তারা নেভা রাত। ঝড়ো হাওয়া হাঁকা প্রান্তর। নিঃশ্ব নটেশ্বর আজ বাঁচতে চায় মাধুরীর উষর প্রতিবাদমুখর জীবনের কাঠিন্য প্রেমের অমৃতধারায় সবুজ শ্রাবল হয়ে ওঠে।

একটু উষ্ণ নিবিড় স্পর্শ। মাধুরী নিজেকে নিঃশেষে ভুলে যেতে চায়।

দীপার কান্না! বাতাসের হাহাকার! বন্ধ দামোদরের নিষ্ফল প্রতিবাদ ধ্বনি—সব ভুলে গেছে তারা। অতীতের দুটি মানুষ এই পরিবর্তন ভরা সার্বিক বর্তমানে।

বিন্দি রাজির প্রহর গণনা করছে মানব। প্যারাপেটে দাঁড়িয়ে আসো-আধারি মাথা নদীর বিস্তীর্ণ গভীর জলরাশির দিকে চেয়ে আছে। ছুবনপুর নিশ্চিহ্ন—সুছে গেছে তার বাল্যস্মৃতি। সেই কালীপুর, মাধুরী, টুহবোদি, দাছ, বাবা—স্বাই হারিয়ে গেছে দুবার পরিবর্তনের স্রোতে।

দামোদরকে শাস্ত করেছে—ও হৃদয় বেগ ঘূর্ণায়মান টাববাইনের ভেতর জীবন্ত দৈত্যটাকে ঝাঁকানি দিয়ে চলেছে ; দুই তীরে তার ফসলের স্বপ্ন—আঁধার ঘুচোন আলো—জীবনের ইঙ্গিত । মানব এই মহাযজ্ঞে বিসর্জন দিয়েছে তার সবকিছু । অতীত স্মৃতি—কত প্রিয় আপনজন—সমস্ত সংস্কার ।

কিন্তু বাস্তব জীবনে তার আঁধার—আঁধারই রয়ে গেছে ; আলো জ্বলেনি । টুহুবৌদি ! যোবন উপবনে বসন্ত কোকিল ব্যর্থতানে ডাক দিয়ে ফিরে গেছে । মাধুবীকেও হারিয়ে ফেলেছে । দীপার অবজ্ঞা আজও স্পর্শ করে আছে তাকে—ওদের জীবনধারায় কোন অমৃতসন্ধান সে করতে পারেনি, মৃতসঞ্জীবনীবিজ্ঞাসিত্ত্ব কচ অমৃতের সন্তানদিকে বাঁচবার মন্ত্র দিয়েছিল—নিজের ব্যর্থ জীবনের নিঃশেষ বন্ধনার অভিশাপ বয়ে । দেবযানীরা ফিরে গেছে বার বার ।

গুম্ গুম্ গুম্ শব্দ । প্যারাপেট কাঁপছে—এক চিলতে আলো শিউরে উঠছে । জলাধার থেকে দুটো স্নুইস দিয়ে জল আছড়ে পড়ছে নীচে ।

সাহেবকে দেখে কে যেন সেলাম করলো ।

মানব এগিষে চলেছে জেনারেটিং স্টেশনের দিকে নির্জন আলোমাথা পথ দিয়ে । রাত্রির শেষ প্রহর ঘোষণা করছে ওয়াচ টাওয়ার থাকে ।

দীপা অবাক হয়ে যায় ক’দিন পর চাকরিতে জয়েন করতে গিয়ে ; তাকে হেড অফিসের ওই গৌরবময় পদ থেকে বদলি করা হয়েছে স্টোর ইনচার্জের অফিসে সাধারণ টাইপিষ্ট হিসেবেই । স্বর্গ থেকে বিদায় । চূপ করে অর্ডারটা হাতে নিয়ে দাঁড়িয়ে থাকে সে । পায়ের নীচে থেকে মাটি সরে যাচ্ছে ধীরে ধীরে । বেশ বুঝতে পারে বিবর্ণ হয়ে উঠেছে সে—চারিপাশের কোঁতুহলী বাবুর দল বলে বনে খুব খুশী হয়েছে ।

ধীরে পায়ে এগিয়ে চলে ম্যানেজারের—আপিসের দিকে । লালডাকার মধ্যে থলের পর্দা ঢাকা হৃদয় আপিস—সামনের বাগানে রকমারি ফুল ফুটে রয়েছে ; এয়ার কুলারের ঠাণ্ডা হিমেল হাওয়া মাঝে মাঝে দরজার ফাঁক দিয়ে ভেসে আসে ।

এগিয়ে গিয়ে পি-এর ঘরে ঢুকলো ; তারই সিটে বসেছে একটি অ্যাংলো মেয়ে ; একরাশ সোনালী চুল কাঁধে পড়েছে ; জামার বালাই যেন নেই, সর স্ট্রাপ দুটো নিটোল কাঁধে চেপে বসেছে ।

—সাহেবের সঙ্গে দেখা করতে চাই ।

ডিকটোফোনে নামটা বলামাত্র সাহেবের কামরার শব্দ ভেসে আসে, ফাইলের পাতা উলটে চলেছেন সাহেব, গভীর কণ্ঠে জবাব আসে—ভেরি বিজি নট ।

অর্থাৎ দেখা করতে চান না তিনি। মেমসাহেব ওর দিকে চেয়ে হতাশাবাক্য কণ্ঠে জবাব দেয়।

—সো সরি।

যেখানে একদিন প্রবল প্রতাপের সঙ্গে রাজত্ব করেছিল, আজ সেখানে হতে নির্বাসিত সে। স্টাফ সেকশন থেকে চিরকূট লিখে তার হাতে দেয়। অল্প সেকশনে কাজ করবার হুকুম হয়েছে।

নীরবে বের হয়ে এল সে; পরিষ্কার দেখতে পায় তার ভবিষ্যৎ। হরীতকী গাছের ছায়ায় পড়ে রয়েছে ফলগুলো, গা জ্বালা করা বাতাসও হু হু বইছে; খাড়া চড়াই-এর নীচে পাথর কেটে প্রশস্ত গর্জের ভিতর ঝকঝকে চারটে লাইন দূরে স্টেশনের প্লাটফর্ম থেকে বের হয়ে এসেছে সরীসৃপের মতন; ছুটো পাহাড়ের মাথায় সাঁকোটা থেকে নীচের দিকে চেয়ে রয়েছে দীপা; অনেকখানি উঁচু; সোজা চাইতে পারে না, মাথা ঘুরছে। লজ্জার অপমানে রোদের তাপে রাস্তা হয়ে উঠেছে সে।

হুঁদিয়ে প্রদীপ নেতাবার সঙ্গে সঙ্গেই আলো কোন্ পথে অদৃশ্য হয়ে যায়; দীপার সমস্ত প্রতিপত্তিই কোন্ দিকে নিঃশেষ হয়ে গেছে। আজ সে একা অসহায়—হাজারো চোখের চাপা কোঁতুহলী দৃষ্টি তাকে খোঁচা মারছে এদিক ওদিকে থেকে।

গাড়ীর স্বপ্ন তার ঘুচে গেছে। অনেকখানি পথ; চড়াই ভেঙ্গে বৈকালের নির্জন বনপথ দিয়ে আসতে ভয় হয়, সাইকেল রিস্তা নিয়ে ফিরছে। ঝকঝকে প্রিমাউথ গাড়ীখানা আজও বৈকালে ছুটে চলেছে রাস্তা দিয়ে স্বরেলা হর্ষ বাজিয়ে; পিছনের সিটে বসে আছে মিস কাভিথ; দীপা সেখানে অপরিচিত। সাধারণ একজন টাইপিষ্ট মাত্র।

দশ ইঞ্চি ইটের গাঁথুনি—মাথার উপর শাল কাঠ দিয়ে টিন সাঁটা—কোন রকমে খাড়া হয়ে টিকে আছে মাত্র, দমকা হাওয়া দিলে চাল মড়মড় পড়পড় হাঁক ছাড়ে। লাল কপিশ ডাক্তার রোদে লি লি করে—হলের ভিতর পা দিয়েই থমকে দাঁড়াল দীপা। একশো গঁচিশ তিরিশ ডিগ্রী গরম ঝাঁঝ ঠাা আঙনের মালসার ফৌকরে হাত দিয়েছে যেন!

—এই যে এলান।

একট্টা চাপা শব্দ ওঠে—বাবু! যে ঘর সিট থেকে ড্রিলের মাষ্টারের হুকুম শোনা ছাত্রদের মত একত্রে খড় ফিরিয়েছে।

দীপা মাথা নামিয়ে এগিয়ে খব; বেশ কয়েকজোড়া চোখ ওর দিকে গোঁগ্রাসে গিলে ফেলবার চেষ্টা করছে।

সেকশনে প্রথম মেয়ে টাইপিস্ট এসেছে।

কে যেন কিসকিস করে বলে ওঠে, কথাটা পাশের লোককে উদ্দেশ্য করে,—
এথবাব ট্যা ফঁ চলবে না, কর্তাদের চেনা লোক, কে জানে বাবা স্পাই টাই কিনা।

—হতেও পারে। লোকটা আপাদমস্তক দেখছে তার।

যেন কাঠগড়ার আসামী, মাথা হুইয়ে আসে লজ্জায় অপমানে প্যাকাটির মত
পাকানো চেহারা ভদ্রলোক এগিয়ে এসে একটা নডবড়ে পুরোনো মেনিনের সামনে
বসিয়ে দেয়। একগাদা চিঠি, ড্রাফট রিটার্ন—আরও কত কি টুকটাকি সব
টাইপ করতে হবে। এতদিন কাজ করেনি দীপা, কাজ কাকে বলে জানতো না।
চোখের সামনে স্তূপাকার ফাইল দেখে অবাক হয়ে যায়।

এতো সব ?

—হ্যাঁ, হেড অফিসে কি কাজ হয় বলুন। ও ডিপার্টমেন্ট তো তীর্থক্ষেত্র।
গাধার খাটুনি খেটে আমরাই মলাম এই নরকে !

ওপাশ থেকে কে যেন বেশ জোর গলাতেই বলে ওঠে।

—ঘুঘু দেখেছো, এবার ফাঁদ দেখো।

হাত-পা কাঁপছে দীপার। লজ্জায় রাক্ষা সিঁদুর বরণ হয়ে ওঠে ওর মুখ গাল।
মেনিনটা নিষে নাড়াচাড়া করতে থাকে।

সেই দূরগত কণ্ঠস্বর শোনা যায়—টাইপ জানা আছে তো ?

ডেপুটি চিফ ইঞ্জিনিয়ার মিঃ ব্যানার্জির মেয়ে—কলকাতার সমাজের মক্ষিরাণী
দীপা শালবনের আড়ালে কোন্ গভীর স্বাপদসঙ্কুল উপত্যকায় এসে পড়েছে।

কাজ সারবার চেষ্টা করেও পারে না।

আপিস থেকে বের হতে সন্ধ্যা হয়ে গেছে। শালবনের মধ্যে আবছা অন্ধকার
অন্ধকার নেমে এসেছে, থেমে গেছে পাখীর কাকলি। মাঝে মাঝে আলো জ্বলছে
—ছু'একখানা গাড়ী হাঁকিয়ে যায় পদস্থ কর্মচারী কর্তারা।

একখানা সাইকেল হঠাৎ যেন ওর গায়ের কাছে এসেই সশব্দে ব্রেক কল।
আঁৎকে ওঠে দীপা।

—একা কেন ? চলুন একটু ঘুরেফিরে আসি।

আধচেনা একটি মুখ—কুৎসিত বর্বর লালসা ফুটে ওঠে ওর চোখেমুখে। থমকে
দাঁড়াল দীপা, কঠিন কর্ণে বলে ওঠে।

—কি বলছেন ?

—কিছু না। গতিক দেখে লোকটা আবার সাইকেলে উঠে চলে গেল। দীপা
তখনও দাঁড়িয়ে আছে—রাগে ফুলছে মনে মনে।

ক্লান্তি আর পরাজয়ের কালিমায় কালে হয়ে উঠেছে দীপার মুখ। এতদিন

এই কঠিন বাস্তবের মুখোমুখি হয়নি। এখানের এই পরিচয় এত নম্র রূপে পায়নি।

দশটা বাজবার আগেই বনপথ মুখর হয়ে ওঠে—সাইকেল, বাস আর পথচারীদের আনাগোনা। এক একটি টিলা। বনভূমিকে কেন্দ্র করে এক একটি আপিস। ভিড় করে লোকজন।

—দশটায় আপনার হাজরি।

পিটপিটে সেই লোকটি কথাটা মনে করিয়ে দেয়—লেট হলে চলবে না।

কৌতূহল দৃষ্টি মেলে সকলে ওর দিকে চেয়ে আছে। গজগজ করছে লোকটা—স্টাফ যত টাইট করবার মত লোক পাঠাবে এইখানে। আরে বাবা আমি কি ট্রেনিং সেন্টার খুলছি।

দীপা অস্থব্র করে কর্তৃপক্ষ থেকে তার উপর উপর তীক্ষ্ণ নজর রাখা হয়েছে। অফিসারের উপর নির্দেশ এসেছে তার কাজগুলো খুঁটিয়ে দেখবার, কোন সামান্য দোষ পেলেই যেন জানান হয়। এবং তার ফল কি জানে দীপা। এখন থেকে ফেলবার জ্ঞান এই আয়োজন।

—কাল জরুরী ফাইলটা টাইপ করেননি।

দীপা কথা কইল না। ওরা আবণ্ড কিছু বলবে।

তার অপরাধ কোথায় জানে না দীপা, শক্তিমান কয়েকজনের দুর্বলতম মুহূর্ত-গুলোয় ওদের পৈশাচিক রূপ সে দেখেছে—চিনেছে তাদের। সেই প্রভুরা এড়িয়ে চলতে চায় দীপাকে—রেহাই পেতে চায় তাকে দূরে সরিয়ে।

এমনি দু'একটা সত্ত্ব গজানো শহরে কর্তৃপক্ষের সিকিউরিটি বাহিনী পুলিশ ছাড়াও একটি বেসরকারী দল আছে। দোষ দিতে বেনীক্ষণ লাগে না, হুকুম কাগজে কলমে বের হবে না, তাকে স্টেশনে পৌঁছে দেবার জ্ঞান গাড়ী গিয়ে হাজির হবে বাডীতে—বিনা এস্টেলাম। কয়েকঘণ্টার মধ্যে কালীপুর ছেড়ে যেতে হবে তাকে।

মিস দাসগুপ্তাকে যেতে হয়েছে—লেবার ইউনিয়নের প্রমুখ সমাদ্দারকেও দূর করেছে ওরা—আরও কত লোককে। ওদের ক্ষমতা এবং সম্মানের পথে অন্তবায় হয়ে দাঁড়ালেই সরিয়ে দেবে ওকে!

গা ছম ছম করে জায়গাটায় এসে। পুরোনো বনস্পতিগুলো রাস্তাটাকে ঘিরে আছে। বট তাল গাছগুলো জটলা পাকিয়েছে শালবনের মাঝখানে। আবছা অন্ধকার ঘনিষে এসেছে। রিক্সার যাতায়াত করবার স্বযোগও নেই—হেটেই আসছে। হঠাৎ কালকের সেই মূর্তি সাইকেল থেকে একটা লম্বা পা

রাস্তার ধারে ঠেকিয়ে ওর দিকে চেয়ে আছে নীরব বীভৎস চাহনিতে ।

—আমার কথা মনে আছে তো ম্যাডাম ?

দীপার বুক কাঁপছে, অজানা ভয়ে কাঁপছে সারা শরীর । ওরা দীপাকে আজ খেলার বস্তু হিসেবেই জেনেছে । ওর দাম এমনিই কানাকড়ি ।

—কাল আসবো ।

দাঁড়াল না, পাখজামাপরা মূর্তিটা মিথে উৎবাহিএর দিকে বেগে নেমে গেল । স্তম্ভিত হয়ে দাঁড়িয়ে থাকে দীপা । ছুঁচোখে গভিয়ে আসে অসহায় কারা । আজ প্রতিবাদ করবার, আত্মরক্ষা কববার শেষ সামর্থ্যটুকু মাত্র নেই । একমাত্র উপায় এখানে থেকে পালিয়ে আত্মরক্ষা করা—ভীষ্মের মত পালিয়ে যাওয়া ।

রাস্তায় ছুঁএকটা লোক যাতায়াত করছে । ওরা কোঁতুহলী চোখে চেয়ে দেখছে তার দিকে, বাঙ্গালী গুজরাটী মতদেশীয় অনেকেই ।

মাধুরী বৈকালে হাসপাতাল থেকে ফিরছে হঠাৎ নদীর ধারে টিলার কাছে কাদেব জটলা দেখে এগিয়ে যায় ।

মেইন রিজার্ভার থেকে নেমে টাববাইনের দিকে পাথরের স্তম্ভের নীচে দিঘে একটা আগুরগ্রাউণ্ড ক্যানেল ব্লাস্ট করা হচ্ছে ; নীচু দিয়ে জলস্রোত তীব্রবেগে গিয়ে টারবাইনের মুখে পড়ে জলবিদ্যুৎ তৈরী হবে । ডিনামাইট চার্জ করে হুডঙ্গ তৈরী হচ্ছে ।

বহু লোকজন জমেছে । কুলিমজুব, কনট্রাক্টারের লোক , মাধুবী থমকে দাঁড়াল, কয়েকখানা গাড়ীও রয়েছে । একটা কোলাহল । অশ্রুট আতঁনাদ শোনা যায় । ব্লাস্ট করবার পর পাথর সাফ করতে গিয়ে একজন কুলি চাপা পড়েছে । দুজন আহত । বাকী ক'জন ওদিকে আটকে গেছে । ওদের মাথার উপর ঝুলছে একখানা বড় টাই—যে-কোন মুহুর্তে ধ্বসে পড়ে ওদের চেপ্টে দেবে । কয়েকটা ডিনামাইট ফিউজ ঠিকমত কাজ করেনি, যে-কোন মুহুর্তে ওই ফিউজগুলো জ্বলে উঠলেই আবার একটা মর্মান্তিক দুর্ঘটনা ঘটবে । মানব উচু প্যারাপেট থেকে নীচের দিকে চলেছে ।

—সাব ।

ওভারসিয়ার দুজন ইঞ্জিনিয়ার সাহেবকে বাধা দেবার চেষ্টা করে ।

—যাবেন না, এক্ষুণি হয়তো ফেটে যাবে গুলো ।

মানব জবাব দেয় ।

—এগুলো সরানো দরকার । ফিউজগুলো বাতে না জ্বলে ওঠে ।

রোদ ঝলমল করছে, বাতাসে তখনও উঠছে ধুলো—বাকদের গন্ধ । মানব

দাঁড়িয়ে আছে, ওর চোখেমুখে একটা দৃঢ়তা—কয়েকটা লোক অমনি করে মরবে ?
তার চোখের সামনে ওরা মরবে ?

এগিয়ে যায়। সোলাহাটটা ফেলে দিয়ে সেই স্বড়ঙ্গের মুখে ঢুকল।

চমকে ওঠে মাধুরী ! হাঁ করে রয়েছে স্বড়ঙ্গ ; মাথার উপর ঝুলছে কালো
কালো পাখরের এবড়ো খেবড়ো চাঁই—তখনও কাঁপছে মাটি ; লোকগুলোর কাতর
আর্তনাদ শোনা যায় বাতাসে বাতাসে।

মাধুরীকে দেখতে পায়নি মানব। স্তব্ধ হয়ে দাঁড়িয়ে আছে সে। হৃদাস্ত
বেপরোয়া মানব ; নিপুণ হাতে সরু তারগুলো হাতড়ে হাতড়ে ছুরি দিয়ে কেটে
ফেলছে—মাথার উপর কালো আঁধারে বুর বুর করে ঝরছে বালি পাখরের গুঁড়ো।
চোখেমুখে উড়ে এসে পড়ছে।

—সাব। পানি। খোড়া পানি।

লোকটা তখনও মরেনি। ওর সারা দেহটা ঢেকে পাখরের চাঁইএ। মুখ
হাতটা বের হয়ে আছে জীবন্ত সমাধির বাইরে। ওপাশে পড়ে আছে অগ্ন্যজ্ঞান,
হাঁটুটা ভেঙ্গে গেছে, কাতরাচ্ছে অন্ধকার স্বড়ঙ্গের নীচে মাথার উপর ঝুলছে নিশ্চিত
মৃত্যুর মত হাঁ করা পাখরখানা।

মানব ওকে টেনে বের করে কাঁধে তোলবার চেষ্টা করে—ওকে বাঁচানো যায়।

এক—দুই—তিন !

সময় বয়ে চলেছে। নিস্তব্ধ মুহূর্ত। রেসকিউ পার্টির লাল গাড়ী ঘণ্টা বাজিয়ে
এসে হাজির হয়। মাধুরী স্তব্ধ হয়ে দাঁড়িয়ে আছে জনতার মাঝে। একটা
উল্লাসধ্বনি শোনা যায়। মানব ঘাড়ের করে আহত লোকটাকে নিয়ে বের হয়ে
আসছে। এদিকে ওদিকে ছড়িয়ে রয়েছে সরু সরু তারগুলো। হাঁটু কহুই
রক্তাক্ত। দামী লিনেনের শার্টের পিঠখানা ছিড়ে গেছে, ঘামে ধুলোয় মুখ
মাথা ভর্তি—চেনা যায় না। লোকটাকে ফাঁকায় নামিরে ফাঁকাতে থাকে !

রেসকিউ পার্টির লোকজনকে নির্দেশ দেয় কাজের।

রোদে দাঁড়িয়ে বুলডোজার দিয়ে পথ পরিষ্কার করাতে থাকে।

—তুমি !

মাধুরীকে এগিয়ে আসতে দেখে ফিরে চাইল, মাধুরী জবাব দেয় না। ওই
বেপরোয়া লোকটির দিকে চেয়ে থাকে—মরণের ভয় ওর নেই। শেষ লোকটাকে
বের করে আনবার সঙ্গে সঙ্গেই হুড়মুড় করে ধসে পড়ে পাখরের স্তূপ—মাটি
কাঁপছে।

—ধ্যাক গড।

মাধুরীর দিকে একবার চেয়ে গাড়ীর কাছে এগিয়ে গেল—দাঁড়াল না। চলে

গেল মানব । মাধুরীর দিকে আর চাইবার দরকার নেই তার ।

চূপ করে বাসার দিকে এগিয়ে যায় মাধুরী । মানব সে রাজ্যের কথা । ভুলতে পারেনি । সে ভুলতে চান সবকিছু ।

—ফিরে এলে যে !

নটেশ্বরের কথায় মুখ তুলে চাইল মাধুরী ; একটু ক্লান্ত স্বরে জবাব দেয় ।

—শরীরটা ভাল লাগছে না ।

—মাথা ধরেছে ? কই দেখি ।

নটেশ্বর । ছন্নছাড়া নটেশ্বরের চোখে কি নিবিড় ব্যথা—আকুলতা ! কপালে তার হাতের উষ্ণ স্পর্শ । মাধুরী চূপ করে অল্পভব করবার চেষ্টা করে সেইটুকু ।

ছোট একখানি ঘর বাঁধবে তারা দুজনে । অতীতের যে পরিচয় অস্বীকার করে বের হয়ে এসেছিল মাধুরী সেই পরিচয় আবার ফিরে পেতে চায় । সামান্য নিয়ে তৃপ্ত হবে সে, সব ভুলবে ।

ওর হাতখানা নিজের হাতের মধ্যে নিয়ে মিষ্টিস্বরে বলে ওঠে ।

—না, না, তেমন কিছু নয় । বসো তুমি ।

তবু বার বার চোখের উপর ভেসে আসে দৃশ্যটা । অন্ধকার মৃত্যুর গহ্বর থেকে রক্তাক্ত মুমূর্ষু লোকটাকে তুলে আনছে আলোয় সেই দুর্দান্ত মানব । মুখেচোখে কি আনন্দের আভা ! ঘামে ধুলোর জড়িয়ে গেছে চুল—ছিঁড়েছে হাঁটু হাত—সর্বান্ন ।

নটেশ্বর ওর দিকে চেয়ে আছে । দশবছর আগে যে মাধুরীকে সিঁথির সিঁছুর পরে তার ঘরে দেখেছে—তার সেই লজ্জাবনত মূর্তির সঙ্গে এর কোথায় একটা পার্থক্য রয়ে গেছে ।

—মাধু !

জবাব দিল না মাধুরী । ওর দিকে ফিরে চাইল ।

বাসন্তী ছেলের মূর্তির দিকে চেয়ে শিউরে ওঠে ; ধূলিধূসর মূর্তি, গ্যান্ট জামা ছেঁড়া—রক্তের দাগ লেগে রয়েছে সর্বান্নে । ঘেমে নেয়ে উঠেছে ।

—একি রে ! কোথায় গিয়েছিলি !

খবর বিহ্বলগতিতে ছড়িয়ে চারিদিকে । বেয়ারা রঘু চারিদিকের খবর রাখে—সেই-ই এসে জানিয়েছে বাসন্তীকে ।

ছেলেকে জড়িয়ে ধরে বাসন্তী ব্যাকুল কণ্ঠে বলে ওঠে ।

—আমার সব গেছে ; তুই তবুও থামবি না ?

হাসে মানব মাকে জড়িয়ে ধরে—কোন ভয় নেই মা । লোক ছুটো বেঁচে গেল তো । ও বেচারারা মরতো নইলে । আমি কৰ্তা, সেখানে নিজে না গিয়ে অন্তকে যেতে বলি কি করে ?

বাসন্তী ছেলের দিকে চেয়ে থাকে—চিরকালই বেপরোয়া থাকবি ?

মানব চুপ করে গেল—টুহুবোদির কথা মনে পড়ে । ভীক কাপুরুষ তুমি । এইখানে দাঁড়িয়ে ঝড়ের রাতের সেই কথাই বলে গিয়েছে ।

টুহুবোদি !

পুঞ্জীভূত বসন্তমার্ঘ্য—শীতশেষের রিক্ততাকে পূর্ণ করে তুলেছে । কোথায় রয়ে গেছে । একটা অসীম শূন্যতা তার সব খ্যাতি অর্থ ও মনের দীনতাকে পূর্ণ করতে পারেনি ।

বার বার টেলিফোনটা বাজছে । স্থানীয় সংবাদদাতা, ফেলো অফিসাররা, স্বয়ং চিকিৎসা অ্যাডমিনিস্ট্রেটর নিজে ওর সম্বন্ধে খবরাখবর নিচ্ছে ।

—আই অ্যাম অল রাইট স্যার । থ্যাঙ্ক ইউ সো ম্যাচ্ ।

বাসন্তী জিজ্ঞাসা করে—কি রে, এত ডাক-হাঁক কেন ?

হাসতে হাসতে জবাব দেয় মানব—বেঁচে আছি কিনা তাই খবর নিচ্ছে সবাই ।

—বালাই ষাট । বাসন্তী ছেলের মাথায় গায়ে হাত বোলায় ।

দীপা ভয় পায়নি । শেষ পর্যন্ত চেষ্টা করে দেখবে । দরকার হয় চাকরি ছেড়ে দিয়ে কলকাতাতেই ফিরে যাবে । একটা মাস্টারি নাহয় অল্প চাকরি জুটিয়ে নেবার চেষ্টা করতে হবে । এভাবে হাড়ভাঙ্গা পরিশ্রম করে কুশী এই পরিবেশে থাকতে পারবে না সে ।

কালীপুরে আসবার সময় যে প্রতিষ্ঠা আশা উৎসাহ নিয়ে এসেছিল আজ তা নিঃশেষ হয়ে গেছে । আপিসের ঘৃণ্য পরিবেশ মনের উপর চেপে বসেছে । ওদের চাপা ইঙ্গিতগুলো কানে আসে ।

—উর্বশীর আবার বয়েস !

কেউ মন্তব্য করে—চাকরির দরকার কি রে বাবা । একজন ছেলের ভাত মারছে কাজ করতে এসে ?

কিন্তু দীপার অসহায় অবস্থাটা আজ কেউ দেখে না । চাকরি না করলে তার গতি নেই । কেউ প্রীতিভরা অন্তর দিয়ে সব ভার তুলে নেবার প্রতিশ্রুতিও দেয়নি । নির্দয়ভাবে সেই জীবনকে প্রত্যাখ্যান করেছিল সেদিন ।

কিন্তু আজ !

আনমনে ফিরছে দীপা কর্মক্লাস্ত দেহ নিয়ে বাড়ীর দিকে। ঘাড়টা টনটন করছে। আঙ্গুলের ডগাগুলো জলছে। চোখের কোলে পড়েছে কালি—ক্লান্তি ছেয়ে আসে সারা দেহে।

হঠাৎ সেই ঝাঁকড়া বটতলায় এসে থমকে দাঁড়াল। প্রথমে বিশ্বাস করেনি—সেই লোকটা এগিয়ে আসছে চোখেমুখে কুৎসিত হাসি।

—চলুন ওদিকে গিয়ে একটা রিক্স ধরে নেব।

কোথায় বনের মধ্যে ডাকছে একটা পায়ী; সন্ধ্যার আবছা অন্ধকারে শিউরে উঠে দীপা।

—পথ ছাড়ুন।

—ওই তো বেগডব্বাই করছেন ম্যাডাম।

থপ্ করে ওর হাতটা চেপে ধরে বলিষ্ঠ মুঠিতে। সমস্ত শক্তি একত্রিত করে ওর জ্বালা ধরানো মুঠিটা ছাড়াবার চেষ্টা করে দীপা। কিন্তু পারে না। তার শরীরের সমস্ত শক্তি নিঃশেষ হয়ে গেছে। একটা অস্পষ্ট আর্তনাদ করবার চেষ্টা করে।

হঠাৎ গাড়ীখানা এসে থামল পাশেই।

কে যেন লাফ দিয়ে নেমে লোকটার নাক লক্ষ্য করে প্রচণ্ড ঘূঁসি মারতেই সে হাত ছেড়ে ছিটকে পড়ল মাটিতে—গলগল করে রক্ত বের হচ্ছে। দীপা ছাড়া পেয়ে সরে দাঁড়িয়েছে—আতঙ্কে লজ্জায় কাঁপছে সে।

—তুমি।

মানব প্রথমে পিছন দিক থেকে লক্ষ্য করেনি। ওদের অস্পষ্ট চাঁৎকার ধস্তা-ধস্তির শব্দ শুনে ব্যাপারটা অগ্রহণ করে গাড়ী থামিয়েছে।

দীপা অসহায়ের মত বলে।

—আপিস থেকে ফেরবার পথে ক’দিন লোকটা পিছু ধাওয়া করেছে।

মানব লোকটাকে আবছা চেনে। মাঝে মাঝে কর্তাদের ল্যাংবোট শ্রেনীর লোকদের সঙ্গে ঘুরতে দেখেছে পার্টিতে—নাহয় অগ্নজ।

দীপার তুচোথে জ্বল। কাঁপছে থর থর করে। মানব ওর দিকে চেয়ে অবাক হয়ে যায়। স্বাস্থ্য ভেঙ্গে গেছে—চোখে মুখে অসহায় লজ্জা। লোকটা উঠে পালাতে যাবে—মানব ওর কলার চেপে ধরে হিড় হিড় করে তাকে গাড়ীতে তুললো।

দীপাকে ও ডাকে।

—এসো।

দীপা এগিয়ে আসে। মানব বলে ওঠে।

—জানি এসব এখানে ঘটে ; আমি এর বিহিত করছি দীপা ; এসো ।

লোকটা মারথয়ে একটু ভয় পেয়েছে । হাতজোড় করে বলে ওঠে ।

—মাইরী স্তার, কিছু করিনি স্তার । সিম্প্লি জোকিং ।

ঠান্ করে মানব ওর মুখে একটা চড় মেরে কথা বন্ধ করে দেয় । লোকটা বঝতে পারে একটু কড়া পাল্লায় পড়েছে এবার ।

দীপা কাঁদছে । মানব ওর দিকে চেয়ে রয়েছে । একথানা হাত ওর হাতে ।

...কৈদো না । এভরিথিং উইল বি অল রাইট ।

বলিষ্ঠ কণ্ঠস্বর—দীপা ওর সান্নিধ্যে এসে যেন কি এক পরম নিভর খুঁজে পায় । গাড়ীখানা এগিয়ে চলেছে—পিছনের সিটে বসে রয়েছে হাতবাঁধা লোকটা—মাঝে মাঝে ওর দিকে চেয়ে দেখছে মানব সঙ্কানীদৃষ্টিতে ।

সন্ধ্যার অন্ধকার ঝলসে উঠেছে হাই পাওয়ার মার্কারী ভেপার আলোয় সবুজ বনসীমা ঝলমল করছে । ক্লাবের আশপাশে যেন ইন্দ্রপুরীতে পরিণত হয়েছে ।

—ইয়েস মিঃ আচারিয়া । মিঃ রমণ ভারি গলায় এগিয়ে এসেই থমকে দাডালেন । লোকটার নাক ফুলে উঠেছে—বেশ প্রহারের চিহ্ন এদিক ওদিকে ; একটা চেয়ারে বসে আছে তাঁর ভূতপূর্ব পি-এ দীপা ব্যানার্জি । রাগের চিহ্ন ফুটে উঠেছে মানবের চোখেমুখে—টকটকে ফর্সা রং ঘন লাল ছাপ পরিস্ফুট । মানব বেশ কঠিন স্বরেই বলে ওঠে ।

—মেয়েদের কাজকর্ম—যাতায়াত করা কি বন্ধ হয়ে যাবে ?

—কেন ?

লোকটার দিকে চেয়ে বলে মানব—জিজ্ঞাসা করুন ওকে ।

সিকিউরিটি অফিসার মিঃ পাণ্ডে ঘরে ঢুকেই চমকে ওঠে । তার বিবস্ত্র অহুচর যে অমনি হাতেনাতে ধরা পড়বে তা কল্পনাও করেনি । মেয়েটিকে কালীপুর থেকে চলে যাবার জন্ত বাধা করবার পথ নিয়েছিল তারা—কর্তাদের খুশী করবার মানসে । কিন্তু সব যেন ফাঁস হয়ে গেছে ওই তীক্ষ্ণদী ইঞ্জিনিয়ারের সামনে । মানব বলে চলেছে ।

—আপনি একে জানেন মিঃ পাণ্ডে । আই নো হি ইজ ইন ইওর সিক্রেট 'পে' রোল । আপনি যদি ব্যবস্থা করেন—আমি চিফ এ্যাডমিনিস্ট্রেটরের সঙ্গেই দেখা করবো ।

চমকে ওঠেন মিঃ রমণ । ও সব পারে । অবাচ হয়ে যায় দীপা, এই সব অপকর্ম করবার জন্ত গোপনে কত ষড়যন্ত্রই না চলেছে । মিঃ রমণের চোখমুখ তামাটে হয়ে ওঠে—সিগারেটটা টানতে ভুলে গেছেন । মানবকে একটু সমীহ

করেন তিনি। শেষকালে কেঁচো খুঁড়তে গিয়ে সাপ না ওঠে। মিঃ পাণ্ডে তখনও তড়পাচ্ছে।

—একা ওর দোষ নয়; উনিও ওকে প্রভ্রম দিয়েছিলেন।

হীন মস্তব্যো চমকে ওঠে মানব।

—একজন পদস্থ কর্মচারীর যদি মেয়েদের সম্বন্ধে এমনি ধারণা হয় তাহলে আপনার কৈফিয়ৎ নেওয়া উচিত—ইউ আব অলসো গিল্টি। আই শ্যাল টেক দিস কেস টু ‘চিফ’।

ভয়ে আঁতকে ওঠেন মিঃ রমণ। গিল্টি। দীপার দিকে চাইলেন তিনি। দীপার দুচোখ অপমানের প্রতিবাদে জ্বলছে।

ধমকে ওঠেন মিঃ রমণ।

—মিঃ পাণ্ডে! আই লাইক টু হ্যাভ ইওব বিপোর্ট। মানবকে বলেন—আই অ্যাম সরি আচারিয়া, আই শ্যাল সি।

—থ্যাক ইউ স্যার। এর ফলাফলও জানাবেন আশাকরি।

বের হয়ে এল দীপাকে নিয়ে মানব। বাগে তখনও মনে মনে জ্বলছে—
শয়তানের দল।

মিঃ পাণ্ডে এগিয়ে গিয়ে লোকটার গালে একটা চড় কসে। গর্জন করতে থাকে—উল্লুকা বাচ্চা।

লোকটা নীরবে চড় হজম করে।

মিঃ রমণ ঘরের মধ্যে স্তব্ধ হয়ে বসে কি ভাবছেন। সব যেন গোলমাল হয়ে গেছে। একটু সাবধান হওয়া দবকার। ফোন তুলে ষ্টাফকে কি জরুরী নির্দেশ দেন।

গাছে গাছে বাতের বাতাস গুমরে ফেরে। ক্লান্তি-উত্তেজনার আবেশে ভেঙ্গে পড়েছে দীপা। মুখচোখ ওব ফ্যাকাসে বিবর্ণ।

—দীপা!

মানবের ভাকে মুখ তুলে চাইল নিবিড় ব্যাথাভরা চাহনিতে। আজ মনের নিঃশেষ ক্লতজ্ঞতা—অসহায় ভাব ফুটে ওঠে ওর দৃষ্টিতে। দীপা বলে ওঠে।

—এ তুমি কি করলে? চাকরিটা হারাবো শেষ পর্যন্ত।

—এ পাপ যাওয়াই উচিত।

—তারপর। নিজের অঙ্কার ভবিষ্যতের সম্বন্ধে শিউরে ওঠে দীপা।

—চাকরি ছাড়া আর পথ নেই আমার। সব হারিয়ে বাঁচবার জন্য আজ
ভাবতে হবে আমার।

মানব ওর হাতখানা তুলে নিয়েছে। উষ্ণ স্পর্শ। সব হাহাকার স্তব্ধ করা
একটু শান্তির আশ্বাস।

—তোমার সব দায়িত্ব নিতে পারবো দীপা।

চমকে ওঠে দীপা—না না। তা হয় না। হতে পারে না।

—কেন? ব্যাকুল কণ্ঠে প্রশ্ন করে মানব।

সব হারিয়েছে সে। টুহুবোদি গেছে, মাধুরী আজ ফিরে পেয়েছে তার
হারানো জীবন। একা মানব আজও নিঃশ্ব মনের দুঃসহ ব্যথা বয়ে চলেছে।

কাদে দীপা! কেটে গেল তার বসন্তবেলার ফুলগন্ধবহ বাতাস দূর
ক্রন্দসীর অসীমে।

এ ‘কেন’-র জবাব দিতে পারে না দীপা। দুঃসহ লজ্জাকর সে পরিচয়।
সে অপরাধী—সেই অল্পশোচনার আশুভন পুড়ে পুড়ে ছাই হওয়াই তার শাস্তি,
এর থেকে তার নিষ্কৃতি নেই।

অবাক হয়ে মানব ওর কান্নাভেজা মুখের দিকে চেয়ে আছে—কাছে
টেনে নেয়। নিবিড় আবেগে এগিয়ে আনে তার হালকা লাল আভা মাখা
ঠোঁট ছুঁটো।

সরিয়ে নিতে চায় দীপা—উচ্ছিষ্ট সে; হাহাকার করে ওঠে সারা মন।
জীবনের এত মাধুর্যশ্রী-তার জন্ম পথের বাঁকে সঞ্চিত ছিল ভাবেনি, অমৃতের স্পর্শ
পাবার স্বপ্নও দেখেনি কোনদিন।

দীপাকে বাড়ী আসতে দেখে মা এগিয়ে আসে। ব্যাকুলতা ওর চোখে-মুখে।
গাড়ী থেকে মানবকে নামতে দেখে বিস্মিত হয়।

—তুমি!

মানব প্রণাম করলো খানপরা মূর্তিটাকে। স্তব্ধ কান্নায় ভেঙ্গে পড়ে মিসেস
ব্যানার্জি। আজ শ্রীহীন—সর্বহারা মূর্তি। সেই গুজ্জল হাসি মুছে গেছে মুখ
থেকে; অতীতের একটা ধ্বংসস্থল।

—এসো।

মধ্যবিস্তৃ সঙ্গারে ছবি। মানবের চোখের সামনে আগেকার সেই সমৃদ্ধতার
দিনগুলো ভেসে ওঠে।

—আজ সব গেছে বাবা। তবুও মরতে পারিনি।

মানব উঠানে তুলসীমঞ্চের দিকে চেয়ে আছে—মাটির প্রদীপের বুকজ্বলা
ধূমায়িত শিখা আধারে জ্বলছে দপ্, দপ্, করে একা।

কি যেন বলতে গিয়েও প্রকাশ করতে পারেন না মিসেস ব্যানার্জি।

বাতালে একটা মিষ্টি স্ববাস—পরিচিত সৌরভস্মৃতি। দীপা আজও চলে

সেই তেল ব্যবহার করে। মানবের মনে পড়ে অতীতের দিনগুলো—টুহুবোদিকে এডিয়ে কলেজের ক্লাস পাগিয়ে ওদের হুজনের সিনেমা যাওয়া।

দীপা হাসতো—যদি তোমার বৌদি দেখে ফেলে ?

—দেখুক !

—ইস। দীপা চোখ পাকাতো।

আজও সেই দিনগুলো হারায়নি মানব। ওর চোখের কালো তারায় সেই দিনের আনাগোনা।

মাধুরী অবাক হয়ে যায়। তাই চাইছিল সে মনে মনে। এখান থেকে সরে যাবার ইচ্ছা তার পূর্ণ হয়েছে। মানব। ভুল করেছে দীপা ! আরও কতজন, চোখের সামনে দেখেছে ভক্তার মাধুরী চ্যাটার্জি তাদের অসহায় কান্না আর অশ্রুশোচনা। ভুল করতে সে চায় না। ছোট্ট পাওয়া নিয়েই তৃপ্ত থাকবে সে।

তাকে বদলি করা হয়েছে বিহারের কোন হাসপাতালে। নটেব্বরও চেষ্টা করছে তার কোম্পানীর কাজে ওই দিকে বদলী হতে। হয়তো হয়ে যাবে।

মাধুরীর কথায় বলে ওঠে—হয়তো যেতে পারবো।

মাধুরী ওর দিকে চেয়ে আছে। ফড়েপুকুরের নটেব্বর চাটুয্যো। রেশুড়ে মাতাল নটেব্বর আজ আবার মাছুষ হয়েছে—দুর্বার মাছুষটাকে নোতুন করে গড়ে তুলেছে মাধুরী।

কালীপুর তাকে বার্থ সন্ধিত করেনি।

লারাদিন ছুটি। আজ আর আপিসে বের হয়নি দীপা—বিছানায় পড়ে পড়ে আকাশ-পাতাল ভাবছে। একটা হালকা উপভাস পড়তে চেষ্টা করে—মাঝে মাঝে মনে ঝাঁকবন্দী চিন্তার ঢেউ এসে সব গুলটপালট করে দেয়।

মা কল্যাণেশ্বরী মন্দিরে পূজা দিতে গেছেন—মেয়ের মতিগতির অস্থিরতায় বড় ভাবনায় পড়েছেন তিনি। গজ-গজ করেন।

—জলে পুড়ে মল্লম দীপা। এত জ্বালা মাছুষে নয় না।

সেকেলে ধরনের মাছুষ—আজকালকার যুগকে মানতে বাধা পড়ে পড়ে।

কয়েক বৎসর আগেকার একটা স্মৃতি মনে পড়ে—বিলেত থেকে সব ফিরেছে মানব। দীপাকে সন্ধ্যাপনে বলে ওঠে।

—ভেবেছিলাম তোমাকে এসে দেখতে পাবো না।

—কেন ?

—আর কোন সংসারে গিয়ে গিন্নীবান্নি হয়ে বসেছো !

সেদিনের মানবের চোখের ব্যাকুল চাহনি ভোলেনি। ভোলেনি সেই রাত্রে
স্মৃতি যেদিন মানবকে সে নিষ্ঠুরভাবে প্রত্যাখ্যান করেছিল।

আমলকীর পাতাঝরা সাদা ডালে একটা কালো কাক কর্কশস্বরে চেঁচাচ্ছে।
অস্তসূর্যের লাল ফিকে আলোয় সব হারিয়ে গেলো দিনের সঞ্চয়।

দরজায় একটা গাড়ী থামার শব্দ শুনে চমকে ওঠে। কয়েক মাস আগেও
ওটা ছিল অতি সাধারণ নিত্যনৈমিত্তিক ঘটনা, কত মহাজন আসতেন ক্লাব
গানের জলসা থিয়েটার কালচারাল ফাংশানের বাতিক নিয়ে। এখন সে কালীপুরের
কনডেম্‌ড অফিসিয়াল; বসএর মুখোমুখি ঝগড়া করে এসেছে কাল—ছমকি
দিয়েছে সিকিউরিটি অফিসারকেও তার দরজায় ভুলেও কেউ ছায়া মাড়াবে না।
কালো খাতায় নাম উঠবে গোপনে গোপনে।

বলিষ্ঠ পদক্ষেপ, একটু জড়তা দ্বিধা নেই। এগিয়ে আসছে শব্দটা। বিছানায়
উঠে বসল দীপা। শরীরের সমস্ত রক্ত যেন চলকে মুখে উঠেছে।

কাঁপা গলায় বলে—এসো।

দরজার কাছে দাঁড়িয়েছে মানব—দীর্ঘ দশাসই চেহারা, চোখমুখ স্বক্‌সকে,
হাসির ছোঁয়ায় সুন্দর হয়ে উঠেছে।

—শরীর খারাপ ?

এগিয়ে এসে বিছানার কাছে বসলো মানব। ওর শিথিল হাতখানা তুলে নেয়
নিজের হাতের শক্ত মুঠোয় ;

তৃষ্ণা ! মানব আজ স্তব্ধ দৃষ্টিতে ওর দিকে চেয়ে থাকে। পাখীডাকা রংলাগা
সন্ধ্যা। শালবনে জাগে চেলীপরা দিনের নিঃশেষ আলিঙ্গন রহস্যময়ী রাত্রির
দেহলীতে।

তৃষ্ণা ; সন্তাপবিহীন বৈশাখীদিগের তৃষ্ণা ওর চোখে—ওর বুক জুড়ে। সবাই
ওকে ব্যর্থ করে গেছে। জমাট পাথরের নীচে চাপা পড়া ভালবাসার উৎস
প্রকাশপথ খুঁজে উত্তরোল। দীপা শিউরে ওঠে,

—কাকে কি সম্মান দিতে এসেছো তুমি জানো না। জীবনের দুটো পাত্রে
এতবড় করুণা-প্রীতির সঞ্চয় নেবার সব দাবী আমি হারিয়েছি।

—কেন ? মানব ব্যাকুল কণ্ঠে আস্থান জানায় তাকে।

—প্রশ্ন করোনা মানব। দুঃখ পাবে ! তুলে ভরা আমার অতীত।

—অতীতকে তুলে যাবো আমরা।

—অতীতকে অস্বীকার করেই বর্তমান কাল। সেই আমি আর আজকের
আমি একই মানুষ। তোমার অতীত বংশধারাকে সেদিন সন্তুষ্ট করতে পারিনি,

টুহুদির সম্বন্ধে হীন ধারণা করেই তোমায় ফিরিয়ে দিয়েছিলাম।

—আমি তাকে স্বীকার করে নিতে পারি দীপা।

—তোমাকে এতবড় অপমান করতে পারবো না মানব। আমি—

কথাটা বলতে গিয়ে থেমে যায় দীপা; ছুঁপিয়ে ছুঁপিয়ে কাঁদছে। মানব অবাক হয়ে চেয়ে থাকে তার দিকে।

চোখের উপর ভেসে ওঠে হাসপাতালের সেই কয়েকটি আবছা স্বপ্নে আসা মুহূর্ত। কোন রক্তবীজ জড়িয়ে উঠেছিল তার কোষে কোষে। ধিক্কার দিতে থাকে দীপা।

—ছিঃ ছিঃ! ছুঁয়োনা, ছুঁয়োনা মানব। ভাবতাম যারা সেকলে বোকা, এতবড় বিপদে তারা ই আত্মহত্যা করে, কিন্তু আজ দেখছি এই তাদের একমাত্র পথ। এই জালা সারাজীবন বয়ে বেড়াতে হয় না—তারা নিষ্কৃতি পায়।

স্তব্ধ হয়ে বসে আছে মানব, দীপা কাঁদছে। মানব চমকে উঠেছে।

—কি করবে?

—এখান থেকে, তোমার সামনে থেকে সরে গিয়ে কোথাও একটা চাকরির চেষ্টা করবো। যেমন করে হোক দিন চলে যাবে। এতদিন নিদারুণ অবহেলা আর অপমানে তোমাকে ফিরে যেতে হয়েছে—আজ ফিরে যাবার পালা আমার। এ পাপের শাস্তি পেতেই হবে।

মানব বলে ওঠে—পাপ! এই জীবন এগিয়ে চলেছে বিজ্ঞানের যুগে হু হু করে। মঙ্গলের সঙ্গে অমঙ্গলও রয়েছে জড়ানো। হু হু স্বাভাবিক মন এই অকল্যাণ অন্তর্ভকেও সহজভাবে মেনে নেয়। কিন্তু একা তোমার কথা নয় দীপা, তোমার মত হাজার হাজার মেয়ে আজ জীবনের সমস্ত ক্ষেত্রে এগিয়ে এসেছে প্রগতিবাদী দৃষ্টিভঙ্গীর দাবী নিয়ে—কতক বাধ্য হয়ে; কিন্তু মনের অতলে খুঁজে দেখো—আজও সেই জীর্ণ মধ্যবিস্তের পুরোনো সংস্কারগুলো গেঁথে বসে আছে। গায়ে গা ঠেকে তার সত্যিকার দাখিল—সামান্য একটা ভুল যদি কোথাও করে বসে তাকে শুধরে সোজা হয়ে দাঁড়াবার সামর্থ্য তার থাকে না—জলে পুড়ে মরে মনে মনে দিনরাত। মনের এই জীর্ণতা ছাড়তে হবে দীপা—নইলে এই প্রগতি, এই সভ্যতার চাপেই মারা পড়বে। গরুর গাড়ীর সঙ্গে মোটরএঞ্জিন লাগালে যা হয়—সমাজের, আমাদেরও তাই ঘটবে।

—উচ্ছৃঙ্খলতাকেও স্বীকার করবে তুমি?

—ভুল আর উচ্ছৃঙ্খলতা এক নয়।

মানব ওর দিকে চেয়ে আছে দীপার চোখে কি যেন আশার আলো মানবকে আজ নোতুন করে চেনে। সামন্ততান্ত্রিক বাবার বিরুদ্ধে মাথা তুলে দাঁড়িয়েছে—

পুরোনো জীর্ণ অতীতকে নিঃশেষে ধ্বংস করে বর্তমানের প্রতিষ্ঠা করেছে।

অন্তপূর্বা দীপার অতীত ইতিহাস জানে মানব; বাবার বিরুদ্ধে মাথা তুলে নিজের মতকেই বড় দেখেছিল, টুহবোদির কথা মনে পড়ে—সেও প্রতিবাদ করেছে চিরচরিত অত্মায়ের। মহৎ জীবনকে স্পর্শ করেছে নিজের হুঃখ—ক্ষমার আলোয়।

দীপার হুচোখে স্নান অগ্নি। মানবেব বৃকে মাথা রেখে কাঁপছে, ফোপানীর বেগে কাঁপছে ওর দেহ ঝড়েকাঁপা পাতার মত।

দূরে হু'একটা তারা ফুটে উঠেছে আকাশ-কোলে। পাখীর গানে গানে ভরা সন্ধ্যাবেলা। দীপা আজ নিঃশেষে নিজেকে ভুলে যেতে চায় ওর প্রীতির বাঁধনে।

কুচিফুলের সাদা সাদা গুচ্ছ রাতের বাতাসে বেহায়া গন্ধ মেলে ধরেছে। দূরে দূরে আলো জ্বলছে ভীকু চাহনিতে।

বাসন্তী ওদের দুজনকে আসতে দেখে ফিরে চাইল, দীপা আর মানব।

মায়ের ডাকে ফিরে চাইল ওরা। বাসন্তী বলে ওঠে—মাধুরী বদলী হয়ে যাচ্ছে দেখা করতে এসেছে।

দাঁড়াল মানব—দীপা যেন সামনে সাপ দেখেছে, চমকে ওঠে! কি এক হুঃসহ লজ্জার ছায়া ফুটে ওঠে ওর মুখেচোখে।

—চলে যাবার আগে ভাবলাম দেখা করে যাই।

একটি মুহূর্ত। মানব ওর দিকে চেয়ে রয়েছে। মাধুরীর মুখেচোখে তৃপ্তি, আনন্দের আভা। কোথাও হুঃখের—বিদায়ের বেদনার ছাপ নেই। কালীপুরের শ্রুতি—মানবের সঙ্গে পরিচয়—সব আজ হারিয়েও খুশী হয়েছে। সেই খুশীর আভা ওর কথার হাসিতে।

—দীপা ব্যানার্জি। পরিচয় করিয়ে দেয় মানব।

মাধুরী ওর দিকে চেয়ে থাকে, মনে পড়ে আবছা রাজির কথা; ওকে চেনে মাধুরী হুঃসহ বেদনার মধ্য দিয়ে। মানবের কথা শুনে চমকে ওঠে মাধুরী। দূরে কোথায় যেন একটা প্রচণ্ড শব্দে দেওয়ালে ধাক্কা খেয়ে চুরমার হয়ে গেল একটা সার্সি বন্বন্ব শব্দে; বাতাস ক্ষেপে উঠেছে। মুছে গেছে তার বুক থেকে সব ফুলগন্ধ। মানব বিয়ে করছে ওই দীপাকে। যার অতীত পরিচয় জানলে শিউরে উঠবে মানব।

দীপা কি এক কঠোর অগ্নিপরীক্ষার সামনে দাঁড়িয়েছে! ওর জীবনের মন্ত ভুলের সঙ্গে ওই অপরিচিতা নারীও জড়িত। পায়ে পায়ে সরে এল অন্তদিকে, নীচু গর্জের ভিতর দিয়ে ট্রেনখানা ছুটে গেল হু হু ঝড় তুলে।

এক ভুল বার বার তার জীবনে এমনি অপমানের মুখোমুখি আনবে কল্পনা করেনি।

মাধুরীর চোখে রুদ্ধ বিশ্বয়, মানব বেশ ধীর কণ্ঠেই বলে ওঠে—ওর পরিচয় সবহ জানি মাধুরী, তুমি অবাক হয়েছো। কিন্তু ক্ষতটাকে লুকিয়ে রাখলে তোমার ডাক্তারী শাস্ত্রে লেখে যে যা সেরে ওঠে না। তার জ্ঞান চিকিৎসা করা দাবকার। এডিয়ে গেলে সমস্তার সমাধান কোনদিনই হবে না।

মাধুরীর মনে তবু কোথায় সন্দেহ, বলে ওঠে

—প্রেম বড় স্বার্থপর মানব। কোন পুরুষই চায় না তাব প্রিয়া অল্পপূর্ণ হোক—স্ত্রীও চায় স্বামী হোক দেবতার মত।

মানব জবাব দেয়—পবম্পর একটা বোঝাপড়া থাকলে এগুলো সহজ হয়ে আসে মাধুরী, প্রেম মনের নীচতাকে দূর করে। স্বার্থপর কুসংস্কারাচ্ছন্ন করে তোলে না মানুষের মন। নইলে তুমিও নটেব্রের মত এক দুর্দান্ত লোককে স্বীকার করে নিতে পারতে না কোনদিনই। নটেব্রও বদলে গেছে। আজ পরম্পরের প্রেমে বোঝাপড়ার তোমরা স্থখী হয়েছ। স্বতরাং অতীত ভুল আর ইতিহাসটাই যে বার বার মানুষের স্বথের পথে অন্তরায় হয়ে দাঁড়াবে এটা বড় কথা নয়। সমস্ত বাধা দুঃখ অমঙ্গলকেও সহজ ভাবে স্বীকার করে নিয়ে তারই মধো বাঁচবার পথ খুঁজতে হবে মানুষকে।

মাধুরী মানবের দিকে চেয়ে আছে। সমস্ত জেনেত্তনেই সে দীপাকে স্বীকার করে নিতে চলেছে, আবছা আলোয় ওর দৃঢ় মুখখানা দেখা যায়। বলে চলেছে মানব।

—যে ঝড় ঘর উড়িয়ে নিয়ে যায় সেই ঝড়ই জীর্ণ পাতা ঝরিয়ে নোতুন পাতার ঠাই করে, সব মালিগা মুছে দেয়। সর্বনাশা দামোদর ছিল বাংলার পুঞ্জীভূত কান্না। সেই বস্তার উদ্দাম শ্রোত আজ মাঠে মাঠে ফসলের স্বপ্ন আনে। যে উদ্দাম জীবন ব্যর্থ হয়ে নিজেকে ধ্বংসের দিকে এগিয়ে দেয় তাকে বাঁচবার পথ করে দাও সেও ফুলে ফলে তার চারিদিক সাজিয়ে তুলবে মাধুরী—আমি এই সত্যে বিশ্বাস করি।

টুহুবোদিকে মনে পড়ে। তার সাহচর্য প্রীতি এগিয়ে দিয়েছিল মানবকে এই প্রতিষ্ঠার পথে, কঠিন সংগ্রাম করতে উৎসাহ দিয়েছিল। সেই টুহুবোদির চারিপাশেও আজ ফুলে ভরা সংহার—শান্তির সন্ধান।

গাড়ীতে দেখা সেই রূপবতীকে আজও ভুলতে পারে না মানব। বিন্দুমাত্র অন্তর্য টুহুবোদি করেনি। মাধুরী আজ পথ পেয়েছে—ওর যাবাবর জীবনে বেঁচে থাকার একটা অর্থ খুঁজে পেয়েছে আবার।

মাধুরীর মনে সব যেন একাক্ষর হয়ে যাচ্ছে। রাত্রির হ হ বাতাস তখনও ফুলের সৌরভ নিয়ে পথ খুঁজে মরে। হরীতকী গাছের ঘন পাতার আড়ালে বাতজাগা পাখী ডানা ঝাপটিয়ে ডাক পাড়ে।

—তোমায় ঠিক চিনিনি মানব। তোমার দৃষ্টিভঙ্গী—তোমার মতকে সম্পূর্ণ স্বীকার করতে না পারলেও তোমায় শ্রদ্ধা করি।

ট্রেনের দেরী নেই। বেরুবার আয়োজন করে মাধুরী।

মানব স্থির দৃষ্টিতে চেয়ে থাকে মাধুরীর দিকে। কালীপুরের অতীতে মালোরান্ধা জীবনের ক'টা দিন—সেই শান্ত মধুর নির্জন বস্ত্র পরিবেশ—প্রেমের প্রথম অহুভূতি—একটি স্মৃতি আজ বিদায় চায় তার কাছে। সে দিন—সেই জীবন গেছে। চলে গেছেন কন্দর্প আচাই—নিবারণ বাবু; সেই ঐর্ষ্য জীবনের গ্রহরী অতা ডোম, পরমা আরও কত কে। তাদের সঙ্গে হারিয়ে গেছে ভুবনপুরের ডাক্তার নিরু্যম নীল আকাশ—কালীপুরের কুমারী অরণ্য। সেই দিনের নর্মমাখী—আজ চলে গেল।

পায়ের শব্দে ফিরে চাইল মানব, দীপা ঢুকছে।

—কি ভাবছো ?

জবাব দিল না মানব, চেয়ে থাকে ওব দিকে। অতীতের পরে এসেছে বর্তমান। মানব এগিয়ে আসে--মনে তার স্বরের রেশ। দীপাকে কাছে টেনে নিয়ে দেখছে তাকে—একরাশ কৌকডান চুল; ঘাড়ের কাছে ছ' একগাছি লতিয়ে বয়েছে। চোখের তারায় কি এক গভীর টলটলে মাদকতা।

নিজেকে হারিয়ে ফেলতে চায় মানব ওর গভীরে।

দীপা ভুলে গেছে তার সব জ্বালা, আবেশে ছুঁচোখ বুজে আসে তার। ওর গালে লাগে কার উষ্ণ নিঃশ্বাস।

—নাইবা ফিরলে আজ। মানব আবেগভরে বলে ওঠে।

—বারে ! ওর দৃষ্টিতে কোঁতুকভরা ঔজ্জ্বল্য।

কি ভিধি জানে না, জানলার বাইয়ে হরীতকী গাছের সবুজ পাতায় উছলে পড়েছে চাঁদের আলো। পাখীগুলো ডেকে ওঠে কাক জ্যোৎস্নায়। বনভূমির প্রশান্তি ফিরে এসেছে রাত্রির গভীরে। সব ক্লান্তি হাতাকার মুছে গেছে আকাশ বাতাস অরণ্য স্মৃতিকার বুক থেকে।

মানব—দীপা ওই অথও প্রশান্তির গহনে নিঃশেষ হয়ে গেছে।

বন্দী দেবতা। মৃত্যুমুখর নদী আজ বন্দী হয়ে নোতুন জীবন গড়ে তোলার কাজে লেগেছে। বিস্তীর্ণ নদীর বুকে সাদা রং করা ব্যারেজ। লকগেটের

মধ্য দিয়ে দামোদরের ক্ষীরধারা লাফিয়ে পড়ছে ক্যান্ডেলে । এগিয়ে চললো অমৃতসঞ্চয় নিয়ে বন্ধুর গৈরিক রুম্মাটির দেশে—বুকে ওর ফসল ফলানোর স্বপ্ন—নোতুন জীবনের ছন্দ । উছলে পড়ছে নদীর বুকে জলরেখা—জমছে ফেনার ছিটে ; সূর্যকিরণে সাত রং-এর রামধনু আঁকা ওর সারা গারে । স্তরে স্তরে উঠে গেছে সাদা বাডীগুলো ; মামড়া-কালীপুরের নিমূলপ্রার সবুজের সীমায় বড় বড় চিমনী থেকে ধোঁয়া বের হচ্ছে—জলসীমা কাঁপিয়ে বাজছে বিকট স্বরে ‘ভোঁ’-‘ভোঁ’ ।

ব্যারেকের উপরে ছুটে চলেছে বকবকে গাড়ী, যাত্রীবাহী বাস ।

কত পথিক আসে যায়—কত অচেনা অজানা মুখ ।

এদের ভিড়ে মিশে একদিন নিতাই ঘোষের মেয়ে ভাসানী আর ব্রজও এসেছে । ভুবনপুর নিশ্চিহ্ন হয়ে গেছে জলের অভলে ; মুছে গেছে, ডুবে গেছে কন্দর্প আচাইএর নাম, ভাসানীর সেই ক্লেশাক্ত পরিচয় ।

—এ কোথায় এলাম রে । ব্রজ খুঁজে পায় না সেই মানাচর, শালবনের বাইরে কাঁকুরে ডাক্তা ।

মেঘঢাকা নির্জন বৈকালের আকাশে শেষ হাঁসের পাখার সাঁই সাঁই উধাও ডাক দিগন্তে হারিয়ে গেছে । চারিদিকে আজ কারখানা কল—আর অচেনা মাহুয । হঠাৎ ওদিকে নজর যেতে থমকে দাঁড়াল । সেইদিনের ঘন সবুজ বাঁকড়া কদমগাছটা মাত্র দাঁড়িয়ে আছে ; বর্ষার ছোঁয়া সে ভোলেনি আজও ।

ওর সবুজ পাতা ছেয়ে ফুটেছে গাট হলুদ রং রোমাঞ্চলাগা ফুলগুলো । ভুবনপুরের বাঁধের শেষ সাক্ষী হয়ে টিকে আছে ওই ফুলভরা কদমগাছ আর গাট হলুদ ফুলগুলো । বছর বছর ওরা আসে—বর্ষার কালোমেঘের দিকে চেয়ে থাকে হলুদ চাহনি মেলে । আবার বরষে যায় ।